






LVII

E

46







# HISTORIA ZARINGO BADENSIS

AUCTOR


IO. DANIEL SCHOEPPFLINUS

HISTORIOGRAPHUS FRANCIAE

---

TOMUS TERTIUS

---



---

CAROLSRUHAE  
EX OFFICINA MACKLOTIANA

---

MDCCLXV.



# CONSPECTUS TOMI III.

## I.

### LIBER V. BADENSIS.

#### L I N E A   B E R N H A R D I N A V E L   B A D A - B A D E N S I S .

B E R N H A R D U S III. Christophori I.

Fil.   C A P. I.   -   -   pag. 3.

P H I L I B E R T U S Bernhardi III. Fil.

C A P. II.   -   -   pag. 19.

C H R I S T O P H O R U S II. Philiberti Fra-

ter   C A P. III.   -   -   pag. 41.

P H I L I P P U S II. Philiberti Filius

C A P. IV.   -   -   pag. 53.

E D U A R D U S F O R T U N A T U S Chri-

stophori II. Fil.   C A P. V.   -   pag. 63.

Tom. III.   (")

WILHELMUS Eduardi Fortunati Fil.	
CAP. VI - - -	pag. 83.
<u>FERDINANDUS MAXIMILIANUS</u>	
<u>Wilhelmi Fil. CAP. VII -</u>	<u>pag. 137.</u>
LEOPOLDUS WILHELMUS Wil-	
helmi Fil. CAP. VIII. -	pag. 147.
<u>HERMANNUS Wilhelmi Fil.</u>	
<u>CAP. IX. - - -</u>	<u>pag. 157.</u>
LUDOVICUS WILHELMUS Fer-	
dinandi Fil. CAP. X. -	pag. 181.
LUDOVICUS GEORGIUS Ludovi-	
ci Wilhelmi Fil. CAP. XI. -	pag. 283.
<u>AUGUSTUS GEORGIUS Ludovici</u>	
<u>Wilhelmi Fil. CAP. XII. -</u>	<u>pag. 301.</u>

---

## II.

<u>NUMISMATUM BADA - BADEN-</u>	
<u>SIIUM EXPOSITIO -</u>	<u>pag. 305.</u>

### III.

ORTENAVIAE NOTITIA - pag. 333.

---

## ORDO TABULARUM GENEALOGICARUM

### TAB. I

L I N E A B E R N H A R -

D I N A Pars I. - pag. 2.

### TAB. II

E A D E M L I N E A

Pars II. - - - pag. 83.

---

## ORDO TABULARUM AERI INCISARUM.

ICHNOGRAPHIA URBS RASTAD. - pag. 242.

(C) 2

PALATIUM RASTADIEN-

SE - - - pag. 243.

NUMISMATUM BADENSIIUM

BERNHARDINAE LI-

NEAE TABULAE XII. pag. 305.



HISTORIAE



**HISTORIAE**  
**ZARINGO - BADENSIS**  
**LIBER QUINTUS**  
 IN QUO  
**BERNHARDINA LINEA**  
 SIVE  
**BADA - BADENSIS.**

---



*Tom. III.*

Tertium Historiæ Badensis, scribendum quod aggreg- Nexus  
 dior, Volumen, florentissimæ Gentis duas lineas Hisor.  
 exponit, quæ ad nostram usque durant ætatem,  
 adeoque Christophorianam omnem absolvit Pe-  
 riodum.

**A**

Introitus.

Christophorus, quo potentiores in Marchia sua Principem Bada non vidit, nimio filiorum suorum inductus amore, Marchiam, quam solus omnem possedit, quam indivisibilem reddere debuerat, triepitem reddidit. Bicipitem tamen esse fata voluerunt.

Ab eo enim Bernhardus, Philippus, Ernestus, triga filiorum, trium domus Badensis linearum constituti sunt fatores.

Sexennio post patrem Philippus, masculæ proles expers, quam fati cessisset, ad duas redactus est lineas Badensium sanguis. Utraque continet decem Marchiones regentes.

Prior in Badensem & Rodemacheranam subdividi cœperat; sed Rodemacherana seniori mox in Marchia successit.

Mortuo Carolo II. Durlacensis linea tres alias formaverat, quæ & ipsæ, ad Bada-Badensis exemplum, mox redierunt in unam, quam natu minimus quoque condiderat fratrum.

Binc hæ superstites lineæ à fatoribus suis *Bernhardina & Ernestina*; à locis, quæ inhabitaverant, *Bada-Badensis & Bada-Durlacensis* vocatæ. Pforzhemium enim regiminis sui sedem Carolus II. cum Durlaco computavit. Bada Rastadium sedem suam transtulit Ludovicus Wilhelmus, Marchio Bada-Badensis, ejus successores Bada-Rastadienses appellares.

A Bernhardina hac seu Bada-Badensi, quæ senior, ducendum est Historicæ narrationis initium.





## LINEA I

PHILIBERTUS n. 22. Jan. 1536. Luther. Relig. † in prælio Moncontoriensi 3. Octobr. 1569. Ux. Mechtildis, Wilhelmi Ducis Bav. filia 1557. † 1565. d. 2. Oct.		ebr. 1537. Aug. 1575. 1564.
1. JACOBÆA n. 16. Jan. 1558. Ux. Joh. Wilhelmi Ducis Julia- censis 1585. capite truncata A. 1597.	2. PHILIPPUS II. n. 19. Febr. 1537. Cathol. Relig. † 17. Jun. Aug. 1567. sponfus Sibyllæ Ducis Willov. 1620. liacensis filia.	
3. ANNA MARIA n. 10. Jan. 1562. Ux. Wilhelmi de Rosenberg 1578. † 1580.	4. MARIA SALOME n. 1. Febr. 1567. Ux. Ludovici Landgr. Leuchtep. in bello † 1600.	ES CAROLUS Eques Melit. † 1600.
ANNA MARIA LUCRETIA nat. 7. Apr. 1592. † Castellauni A. 1654. d. 12. Sept.	WILHELMUS TAB.	CAROLUS Aug. 1598. 1626.
1. CAROLUS WILHELMUS EUGENIUS natus 1627. Canonicus Colonienfis † 1666.	1. LEOPOLDUS † infans	2. Tres alii † infan- tes.

## CAPUT I.

## BERNHARDUS III.

A. 1527 - - 1536.



## §. I.

ernhardus, secundo genitus Christophori <sup>BERNH.</sup>  
<sup>III.</sup>

Marchionis filius, (a) A. 1474. d. 7. Oct.  
 lucem aspexit. Educatus est apud Belgas  
 in Maximiliani I. Regis Romanorum au-  
 la cum filio ejus Philippo Austriaco, ac

bonis litteris imbutus; consortio & amicitia ejus usus constanti.  
 Ernestus Ferreus, Austriae Dux, communis Philippo proavus fue-  
 rat atque Bernhardo. Catharina Austriaca, proamita Philippi,  
 fuit avia Bernhardi, qui aetate nonnisi quadriennio Archiducem  
 superavit Philippum. Consanguinitas firmiorem inter eos reddi-  
 dit amicitiae nexum. Archidux Joannam, Hispanicae Monarchiae  
 heredem, quum duxisset uxorem, Ferdinandum Catholicum &

Tom. III.

A 2

(a) Jacobus primogenitus, ad ecclesiam transiens, Elector Trevirensis evasit,  
 quem Tom. II. p. 311, exposui.

BERNH.  
III.

Isabellam socerum socrumque quinquennio post invisurus, magno cum comitatu, per Galliam ad Hispanos iter A. 1501. Novembri mense suscepit.

## §. II.

Iter ejus  
Hispani-  
cum.

Bernhardus noster cum Friderico Palatino, qui dein factus Elector, & cum Henrico Nassovio, aliisque Belgicæ juventutis Principibus in itinere hoc Philippi comites fuere perpetui.

Philippus magnis solemnitatibus ab Hispaniæ Rege & Regina exceptus, eosdem solemnibus quoque convivio excepit Toleti. In festivitate hac Bernhardus functus est prægustatoris officio. Paulo post Archidux cum uxore Joanna Castiliæ & Arragoniæ regna adivit, à magnatibus & populis ut futuri Principes agnoscerentur.

At Januario mense A. 1503. cum Philippo, qui Principis Hispaniæ nomine appellandus deinceps, Bernhardus in Belgium reversus est. (b)

---

b) HUBERTUS THOMAS Leodius *Annal. de Vita Friderici II. Palatini* Lib. II. p. 29. FUGGERUS in *Specul. Austr.* Lib. VI. Cap. 5. p. 1137. PONTUS HEUTERUS *Reverus Austr.* Lib. VI. Cap. 3. p. 140. GERONYMO ZU RITA *Historia del Rey Don Fernando Catholico* Tom. V. Lib. IV. Cap. 55. & Lib. V. Cap. 5. FERRERAS *Histoire d'Espagne* Tom. VIII. p. 220.

Isabella, Castiliæ Regina, focus Philippi, anno sequente moriens, Castellani regni folium filiae suæ Joannæ, quæ in Hispania manserat, generoque Philippo reliquit; qui paulo post & ipse decedens, Carolo filio, sexennali tum puero, amorem suum erga Bernhardum instillavit. Carolus A. 1519. Cæsareum quoque folium conscendens, constanti eum semper prosecutus est amore.

## §. III.

**D**ebilitas mentis, qua A. 1516. laborare jam cœperat Christophorus Marchio, filios induxit, ut terrarum, testamento patris illis assignaturam, regimen ipsi susciperent. Maximilianus Imperator regimen filiorum eodem anno probavit. Hereditatis partem portio.

Bernhardo tum suberat Marchica Spanheimensis Comitatus pars; suberant Luxemburgica Dominia, Rodemachera, Reichersperga, Herspringa, Ufeldinga, quin & Dominia Puttingen, Ruland, ut & Schœnenbergense Dominium, ab Electore Trevirensi oppigneratam, sed brevi post ab eodem redemptam.

Ab harum terrarum regimine fratrem Bernhardum, nescio quam ob causam, circa A. 1519. expulit Philippus, possessionem earum per octennium obtinens.\* Anno enim 1527. quo mortuus est Christophorus pater, transactio inter hos fratres, Georgio Montisbeliardæ Comite conciliatore, Wormatiæ inita, qua divisio patris, A. 1515. facta, denuo fuit firmata. Lites cum Philippo & Rudolpho fratribus.

BERNH.  
III.

Bernhardo in terras Philippi, si sine masculino herede decederet, jus quoque servatum. Conventum denique, ut tres fratres viribus conjunctis laborarent, quo Luxemburgici Ducatus Gubernium, à Philippo, patris nomine, huc usque administratum, acciperet Bernhardus. Luxemburgica administratione durante, Benedictinam S. Vitonis (S. Vannes) Abbatiam Viroduni A. 1523. Caroli V. Imp. jussu in protectionem suscepit Philippus Austriacus. Cæsarem inter ac Franciscum I. tum fuerunt lites super Rarecurtii dominium, quod ad monachos Vitonianos pertinerat, cujus supremum dominium ad Galliam pertinere Franciscus contendit. (c)

Inter hæc Bernardi nostri frater Rudolphus, Custos & Portarius Argentinensis atque Colonienfis Ecclesiarum, ex testamento paterno à fratribus nonnulla repetiit. Intercessit transactio, qua satisfactum Rudolpho, ita tamen, ut & ipse juribus suis quibuscunque in patris, matris, fratrum & sororum hereditatem denuo renunciaverit.

#### §. I V.

Lites  
cum Er-  
neſto  
Darl. de

In fratrum regnantium triaga Philippus dotibus animi corporisque præcipuus, præter omnium expectationem mascula sine prole A. 1533. decessit; Bernhardo, Ernestoque fratribus terras

---

(c) BERTHOLET *Histoire de Luxembourg* Tom. VIII. p. 16.

suas aquis partibus testamento relinquens; quod d. 14. Maji moriturus condidit Mülbergæ. Superior & inferior Marchia Badensis, dimidia Comitatus Ebersteinii, Dynastiarum Lahre, Mälbergæ & Geroldseckii pars, Altensteig, item Beinheim; bona nempe avita, ut & Mundelshemium, aliaque adquisita loca Philippinam hereditatem composuerant.

BERNH.  
III.

hereditate Philip-  
pi.

Non discordes ab initio visi sunt fratres heredes. Nummus, ipso Philippi morientis anno, jussu eorum percussus, jugata Bernhardi & Ernesti capita sistit, cum Epigraphe:

# GERMANORUM FRATRUM CONCORDIAE

## SACRUM. (d)

Philippicarum terrarum administratio inter fratres fuerat ab initio communis. At anno sequenti placuit, ut divideretur hereditas. Ludovicus Pacificus, Elector Palatinus, constitutus est inter fratres conciliator. Præcipui quid ex hereditate hac sibi deberi Bernhardus, ut primogenitus, contenderat. (e) Examen hujus juris ad ordinarium judicem remisit Elector; fratrique seniori Badam, juniore Pforzhemium, pro Principatus sede proposuit. (f) Sed fratribus non placuit Electoris sententia.

(d) Nummum hunc Tabulæ Badensium Numismatum, quas subiungimus, exhibent.

(e) Udalr. Zasius Juriscons. Friburg. super lites has respondit. Vide Consilium ejus Lib. II. Conf. 20.

(f) Literæ Electoris datæ sunt Heidelbergæ die Lunæ post Lucam Evangel.

BERNH.  
III.

In erescunda inter filios familia apud Germanos vetus consuetudo invaluit; major dividat, eligat minor. (g) Palatinus Elector A. 1535. hanc viam proposuit. At placuit fratribus, fors ut decideret, uter ex illis constitueret partes: Germanicæ consuetudini fors quoque respondit, fratri majori partium divisionem attribuens. Bernhardus divisit. (h) At Ernestus aliam partem elegit, quam crediderat frater. (i) Verisimile enim fuit, Rætela, Saufenbergæ, Badevillæ possessorem terras, quæ ei fuerant propiores, electurum præ ceteris. Unde in divisione à se instituta Pforzhemio-Durlacensem partem, quam ad se perventuram speraverat, pleniorē reddiderat Bernhardus. Hanc ipsam tamen præter expectationem fratris elegit Ernestus.

#### §. V.

Singulo-  
rum por-  
tionem.

Fertilissimas Dynastias ei jam attribuerat pater. Liberam constitutarum à fratre partium electionem fors ei quoque attribuit; unde meliores terræ Badenses ad Ernestum, Durlacensis linæ conditorem, pervenerunt. Ex Philippina enim hereditate Pforz-

---

(g) BYDERUS in *Amœnitatibus juris feudalis* Observ. 22. Germanis dicitur *Chur Recht*.

(h) Joannes Comes Palatinus, linæ Simmerensis, in negotio hoc constitutus fuit arbitrator. Charta divisionis data est Rodemacheræ d. 13. Aug. 1535.

(i) Res acta Heidelbergæ die S. Bartholomæi.



Pforzhemium, Durlacum, Mulbergam cum pendentibus inde locis, Præfecturam Stein & Remchingen aliaque accepit, easque Hachbergæ, Rœtelæ, Saufenbergæ, Badevillæ terris, quas ex paterna dispositione jam tenuerat, adjecit.

Ad Bernhardum vero ex Philippi hereditate pervenerunt Bada oppidum cum arce & præfectura; Jus Advocatiæ Monasterii Lichtenthal; Buhla cum præfectura; Steinbach oppidum cum præfectura; Castrum montanum Iberg, supra Steinbacum; Stolzofa oppidum cum præfectura; Advocatia Monasterii Schwarzach; Rastadium, Rhinovia, Kuppenhemium oppidum cum Castro & præfectura; Etinga oppidum cum Castro & præfectura, ut & Advocatia Monasterii Albæ Dominorum; Vici Mœrsch, Forchheim, Dachslanden, Beyerten, Bulach, Kreyenwinckel & Stupferich; Harda superior ab Etingæ præfectura ad Rhenum usque se extendens; Marchica pars Dynastiarum Lahr, Malberg & Geroldseck; Gernsbach oppidum cum præfectura pro dimidia parte, cum jure aperturæ Castri Neo-Ebersteinensis & jure Advocatiæ Monasteriorum Albæ sceminarum & Reichenbach. His Beinhemium cum præfectura in sinistra Rheni parte accessit. Divisione A. 1535. d. 13. Aug. facta, hæc obtulerunt Bernhardo.

BERNH.  
III.

Verum enimvero inter fratres hæc vix fuerant transacta, cum Bernhardus conqueri cœpit, portionem Ernesti ratione reddituum nimis præponderare.

Multas post discussiones conventum, ut MD mille maltras frumenti & LII. plaustra (*Fuder*) vini Ernestus fratri seniori ex terris suis, pensionis loco; in supplementum quotannis persolveret. Pensio Bernhardo & successoribus ad Eduardum usque Fortunatum soluta, Westphalica tandem pace sublata est. (*k*)

## §. VI.

Novæ  
fratrum  
lites in-  
tercessio-  
ne Palati-  
ni com-  
ponun-  
tur.

Neque ita tamen litium finis. Philippus Mulbergæ Castrum ceteris præferens, munitionibus, vallis & fossis fortissimum illud reddere decreverat, sed, antequam opus perficeretur, decessit. Ernestus, cui Castrum obvenit, ex parata pecunia, à Philippo relicta, & ex redditibus, ad id destinatis, ædificationem ejus absolvere voluerat. Bernhardus autem mobilium omnium in partes æquales divisionem flagitavit. Quin & bellica tormenta, quæ in Mulbergæ Castro tum fuerant, omnia in eo relinquenda contendit Ernestus.

---

(k) Artic. IV.

Bernhardus contra urfit, sua singulis castris restituenda esse tormenta; quippe quæ belli rusticani occasione Mulbergam undique convehi jussérat Philippus.

Mortuo inter hæc Bernhardo, filiorum ejus Philiberti atque Christophori tutelam Johannes Comes Palatinus Simmerensis, Princeps doctrinæ & justitiæ laude celebris, & Wilhelmus IV. Bavarix Dux, susceperunt. De investitura tum feudorum & judiciis feudalibus contendit Ernestus, moribus Germaniæ indivisibiles esse Principatus, & ad servandam familiarum dignitatem unum constituere corpus; ususque Germanici esse, ut senior familiæ pro se & agnatis investituras accipiat, feuda conferat, quin & feudalibus præsideat judiciis. Regesserunt Bada-Badenses, jus primogenituræ in utraque linea servandum. At in Marchia negant receptum, ut senior, sed ut primogenitus feuda accipiat & conferat, idque exemplo Christophori probare studuerunt.

De his aliisque difficultatibus componendis Ludovicum Electorem denuo interpellaverunt Marchiones, mense Majo A. 1536. addita lege, ut, conditiones à Palatino propositæ intra spatium bimestre si non acceptarentur, Elector ex arbitratore arbitretur fieret, interpositoque Laudo finem imponeret liti. Promulgatus est Electoralis Reversus die Veneris post omnium Sanctorum A. 1536.

## §. VII.

Recessus  
Electo-  
ralis sum-  
ma.

Summa ejus huc redit:

- I. Materia de Jure Primogenituræ, quod urfit Bernhardus, ad judicem competentem remittitur.
- II. Vetera Badensium terrarum statuta servantur, nihilque in illis fratrum absque consensu mutetur; maneat Marchionatus integer, & *unum corpus*; sicque quoad solum usum divisus, quoad dominium & civilem possessionem communis atque indivisus.
- III. Uterque aulicum peculiare sibi constituat Judicium; veteri ordinatione servata.
- IV. Peculiarem uterque fratrum habeat monetam, sed Wirtenbergicis compactatis conformem.
- V. Uterque de metallifodinis suis & silvis disponat.
- VI. Commercia & matrimonia inter subditos Marchionum sint libera.
- VII. Reciproca à vectigalibus perftet immunitas.
- VIII. Feuda possessor pro se & agnatis accipiat.
- IX. Spirensia feuda unus, Weissenburgensia alter fratrum recipiat; vel forti committatur, amborum quis recipiat investituram.
- X. Lis de collatione feudorum, donec transactum, maneat suspensa.
- XI. Feuda Castrensia ille, in cujus ditione bona sunt sita, procuret.

- XII. Feuda vacantia vel denuo conferantur, vel reddituum inter fratres fiat divisio.
- XIII. Feuda ecclesiastica conferantur ab eo, in cujus terris sunt sita; si alibi sita sunt, investitura inter fratres alternet.
- XIV. Documenta communia maneant Badæ in communi custodia. Quæ terras singulorum fratrum respiciunt, cuique fratri reddantur.
- XV. Jusjurandum, ab Officialibus & subditis præstitum, reciproce remittatur utrisque.
- XVI. Lites inter fratres orituræ secundum vetera pacta dirimantur.
- XVII. Jus conductus vel à quolibet in suis terris, vel in utriusque terris communiter exerceatur.
- XVIII. Confilarios communes retineat Bernardus. Quod si nolit, in potestate Ernesti sit eos retinere.
- XIX. Vicus *Beurthan* in Bada-Badensi portione permaneat.
- XX. Si alteruter fratrum aliquid ex terris suis lite amittat, satisfaciat alter.
- XXI. Postremus hic quinque Recessuum Electoris formam induat Laudi.

## §. VIII.

Nova mox lis coram Ludovico Electore Heidelbergæ d. Reliqua-  
 14. Maji A. 1540. Laudo definita est; sed à Laudo ad Cameram Im-  
 tium

BERNH.

III.

composi-

tio.

perii provocavit Ernestus, eo læsum se arbitratus. Per quadraginta fere annos ibi litigatum. Confirmato tandem Heidelbergensi Laudo in favorem Bada-Badensium sub nepotibus Ernesti ac pronepote Bernhardi res fuit decisa A. 1582.

Praefecturae Cruenenacensis partem Badensem, quam Carolus Marchio Friderico I. Palatino Electori oppigneravit, Elisabetha Palatina, Philippi Electoris filia, Philippo I. Marchioni Badensi, marito suo, attulit in dotem. Mortua Elisabetha, hujus partis Cruenaci possessio ad filiam eius Jacobæam, Wilhelmi IV. Bavariae Ducis conjugem, pervenit. Hujus pignoris relitio ut quantocius fieret, in testamento suo ordinavit Philippus. In transactione Lahrensi A. 1533. Badæ facta, inter fratres conventum, si fructuum perceptorum ratione Bernhardus Ducissæ Bavariae satisfacere teneatur, dimidium quoque pretii solvat Ernestus. Post multas contentiones redempta Cruenaci pars penes Bada-Badenses permansit.

Christophorus Marchio à Diepoldo, Geroldseckii Dynasta, Advocatias & vicos varios A. 1482. sub pacto de retrovendendo comparavit. Geroldseckiana hæc Philippus in portione sua accepit; quæ, mortuo eo, pervenerunt ad fratres. Gangolfus & Waltherus, Geroldseckii Dynastæ, ea redimere voluerunt. Ludovicus, Palatinus Elector, interposito arbitrio A. 1535. Badenses

damnavit. Re ad tribunal Imperii Spirense delata, Palatini sententia A. 1538. confirmata & anno sequenti facta redemptio.

### §. 1 X.

Inter medias has lites Bernhardus A. 1536. d. 29. Junii de-  
 cessit. <sup>Obitus Bernhardi.</sup> Luxenburgici Ducatus gubernium haud dubie causa fuit, Luxenburgicas Badensium terras filio seniori Bernhardo ut Christophorus adscriberet.

Rodemachera vicina est Bruxellensi Archiducum aulae, addictus cui fuerat Bernhardus. In aula hac & in Praefectura Luxenburgica potioiem vitae suae partem quum transegerit Bernhardus, in rerum Germanicarum theatro rarius eum comparuisse non mirum.

In religionis negotio Bernhardus Protestantibus haud dubie Religio favit. Mortuo enim fratre Philippo, in Romana religione constanter, superiorem Marchiam Badæ quum accepisset hefes, in ea quoque plantavit Protestantium sacra.

### §. X.

Francisca, Bernhardi uxor, ex antiqua & perillustri Co-  
 mitum Luxenburgensium prosapia, quæ Henricum VII. Imperatorem produxerat, originem traxit. Henrici VII. patruus fuerat Waleranus Luxenburgo - Lignei Comitum fator, (1) à quibus

---

(1) DUCHESNE *Histoire de la Maison de Luxembourg* p. 100, 103.

BERNH.  
111.

Francisca Badensis recta linea descendit; filia Caroli Luxemburgo-Ligneji Comitis, Picardiae sub Francisco I. Rege praefecti, & Charlottae d'Estouteville, eademque neptis Antonii Comitis Ligneji & Franciscæ de Croyaco. (*Croy*). (*m*)

Luxemburgenſes hi Comites, principali dignitate conſpici, (*n*) magnas in Belgio opes tenuerunt, (*o*) praecipuis Europae Gentibus neceſſitudine juncti. Ex eadem ſtirpe Maria, Franciſcae noſtræ amita, Franciſco Vendomio nupſerat, atavo Henrici IV. Galliae Regis. Ejusdem Franciſcae ex Antonio fratre nepos Franciſcus dignitate Ducis & Paris Galliae ab Henrico III. Rege ornatus, Margaretham Lotharingicam, Ludovicæ Franciæ Reginae ſororem, in matrimonio habuit. (*p*). Belgicam hanc principem (*q*) Franciſcam Bernhardus, qui in Belgio diu vixerat, ſibi

---

(*m*) NICOLAS VIGNIER *Hiſt. des Comtes & Ducs de Luxembourg* Chap. 54. & 55. p. 797. 802. 806. 807. 808.

(*n*) Carolus pater Franciſcae in Epitaphio apud VIGNIER. loco alleg. p. 812. Illuſtriſſimus, inviſtiſſimusque Princeps & Dominus, Dominus Carolus Luxemburgenſis, Comes Lignei, Briennæ & Ruſſiaci vocatur.

(*o*) Praeter Comitatus, modo memoratos, dominia Garennes, Eſpinoy, Warneſton, Guiffelles, Pougy, Rameru, Pigney, Machaut, Beine, Franciſcae pater poſſedit. VIGNIER p. 807.

(*p*) VIGNIER. Cap. 60. p. 838. ſqq.

(*q*) Franciſca in Charta A. 1556. *Princeps Luxemburgenſis Comes Ruſſiaci* vocatur.



bi A. 1535. despondit, sexagenarius senex; anno sequenti vitam commutaturus cum morte. Tam propinquus tum fuerat lineæ Bada-Badenfis interitus. Unus annus Bernhardum cœlibem intercessit & mortuum.

## §. XI.

Peperit ei vivo Francisca Philibertum, & mortuo Christophorum posthumum; in quo spes Domus Bada-Badenfis recubuit. Philippus enim, Philiberti filius, mascula sine prole decessit. Liberi ex  
ea susce-  
pti.

Francisca, post mortem Bernhardi, secundas nuptias cum Adolpho, Comite Nassoviæ Wisbadensi, contraxit, cui filiam peperit Magdalenam, quæ dein Joachimo, Manderscheidio Comiti, nupsit. (r). Defuncto A. 1556. Adolpho, Francisca, bis vidua, Ufelsingam una cum filia sua sibi sedem elegit, ubi A. 1566. die 27. Junii obiit; Neoburgi, in Manderscheidiorum ditone, sex ab Ufelsinga leucis, quem sibi locum delegerat, sepulta. Fran-  
ciscae 18-  
ta.

Concordiæ inter filios servandæ studiosissima fuit, pia & religiosa Princeps; ejus auctoritate pactum divisionis Philibertum inter & Christophorum filios A. 1556. constitutum; quibus illa frequenter ob oculos posuerat patris exemplum; ejus cum fratre Ernesto discordia Domui Badensi fuit valde damnosa.

Tom. III.

C

(r) La Genealogie des Illustres Comtes de Nassau, ubi de Linea Wisbadensi & Idsteinenâ.

BERNH.

III.

Liberi il-  
legitimi  
Bernhar-  
di.

Ante matrimonium sex filios naturales Marchio noster progenuit, Bernhardum, Philippum, Johannem, Georgium, Casparum & Melchiorem. Tres postremi à supremo Bruxellensi Senatu Caroli V. Imp. jussu A. 1532. natalibus fuere restituti, id quod de Bernhardo & Philippo quoque constat. A filiis Bernhardi legitimis Philiberto & Christophoro naturales cum alimenta exigent, impetravere tandem, ut singulis quadraginta floreni annui promitterentur, addita conditione, ut omnibus iuribus, quæ sibi arrogaverant, renuntiarent; quod singuli præstiterunt.



## CAPUT II.

## PHILIBERTVS

A. 1536 -- 1569.



## §. I.

Philibertus, patre decedente infans, A. 1536. Philiberti tutoris die 22. Januarii lucem aspexit. Wilhelmus IV. Bavariae Dux (a) & Johannes Junior, (b) Comes Palatinus Simmerensis, ei & Christophoro, fratri posthumo, dati sunt tutores. His superadditus fuit Wilhelmus, Ebersteinii Comes, quod Simmerensis tutor Spanheimensem Comitatum cum pupillo communem possederat.

Tom. III.

C 2

(a) Wilhelmi hujus uxor fuerat Maria Jacobea, filia Philippi Marchionis, patris Philiberti.

(b) Johannis hujus uxor fuerat Beatrix, Christophori, Marchionis Badensis, avi Philiberti, filia.

PHILIB.

Johannes A. 1556. à tutela dimissus. Eandem annò sequenti deposuit Ebersteinii Comes. Tutores nomine pupilli à Philippo, Basiliensi Episcopo, A. 1542. die 13. Dec. vicum Ose receperunt in feudum. Investitura hæc à Melchiore Episcopo A. 1557. die 6. Sept. repetita est, Philiberto libero à potestate tutorum.

## §. I I.

Regi-  
men adit.

Augustanis Imperii Comitibus, in quibus Pax Religionis firmata, A. 1555. Philibertus interfuit, (c) qui jam antea Protestantibus liberum in terris suis cultum religionis concesserat; patris imitatus exemplum.

Decimum nonum ætatis annum tum Philibertus agebat. Johannes tutor ejus, annis meritisque gravis, ei Simmeræ significavit, die S. Georgii anni sequentis se depositurum tutelam, quam etiam deposuit. Philibertus regimen adiens, de matrimonio cogitavit. In aula Wilhelmi I V. Bavarie Ducis, tutoris sui, per triennium vivens, filiae ejus Mechtildis virtutes miratus, conjugem eam sibi elegit. (d)

Propositum suum matri suæ & consiliariis aperiturus Ulricum Langmantelium, quem ephorum morum nuper habuerat, Februario mense A. 1556. Badam misit Monachio.

---

(c) *CHRVSII Annal. Suev.* Part. III. Lib. 12. Cap. I.

(d) Mechtildis promissa fuerat in matrimonium Philippo Brunsvicensi Principi, qui A. 1553. in pugna ad Sivershusam periit.

## §. III.

Ante omnia inducendus erat Christophorus frater, indi-  
 visa ut perstaret Marchia superior, ac in potestatem Philiberti to-<sup>Transa-</sup>  
 ta transiret. Res ex voto successit. Badæ convenere fratres, <sup>ctio cum</sup>  
 advenit Francisca mater cum Johanne Simmerensi. Die 23. Apri-  
 lis ejusdem anni jurejurando inter fratres ita transactum, ut Mar-  
 chia Bada-Badenfis & Spanheimensis Comitatus portio, ad Ba-  
 denfes spectans, in Philiberti & masculorum, ab eo descenden-  
 tium, potestate manerent. Luxemburgicas autem terras accepit  
 Christophorus, quas Philibertus administrandas suscepit, ac pro  
 redditibus quotannis 4000. florenos fratri se soluturum promisit,  
 donec aditurus sit regimen. Tum vero Philibertus Christophoro,  
 ad aniam suam constituendam, totidem florenos & trecentas ar-  
 genti minas suppeditet.

Ufelsingam & Pittingam pro vidualitio acceperat mater.  
 Christophoro, usque ad mortem matris, Allenbacum, in ulterio-  
 re Spanhemii Comitatu, assignata est sedes; illiusque Præfecturæ  
 attributi sunt redditus.

His ita ordinatis, Marchiam suam regere Philibertus ince-  
 pit; non sine Cameræ Imperialis præcitu, quæ sedebat tum Spiræ.

Ad nuptiarum solennia extraordinarium pecuniæ subsidium  
 Marchionatus obtulit Philiberto.

## §. I V.

Lites de  
Monast.  
Herren-  
alb.

Vix reginen adierat, quum graves ei cum Christophoro, Wirtenbergæ Duce, meritis & virtutibus claro, exortæ sunt lites. Cisterciensis regulæ Monasterium, à Comitibus Ebersteinii institutum, Alba Dominorum, *Herrenalb*, ut & Benedictini ordinis Cœnobium, Reichenbacum, litium harum fuerunt origo. In utroque Advocatiæ jura Ebersteinii atque Badenses, vel ut conditores, vel ut dotatores, ab antiquo exercuerunt. (e)

Temporis progressu Albenfes, in Wirtenbergico tractu nacti possessiones, Advocatum sibi quoque elegerunt Wirtenbergæ Comitem, cujus dignitas deinceps in Ducalem conversa. Advocatia, inter duos divisa, non potuit non inter eos lites movere. Mortæ sunt plures, donec Christophorus primus, Marchio Badensis, & Eberhardus Barbatus, Wirtenbergæ Dux primus A. 1497. inter se transegerunt, ut uterque in terris, suæ ditioni subiectis, Advocatiæ jura in posterum exerceret. (f)

(e) De Badensibus testimonium solemne A. 1473. in Instrumento quotannis prælecto, quod extat in *Diatriba*, cujus rubrum: *Grund- und Aeltemäßige Information Baden - Baden contra Württemberg* &c. Documento E. pag. 20.

(f) Litteræ transactionis extant in *Diatriba alleg.* lit. X. pag. 74. Memorantur ibi vici Malsch, Langensteinbach, Vtterpurg, Dietenhufen, Zwey Urbach, Spilberg, Stupfenrich, Loufenau, Neufaz, Rottenfol, Bern-

Exorta deinceps apud Germanos religionis mutatione, Ulricus Dux, sacra Protestantium amplexus, A. 1534. omnia Ducatus sui Monasteria seculo addixit, atque adeo Badensem quoque Advocatiam aboluit.

Obiit inter hæc Bernhardus Marchio, filius Christophori, qui transactionem iniverat. At Philiberti, Bernhardo qui successit, tutores rem ad Spirenses Imperii Cancram detulerunt, cujus mandatum poenale jubet, ut transactionem anni 1497. Ulricus observet. (g) Intervenit quoque Ludovicus, Palatinus Elector, atque A. 1539. arbiter pro Philiberto Laudum pronuntiavit. Wirtenbergicus tamen in alia omnia discessit. Cum enim Philibertus A. 1558. Comitia Marchica habuisset, atque pecuniarium ab illis obtinuisset subsidium, Malscha & Steinbacum, vici Albenfes, subsidiariam suam partem persolvere recusarunt, à Duce ducti. Philibertus præcipuos ex civibus A. 1560. carceri mancipavit, qui denique facinus suum ingenue professi, Philibertum agnoverunt dominum. Wirtenbergicus tamen pertinaciter refragatus est, manuque hostili cives coëgit, solum se ut agnoscerent. Albertus Bavarus & Palatinus Elector A. 1564. se conciliatores obtulerant, sed obtulerant frustra. Lis continuata in Imperii Camera, sub

fuc-

---

bach, Gibrichingen. In vicis & locis his ditionis Badensis, Albenfes possederant bona.

(g) *Diatriba alleg.* Lit. Z. pag. 79.

PHILIB.

successoribus Philiberti, uti deinceps videbimus. Hæc de Alba Dominorum.

## §. V.

Monast.  
Reichen-  
bach.

In Ebersteinensis Comitatus & Wirtembergæ Ducatus finibus situm fuit olim Reichenbacense Cœnobium. Vicinos villæ cujusdam colonos, reos delicti, Wirtembergicus Dornstadii Præfectus mancipavit custodiæ, villam in Beierspronnensi Wirtembergæ solo sitam esse contendens. Wilhelmus, Ebersteinensis Comes, & Philiberti nostri tutores villam ad Advocatiam Reichenbacensis Cœnobii spectantem, Ebersteinensis esse juris statuerunt. Lis ad Imperii Cameram delata, interjectis aliquot annis, quum Marchionatus regimen adiisset Philibertus, inter eum & Wilhelmum, Ebersteinensem Comitem, ac Valentinum, Priorem Reichenbacensem, ab una, & Christophorum, Wirtembergæ Ducem, ab altera parte A. 1557. res transactione decisa est. Reichenbacensis Cœnobii & Beierspronnensis vicini limites in perpetuum distincti sunt. Terminales positi lapides, Badenensibus & Ebersteinensibus insigniis ab una, Wirtembergicis ab altera conspicui. Intra hos lapides Wirtembergicæ & Ebersteinensis ditionis inclusa sunt jura. Antiores ad Thonbacum villæ una cum Mospaco, de quo nata quoque fuerat controversia, cœnobio Reichenbacensi quoad jurisdictionem inferiorem & Comitatu



mitatui Ebersteinensi, quoad superiorem, assertæ; compensatisque impensis, actioni, in Camera institutæ, renunciatum est. (h)

## §. VI

Philibertum nostrum Ferdinandus I. Imp. multum amaverat. Postquam enim A. 1559. die 6. Junii Augustæ Vindelicorum feuda Imperii ei contulisset solenni ceremonia, atque de eligendo Romanorum Rege & Principibus, Francofurtum ad electionem invitandis, quæreretur, Maximilianus Cæsar filio scripsit, Philibertum Principem, omni elogio dignum, Austriæque amicum, inter primos ponendum. (i) A. 1565. mortua uxore, juvenis Marchio noster ad militiam progressus est, Cæsari Imperioque vitam & officia consecrans. Illo ipso tempore Bœcklinum à Bœcklinsau; Marckelsheimensem Præfectum, de vicis Wittenweiler & Almansweiler investivit. (k)

Acta cum  
Imp.

A. 1566. Philibertus à Maximiliano II. Imp. ex Comitij Augustanis Mense Majo missus est, ut copias equestres & pedestres colligeret ac in Hungariam contra Turcas duceret, quod magna cum celeritate & fortitudine executus est. (l) Monasteria

Expedi-  
tio ejus  
Turcica.

Tom. III.

D

(h) *Diatriba alleg.* inter Documenta Lit. III. pag. 318.

(i) MOSER in *Addit. ad Francisci I. Capitulat.* Part. II. App. 3. pag. 213.

(k) ALEAT. ILLVST. Tom. II. pag. 703.

(l) ANONYMVS de rebus gestis sub Maximil. II. Imp. apud SCHARDIUM *Scriptor. Rer. Germ.* Tom. IV. pag. 48.

PHILIB.

Marchionatus ad expeditionem hanc bellicam suas quoque præstiterunt angarias.

## §. VII.

Bellis  
Gallorum  
civilibus  
implic-  
tus.

Anno sequenti expeditionem in Galliam suscepit Philibertus, quæ animum ejus in diversa distraxit. Decennio postquam religiosa Pax Pataviæ (m) apud Germanos constituta est, Reformatis quoque suis, Hugonottos quos vocant, pacem concessit Carolus IX. Franciæ Rex, publicato edicto, quod a mense, quo datum est, *Januarii* vocatur. (n)

Edictum hoc civilium octo apud Gallos bellorum fax fuit & tuba; quorum quinque sub eodem Carolo intra undecim annos esserbuerunt.

Bellum I.

Primum ipso conditi edicti anno esserbuit, quo durante utraque jam factio apud Germanos quæsit auxilia. Guisius Dux die 5. Julii hujus anni ad Electorem Palatinum, ut & ad Casimirum & Wolfgangum, Comites Palatinos, ad Wirtenbergæ Ducem & Philibertum nostrum Marchionem literas perscripsit, quibus ab Hugonottis, tanquam rebellibus, eos avertere atque ad suas partes perducere studuit. (o). Bellum hoc mense Martio A. 1562. cœptum, anno. sequente eodem mense finitum, post

(m) Sub Romanis *Batava Castra*; unde *Passau*; ubi Transactio de Protestantium Religione A. 1552. inita est.

(n) Edictum Januarii publicatum A. 1562.

(o) *Memoires de Condé* edit. A. 1743. Tom. III. pag. 326.

quinquennium denuo in flammis erupit; quod A. 1567. evenit mense Septembri.

## §. VIII.

In secundo hoc bello à Principe Condæo & Reformatis in auxilium vocatus est Fridericus III. Palatinus Elector, Simmerensium ex linea primus, qui Reformatorum sacra in Palatinatu magno cum zelo nuper plantaverat. Filius ejus natu junior, Casimirus patri, quoad religionem, addictior, quam senior frater, (p) ex pecunia Gallica decies mille militum exercitum comparavit; quos inter sex mille numerati sunt equites. Casimirus in Henrici II. Aula diu vixerat juvenis; familiaris Condæo. (q)

Bello II.  
Hugo-  
norris  
militat.

Protestantium Germaniæ animos occupaverat suspicio, Austriacam Hispaniæ & Germaniæ Domum cum Francica in perniciem eorum non solum in Gallia Belgioque, sed & in Germania conjurasse, eaque de re in Bajocensi Caroli IX. & sororis suæ Elisabethæ, Hispanorum Reginæ, Conventu A. 1565. cum Albano Duce fuisse transactum.

Tom. III.

D 2

(p) Ludovicus, qui Friderico III. Electori succedens, Lutherana sacra in Palatinatu reduxit, post septennium moriturus; upde Reformatæ sacra redierunt.

(q) BRANTOME in Libello, cui Tit. *Vies des hommes illustres estrangers de son tems* Part. I. pag. 283. exprobat ei ingrati animi notam, quod tot beneficis ornatus à Rege contra eum bellaverit.

PHILIB.

Rex Galliae, misso ad Electorem Lanfaco, qui in Concilio Tridentino nuper fuerat legatus, expeditionem hanc quovis modo impedire studuerat. Quin & Maximilianus II. Caesar in gratiam Regis Galliae, qui triennio post filiam ejus duxit uxorem, bellatoribus Germanis, Condæo qui essent opem laturi, proscriptionem minatus est. (r). Condæus tamen & Casimirus identidem sollicitarunt Philibertum nostrum, ut & ipse Palatinis suas jungeret copias. Caesaris comminatio Philibertum aliquandiu retinuit. Consensit denique, à Casimiro edoctus, ipsam Catharinam Medicæam, Regis Galliae matrem, sibi insinuasse, ut expeditionem maturaret. (s) Philibertus ergo cum Casimiro & exercitu ejus profectus est mense Novembri, sed nonnisi centum stipatus equitibus; (t) cum quibus tamen mense sequenti, mutata sententia, rediit ad suos.

## §. I X.

Eos desiderit;  
qua de  
caussa?

HUBERTUS LANGUETUS (u) in Epistola, duodecimo Januarii die A. 1568. Argentorato ad Augustum, Electorem

(r) HUBERTVS LANGVETVS, origine Burgundus, vir rerum politicarum peritus & egregie doctus, Electoris Saxoniae, in Germania Rhenoensi legatus, *Epistolarum secretarum Lib. I. Epist. 13.*

(s) LANGVETVS loco *alleg.* Videtur Regina credidisse, adventum Casimiri bellum cito finitum.

(t) *Idem* Lib. I. Epist. 9.

(u) Lib. I. Epist. 20.

Saxoniae; scripta, hæc nuntiar: „Credo Vestram Celsitudinem „non ignorare, Philibertum, Marchionem Badensem, mutasse „sententiam & rediisse in Germaniam. „Philibertum quid induxerit, ut Casimirum tam celeriter defereret, silentio præterierunt scriptores. Num Cæsaris minæ? Num Aulæ Gallicæ artes? Id certum omnino, quod insequenti tertio religionis bello Philibertus non Reformatis, sed Carolo IX. copias auxiliares adduxit. Casimirus tamen in itinere constanter progressus ad Lotharingiæ Mussipontem cum Condæo se junxit Februario mense.

Junctio hæc Galliæ Regem ab initio terruit. At Catharina Medicæa, ad consuetas suas rediens artes, sequente Martio mense, Condæo, pecuniæ laboranti penuria, persuasit, ut invito Colinio pacem iniret; ex altera parte Regem inducens, ut Casimirianos milites ex ærario suo perfolveret, peregrinis hostibus ut Galliam liberaret.

### §. X.

Post hæc nihil non impedit Regina mater cum filio Re- Bello III. regis ad-  
ge, Marchionem nostrum ut in suas partes pertraheret. Pertra- hæret.  
ctus est denique tertio Religionis bello apud Gallos flagrante. Præcessit eum Wolfgangus, Bipontii Palatinus Comes. (x). Hic

D 3

---

(x) Wolfgangi in Galliam transitum describit testis præfatus DE LA NOUE  
*Discours politiques & militaires* pag. 963.

PHILIB.

enim, stimulantē Electore Friderico, Hugonottorum fūntibus quatuordecim armatorum millia Martio mense A. 1569. eis in auxilium adduxit; Alfatice Tabernis cum exercitu profectus peragravit Burgundiam, cum Colinio, Hugonottorum capite, ut sese jungeret. Wolfgangus, capto super Ligerim Charitæo oppido, post trimestrem expeditionem, jamjam se juncturus Colinio die 11. Junii, tribus à Lemovico leucis, Nessunii ex Febre decessit. (y). At Philibertus, ut in prima, ita & in secunda expeditione suscipienda fuit lentus & dubius. Principem triginta trium annorum Carolus IX. sollicitare non desit, Germanicum militem Gallica ut compararet pecunia. (z) Philibertum & militiæ gloria & rei familiaris rationes induxerunt, ut oblata accipe-

(y) *Memoires de Castelnau* Liv. VII. Ch. 6. pag. 241. *AVILA Hist. des guerres civiles de France* Tom. I. pag. 261. seq. *THYANVS Historiar.* Lib. XLV. Cap. 9. & 10. *JEAN DE SERRES Inventaire général de l'Histoire de France* &c. pag. 166. seq. *Recueil des Choses mémorables, avenues en France sous le Règne de Henri II.* &c. pag. 166. seq. *BRANTOME des hommes illustres étrangers de son tems.* Part. II. pag. 179.

(z) *CASTELNAU* Lib. VII. Cap. IV. *JEAN DE SERRES* loc. alleg. pag. 695. *RICHARDVS DINOTHS Histor. Gall.* Lib. III. pag. 699. *AUBIGNE Hist. universelle* Lib. IV. Ch. 10. pag. 308. Hic quater mille equites à Marchione conscriptos esse tradit. Alii numerum equitum minuunt. Vid. *Histoire de France sous les Règnes des trois Rois T. C. Henri François II. & Charles IX.* Liv. VII. pag. 464. *LANGVETVS* Lib. I. Epist. 42. eum se ignorare profitetur,

ret. LABOURERIUS, (a) illustris rerum Gallicarum scriptor & CASTELNOI Commentator, aliam addit rationem, quod nempe per matrem regio Gallorum sanguini fuerit conjunctus. (b)

## §. X I.

Quidquid hujus rei sit, lentius rem egit Philibertus, vel <sup>Lente rem agit.</sup> ab Electore Palatino retentus, vel quod incongruum ei videretur, contra Hugonottos pugnare. Lanfacus (c) ergo missus à Rege, & post eum clarus ille nativitate, legationibus & Commentariis rerum sui ævi gestarum conscriptis, Michaël de Castelnau, (d) qui urgerent Philibertum.

Hic toties monitus, ad expeditionem sibi fatalem se denique accinxit, & intra quindecim dies cum Castelnoo profectus est Metas, (e) ad quam urbem aliæ quoque Germanorum equitum turmæ, Regi militaturæ, advolarunt. Germanicis his copiis Dietzii duo Comites Hassi, filii Philippi Landgravii, ex Margaretha de Sala progeniti, ut & Rheingravii Comites, fratres,

A Castelnoo adducitur Metas.

(a) *Additions aux Memoires de Michel Castelnau* pag. 724.

(b) Vide supra in vita Franciscæ.

(c) *Louis de S. Gelais, Seigneur de Lanfai.*

(d) MICH. CASTELNOVS, quinque legationibus in Angliam functus A. 1592. decessit.

(e) CASTELNAV *Memoires* Lib. VII. Ch. 5. add. HVBERT. LANGVET, *Liv. I. Epist.* 22. 34. 41. 42.

PHILIB.

Leininga - Westenburgius Comes , & fortis ille Germanorum bellator, Caspar Schönbergius (f) praefuerunt; atque adeo cohortes turmaeque Protestantium Germaniae pro Hugonottis & contra Hugonottos promiscue pugnarunt. Claudius Aumalii Dux, Claudii Lotharingico ex sanguine Guisii Ducis filius , expectaverat Philibertum Metis , ut viribus junctis progredereutur in Galliam. (g) Philiberti & reliquae copiae quinque millibus equitum & quatuor millibus peditum constabant. Primarium exercitus Germanici , pro Rege in Galliam adventantis , Ducem eum appellat THUANUS (h). Sacris Romanis eum addictum fuisse , LABOURERIIUS (i) credit. Andegavensium Dux, Regis frater, Regium exercitum duxit, cui Philibertus se junxit. Hugonottorum Dux fuit Colinius.

## §. XII.

In praelio  
Moncon-  
toriano  
occum-  
bit.

Ad Moncontorium, Pictaviensis Provinciae oppidum, die 3. Octobris A. 1569. ardens commissum est praelium. Opus erat decretoria pugna. Utrinque rerum gerendarum defecerat nervus. Germanici in utroque exercitu milites meditabantur discessum.

(f) Casparus de Schönberg, filius Wolfii, Sachsenburgiae lineae. Galli eum & omnes hujus nominis Schomberg appellant.

(g) *Hist. de France sous les Regnes de Henri II.* Liv. VIII. pag. 560. THUANUS *Historiar.* Lib. XLIV. Cap. 22. & Lib. XLV. Cap. 9.

(h) Lib. XLIV. Cap. 22.

(i) *Additions aux Memoires de Castelnau* pag. 724.



sum. In secunda Regiorum acie mille equites duxit Philibertus. Andegavenfis initio prælii Badenſem inter atque Helvetios conſtitit; Badenſi Aumalium Ducem adjungens, cujus agmen latus Principis dextrum tegebat. Prima Regiorum acies cum à Colinio premeretur, laborantibus in auxilium miſſus eſt cum Aumalio Philibertus, qui in conſertos hoſtes magno irruens ardore, impetu cecidit primo. Inſecutus eum novis cum copiis Andegavenſis reſtituit pugnam. Magna tamen Regiorum facta eſt ſtrages; & niſi Coſſæus, ad omnes caſus intentus, in tempore accurriſſet, Hugonotti omnium judicio reportaſſent victoriam. (k) Præter Philibertum noſtrum Rheingravius natus major occubuit in prælio. Petrus Erneſtus Manſfeldius, Gubernator Luxemburgi, quem Albanus Dux e Belgio cum copiis miſerat, graviter vulneratus in brachio, (l) ut & Rheingravius junior. Schombergius, vulneratus

Tom. III.

E

(k) Idonei rerum, quas retulimus, teſtes ſunt CASTELNAU *Memoires* Liv. VII. Ch. 9. POPELINIERE *Hiſtoire de France* Tom. I. Liv. XIX. pag. 357. & 339. THYANVS *Hiſtoriar.* Lib. XLVI. Cap. 1. pag. 738. ſeq. AVILA *Hiſtoire des guerres civiles de France* Tom. I. Liv. V. p. 390. AUGUSTINE *Hiſtoire univerſelle* Liv. V. Ch. 18. pag. 438. CHAPPUYE continuator *Annal. Nicolai Gilles* pag. 497. HENRICPETRI continuator *Pauli Aemylii* pag. 329. *Hiſtoire de France ſous Henri II. François II. Charles IX. & Henri III.* Liv. VIII. pag. 642. DE SERRES *Inventaire de l'hiſt. de France* p. 706.

(l) Mortuus nonniſi A. 1604. Luxemburgi ætatis 27. annorum. THYANVS

PHILIB.

in latere, cum suis tamen in victoriæ signum pernoctavit in campo; (m) in quo tam gloriose Philibertus occubuit. Talem vitæ suæ exitum nuper sibi exoptasset moriens in lecto Wolfgangus.

## §. XIII.

Sepultus  
Badæ.

Philiberti corpus ex Gallia reductum est Badam; ubi in Collegiata Badensi positum ei his verbis monumentum: DEI GRATIA PHILIBERTUS, MARCHIO BADENS. COMES SPONHEIM. NATUS BADENÆ ANNO MDXXXVI. REGNAVIT PACIFICE ANNOS XIII. TANDEM GALLORUM REGI CONTRA SUOS REBELLES SUBDITOS FORTEM MILITEM SESE PRÆBENS VITAM SUAM IN GALLIA STRENUE PUGNANDO PROPE MONTE-TOUR IN IPSA PUGNA CLAUSIT, ANIMAM DEO COMMENDATAM DIE III. OCT. AN. MDLXIX. REDDIDIT, QUI REQUIESCAT IN PACE.

Princeps in Hungarico & Gallico bellis tanta pugnans virtute, tam præcoci morte Marchiæ suæ ereptus, non potuit non magnum sui apud omnes desiderium relinquere. Augustanæ

---

Lib. 231. Cap. 17. vocat eum tot palmarum Ducem, veterem ac fidem Austriacæ Domus clientem.

(m) Elogium ejus dedit LABOURETIERE *Additions aux Memoires de Castelnau* pag. 751.

Philib.

Religio  
ejus.

Confessione, uti pater, adhæsit, eorumque sacra in suis terris promovit. Belgica historia nos docet, eum una cum Saxone, Brandeburgico, Hasso & Wirtembergico apud Margaretham Belgii Gubernatricem A. 1567. pro Protestantibus Belgis interfuisse. Et tamen paulo post contra Hugonottos copias Carolo IX. non dubitavit adducere. Patuit tum Germanis Heroibus in Gallia Martis theatrum. Protestantes ibi pro focis religionis & contra eos promiscue pugnarunt.

## §. XIV.

Mechtildis Bavara, quam Wilhelmus ex Maria Jacobæ, <sup>Uxor & liberi.</sup> Philippi Marchionis Badensis, Philiberti patrui, filia, suscepit, fuit uxor Philiberti, cum qua A. 1556. matrimonium contraxit.

Philibertus Christophori I. nepos fuit per filium Bernardum: Mechtildis ejusdem Christophori fuit proneptis per filium Philippum. Tertio itaque gradu sponsus & sponsa erant inter se juncti. Sponsalia sine prævia Pontificis dispensatione celebrata fuisse ægre tulit Paulus IV. scripsitque A. 1556. Idibus Quintilis ad Cardinalem Episcopum Augustanum Ottonem, ut sponsalia dissolveret, utque dissolutis succederent nova. Post varias disputationes denique A. 1557. die XIII. Jan. in Monasterio D. Emerani Ratisbonæ Cardinalis pronuntiavit sententiam, ut Philibertus 150. florenos Rhenenses, totidemque Mechtildis, pro dotan-

Tom. III.

E 2

PHILIP.

dis filiabus pauperibus Monachii, pœnæ loco perfolverent, atque deinceps matrimonio jungerentur.

Mechtildis A. 1565. die 2. Novembris decessit. Ex conjugio quatuor liberi prodierunt. Philippus, qui patri in ditionibus successit; trësque filiae: Jacobea, Anna Maria & Maria Salome; quarum fata non transeunda silentio.

## JACOBEA.

## §. XV.

Jacobea  
uxor Wil-  
helmi Jul.

Jacobea, nata A. 1558. & in Aula Wilhelmi IV. Bavariae Ducis, avi sui materni, educata; desponsata A. 1585. Jo. Guilielmo, Juliaci, Cliviae & Montium Duci, suæ gentis postremo, (n) Festivitatis nuptiarum ejus solemnia, Dusseldorpii die 16. Jun. eodem anno celebrata, DIETRICUS GRAMINAEUS, (o) MICH. AB ISSELT, (p) MICH. MAPPIUS (q) & BERNH. MOLLERUS (r) fufe descripserunt.

Jacobeam comitatus est Philippus frater, cum 25. Equitibus, magnoque Nobilium, aliorumque Aulicorum varii ordinis comi-

(n) REIDANVS in *Annal. Belg.* Lib. XL. pag. 268. Jacobeam cum sorore Maria Solome, Leuchtenbergenſi Landgravina, confundit.

(o) Arebigrammateus Bergenſis, edita Coloniae Agrippinae A. 1587. fol. cum figuris, sub tit. *Fürſtliche Hochzeit.* vid. DITHMARVS in *Notis ad TESCHENMACH. Annales Cliviae* pag. 357.

(p) *Hiſtor. ſui temporis* pag. 894.

(q) *Annales Juliae* Tom. III. pag. 96. f. 119.

(r) Monasterienſis patria. MOLLERVS *Epicum Carmen* elegans 36. foliis, quartæ formæ conſans, composuit.

tatu. Aderat quoque Eduardus Fortuatus Marchio, patruelis Jacobæ, cum non minore comitatu. Sed & ex Linea Badadurlacensi Jacobus Marchio, magna turba stipatus, comparuit; quos inter Otto Rheingravius & Emico Falckensteinus Comes. Maria Salome, Leuchtenbergensis Landgravia, natu junior Jacobæ soror, quoque ex Bavaria advenit. Equestres ludi, ignes festivi in Rheno, venationes, spectacula; omnia festivitatis genera Dusseldorpii celebrata sunt.

## §. X V I.

Tot lætas solennitates excepit matrimonium infelix. <sup>Tragicus Jacobæ exitus.</sup> Maritus mente captus, quandoque furiosus. Sibylla, natu minima mariti soror, dominandi avida, fratre ægroto, regimen affectavit, reluctantæ Jacobæ; quæ ambiciosæ Sibyllæ denique victima evasit. Adulterii enim cum Nobili quodam ex Hallis de Landscheid (s) accusata, adversos quoque habuit Ducatum Ordines; sterile Ducis sui matrimonium indignatos; secundarum nuptiarum spe vana illectos. Delegati à Rudolpho II. Cæsare ex Ordinibus Provincialibus Judices (t) Jacobæam, non omnino innocentem, nec tamen satis nocentem, A. 1597. damnarunt ad

## E 3

(s) DITHMARVS in *Notis ad TESCHENMACHERY Annal.* p. 357. corruptorem

Jacobæ Comitem Manderscheidium vocat, sed contra fidem actorum.

(t) Negat DITHMARVS à Cæsare vel delegatis ejus Jacobæam fuisse damnatam. Negat eam criminis objecti potuisse convinci.

PHILIB.

mortem. Capite truncata est (u) Dusseldorpii occulte in palatio Ducali; (x) sepulta apud Canonicos Regulares S. Crucis. (y) Antonia Lotharingica, quæ Jacobææ successit in thalamo, non fuit fœcundior. Deceverat fatum, Juliaci, Cliviæ Montiumque Ducatus alias ut ad Domos transirent.

A N N A M A R I A.

§. XVII.

AnnaMa-  
ria uxor  
Wilhel-  
mi Rosen-  
berg.

Secunda Philiberti filia, nata A. 1562. die 10. Jan. Willhelmo Rosenbergæ Dynastæ, Burggravio Bohemiæ, Principis di-

(u) TESCHENMACHER in *Annal. Cliviæ* pag. 357. ait, eam, nescio quo facto, mortuam. DITHMARVS loco *alleg.* ait, eam criminis nondum convictam, nocturno tempore in lecto suffocata fuisse. REIDANVS in *Annal. Belg.* pag. 390. ait, fauces laqueo ei fuisse præclusas, iussu senatus. HUBNERVS quoque *Tab. Genealog.* 286. strangulatam fuisse tradit.

(x) In Conclavi, quod à cygnis nomen habet. (Schwanenzimmer.)

(y) TESCHENMACHER loco *allegat*, ubi Jacobææ laudes his versibus celebratas producit:

- „ Principibus celsis Badensibus orta Jacoba
- „ Clivenfis quondam prima marita Ducis.
- „ Si formam spectes, si cetera, femina, dicas,
- „ Digna hæc fortuna pol! meliore fuit.

MOELLERVS inter alia ita scribit:

- „ Thermiacis Badena tulit quam cognita Nymphis,
- „ Quam bona his septem præferret Jūno puellis,
- „ It comitata quibus &c.

gnitate conspicuo, (z) desponsata est A. 1577. conciliante Rudolpho II. Imp. Jacobea vidua Wilhelmi IV. Bavariae Ducis, Annae nostrae avia, una cum avunculo ejus Alberto V. Duce Bavariae & Philippo fratre, Badensi Marchione, pacta dotalia cum Rosenbergio inierunt d. 23. Sept. Vidualitium Annae assignatum in Dynastia Gretzensi, in Circulo Bechinenfi Bohemiae sita. Nuptiae anno sequente d. 27. Jan. maximo apparatu celebratae Crumlovii. Aderat avia sponsae cum Alberto V. filio & Guiljelmo nepote, Ducibus Bavariae. Aderat Philippus sponsae frater & ipse Caesar Rudolphus II. magnaque Comitum & Dynastarum, Principes hos comitantium, turba. (a) At sterile fuit hoc Annae cum Wilhelmo matrimonium.

Wilhelmus, qui jam ante duas conjuges habuerat, Catharinam Brunsvicensem & Sophiam Brandeburgicam, Joachimi II. Electoris filiam; ex quibus nullam susceperat prolem, Anna defuncta, ad quartas festinavit nuptias, ducta Polyxena Pernsteinensi, quae sobole quoque caruit. Wilhelmus ipse, gentis suae postremus, A. 1593. diem obiit supremum. (b).

(z) Principalis ei dignitas, à Rudolpho II. Imp. concessa. GOLDASTVS de Regno Bohemiae Lib. I. Cap. 15. pag. 126, in notis.

(a) BALBINVS in *Epitome Rerum Bohemicar.* Lib. V. Cap. 14. pag. 603. & *Miscellaneor. Decade II.* Lib. I. pag. 19. BVELIN. *German.* Part. IV. p. 231.

(b) KUEVENHILLER *Annales Ferdinandeï* Tom. IV. p. 1091. & BALBINVS in *Epitome* Lib. V. Cap. 14. p. 606. Genealogiam Rosenbergiæ gentis in *Originibus Guttensteinianis* BALBINVS exponit.

## MARIA SALOME.

## §. XVIII.

Maria Sa-  
lome  
uxor  
Landgra-  
vii  
Leuch-  
tenb.

**T**ertia Philiberti filia, nata A. 1563. d. 1. Febr. Georgio Ludovico, Leuchtenbergæ Landgravio, nupsit A. 1584. die Eri-  
ci post Catharinæ. (c) Obiit A. 1600. mater trium liberorum;  
ex quibus Georgius Wilhelmus stirpem propagavit, pater Maxi-  
miliani Adami, ultimi Leuchtenbergæ Landgravii, quo extincto  
Landgraviatus ille ad Albertum Bavariz Ducem, qui Mechtildem  
Leuchtenbergicam, Georgii Ludovici & Mariæ Badensis filiam  
duxerat, transivit. (d)

(c) WIGVLEJVS HVND A SVLZEMOS *Bayerisch Stammbuch* Tom. II.  
pag. 13.

(d) LVCAE *Fürstensaal* pag. 1167. SPENER *Histor. Insign.* Lib. I. Cap. 50.



CAPUT



## CAPUT III.

## CHRISTOPHORUS II.

PHILIBERTI FRATER

A. 1556 ----- 1575.



## §. I.

Christophorus, Bernhardi Marchionis post-  
humus, die 26. Febr. (a) A. 1537. pro-  
diit in lucem. Adolescens, pactione cum  
Philiberto fratre facta, A. 1556. ditiones  
Luxemburgo - Badenses accepit. (b) Pacti hujus, jurejurando  
utrimque firmati, eum non semel pœnituit, sed nulla ratione per-  
moveri potuit frater, ut à pacto recederet.

Tom. III.

F

(a) Junglerus 26 Maji ponit.

(b) Vide Supra in Philiberto.

## §. II.

Palatino,  
dein His-  
paniæ  
Regi ad-  
dictus.

Ab adolescentia sua Christophorus Aulæ Palatinæ constanter adhæsit. A. 1557. Ottonis Henrici, Electoris, consensu in Belgium ad Philippum II. Hispaniæ Regem se contulit, qui tum grave bellum contra Gallos moliebatur. In hoc bellicæ virtutis demonstrandæ theatro comparuit Christophorus. Frater omnia, ad expeditionem necessaria, ei suppeditavit. In Belgio honorifice susceptus, commendatione Emanuelis Philiberti, Sabaudia Ducis, supremi copiarum Belgico - Hispanicarum præfetti, aulico Regis comitatu adscriptus est; menstrua quingentorum florenorum pensione donatus. Sanguinolento mox interfuit proelio, quo ad Fanum S. Quintini cæsus est Gallorum exercitus & captus ex parte.

## §. III.

In Sue-  
ciam iter  
suscepit.

Composita Gallos inter atque Hispanos Cambresina Pace A. 1559. Christophorus ad Aulam Palatinam, in qua novus tum regnaverat Elector, Fridericus III. rediisse videtur; ubi A. 1561. nobilis cuiusdam feminae, quam adamaverat, morte graviter afflictus, Suecicum iter suscepit. Orebroæ, in Comitatu Nericiæ, apud Suecos, cum aliquamdiu decubisset ægrotus, delatus est Holmiam, ubi Ericus XIV. patri suo Gustavo nuper in folio successerat. Sororem Rex habuit Cæciliam, quam Christophorus deinceps

petiit uxorem. (c) Consensit Ericus, sed ob perpetuas, quibus Suecia cum Danis agitabatur, turbas, dilatae sunt nuptiae. Eruperat enim bellum cum Danis. Christophorus, adductis A. 1563. Germanorum equitum turmis, utilem in bello hoc Regi operam, navavit. (d)

## §. I V.

Nuptiae, quae jam Anni 1564. initio Calmariae celebrari debuerant, (e) nonnisi Novembri celebratae sunt Holmiae. (f) <sup>ejus cum</sup> Cæcilia <sup>Suecica.</sup> At paulo post Ericum invasit suspicio, Christophorum atque Cæciliam, secreta cum Johanne Finlandiae Duce, quem suspicax Rex frater Gryphsholmiae in Sudermannia captivum detinebat, consilia fovere. Brevi ergo intervallo post nuptias ab Aula dimissi, nave conscensa, contenderunt Revaliam, Esthoniae caput, ubi ab ingressu arcis prohibiti, insidiisque non semel petiti, spem inter & metum totam hiemem transegerunt.

Tom. III.

F 2

(c) OLOF DALIN *Geschichte des Reichs Schweden* Tom. III. Part. I. Cap. IX. §. 11.

(d) DALIN loc. alleg. C. X. §. 2.

(e) Extant literae invitatoriae ad Wilhelmum Ducem Brunsw. d. 2. Febr. scriptae; ad quas provocat DALIN loc. cit. §. 12.

(f) MESSKNIUS *Chronologiae Scandianae* Tom. VI. p. 27. & 28. & DALIN loc. cit.

CHRISTOPH. II.  
Domum  
redit.

At veris initio Christophorus per Curlandiam, Prussiam & Vandalicas civitates uxorem suam deduxit in Belgium. (g) Rodemacheræ, quæ ditionis Badensis in Luxemburgico Ducatu oppidum princeps, sedem fixit Christophorus, novamque ibi magnis sumptibus arcem exstruxit.

## §. V.

In Angliam  
proficiscitur.

Cæcilia, Regiæ Aulæ assueta splendori, mox Rodemacheræ pertæsa, maritum induxit, ut eodem A. 1565. quo appulit domum, iter ad Elisabetham, Angliæ Reginam, invensendam susceperet, cujus matrimonium haud ita pridem Rex Ericus ambiverat. (h) Marchio, magnifice à Regina exceptus, paucos post menses rediit domum; relicta apud Reginam conjuge, quæ Londini filium Eduardum, de quo infra differimus, eodem anno in lucem produxit. (i) Regina, singulari Cæciliam amicitia fo-

(g) MESSENIUS & DALIN loc. alleg. Errat THUANUS *Historiar.* Lib. XXXVI. Cap. 17. ubi scribit, Christophorum ipso autumno Anni 1564. conjugem suam per Vandalicas civitates domum duxisse; cum sine demum hujus anni celebratæ fuerint nuptiæ.

(h) HUBERTUS LANGUETUS *Epistolar.* Lib. I. Epist. I. ad Augustum de itinere hoc ita scribit: „Ajust Marchionem eo navigasse, ut renovet veterem cantilenam de conjugio inter Reginam & Suecum, quod non puto esse verum, nisi isti plane insaniant.“

(i) CAMDENUS in *Annalibus rerum Anglicarum regnante Elizabetha* Part. I.

vens, annuam bis mille coronatorum Anglicorum pensionem assignavit Christophoro, quamdiu in Anglia moraretur Cæcilia. (k)

## §. V I.

Crescente tamen ære alieno, Christophorus anno sequente (1566.) clam venit Londinum, conjugem cum filio ut reduceret donum. Creditores, intellecto Christophori consilio, eum manciparunt custodiæ. <sup>Uxorem cum filio in German. redacit.</sup> At intercedente Regina, datisque fidejussoribus, libertati restitutus est Marchio. (l) Paulo post ad fratrem Philibertum se contulit Badam, ubi alterum filium, Christophorum Gustavum, Cæcilia peperit mense Augusto.

Eodem anno Franciscæ, matris suæ, hereditatem adivit Christophorus, à qua non Ufelsingæ modo & Pittingæ <sup>Domin. Ufelsing. & Pitting.</sup> dominia, quæ vidualitii jure possederat, sed & Rusliaci Comitatum, (*Comté de Rouffy*) qui à Cæro patre in filiam Franciscam transiverat, accepit. Ab hoc tempore Christophorus plures per annos Rodemacheræ sedit; rem œconomicam tamen haudquaquam restituens. Philibertus A. 1567. eum hortatus est literis, ut Aulæ suæ

## F 3

---

pag. 94. edit. Elzevir. Anni 1639. THUANUS *Historiar.* Lib. XXXVII. Cap. 4.

(k) LARRAY in *Histoire d'Angleterre* Tom. II. p. 105. scribit, pensionem hanc Marchioni in perpetuum dedisse Reginam.

(l) Languetus ad Augustum, Electorem Saxoniz, Lib. I. Ep. 2. Lutetia 2. Jul.

CIRCA  
1570.

imminueret splendorem. At circa id ipsum tempus Pittingense creditoribus oppigneravit dominium, cui redimendo deinceps Cæcilie frater & Erii depositi successor, Johannes, Suecie Rex, duodecim thalerorum millia, Cæcilie dotis nomine, filio ejus, Eduardo Fortunato, perfolvit. (m)

## §. VII.

Alterum  
ad Sve-  
cos iter.

Ortis A. 1568. religionis causa in Belgio turbis, quæ Luxemburgicum quoque infestarunt Ducatum, Christophorus de securitate sua sollicitus, à Philiberto fratre petiit, ut in Comitatu Spanheimensi, vel alibi in Germanico solo, securam à bello commodamque ipsi sedem assignaret. Precibus his cum non annuisset Philibertus, A. 1570. vel initio anni sequentis cum conjuge & duobus filiis in Sueciam secessit Christophorus; affinis sui Johannis, Suecie Regis, patrocinium implorans. Johannes A. 1572. Sonneburgum, Ofilie insulæ oppidum, Marchioni dedit in feudum; (n) variisque negotiis, in Germania expediendis, eum præfecit; Cæfari quoque per literas ejus curam commendans. (o)

---

1566. rem, uti refero, perferibit. In securitatem debitorum res Cæcilie ab Anglis in custodia retentæ. Bona hæc ut Cæcilie restituerentur, Johannes, Suecie Rex, Cæcilie frater, A. 1573. literis apud Elisabetham Reginam intercessit. DALIN *loc. alleg.*

(m) DALIN Tom. III. Part. II. cap. 12. §. 13.

(n) Literæ investituræ mense Junio datæ sunt; teste DALIN *loc. alleg.*

(o) Scriptæ hæc literæ d. 24. Julii & 26. Aug. A. 1572. DALIN *loc. alleg.*

## §. VIII.

At paulo post decessit Christophorus A. 1575. d. 2. Aug. Obiit Rodemacheræ, ubi & scribitur sepultus. Princeps meliore fortuna dignus; quem infelicem conjugium reddidit. Regiam Principem, regio cultui assuetam, num Rodemachera aleret; sceminam deliciis & voluptatibus fluentem; quam nihilominus impense amaverat maritus.

## §. IX.

Enimvero Cæcilia, Gustavi, Wasæorum ex sanguine <sup>Uxor ejus desponsata Polon. Comiti.</sup> primi Sueciæ Regis & Margarethæ, natæ Abrahami Erichsonii de Loholm Westro - Gothiæ Gubernatoris, filia, antequam Christophoro nuberet, desponsata fuit Polonico Comiti Joanni Baptistæ, ex veteri Tenciniorum gente oriundo. (p) Fuerat ille Palatinus Belzensis, & Sigismundi Augusti, Poloniæ Regis, ad Ericum, Sueciæ Regem, legatus. Hic ante tempus nuptiarum cum fratre suo Johanne negotiorum causa nave profectus, à Danis est captus in mari & paulo post in custodia periit. Anno enim 1563. septennale bellum Suecos inter & Danos efferverescere cœperat mari & terra.

---

(p) OROLEXX Orbis Poloni Tom. III. pag. 12. & 22. ubi epitaphium ejus ex-

## §. X.

Quo defuncto  
nubit  
Christoph.

T encinio mortuo Cæcilia Christophoro nostro, in Suecica tum Aula viventi, connubium promisit. Matrimonialia pacta Holmiæ A. 1564. inita, Erico Rege, Cæciliæ fratre, consentiente. (q) Die XI. Nov. ejusdem anni celebratæ sunt nuptiæ. (r) In testamento Gustavi, quod A. 1560. Procerum Sueciæ consensu firmatum est; centies mille thalerorum dos constituta est Regiis filiabus. Dos hæc jussu Erici Regis, per Gerhardum Grammajum A. 1566. magna ex parte numerata est Christophoro. (s)

Mores  
Cæciliæ.

Cæcilia, marito superstes, longissime vitam produxit, A. 1627. ætatis 87. defuncta; varii & inconstantis animi fœmina, luxuria diffuens; quæ peregrinationibus perpetuis suas & mariti opes decoxit; neglecta plane cura liberorum. Virgo adolescens Gustavi

---

hibet. Sepultus est in Krasnik. Pater Johannis Baptistæ fuit Stanislaus Gabriel, Belzenis & Cracoviensis Palatinus, magnæ in Polonia auctoritatis Princeps.

(q) Instrum. extat in Tabulario Bada-Badeni.

(r) DALIN *loc. cit.* Cap. 10. §. 12.

(s) DALIN Tom. III. Part. I. Cap. 8. §. 34. & Cap. 10. §. 12. lit. z.



Gustavi Regis, patris sui, senectutem nimis libera adflixit. (t) Nupta virtutes inter & vitia fluctuans, maritum vel dilexit vel timuit. Vidua in gratiam Catharinæ Polonicæ, quæ Johannis, Sueciæ Regis, fratris Cæciliæ, fuerat uxor, sacra mutavit. Reditibus apud Svecos donata, fluxis moribus turbidoque ingenio fratrum & bonorum omnium animos offendit. (u) Postremo, Suecia relicta, terras longinquas peragravit ignota, & REIDANO (x) si fides est, rerum Belgicarum scriptori, flagitiosam ob vitam, a Carolo filio Antwerpiae comprehensa, remoto ab hominum accessibus loco inclusa est.

## §. XI.

Christophoro Cæcilia sex filios peperit, quos ordine Libert  
enarro. Christoph.

1. Eduardus Fortunatus, qui patri in terris Luxenburgicis, Philippo agnato, sine masculis mortuo, in Badensibus successit.
2. Christophorus Gustavus, qui in lucem editus Badæ A. 1566.
13. Aug. cæcus & claudus, miseram vitam traxit usque A. 1609. Rodemacheræ Anno ætatis XLIII. defunctus.

Tom. III.

G

(t) OLAVUS CELSIUS in *Historia Gustavi I.* Tom. II. p. 430. sq.(u) DALIN *loc. alleg.*(x) *Annal. Lib. XI.* pag. 297. seq.

CHRISTOP. II.

3. Philippus, Rodemacheræ natus die 15. Aug. A. 1567. Hic post Eduardi Fortunati, fratris sui, mortem ab Ernesto Friderico, Bada - Durlacensi, qui Marchiam Bada-Badensem occupaverat, benigne habitus est in Castro Edlingæ, ubi libere commorabatur. At, mortuo Ernesto, cum successisset frater, Georgius Fridericus, altiora meditari cepit Philippus, consilio de Marchia superiore occupanda suscepto. Eum in finem milites occulte conduxit, absenteque Georgio Friderico, qui Landgravium Hassio-Darmstadiensem festivitatis cujusdam occasione inviserat, consilium exequi decrevit. Sed prodita res. Philippus Edlinga ductus est cum affeculis Durlacum captivus; indeque translatus Hachbergam, quo in Castro post quindecim annorum captivitatem A. 1620. die 6. Nov. decessit; sepultus Sexaviæ; qui vicus est infra Hachbergam. (y) JUNG-  
LERUS eum Principem non usque adeo bonæ mentis & judicii vocat.
4. Carolus, Rodemacheræ quoque natus A. 1569. die 7. Martii. Magnæ spei Principem vocat JUNGLERUS. REIDANUS autem nigris eum coloribus depingit, occasione matris, quam liberius viventem Antwerpiae truculenter

---

(y) JO. LUD. GOTTFRIDI *Chronica* Part. VIII, p. 1063.

tractaverit, addens Carolum brevi post morbo correptum, attritumque donec extingueretur; Nemesis divinæ exemplum. (z) Mortuus est Genuæ A. 1590. ex Hispania re-  
dux. (a)

5. Bernhardus natus A. 1570. mense Decembri; obiit infans.
6. Joannes Carolus, natus in Suecia A. 1572. Eques Ordinis Melitenfis, in bello Belgico militans A. 1599. decessit.

JO. BERTELIUS, Epternacensis Monasterii Abbas, Synchronus scriptor, in Historia sua Luxemburgensi (b) de Eduardi Fortunaſi fratribus ita ſcribit: „Natu illorum prædictorum fratrum tertius (c) cum ad Regem ſibi aſſinem in Hispanias profectus eſſet, negotiis peractis, ad propria remeans in „via morbo lethali correptus, ſuccumbens moritur. Quarto (d) „deinde dominia in Luxemburgensi principatu & Quinto (e)

Tom. III.

G 2

(z) REIDANUS loc. alleg.

(a) JUNGLERUS.

(b) Editionis Colonienſis A. 1605. pag. 190. ſq.

(c) Bertelius Carolum intelligit; qui in ordine filiorum Chriſtophori quartus eſt.


(d) Id eſt, Philippo, qui tertio genitus fuit Chriſtophori filius.

(e) Johanni Carolo.

CHRISTOPH.

„ Melitenfis Equeſtris ordo contigit. Secundus (f) denique to-  
„ tus claudus in Bavaria apud confanguineos Ingolſtadii ali-  
„ quamdiu vitam degit; poſtremo ad Caſtaloniam veniens in  
„ Comitatu Spanheimenſi manſit & modo in Rodenmach mo-  
„ ratur.

(f) Guſtavus Chriſtophorus.



## CAPUT IV.

## P H I L I P P U S I I.

PHILIBERTI FILIUS.

A. 1569. — 1588.

## §. I.



atrem sagatis virtutibus clarum filius clarior <sup>Philippi</sup> <sup>tutela.</sup>  
 togatis excepit. Philippus II. Anno 1559.  
 die 19. Febr. natus, annis novendecim præ-  
 fuit Marchiæ; ex Lineæ Bada - Badensis  
 ramo seniore postremus. Tutelam ejus gessit Albertus V. Bava-  
 riæ Dux, & avia, Maria Jacobea Badensis, quæ Wilhelmo IV.  
 Duci fuerat matrimonio juncta. Interventit Carolus II. Bada-  
 Durlacensis Marchio, qui agnationis jure sibi vindicavit tutelam,  
 Bavaroque in Comitibus Spirensibus A. 1570. eam ob causam in-

Tom. III.

G 3

PHIL. II.

tenderat litem. Maximilianus II. Imp. A. 1571. die 29. Aug. Philippum decimo tertio ætatis anno majorem ætate declaravit, adeoque liti imposuit finem.

In Reli-  
gione  
Romana  
educatur.

Philippus, in Romana religione ab avunculo educatus Alberto, cum pervenisset ad regimen, in superiore Marchionatu eadem sacra reducere studuit. Ab officiis remoti sunt, qui a Protestantium sacris discedere noluerunt.

## §. I I.

Monaste-  
ria Albæ  
Dominar.  
& Reichen-  
bach.

Defuncta A. 1573. Albæ Dominarum Abbatissa, Spirensis Episcopus novæ eligendæ diem monialibus præfixit. Philippus Marchio sui id esse juris arbitratus, re cum Episcopo communicata, electionis designavit tempus. In eodem Monasterio A. 1580. & 1588. albergariæ & seq̃uelæ, ut vocantur, plurimæque alia jura Philippus, territorii dominus ab ipso monasterio salutatus, exercuit. Sed & in Reichenbacensi Benedictinorum Monasterio eadem sibi jura vindicavit, ut Acta Badensia hujus ævi testantur.

## §. I I I.

Licium  
cum  
Schwarz-  
zac, ori-  
go.

In hæc tempora quoque incidunt lites cum Schwarzacensi Abbatia; quæ cum CASPARE BRUNNERO, Abbate, A. 1573. ortæ. Inter alia de propriis Abbatiae hominibus, qui

fervi D. Petri (a) vocantur, certatum est. Abbas A. 1573. varias ob causas captus Ecclesiastico traditus est judici. Res ad Argentinensem, dein ad Moguntinum Antistites, denique ad Summum Pontificem provocatione delata. Temporalium Abbatiae jurium administrationem interea Philippus exercuit. Brunnerus Abbas literis A. 1579. & 15583. datis, territorii dominum eum agnovit. Inter hæc Marchio hominibus propriis Monasterii interdixerat, ne mercatum Lichtenberga - Hanoicum, in vicino, Lichtenaviae oppido tum institutum, frequentarent. Delata inde ad Camera Imperii controversia, A. 1585. fortiter agitata, sed non decisa. Denique Abbas, annua pensione contentus, deposuit munus; mutata mox sententia, quæ egerat revocans. Philippus A. 1585. Romam profectus, a Gregorio XIII. obtinuit bullam, qua Schwarzaceusis Abbatia, salvis Marchiæ juribus, in Seminarium, Patribus sodalitatis Jesu committendum, convertebatur. Bullam decessoris Sixtus V. firmavit. At Imperii Camera, decreto d. 16. Oct. A. 1585. dato, se opposuit Bullæ. (b)

(a) *Sancti Petrus Leuthe.* Monasterium D. Petro dicatum.

(b) *ABBAS GALLUS in Chron. Mf. Monasterii Schwarzach.* Item Distriba, cui. Tit. *Ältenmässige Geschichte - Erzählung Schwarzach contra Baden* pag. 3. seq. pag. 158. seq. *Species facti cum extractu actorum in Sachen des Durchlauchtigsten Hanfes Baden - Baden &c.* pag. 4. 5. 15. 45.

## §. IV.

Ordina-  
tiones  
forestæ-  
les Phil.

In re venatoria & forestali Marchiæ & vicinorum locorum multi à longo tempore invaluerant abusus. Communi super hos consilio cum Christophoro, Wirtenbergæ Duce, deliberavit Philippus, & in oppido Weil super difficultates, hinc inde natas, transegit. Quin & A. 1574. atque biennio post Ordinationes forestales emisit in publicum.

## §. V.

Castri Ba-  
denfis  
extru-  
ctio.

Castrum, quod Christophorus I. Marchio, a montibus descendens, prope oppidum Badam in vicino colle extruxerat, pronepos destruxit Philippus; aliudque spatiosius & ornatius a fundamentis erexit; quod circa A. 1579. perductum ad finem. Palatium substructionibus, cameris, cellis, rupi incis, mirabile, temporibus bellicis omnem Principis familiam cum armamentario, milicibus, ministerialibus, recipere, tegere, quin & contra tormentorum impetus defendere potuit. Novi hujus Castri formam, atria, cœnacula, conclavia, picturas item, quibus ornata erant, una cum hortis ejus oculatus rerum, quas viderat, testis descripsit G A M A N S I U S. At nonnisi levis ejus delineatio superest. (c) Perit illud bellico incendio, A. 1689. una cum

---

(c) In *Topographia Sueviæ* M E R I A N I A. 1643. edita, pag. 12. ubi Castrum



cum oppido combustum; postquam per CX. annos subsistisset. Restituta pace restructum est illud, quod hodie cernimus; cui denique Rastadiense successit.

## §. VI.

A. 1582. die 11. Sept. Rudolphus II. Imp. Philippo & <sup>Acta va-</sup>  
agnatis ejus omnia majorum privilegia & jura, scripto Augustæ  
Vindelicorum diplomate, confirmavit.

A. 1583. Calendarium Gregorianum, quod plerique Ordinum Romano - Catholicorum, Cæsare auctore, receperant, in Marchia quoque sua introduxit Philippus; Juliani Calendarii usu in Marchia Durlacensi manente.

Eodem anno, Februario mense, Philippus una cum Hu-  
prechto, Comite Ebersteinensi, Philippi Comitis tutore, Gernsp-  
censes & vicorum quorundam adjacentium cives manumisit;  
ex hominibus propriis eos liberos constituens. Ebersteinensem

Tom. III.

H

---

cum oppido Bada æri incisum. Ueberior partium & picturarum hujus Arcis descriptio subjuncta est Genealogiæ Badens MS. GAMANSII, de qua in Badensium Rerum Scriptoris in Præfatione disserui.

Rosam scuto Badensi in insignibus suis quum addidisset Philippus Badensis, Ebersteinii Comites, injuriam sibi factam arbitrati, intercesserunt. His aliisque litibus tollendis, institutum A. 1584. colloquium, sed de Rosa (*d*) nihil mutatum. Ab hoc tempore Badenses Ebersteinii Comitis nomine atque insignibus constanter sunt usi. Wolfgangi Bipontini filius, Johannes A. 1584. de relucenda Grævensteinensi Dynastia cum Philippo Marchione tractavit; sed Badenses relictioni locum dare noluerunt. (*e*)

## §. VII.

Legatio  
Venetias  
decreta.

A. 1585. Philippus noster & Ernestus Bada - Durlacensis, sumtu communi legatum, rerum historicarum peritum, Venetias mittere decreverant cum literis ad Venetorum Ducem, quibus petebant Marchiones, commendatitias legato literas ut daret Senatus ad Civitatem Veronam, ut in ea & in Monasteriis Marchiæ Veronenfis inquireretur I. Quando majores eorum provinciam illam gubernandam acceperint. II. Quamdiu eam rexerint. III. Quid ab illis in Marchia præclare gestum. Literæ hæ, lati-

---

(*d*) Rosa vetus est Comitum Ebersteinorum insigne. Aper, a nomine defunctum, junioris ætatis est, ortus haud dubie, ut Ebersteinium vetus a juniore distingueretur.

(*e*) *Acta in Tabulario Bada - Badensi.*

no sermone scriptæ, in Tabulario Bada-Durlacensi supersunt. Legatio autem nun habuerit locum, non liquet. Ex literis autem liquet, Marchiones non credidisse, majores suos Italicæ fuisse originis, sed eos ex Germania cum Imperatoribus in Italiam portectos, Urbi totique tractui Veronæ ab iisdem fuisse præfectos.

A. 1586. Sixtus V. Pontifex Philippo Marchioni Philippum, Episcopum Placentinum, Sedis Apostolicæ Nuntium, ad Rudolphum II. Imp. iter facientem, commendavit. (f)

## §. VIII.

Inter hæc majoris molis opus perfecerat Philippus. An- Statuta provin-  
no enim 1588. die 2. Januar. Statuta provincialia (g) Marchiona-  
tus sui Bada - Badensis, in quibus digerendis laboratum est diu,  
perduxit ad finem. Statuta hæc nunquam fuere typis mandata,  
sed manu exarata in scriniis servantur. Veteres Marchiones,  
quæ per aliquot secula ordinaverant singuli, ea in unum Juris  
Statutarii Bada - Badensis Corpus, quinque partibus constans,  
colligi iussit Philippus, ad Juris provincialis Wirtembergici nor-  
mam.

Tom. III.

H 2

(f) Codex Diplom. Bad.

(g) Das Landrecht.

In prima parte judiciarius ordo, processus civilis, & quicquid ei adhæret, tractatur. Secunda pars de conventionibus atque contractibus; tertia de ultimis voluntatibus; quarta de successione ab intestato, quinta de criminibus eorumque poenis mentem Principis exponunt. (h) Opus haud exigui laboris tam justo & tam æquo Principe dignum.

## §. I X.

Obitus &  
Chara-  
cter ejus.

Dignus & ipse fuerat Philippus, vita ut longiore frueretur. At ejusdem anni 1588. die 17. Junii, vigesimo nono ætatis Philippus decessit; vividi & præstantis ingenii princeps, literarum & literatorum amans & ipseque literatus. Singularis ejus in vetera Romanorum Monumenta & in literas elegantes amoris specimen est, quod Etlingensem Neptunum, monstro comitatum marino, lapidi insculptum, cum subiecta Inscriptione, quem sub Philiberto Bavari tutores in Bavariam abstulerant, ipse ex Bavaria Edingæ suæ, ubi olim repertus, non sine labore sumptibusque restituit. (i) Ingolstadii literis incumbens Rectoratum Academicum

(h) WOLFGANGUS ADAMUS SCHOEFFIUS, Tubingensis Professor; in *Dissertatione*, A. 1745. Tobingæ edita, opus hoc suis laudibus extollit & summa ejus capita exponit.

(i) ALSATIA ILLUSTRAT. Tom. I. pag. 493.

A. 1572. & biennio post gessit. In eo tamen desideres, quod in elegantias nimis propensus, neglecta rei familiaris cura, ære alieno suam Marchiam oneravit. A. 1582. ab Ordinibus provincialibus ducenta florenorum millia impetraverat; (k) sed ob Aulæ suæ splendorem, quotidianos inter sumtus, aucta sunt debita, quæ Gallicum, Italicum, Belgicumque itinera, A. 1583. & sequente multum adauxerant. Consiliarii ejus, misso in Belgium Vice - Cancellario Zimmero, ei denuntiarunt unamines, sua se deposituros esse munera, impensis nisi poneret modum. Philippus, qua erat animi docilitate, eos audivit benigne; sed impensas non minuit.

## §. X.

Sibyllam, Wilhelmi Ducis Juliaci & Cliviæ filiam, Sponsa. A. 1586. sibi desponsavit Philippus. Ejusdem Sibyllæ frater, Johannes Wilhelmus, postremus Juliacenſium Dux, Jacobæam, Philippi forem, anno præcedente, ut vidimus, conjugem duxerat. Lahræ & Malbergæ Dynastiis assignatum est dotaliqum Sibyllæ. Auctore & suafore Sixto V. quæſſ Romæ inviserat, sponsalia hæc contraxit Philippus, ut ex literis Pontificis, A. 1585. die XIII. Julii. Roma ad Marchionem scriptis, apparet. (l)

H 3

---

(k) *Species falsi contra Schwarzach. pag. 6.*

(l) *Codex Diplom. Bad.*

PHIL. II.

Idem Pontifex aliis literis XII. Octobris nuptias cum Sibylla gratulatus est Marchioni. Sed ante consummatum matrimonium Philippus decessit sponfus; Marchiam suam patrueli Eduardo Fortunato relinquens, qui corruptis moribus suis eam evertit.



CAPUT

## CAPUT V.

## EDUARDUS FORTUNATUS.

A. 1588 — 1600.



## §. I.

Bada nullum Principem vidit, cujus lætiora Introitus.  
exordia; cujus nativitas felicioribus illustrata ominibus, quam Eduardi natales.  
In bellico Succorum theatro pater ejus comparuit heros. Mater magni Gustavi  
Wastei filia, qui Svecicum virtute folium  
sibi posterisque paravit. Nascentem in Britannia Eduardum magnanima illa Anglorum Regina, Elisabetha, una cum Galliae Rege in initiatione sacrorum sibi filium adoptat, nomenque Eduardi, Angliæ Regno tam carum, eidem imponit; *Fortunati* axioma subjungens, ut in ipso nativitatis exordio ei desponderet fortunam, redderetque faventem. (a) Verum enimvero præclara

---

(a) LANGUETUS *Epistolar. ad Augustum Editorem* Lib. I. Epist. I. CAM-

EDUARD.  
FORTUN.

hæc Principis infantis ad magna, ut videbatur, prognati, omina in adolescente deinceps disparuerunt; qui in juventa quoque inconflans semper & varius, adversæ suæ ipse fuit faber fortunæ; in omni sua vita levis; quin & præceps in morte. INFORTUNATUM diceres morientem & vivum. Et tamen faverat adolescenti providentia, ut arescente Lineæ Bada-Badenfis ramo seniore, ex Luxemburgicis rami junioris terris ad superiorem Badæ Marchiam vocaretur Eduardus; Lineæ suæ propagator destinatus a cœlo. Sed terras ille nactus, magnis debitis oneratas, oneravit majoribus; Belgicis in Aula Bruxellensi irretitus deliciis; Marchia sua quasi extorris; unde regimen infelix; quod vita ejus enarranda docebit.

### §. I I.

Eduardi  
initia.

Natus A. 1565. d. XVII. Sept. Londini, ex Anglia Rodemacheram, Rodenachera Badam; denique A. 1570. cum parentibus in Sveciam transivit. Christophoro patre amisso, vix decennium agens, Luxemburgicas A. 1575. ditiones accepit; quas dein A. 1588. post Philippi Badensis obitum cum Marchia superiore conjunxit. Minor ætate Wilhelmum V. Bavariae Ducem, Principem pium & probum, accepit tutorem.

### §. I I I.

---

DE NUS *Rerum Anglicar. regnante Elisabetha* Part. I. ad A. 1565. THUANUS *Historiar. Lib. XXXVII. Cap. 4. p. 423.*



## §. III.

Eduardus viginti duorum annorum juvenis A. 1587. suscepit in Sveciam itinere, ad Comitatus Wadstenensis se contulit, in quibus avunculi ejus, Johannes Sveciæ Rex & Carolus Sudermanniæ Dux, positis utrimque similitudinibus, ad concordiam redierunt. Rex Sveciæ non sine pompa suum ex sorore nepotem, Eduardum nostrum, excepit; (b) qui Calmariam dein & Stegeburgum secutus est Regem; brevi post cum filio ejus Sigismundo, cui post Stephani Bathorii mortem Poloni eodem anno regnum detulerant, in Poloniam abiturus. Nec inutile ei fuit hoc iter. Sigismundus enim A. 1587. telorum Regionum ordinationem Eduardo concessit. A. 1588. eidem omnium metallifodinarum Poloniæ tradidit jura. (c)

## §. IV.

Ex Polonia redux A. 1589. cum Christophoro Gustavo, cum fratribus Philippo, Carolo & Johanne Carolo fratribus, de successione terrarum hunc in modum transegit: Marchia superior cum Spanheimensi Comitatu soli cedat Eduardo; qui & onera, his ditionibus.

## I

(b) MESSENIUS *Chronologia Scandinavica* Tom. VII. p. 81.

(c) Vide Cod. Diplom. Bad. ad hos annos.

EDUAR.  
FORTUN.

bus inhaerentia, in se suscipiat; fratribus annuæ mille florenorum assignatæ pensiones; quæ singulorum morte, vel si ecclesiastica beneficia ejusdem valoris impetraverint, extinguantur. Idem fratres Luxenburgicas Dynastias cum oneribus teneant, matrique alimenta præbeant: investituram feudorum suo & fratrum nomine accipiat Eduardus; at suæ quisque ditionis conferat feuda; homagium nonnisi post impetratam Cæsaris confirmationem exigatur.

§. V.

Regimen  
edit.

Eduardus non expectato Cæsaris consensu A. 1589. Marchiæ superioris regimen adiit; atque hoc & sequenti anno ob æs alienum & turbas, quæ in Gallia agitabantur, varios conventus provinciales habuit; expeditionis Gallicæ suscipiendæ causa petens tributum. Furentes illa hieme Rheni aquæ inundationibus suis magna per Marchiam, Dachslandiæ præsertim, damna dederunt; quibus reparandis Eduardus cum Ernesto Friderico, Durlacensi, mense Febuario, habuit conventum; eodemque tempore, acceptis ab Ernesto quadraginta florenorum millibus, eidem potiorem frumenti & vini partem, quæ ex conventionem maiorum a Durlacensibus superiori Marchiæ in supplementum quotannis pendebantur, sub reluendi tamen lege, remisit. (d)

(d) Vid. Transactio Etlingensis in Cod. Dipl. Bad. ad A. 1629.

## §. VI.

Posthæc in Alexandri Farnesii, Parmæ Ducis, & Gubernatoris Belgii Hispanici, Aula Bruxellis aliquandiu vixit Eduardus. Ibi Mariam, Jodoci ab Eycken, Bredæ Præfecti, filiam, occulto sibi matrimonio junxit die 13. Martii A. 1591. impetrata ab Officiali Bruxellensi rituum publicorum ommissione. Johannes de Nivellis, Ecclesiæ S. Gudulæ, quæ primaria Bruxellensium est, presbyter, Cancellariæ Brabantinæ sacellarius, matrimonium consecravit.

Paulo post Eduardus, relicto Belgio, Badam se contulit, ad Italicum ut se iter pararet. Natalitia Christi eodem, quem memoravimus, anno (1591.) celebravit Mediolani. Comites itineris erant Maria conjux & Bornius, Collegiæ Badensis Præpositus, qui ipsi a confessionibus erat. Inde Romam adivit, atque in reditu aliquantum temporis hæsit Murani, quod celebre maris Adriatici oppidum est, in pulcherrima insula prope Venetias situm. Ibi filiam ei Lucretiam peperit Maria, quam legatus Pontificis, (e) Venetiis degens, de baptisnatis fonte suscepit.

Tom. III.

I 2

---

(e) Episcopus Vincentinus.

EDUAR.  
FORTUN.

### §. VII.

Legatio  
ad Bava-  
rum de  
confir-  
mando  
matrim.

Post reditum ad Badæ penates gravida iterum quum fuisset Maria, matrimonium suum clandestinum esse diutius noluit. Ante omnes conciliandus erat Wilhelmus V. Bavarizæ Dux, sub cuius tutela nuper vixerat Eduardus. Matrimonium ut ille probaret, Pistogiæ, hominem sacundum & doctum, de quo supra differui, (f) qui Constantiæ tum vixerat, ablegavit Monachium, rem omnem ut exponeret Duci: Eduardum nempe ante biennium legitima matrimonio conjugem sibi adjunxisse Mariam, obtentaque jam Summi Pontificis confirmatione, ne mutet sententiam, religione impediti. Sperare ergo Marchionem, matrimonium non improbatum iri a Duce.

### §. VIII.

Respon-  
sio Bava-  
ri.

Bavarus, audita Marchionis legatione, ab initio in alia omnia discessit; multa de rebus ab Eduardo susceptis conquestus: Cæsare & se curatore ignaris nuper eum exegisse homagium. Bis eum, non salutato Duce, per Bavariam iter fecisse; Aulae suæ comitatum, contra quam promiserat, auxisse: institutis peregrinationibus multis, æs alienum, a decessoribus contractum, cumulassee; cui tamen exsolvendo Marchionatum omnem, fratribus

---

(f) Tomo I. in Præfat.

exclusis, acceperit solus. Questus est porro Dux, Eduardum, spretis Cæsaris missis, Juliaccensem & Leuchtenbergicam causam in contemptum Cæsaris ac Ducis neglexisse; a perversorum hominum consiliis eum semper pendere; assignatas fratribus non exsolvere pensiones & monita Ducis contemnere; quem perpetuae creditorum Eduardi sollicitationes exagitant. Addidit Dux, cum peregre abeuntem terras suas Lutheranis commendasse Principibus, atque in Conventibus Circulorum iisdem suffragia sua, in detrimentum religionis Catholicæ permisisse. Hæc & alia Pistorius, qua meliori potuit, ratione purgavit & denique Wilhelmum V. permovit, ut a matrimonio alienum se non fore profiteretur. Marchionem tamen monuit Bavarus, ut Cæsarem, Poloniæ Regem & Marchionem Durlaccensem, ceterosque, ad quos pertineat, de matrimonio suo redderet certiores. Relatio, quam de negotio hoc ad Eduardum misit Pistorius, scripta est die 30. Martii, A. 1593. Ernestus Fridericus, Durlaccensis, ob legationem hanc graviter succensuit Pistorio; deceptum ab eo Baviaræ Duces causatus. (g)

## I 3

---

(g) Pistorius ea de re A. 1601. die XIII. Februar. literas dedit ad Carolum Orselaer, Præfectum Provinciale, (*Landhofmeister*) quarum excerpta occurrunt in Literis responsoriis Alberti Archiducis Austriæ, tutoris liberorum Eduardi Fortunati ad Georgium Fridericum Marchionem A. 1609. In literis his ita loquitur Pistorius: „Accidit, quod

## §. IX.

Matrimo-  
nii publi-  
catio.

Eduardus autem, accepto Bavari consensu, nuptias cum Maria publice celebravit in palatio Badensi die XIV. Maji A. 1593. Adhibuit testes Richardum Roardum a Neuenstein, Marefchallum; Joannem Afchmannum Cancellarium, Alexandrum Hæmel, Procancellarium, & Simonem Petrum Luon, Confiliarium. Franciscus Bornius, Præpositus Badensis, negotio aderat sacerdos, ipse Principis ecclesiastes & ab Ecclesiasticis consiliis. (h)

A. 1594. Clemens VIII. Pontifex legatum suum Ludovicum, Cardinalem Madrucium ad Comitata Ratisbonensia, in quibus de bello contra Turcas gerendo deliberabatur, abeuntem, commendavit Eduardo. (i)

---

„ metuebam. Illustrissimus enim Ernestus Marchio, qui me adjuto-  
 „ rem negotii vestri esse putat, mirabiliter in literis ad Bavarum in me  
 „ debacchatur, in mea fallaci loquentia & artibus malis circumscri-  
 „ ptum Bavarum scribit, 'ut Eduardi nuptias comprobaret, sed inju-  
 „ riam mihi fieri, & literæ meæ & ipse Serenissimus Dux pater testa-  
 „ buntur. Mirum illos homines sic ardere in me odio, ut ne quidem  
 „ a falsis criminationibus absterneant. „

(h) Bornius post occupatam ab Ernesto Friderico Marchiam superiorem, relicto Eduardo, ad Ernestum transiit; a quo tamen paulo post carceri mancipatus est & denique dimissus. Vixit adhuc A. 1609.

(i) Cod. Dipl. Bad.

Hic eodem anno die 13. Maji testamentum condidit vivus & valens; atque Mariam, si fieret vidua, liberosque ex ea prognatos, Marchiæ bonorumque suorum constituit heredes.

## §. X.

Post hæc Eduardus, indole sua ad voluptates propensus, Ernestus  
Bruxellis apud Ernestum Archiducem, Belgii Hispanici Prore-  
gem, cujus Aula dignitate, splendore, elegantia, cum regis il-  
lius ævi certavit, plerumque versatus est, debitorum a patre &  
a patruele Philippo, cui in Marchia Badensi successerat, contra-  
ctorum, incurius; annuas non solvens pensiones; bona mobilia,  
a Philippo relicta, dilapidans. Cumulatum ita in dies æs alie-  
num, obrutus debitis Principatus in eo erat, ut distraheretur in  
partes. Ad Cæsarem Rudolphum II. confugiunt creditores; qui-  
bus immissio in bona conceditur. Bavaro & Lotharingo res  
omnis commissa, qui eam commendant Fuggero. (k) Dur-  
lacenſes fratres ad delendum commune Gentis suæ incendium cito  
pede accurrunt; superioris Marchiæ se constituunt sequestres; ne

(k) REIDANUS *Annal. Belgicor.* Lib. XI. pag. 297. scribit, Eduardum præ-  
scripta a Cæsare pecuniæ summa non contentum, Marco Fuggero  
ditionem suam & hereditarium in eam sua vendidisse, reservatis sibi  
quotannis, donec superesset, septem & triginta Imperialium millibus,  
Sed de venditione hac in Badensium scrinulis nihil reperio. \* Eduardus  
solvendo æri alieno terras suas oppignerare voluerat Fuggero, reserva-

EDUAR.  
FORTUN.

antiquissimum Badensis Domus patrimonium, unde origo eius & nomen, transferatur ad alios; consilium, quod nec ipsum Minois damnasset tribunal. Exterus cur exequatur, quod exequi possunt debentque agnati. Occupationem hanc Marchiæ superioris A. 1594. ineunte Novembri factam, scripto, in publicum emisso, Ernestus Fridericus defendit, ut suo loco videbimus.

### §. XI.

Eduardi  
gesta in  
Belgio.

Eduardus Fortunatus, e terris suis exul, apud Albertum Aufriacum, & Isabellam Claram Eugeniæ, Belgii Hispanici Principes, (l) maximam temporis partem, transegit Bruxellis; in bello adversus Belgas Fœderatos stipendia meritis. Albertus, fufis A. 1597. quas Mauricio, Araufionis Principi, Belgarum Fœderatorum summo belli Duci, opposuerat, copiis, Eduardum, novum ut conferberet equitatum, in Germaniam misit. (m)

Anno

---

tis sibi annuis redditibus; sed occupatio Marchionatus, a Durlacensi suscepta, omnem hunc tractatum abruptit.

(l) Ernesto Archiduci, qui A. 1594. decessit, Fontanus (*Fuentes*) successit. At A. 1596. Philippus II. Hispaniæ Rex consilio politico filiæ suæ, Isabellæ Claræ Eugeniæ Belgium Hispanicum tradidit, quæ nupsit Alberto Archiduc. Sub Regimine hoc felicissima fuerunt Belgii Hispanici tempora.

(m) H K K A K I *Annal. Brabant.* Tom. II. p. 525.



EDUAR.  
FORTUN.  
In Sve-  
cia.

Anno sequenti Eduardus ad Polonos ingressus est iter. Sigismundus, Sveciæ Poloniæque Rex, expeditionem tum paraverat in Sveciam, Caroli Sudermanniæ Ducis, patrui sui, ut conatus reprimeret; qui Rege absente, summam in Sveciæ Regno sibi potestatem vindicaverat. Eduardus Gedano solvens cum Rege, adpulit in Sveciam die 30. Julii. (n) Recepta inde in fidem Calmaria, Rex sine Augusti cum exercitu Stegeburgum, Ostrogothiæ Castrum, navigavit. Interveniētibz exteriorum Principum legatis Regem inter & Sudermanniæ Ducem de pace aliquandiu tractatum est, sed irritō labore. Carolus collectis undique copiis ad Stegeburgum Regi occurrit. Die 9. Septembris certatum est p̄celio. Sigismundus cum Farenbachio, suorum Ducē, Carolum a fronte aggreditur; a tergo eum invadit Johannes Vejerus Starosta Prizkenfis. Res in eo jam erat, victoria ut potiretur Sigismundus; sed interventu Eduardi nostri & Johannis, (o) Orientalis Frisiæ Comitis, utrimque ab armis discessum. (p) Sigismundus civium ut parceret sanguini, liberum

Tom. III.

K

(n) MESSENIUS *Chronologia Scandianæ* Tom. VIII. pag. 59. OLOF DALIN *Geschichte des Reichs Schweden* Tom. III. Cap. XVIII. §. 9.

(o) Johannes hic filius erat Edzardi II. Orientalis Frisiæ Comitis ex Catharina Gustavi I. Regis filia, Cæciliæ & Caroli Sudermanniæ Ducis sorore genitus.

(p) MESSENIUS *loco alleg.* pag. 65. & DALIN *loco alleg.* §. 14. LOCCENIUS tamen, quod mireris, *Historiæ Svecanæ*, Lib. VIII. pag. 439.

EDUAR.  
FORTUN.

Carolo ad castra sua reditum concessit, atque in amicos tractatus, crastino die instituendos, consensit. Per multos dein dies de pacis legibus disceptatum est, donec post adventum Svecicæ classis Sudermannicæ Dux, viribus auctus, duriores Regi conditiones proponeret. Rex panico terrore percitus, omisso pacis negotio, fugit Lincopiam. Insecutus eum Carolus capto direptoque Stegeburgi Castro, ad pontem Stangebroensem, qui haud longe Lincopia distat, die 25. Sept. insignem illam regis intulit cladem, quæ causa fuit, ut Svecico dein folio Sigismundus ex-cideret.

### §. XII.

Eduar-  
dus pacis  
arbitrer  
inter Si-  
gism. &  
Carolus.

Post memorabilem hanc pugnam, cui Eduardus quoque noster interfuerat, denuo actum de pace. Nominati utrimque sunt sex arbitratore, quos inter a parte Regis primum locum tenuit Eduardus. (g) Institutis igitur in ponte Stangebroensi colloquiis, post multas difficultates die 28. Sept. signata est pax, Sigismundo Regi parum gloriosa; qua ille quinque regni senatoribus suarum partium, qui contra leges fecisse dicebantur, Caroli

---

Eduardum pugnae initium fecisse scribit his verbis: „ Ubi Marchio Ba-  
„ densis Eduardus, Rege, ut quidam volunt, permittente, ut alii,  
„ reprehendente eum hujus rei causa, vel quod verisimilius, culpam  
„ in eum conferente, quod præceps animi esset, & inde furiosus ap-  
„ pellaretur, & Polonicus miles Caroli exercitum pilis impetiverunt.

(g) D A L I N loco alleg. §. 25.

Ducis potestati permiffis, confestim Holmiam fe iturum pollicitus eft, ut intra fpatium quadrimeftre ordinum celebraret Comitia. Interjectis dein aliquot diebus, Rex miffio ad Carolum legato, res fibi & Annæ forori ut & Eduardo Badeni in prælio nuper ablatas, repetiit. (r)

Reftituta jam videbatur apud Svecos concordia; finito bello civili. At Sigismundus, infidias a patruo veritus, mutato Holmenfis itineris confilio, contra omnium expectationem medio Octobri e Svecia in Poloniam abiit, ut anno vertente cum fortiore reverteretur exercitu. Eduardus Fortunatus, regię fugæ non confcius, illo ipfo tempore apud Carolum avunculum, Sudermanniæ Ducem, morabatur; eoque verfus anni finem relicto, per Gothiam, Daniam & Germaniam in Poloniam feftinavit. In regno hoc redux prohibitus eft, Regem adire, cui ob diuturniorem cum Carolo Duçe moram fides Eduardi videbatur fufpecta. (s) Eduardus tamen, fi audiamus REIDANUM, (t) paulo poft cum Sigismundo in gratiam rediit; qui eum A. 1599. ablegavit in Sveciam, ut ad Occidentale Sinus Codani litus Præ-

Tom. III.

K 2

(r) Aulæ ex conclavi Marchionis Badeniſis ablata repetiſſe Regem ſcribit MESSENIUS *Chronologia Scandianæ* Tom. VIII. p. 74. add. DALIN §. 28.

(s) MESSENIUS pag. 76, & 78. DALIN §. 31.

(t) ANNAL. BELG. Lib. XVI. p. 491.

EDUAR.  
FORTUN.

fectos castrorum tentaret. In expeditione hac Marchio interceptus a Danis, qui Carolo Sudermanniae Duci favebant, atque in vincula coniectus est, sed mox dimissus, post multos exantlatos labores ad suos denique in Belgium rediit.

### §. XIII.

Mors ejus  
violenta.

Obit Eduardus A. 1600. die 8. Junii apud Westrasios Castellauni, quod Castellum Hunnorum vocant noviores. Castrum cum oppido in tractu, cujus nomen *Dorsum Hunnorum* (*Hundsrück*) milliari Germanico a Simmera in septentrionem distans. Castrum hoc cum Praefectura Castellaunensi, ut Comitatus Sponheimensis partem Eduardus cum Carolo, Comite Palatino Birkenfeldensi, in communione possederat. Carolus illo ipso tempore adierat Eduardum, ut de communibus Sponheimensis Comitatus negotiis cum eo tractaret. Extant literae Caroli, ad Fridericum Electorem Palatinum, (u) Castellauno tum scriptae, quibus narrat, Marchionem, ab ejus colloquio in conclave rediturum, offenso pede, gradibus scalae lapideae prolapsum graviterque vulneratum, paucas post horas animam efflasse. Faluntur itaque Scriptores, qui eum Bruxellis extinctum fuisse tradiderunt. (x)

(u) Literae hae, d. 9. Junii datæ, occurrunt in Scripto Bada-Durlacensium contra Wirtenbergicos ratione Praefectarum Mundelsheim & Besigheim pag. 69.

(x) IMHOFF Notitia Procerum Imp. Lib. IV. Cap. IV. num. B. SPENER ia

Eduardus in agone constitutus, testamento, nuper jam condito, Codicillum adiecit, quem PISTORIUS, fidus Eduardi comes, sermone latino consignavit; ubi de sepultura hæc disposuit: „ Volumus corpus nostrum in Marchionatu nostro, jure „ nobis debito, Badenis in Ecclesia Collegiata mandari terræ „ cum honesto Epitaphio pro majorum nostrorum more. „ Sed dispositio hæc quoad sepulturam caruit successu. Erectum quidem Eduardo Badæ cenotaphium; sed corpus ejus in Parthenone Portæ Angelorum (*Engelsfort*) Præmonstratensium Ordinis, in Diœcesi & ditione Trevirensi, quod Castellauno quatuor leucis distat, (y) reconditum est. In Necrologio enim hujus cæno-

## K 3

*Sylloge* pag. 627. METEREN *Histoire des Niederlând, Kriegs* Lib. XXI. pag. 949. ZECHIUS *im Europ. Herold* pag. 503. ANONYMUS AUCTOR Libri: *Staat der Marggraven von Baden* pag. 31. Solus fere REIDANUS *Annal.* Lib. XI. pag. 298. Castellauni eum periisse scribit his verbis: „ Eduardus anno supremo seculi decimi sexti, octava „ Junii die, temulentus, in arce Castellauna gradibus præceps devolvitur, ac cervicibus, spina dorâ, brachiorum altero, crure utroque „ fractis, vitam finivit. „ Quæ addit REIDANUS, superstitionem valde redolent: „ Firmabant domesticorum nonnulli, duabus ante horis querulam vocem e fossa arcis semel ita sumque auditam, vix miseræ animæ moræ. „

- (y) De Monasterio hoc vide CAROLIHUGONIS *Annales Præmonstrat.* Tom. I. pag. 173.

EDUAR.

FORTUN.

bii legitur: „Eduardus Fortunatus dedit pannum holosericum  
„ pro ejus sepultura. „

## §. XIV.

Chara-  
cter.

Eduardus Princeps fuit non sine dotibus ingenii, sed animo varius, inconstans, mutabilis in horas, ad voluptates nimis proclivis; non alieni appetens, sed prodigus sui; bonus cum bonis; neque tamen, ut in bivio Hercules, tam obfirmatus in bono, ut illectus ad malam non desisteret viam. Lutherana ille patris & avi religione relicta professus est Romanam. Relicto quoque ditionum suarum regimine, peregrinationibus continuis, ætatem contrivit. Imputantur Eduardo necromanticæ artes studiumque magiæ; nec libero eum a culpa, sed & aliæ superiorum temporum aulæ eodem vitio laborarunt. Astrologi (z) more inverte-  
terato Principum, Regum & Cæsarum credulitate multis retro seculis apud Francos, Germanos, Italos abusi sunt.

## §. XV.

Uxor.

Uxor ejus Maria ab Eicken filia fuit Jodoci ab Eicken, Domini de Riviere & Ganshornes, Gubernatoris Bredæ, Prin-

---

(z) Inter Officiales aulicos fuerat Astrologus; Astrologiam cum Astronomia quum confunderet ignorantia ævi. Carolus Magnus, Ludovicus Pius in aula sua habuerant Astrologos, quorum unus, sed Anonymus, vitam Ludovici descripsit.

cipis Araufionensis Aulæ Mareschalli; neptis Johannis ab Eicken, proneptis Henrici. (a) De illa in testamento A. 1600. Castellau-  
ni condito, ita constituit maritus: „ Futura vidua nostra Maria  
„ Marchionissa, si nos vivendo superabit, volumus ut Badenis  
„ in Arce, quousque filii nostri adolecant, habitet & viduita-  
„ tis beneficio, pro singularibus literis, ista de re confectis,  
„ fruatur; vel si nos citius moriamur, quam restitutio Mar-  
„ chionatus facta sit, volumus, ut tamdiu sit Casteloni, quous-  
„ que commode Badenis esse potest: manentibus omnibus vi-  
„ duitatis juribus, ut in literis sunt. „

Jam A. 1594. die 8. Sept. Eduardus scripto Trarbaci com-  
posito, partem suam in Castellaun Mariæ huic in vidualitium af-  
signavit.

Hæc obiit A. 1636. d. 21. Apr. in cœnobio quoque Engel-  
pfortiano sepulta. (b)

## §. X V I.

**Ex** ea Eduardus tres filios, Wilhelmum, Hermannum Liberi.  
Fortunatum & Albertum suscepit, quibus pater moriturus Alber-  
tum Archiducem, Belgii Principem, & Salentinum Comitem  
Isenburgi testamento dedit tutores, quos decreto confirmavit Cæ-

(a). Genealogiam hanc exhibet KOHNLEBUS in *Münzbelegung* Tom. XVI  
pag. 119. IMHOFFUS in *Notitia Procerum* Lib. IV. Cap. 2. §. 13. Mariæ  
patrem male vocat Jacobum.

(b) HUGONIS *Annales Præmonstratenses* Tom. I. pag. 171.

EDUAR.  
FORTUN.

far. Anna Maria Lucretia, Eduardi filia, apud Italos A. 1592. die 7. Aprilis, quæ adspexerat lucem, A. 1654. d. 12. Sept. Castellauni defuncta, in monasterio Portæ Angelorum cum matre requiescit. (c) WILHELMUS natus maximus fratrum post patris ex Italia reditum, A. 1593. natus, Bada-Badenfem lineam continuavit.

### §. XVII.

Herman-  
nus For-  
tun.

HERMANNUS FORTUNATUS natus Raftadii 23. Jan. A. 1595. (d) ditiones Luxenburgicas & Rodemacheram fortunarum sedem accepit. In bello tricennali Germanico, Hispanica primo, dein Imperialia secutus est signa. A. 1633. sub Comite Montecuculo militans ad Rhenum, prælio ad Brisacum, mense Junio ejus anni commisso, interfuit, in quo Sveci victores Comitem Montecuculum ceperunt. Idem A. 1634. in prælio ad Watwillam in Alsatia pugnavit. (e) Obiit A. 1664. Prima ejus uxor fuerat ANTONIA, Christophori, Dynastæ Crichingenfis filia; vidua Hohenfæxii Dynastæ; quam A. 1627. d. 18 April. Badæ sibi conjugem adjunxit. Ex ea duos filios unamque filiam suscepit Hermannus.

CARO-

(c) HUGO in *Annal. alleg.* pag. 174.

(d) Wilhelmus Solmenfis Comes de fontibus baptismatis eum suscepit.

(e) BOGISLAUS A CLEMNITZ *Belli Svecici* Tom. II. p. 160. & 349.



CAROLUS WILHELMUS EUGENIUS, A. 1627. natus, à Ferdinando IV. Romanorum Rege in numerum cubiculariorum adscitus est; postea inter Canonicos Colonienſes cooptatus, A. 1666. vivere deſiit. LEOPOLDUS, qui eum exceperat, anno ætatis ſeptimo vita exceſſit. MARIA SIDONIA, A. 1535. nata, Philippo Friderico Chriſtophoro, Principi Hohenzollerano, Hechingenſi, A. 1664. nupta, A. 1686. d. 15. Aug. deceſſit. Ex altera conjuge MARIA SIDONIA, Philippi Franciſci Falkenſteinii Comitis filia, quæ priori matrimonio Adamo Philippo, Cronbergico Comiti nupſerat, PHILIPPUM BALTHASAREM & MARIAM ELEONORAM SOPHIAM genuit Hermannus. Ille A. 1662. Pariſiis extinctus eſt; hæc Johanni Franciſco Principi Naſſovio Siegenſi A. 1665. nupta, inter dolores partus vitam finivit A. 1669. Alii præter hos Hermannii liberi deceſſerunt infantes.

## §. XVIII.

ALBERTUS CAROLUS poſtremus filiorum Eduar-  
di die 17. Aug. natus Caſtellauni, Sigismundum Sveciæ & Polo-  
niæ Regem, Albertum Archiducem Auſtriæ & Carolum Suder-  
manniæ Ducem habuit patrinos. Hic poſt reſtitutionem Mar-  
chionatus ſuperioris, Cœnobii Albæ Dominarum portionem Badenſem, conſenſu Pontificis, ad quinque annos adeptus eſt, ut

Albertus  
Carolus,

Tom. III.

L

EDUAR.  
FORTVE.

ex redditibus Monasterii caperet alimenta. Albenfes subditi  
 A. 1625. die 13. Maji juramentum ei fidelitatis præstiterunt. Sed  
 vix anno transacto decessit Albertus; seu fortuito sclopeti ictu, (f)  
 seu alio infelici casu (g) extinctus.

(f) ANONYMI *Leben der Marggraven von Baden* pag. 236.

(g) IMHOFF. *Notitia Procerum* Lib. IV. Cap. 8. §. 14.



CAPUT



# PROSAPI

nat. 30. Jul. Cath. sacra red

I. FERDINANDUS MAXIMILIANUS natus 23. Sept. 1625. † 4. Novembr. 1669. Ux. Ludovica Chri- stina Thomæ de Ca- rignan Ducis Sa- baudiæ filia 1654 † 1689.	I. LEOPOLDUS WILHELMUS natus 16. Sept. 1626. † 1. Mart. 1671. Ux. 1) Sylvia Catharina Comitissa de Millefimo & Caretto † 1664 2) Maria Francisca Egonis Com. de Fürstenb. filia 1666.	PHILIPPUS n. 25. Aug. † 1649. adico. I. I. ISABEL MARIA EUG. CLAUULIANA. nata 14. 1630. † 16 2. PHILIPP ARIA. natus
LUDOVICUS WILHELMUS n. 8. Apr. 1655. Parisiis † 4. Jun. 1707. Ux. Franc. Sibylla Aug. Ducissa de Saxen-Lauenb. 28. Mart. 1690. † 1733. 1	2. LEOPOLDUS WILHELMUS n. 20. Jan. 1667. debilis corpore † 1716. 11.	2. ANNA.
LEOP. WILH. CHARLOTT. CAROL. JOS. WILHELMINA LUD. natus 28. Nov. nata 2. Aug. nat. 30. Sept. n. 4. Aug. 1700. nata 1695. † 16. Maji 1696. † 16. Jan. 1697. † 9. Mart. † 16. Maji 1696. 1700. 1703. 1702. Sept. 1735.		US SIM- x. Maria Vi- Ducis Are- 1735.
I. ELISABETHA AUGUSTA FRANCISCA nata 16. Mart. 1726.		CAROLUS CESLAUS natus 25. A

## CAPUT VI.

WILHELMUS.

A. 1622 -- 1677.



## §. I.

ilhelmus primogenitus filiorum Eduardi Wilhel-  
Fortunati, Badæ A. 1593. die 30. Julii mus exul  
lucem aspexit. Nomen ejus ex Ba- e terria.  
varica domo illatum Badenfi. Wil-

helmus V. Bavarie Dux & Andreas, Cardinalis Austriacus, ejus  
patrini fuerunt.

In Aula Bruxellensi una cum Hermanno & Alberto fratri-  
bus educatus est. Albertum Austrie Archiducem, Belgii guber-  
natorem & Salentinum Ysenburgi Comitem habuit tutores. Hi,  
de paterna hereditate pupillis restituenda solliciti, Georgio Frideri-  
co Durlacensi, qui Ernesto Friderico, fratri seniori, sine liberis

Tom. III.

L 2

WILH.

defuncto, nuper successerat, actionem spoli in Aulico Cæsaris consilio A. 1606. die 26. Aprilis intendere cœperunt. Rei componendæ varii quidem cum Marchione Durlacensi A. 1608. & sequentibus instituti sunt conventus; de quibus in Durlacensiuni rebus dicemus uberius. At exoptatum conventus illi exitum cum non habuissent, Matthias Imp. A. 1615. Colonienſi Electori atque Landgravio Hasso - Darmſtadienſi rei cognoscendæ transigendæque detulit officium. Habita A. 1616. & sequente hac super re Francofurti colloquia, sed irrito labore. Nec Aula Cæsarea decissionem litis festinavit.

## §. II.

Senten-  
tia Cæsa-  
ris jube-  
tur resti-  
tut.

Medias denique inter belli tricennalis Germanici flammæ, Georgii Friderici rebus prælio ad Wimpfenam inclinatis, ab Ambrosio Spinola, exercitus Hispanici Duce, occupata fuit Marchionatus superioris pars A. 1622. pauloque post die 26. Augusti a Ferdinando II. Imperatore lata sententia, qua Georgius Fridericus ad restituendum superiorem Marchionatum omnem cum clenodiis, tabulis, mobilibus & refusione sumtuum ac damnorum, nec non fructuum perceptorum & percipiendorum damnatus est. (a) Cæsar in folio sedens, præsentibus Judicii Aulici

---

(a) CAROLI CARAFÆ *Germania sacra restaurata* pag. 127. sq. Sententia legitur in *Grund- und Auenueſigen Information des Hochwürſt. Hans Baden-Baden contra Württemberg* inter documenta pag. 155.

consiliariis & exterorum Principum legatis, ipse pronunciavit sententiam; postquam Vice-Cancellarius Imperii, præmissa oratione, singulare Cæsaris in administranda, pupillis præsertim, iustitia studium magnis laudibus extulisset. Conclufit denique litis hujus, sub tribus Imperatoribus agitatæ, decisionem, urgentibus spoliatis Principibus, quin & intercedentibus Regibus, Electoribus, aliisque Proceribus, diutius non potuisse differri. Sententiam Pucherus Secretarius Imperialis prælegit. (b)

CAROLUS CARAFA Pontificis apud Cæsarem illo Studium in Relig. Cathol. tempore legatus, vir doctus & gravis, negotium hoc non parum promovit. Wilhelmus, Vindobona discedens, de restituenda in superiore Marchionatu Religione Romana Carafæ suam fidem adstrinxit: (c) „ Quod sic postea præstitit, verba sunt ejusdem „ Carafæ, imo res tam feliciter, auspice deo, successit, ut „ omnes subditi, ita sacra Catholicorum susceperint, ut nun- „ quam abjurasse putarentur, & vere sese antiquos Catholicos „ pietate & religione referrent. „

## §. III.

Executionem sententiæ Cæsar, litteris die 3. Septembris Executio sententia. A. 1622. datis, fratri suo Leopoldo Archiduci, qui Episcopus Ar-

L 3

(b) THEATR. EUROPAEVM Tom. I. pag. 678.

(c) CARAFA in *Comment. de Germania sacra restaurata* pag. 128.

WILH.

gentinenſis & Paſſavienuſis tum fuerat, cominiſit; (d) aliſque literis, eodem die ſcriptis, omnibus ſuperioris Marchiæ incolis, Wilhelmum ut agnoſcerent dominum, (e) injunxit. Leopoldus Ruſſaci in Alſatia tum degens, die 10. Octobris, Carolo Ludovico Erneſto, Sultio Comiti, Advocato provinciali Alſatiæ, Iſaaco Volmaro, terrarum Auſtriacarum in Svevia Cancellario & Reinhardo de Schauenburg, Advocato provinciali Ortenaviæ, rem perficiendam tradidit. (f)

Delegati hi cum Wilhelmo Marchione ſingulas Marchionatus peragrarunt ditiones & ubique populos in ejus fidem adegerunt. (g) Inter alia Spanheimenſis quoque citerioris Comitatus portio Badenſis, quam Fridericus IV. Palatinus Elektor A. 1600. occupaverat, reſtituta Wilhelmo. Crucenacum oppidum cum omni præfectura, ſine A. 1622. præſentibus miſſis Cæſaris, juſjurandum fidei præſtitit Wilhelmo. (h)

## §. I V.

Trans-  
actio Vin-  
dobo-  
nenſis.

Actum dein de æſtimatione fructuum perceptorum, ceterisque de rebus, quæ ex Cæſaris ſententia Wilhelmo debeban-

(d) Litteræ Cæſaris extant in Diatriba, cujus rubrum: *Grund- und Aſſenſi- ge Information Baden-Baaden contra Württemberg* inter documenta p. 419,

(e) *Ibidem* pag. 413.

(f) Literis hæc vide in *Diatriba alleg.* pag. 418.

(g) Vide *ibidem* pag. 409. ſeq.

(h) Vide *loc. alleg.* pag. 411. & 417.



tur. Cæsar eum, ejusque agnatum, Fridericum V. Durlacensem; vocavit Vindobonam, reliquæ lites amica ut sopirentur conventione.

Vindobonæ A. 1627. comparuerunt Marchiones. A Cæsare arbitratores nominati sunt Wolfgangus Wilhelmus, Comes Palatinus Neoburgicus, Wratislaus senior, Fürstenbergæ Comes, Judicii Aulici præses; Otto de Nostitz, Liber Baro de Falckenau, Wolffius Wilhelmus Liber Baro de Lamingern; denique Otto Melander & Conradus Hildebrand, Legum doctores, Assesores Judicii Aulici, qui die 27 Maji A. 1627. conventionem inter Marchiones his legibus conciliarunt.

1. Fructuum, ex superiori Marchia Badensi perceptorum, & damni nomine trecenta & octoginta millia florenorum assignata sunt Wilhelmo, quæ Fridericus Durlacensis ei persolvat.

2. Ad securitatem debiti ex inferiore Marchia terras quasdam, una cum regalibus ei tradat Fridericus, cui eas designandi potestas relinquitur.

3. Designatio hæc antequam fiat, Comitum provincialia convocandi jus competat Durlacensi, qui tributum, in illis discernendum, æquis portionibus dividat. Wilhelmus in Durlacensibus præfecturis, ipsi assignandis, subsidia pecuniaria pro rata exigendi jus habeat.

WILH.

4. Præfecturis assignatis ex æquo & bono utatur, fruatur Wilhelmus, nec absque Durlacensis consensu in rem faciat impensas.

5. In iisdem jus pascendi Durlacensis sibi reservat.

6. Angariarum præstatio ulteriori conventioni reservata.

7. Defignatio præfecturarum, quæ Wilhelmo tradendæ, in D. Bartholomæi festum rejecta. Durlacensis omnium reddituum juriumque illarum præfecturarum laterculum exhibeat Wilhelmo, ut dilucide appareat, eas sortem 380000. florenorum æquare. Reditus per quincunces computentur in centum; at jurium regalium ex more regionis æstimatio fiat.

8. Immissio in præfecturas primo D. Michaëlis festo peragatur. Reditus usque ad D. Martini diem conceduntur Friderico, sequentes Wilhelmo.

9. Quod si ante immissionem in bona partem debiti solverit Fridericus, in assignatione terrarum fiat pro rata deductio.

10. Liberum de cetero reluendi jus competat Friderico, sed nonnisi totam præfecturam aut omnes simul reluere liceat.

11. Aes alienum, quo Ernestus Fridericus & Georgius Fridericus, fratres, superiorem gravaverunt Marchiam, Fridericus dissolvat. Vetera tamen Marchionatus superioris debita, ab illis soluta, cum novis compensare liceat.

12. Acta omnia & documenta, quæ superiorem Marchiam & præfecturas, Wilhelmo tradendas, respiciunt, eidem exhi-

beantur. Documenta communia, prout ante occupationem, vel in superiore vel in inferiore Marchia fuerunt, restituantur Wilhelmo, aut penes Fridericum maneat. Documentorum, Wilhelmo Marchioni traditorum, duplex conficiatur laterculum, utriusque Marchionis sigillo munitum, cujus exemplum utrique exhibeatur.

13. Actioni omni ratione superioris Marchiæ Fridericus renunciât.

14. Hic jura sua in Malsch & Ottersweyer, Wilhelmus autem sua in Langensteinbach, coram Cæsare & judicio Aulico prosequenda, sibi reservant.

15. Modii 1500. (°) frumenti, ut & quantitas illa vini, quæ Eduardo Marchioni, supplementi loco, ex inferiore Marchionatu præstita quotannis, & per eundem Eduardum pro 40000. florenis oppignerata, vel, ut contenderat Fridericus, omnino vendita, si coram Cæsare & judicio Aulico probaverit Fridericus, non præstentur in posterum. Reluendi jus autem integrum sit Wilhelmo, si non probetur venditio.

16. Uterque Marchio iisdem gentilitiis utatur insignibus. Fridericus, quoad vixerit, præcedat Wilhelmum. Eo defuncto

Tom. III.

M

---

(\*) Pag. 10. lin. 5. pro MD mille lego M D.

WILH.

secundum pacta familiæ & observantiam antiquam, ex Principibus regnantibus præcedat senior.

Conventionem hanc Cæsar die 9. Junii confirmavit Diplomate, (i) sed executio ejus multis difficultatibus obnoxia fuit.

## §. V.

Trans-  
actio Et-  
lingensis.

Leopoldo Archiduci curam negotii sine anni 1628. denuo Cæsar commisit. Hic Carolo Ludovico Ernesto, Comiti in Sultz, Judicii Cæsarei Rotvillensis Præsidi hæreditario, ut & Isaac Volmaro, Cancellario, ac Johanni Reinhardo de Schauenburg suas partes demandavit. Institutus ab illis V. Julii A. 1629. Etlingæ conventus, ad quem Marchio uterque suos misit legatos. Res ultimo ejusdem mensis hunc in modum transacta: Præfecturæ Stein & Remchingen inferioris Marchiæ in securitatem debiti trecentorum octoginta millium florenorum tradantur Wilhelmo, territorii juribus Friderico Durlacensi servatis; qui homagium a subditis exigat, eosdem defendat, ad conventus provinciales convocet; ordinationes, constitutiones, jura provincialia, edicta, mandata publicet, damnatos restituat in integrum, de causis matrimonialibus cognoscat; jus metallifodinarum, sequelæ & armorum; forestarum item & venationis jura, cum angariis eo perti-

(i) Utrumque Instrum. exhibet LVNIG *Reichs - Archiv* Parte speciali Continuit II. IV. *Abtheilung IXter Absatz* p. 952. sqq. & LONDON *Acta Publica* Tom. III. Lib. VIII. Cap. 119.

mentibus, libere exerceat; sed absque agnati præjudicio. Secus si fecerit, suis juribus excidat, eaque ad reliquum pignoris tempus in Wilhelmum Marchionem devolvantur. Hic vicissim omnes harum præfecturarum percipiat reditus, jurisdictionem criminalem atque civilem exerceat; subditos ut imperata faciant sacramento adigat; præfectos constituat, a quorum sententiis ad Wilhelmum ejusque judicium Aulicum Badense provocatio fiat; lites de juribus territorii motæ utrimque componantur per arbitros, vel si ea ratione non possint componi, ad judicium Aulicum Cæsaris, Cameramve Imperii deferantur: Præfecturarum reditus, quum non exæquent quincunces usuras, residua summa, Wilhelmo debita, ex Mulbergenſi Præfectura quotannis Etlingæ ipſo S. Georgii die ei pendatur; præfectus Mulbergenſis de summa hac, constituto loco & tempore solvenda, fidem jurejurando interponat; æs alienum ab Ernesto & Georgio Friderico Marchionibus superiori impositum Marchiæ, ut & census ac pensiones, detentionis tempore non solutas, in se recipiat Fridericus. Denique Vindobonenſis transactio, & ea præfertim, quæ de Malſcha, Ottersvira & Steinbaco ei fuerunt inserta, confirmantur. (k) Sed utraque hæc conventio deinceps, uti videbimus, mutata fuit Westphalica pace.

Tom. III.

M 2

(k) Instrumentum transactionis Etlingensis in Codice nostro Diplom. exhibemus.

## §. VI.

Malbergæ & Lahræ divisio.

In eadem hæc tempora incidit Dynastiarum Lahræ & Malbergæ Badenses inter atque Nassovios pridem agitata divisio, quæ Nassoviis Lahræ relicta, Malbergæ Dynastia omnis ad Bada-Badenses solos pervenit. Operæ pretium est, ut à seculi XIII. temporibus rem altius repetamus.

Malberga Ducibus Sveviæ  
Sec. XIII. ad Imp. redit.

MALBERG, Latine *Malli mons*, a Mallis sive Judiciis Pagenfibz, ibi olim, ut videtur, habitis, suum nomen accepit. Castrum cum oppido & Dynastia Ortenaviæ in veteri Ducatu Sveviæ situm allodium. Fridericus II. Cæsar & Sveviæ Dux, in Concilio Lugdunensi A. 1245. cum fuisset proscriptus, Henricus III. ex Staleckiis Argentinenfis Episcopus, qui & ipse præfecturas aliquot in Ortenavia tenebat, instinctu Pontificis Malbergam obsedit ac in potestatem suam redegit (1) cum Ortenberga & Gengenbaco; quæ Ortenaviæ loca Bambergensis Ecclesiæ feuda fuisse, in Literis, ad Argentinensem Episcopum A. 1248. datis, Pontifex declarat. (m) Feudalis Malbergæ & aliorum Ortenaviæ locorum nexus, ab Ecclesia Bambergensi pendens, originem suam trahit ab Henrico II. Imp. qui Gengenbacense & Schutte-

(1) ANONYMUS illius ævi apud GUILLIMANNUM de *Episcopis Argent.* p. 288. seqq.

(m) Epistola hæc inedita extat in Registro Litterarum Innocentii IV. anno V. num. 369, in Tabulario Palatii Vaticani. Eam Codex Diplomat. dabit.

rense ejusdem Ortenaviae Monasteria, feudali ejusdem Ecclesiae vinculo subjecit, splendidiorem ejus dignitatem ut redderet, quod utriusque Abbatiae vinculum durat hodieque. (n)

Innocentius literis memoratis Henrico Antistiti id juris concessit, ut nonnisi redditus sumtibus, quos in eorum expugnationem impendit, ad loca illa reddenda cogereetur. Extinctis in Frederici II. Imperatoris nepote Conradino A. 1268. Ducibus Sveviae, quin & ipso Svevico Ducatu, Malberga cum reliquis Castris haud dubie, Rudolpho I. Germaniae Rege constituto, ab Episcopatu Argent. ad Imperium rediit. Filius enim ejus Albertus, initio regiminis sui A. 1298. idem Castrum Malberg, Egoni, Comiti Friburgensi, pro mille marcis argenti oppigneravit. (o) Haec ex documentis idoneis, quorum praecipuum Palatii Vaticani Tabulario & docti ejus Praefecti, Illustrissimi Garanpii, amicitiae debemus.

### §. VII.

Sed & memorabilem ejusdem seculi XIII. Chartam Argentinensis Civitatis Chartophylacium nobis suggessit; ex quo docemur, Geroldseckios Dynastas Malbergae & Lahrae Dynastiarum tum temporis jam fuisse partipices, adeoque Malbergam, de qua agimus, ab uno non fuisse possessam.

Ad Geroldseckios transit.

### M 3

(n) Tom. I. pag. 104. in nota.

(o) Codex Diplom. Bad. Tom. I. pag. 311. num. 192.

Geroldseckia Gens, in Ortenaviæ & Alfatiaë (p) partibus conspicua & potens, illa ipsa ætate duos Argentorato Episcopos dedit, Waltherum atque Henricum, (q) quorum ille libertatem Civitatis evertere, hic stabilire conatus est.

Waltherus ex Geroldseckiis Ortenaviæ, Dynastiæ Lahrensis possessor, matrimonio cum filia ultimi Malbergenfis Dynastiæ, circa seculi XIII. medium, partem acquisivit Malbergæ; (r) quam in divisione bonorum ejus A. 1277. Henricus & Waltherus filii, una cum Lahrensi dominio acceperunt. (s) Parti huic deinceps & illa Imperii portio, Egenoni, Friburgensi Comiti, ab Alberto Cæsare oppignerata, beneficio Imperatorum accessit, ea lege, ut clientelari ab Imperio nexu Geroldseckii Lahrenses tenerent Malbergam. Utraque sane Dynastia & Malbergæ & Lahre, una cum feudalibus Imperii bonis, per matrimonium Adelleidis, (t) Hen-

(p) Castri Geroldseck ad Vosagum rudera hodieque supersunt, haud procul a Tabernis Alfatidis.

(q) WALTHERUS A. 1263. obiit dolore, quod ab Argentinensibus victus. HENRICUS A. 1273. decessit.

Ille ex Geroldseckiis Trans-Rhenanis Ortenaviæ, hic ex Alfatidis ad Vosagum originem trahit. ALEAT. ILLVSTR. T. II. p. 621.

(r) BERNH. HERTZOG in *Chron. Alfatiaë* Lib. V. pag. 113. & SPENER *Hist. Insignium* Lib. II. Cap. 4. §. 11. & Lib. III. Cap. 26. §. 9.

(s) Chartam hanc Codex Diplomaticus dabit.

(t) Adelleidis A. 1419. nupsit Johanni. In pactis dotalibus conventum, ut



rici Geroldseckii filiae, A. 1426. ad Johannem, Mœrsæ atque Sarwerdæ Comitem, consensu Sigismundi Imperatoris, transiit. Fridericus Comes Mœrsæ atque Sarwerdæ Johannem fratrem, ex speciali Cæsaris mandato, de horum dominiorum feudis, ab Imperatore & Imperio pendentibus, (u) investivit. Geroldseckii agnati, solennibus literis juri suo in utramque Dynastiam renunciarunt.

## §. VIII.

Successu dein temporis factum est, ut dominiorum illorum pars ad Badenses devolveretur. A. 1442. Jacobus Marchio dimidiam utriusque Dynastiæ partem, cum Sarwerdensibus indivisim possidendam, a Jacobo & Johanne Comitibus, sub relucendi tamen lege coëmit. (x) Dimidiam hanc dein a Carolo, Jacobi filio,

Dimidia  
Lahræ &  
Malber-  
gæ ad Ba-  
denses  
devolvi-  
tur.

post Henrici mortem omnia allodia ejus & feuda in Adelheidem filiam transierunt.

- (u) Tabulæ, quibus Imp. Friderico Comiti Mœrsæ & Sarwerdæ investiendi fratris munus defert, A. 1426, d. Mercurii post Dominicam Oculi Vindebonæ signatæ sunt. Exprimuntur in illis feuda Imperii sequentia: *Nollburg, die Burg und Stätt mit Mannen und Wildpennen, Kippenheim, das Dorf mit seiner Zugehörung, das Rit mit aller Zugehörung, die Dörfer Wyttenevyley, Almersvyley, Nunnenevyley, Stenheim, Kertzel, Tundenheim und Altheim mit allen Iren Nutzen und Zugehörungen &c.* Feuda hæc Imperii Sigismundus Johanni ejusque heredibus masculis confirmat.

- (x) Instrum. extat in Tabular. Argent.

WILH.

recepit Jacobus Comes Sarwerdæ ; sed eam A. 1463. eidem Carolo & Civitati Argent. simul, iisdem, quibus ante, conditionibus vendidit. Marchioni tamen quartam Argentinensium partem reluendi jus speciatim concessit. (y) Christophorum Badensem, Caroli filium & successorem, jure hoc intra spatium septendecim annorum usum esse, (z) vel inde colligitur, quod inter eum & Jacobum Comitem solos nova dimidiæ partis facta venditio A. 1480. Venditioni conditionem reluendi denuo Sarwerdensis adjecit. (a) Crescente autem Palatinis turbis Sarwerdensium ære alieno, Nicolaus Comes, suo & tutorio fratrum Johannis & Jacobi nomine, duarum quartarum, quæ ei remanserant, alteram A. 1485. Civitati Argentinensi indivisum at hereditarie vendidit.

Anno sequente idem Nicolaus 12000. florenos ab Argentinensibus mutuo accipiens, tres reliquas dominiorum partes in securitatem usurarum illis oppigneravit. Addita conditio, si Marchio, virtute literarum, quæ ei datæ sunt, quartam Argentinensium partem relueret, summa illa 12000. florenorum Argentinensibus restitueretur. (b) Usus est hoc jure reluendi Christophorus

---

(y) Singula hæc Chartæ Tabularii Argentinensis nos docent.

(z) Adhuc A. 1477. Argentinenses una cum Christophoro Marchione & Jacobo Sarwerdensi Comite Pacem Castrensem intuitu Lahrz & Malbergæ jurarunt.

(a) Chartam hanc Codex Dipl. dabit.

(b) Chartæ extant in Tabulario publico Argentinensi.

stophorus Badensis atque receptam ab Argentoratenſibus quartam Johanni & Jacobo Sarwerdenſibus reddita. Hi viciffim, Marchioni dimidiam, quam hucusque titulo tantum pignoris habuerat, repetita venditione, A. 1497. hereditario jure reliquerunt, ea lege, ut pro dimidia quiſque parte dominiorum fuſciperet feuda, alteroque petente, alter intra trimeſtre ſpatium diviſioni locum concederet. Venditionem hanc, uti præcedentes omnes, conſenſu ſuo Cæſar firmavit, atque inveſtituram feudorum regaliumque Imperii, quoad partem dimidiam, Marchioni conceſſit. Litteræ Maximiliani Romanorum Regis Friburgi Briſgovie A. 1498. die 17. Aug. conſcriptæ ſunt. (c)

## §. I X.

Ab hoc tempore Comites Sarwerdæ eorumque ſucceſſores Naſſovii Saræpontani (d) utramque Lahrx & Malbergæ Dy-

Malberga  
ad Ba-  
denſes  
tranſit.

Tom. III.

N

(c) In illis feuda Imperii exprimuntur ſequentia: *Burg und Statt Malberg mit Iren zugehörigen Mannen und Wildpennen, Item dem Ried mit Iren zugehörigen Dörfern, Flecken, Leuten und Gütern, Item dem Dorf Kippenheim, Item den Dörfern Tchenheim, Kirtzel, Tundenheim und Altheim mit allen und Ir Todes Rechten und Zugehörigen.*

(d) Johannes Ludovicus Comes Naſſovix, ducta Catharina, Johannis Sarwerdenſium Comitum poſtremi filia atque herede, dimidiam Lahrx atque Malbergæ partem ſeculo XVI. accepit. Gangolfus tum & Waltherus Geroldſeckil de feudia Malbergicis id eſt de caſtro Malberg,

WILH.

---

nastiam cum Badensibus indivisim possederunt. At A. 1629. ur-

---

Kippenheim, Almersweyler, Kertzel, Nonnenweyler, Wittenweyler, Ichenheim, Dundenheim & Altheim in Camera Imperiali litem intentarunt Nassovio; feuda illa masculina Imperii, a majoribus suis possessa, deficiente Sarwerdensium prole mascula sui esse juris causati.

Sed productæ a Nassoviis renunciacionum tabulæ, jurejurando firmatæ, quibus Geroldseckii agnati & ipse avus actorum Theobaldus, suis in feuda hæc juribus, in favorem Adelheidis & Sarwerdensium, post Henrici Geroldseckii mortem semel iterumque se abdicaverant. Allegatæ quoque Sigismundi & Maximiliani Cæsarum literæ, quibus Adelheidis Geroldseckia & Catharina Sarwerdensis successione redditæ capaces eorumque maritis investitura concessa est. Intelligendis his rebus sequens, tabula inservit,

Henricus de Geroldsek, Dominus in Lare, † 1426.

---

Adelheidis, uxor Johannis Comitis  
Sarwerdensis A. 1419.

---

Ursula

---

Jacobus.

---

Johannes.

---

Nicolaus.

---

Johannes.

---

Jacobus.

---

Hi Christophoro Marchioni dimidiam Lahre & Malbergæ  
vendunt A. 1497.

Catharina

ux. Johannis Ludovici Comitis Nassovii Saræpont. heres Comitatus Sarwerd. † 1547.

gente Wilhelmo Marchione, Adolphus Comes Salmenfis, Epifcopatus Argentinenfis Decanus & Adminiftrator, ex mandato Ferdinandi II. Imp. transactionem instituit, qua utraque Dynaftia, hucusque communis, forte divifa eft. Lahra Saræpontanis, (e) Malberga Badenfibus obtigit. (f). Titulus atque infignia utriusque Dynaftiæ penes utramque Domum manferunt. Lahra tamen ob centies mille florenorum fummam, Naffoviis mutuo datam, ad Bada-Durlacenfes pervenit, ut pignus; donec Naffovio- Ufingana Domus A. 1725. reddita forte eam recepit.

## §. X.

Wilhelmus, terris fuis reftitutus, plures circa id tempus ex fodalitate Jefu Spira ad fe vocavit, quorum ope in iisdem Romana reduceret facra. Illis denique A. 1632. in oppido Bada exstruxit Collegium, (g) quod eruditis viris ornare fategit. Inter eos fuit Joan-

Nov. Col-  
leg. &  
Monaft.  
instituit.

Tom. III.

N 2

(e) Ad Saræpontanos pervenit castrum & oppidum *Lahr, Burgheim, Dillingen, Mietersheim, Altenheim & Hugsweiler.*

(f) Badenfis pars hæc complectitur loca: Castrum & oppidum *Malberg, Kippenheim & Weiler, Wagenflatt, Sultz & Langenhardt, Kürzel & Schuttenzell, Ichenheim & Dundenheim, Ottenheim & Friesenkeim, Oberweyer, Heiligenzell & Oberschopfheim.*

(g) *PETRI Suevia sacra* pag. 123. sq. ubi tamen occasione hac varios committit errores. Add. *CAROLVS CARAPA Germania sacra restaurata* p. 123.

WILH.

nes Gamanſius, qui, poſtquam XXIII. Annos in Collegio vixiſſet, Genealogicam illam Diatribam de Originibus Domus Badenſis conſcripſit, de qua ſupra (h) diſſerui; cujus exemplum filius Wilhelmi Hermannus, Conſilii bellici Cæſarei Præſes, Bibliothecæ Cæſareæ intulit.

Idem Wilhelmus A. 1663. die 31. Jan. inſtituit Edingæ Jeſuitarum Collegium; (i) in oppido hoc frequenter commoratus. Sodales hi multas in viciniâ Parochias, & præſertim Bickesheimenſis Delubri, D. Mariæ Virginæ dedicati, ſacra procurant.

Conditis hiſ Collegiis Rectoratum Ottersviræ, ubi Wilhelmus noſter erexerat hoſpitium, nepos ſucceſſor, in complementum quaſi Collegii Badenſis, A. 1679. adjunxit Ludovicus Wilhelmus. (k) Præter hæc Capucinatorum Monaſteria duo, alterum Badæ A. 1630. alterum Malbergæ A. 1671. conſtruxit Wilhelmus. (l)

A. 1674. S. Sepulcri quæ vocantur Moniales, educandis puellis evocatæ ſunt Leodio Badam. Monaſterium earum, quod ab initio haud longe a Palatio conſtructum, Bada A. 1689. incendio deleta, in inferiore reconſtructum eſt loco. (m)

---

(h) Tom. I. in præfat.

(i) PETRI *Serv. Ecclæſ.* pag. 324.

(k) Ibidem pag. 658.

(l) Ibidem pag. 324. & 560. de priori Monaſterio annotat, a Wilhelmo illud exſtructum, in memoriam reportatæ apud Wimpſiam contra Georgium Fridericum victoriæ.

(m) Ibidem pag. 326.

## §. X I.

Ceterum ad Aulæ Vindobonensis voluntatem Wilhelmus sua consilia dirigens, sagatis togatisque dignitatibus ab ea admotus est. Legionis Cæsareæ Chiliarcha A. 1630. Summus vigilum præfectus A. 1632. constitutus est. Paulo post ad secretiora Cæsaris admissus consilia: A. 1635. ad tormentorum bellicorum præfecturam promotus, ad intima denique rerum Imperii & belli consilia A. 1639. admissus est.

Dignitates a Cæsare illi collatæ.

Anno præcedente Philippus IV. Hispaniæ Rex Aurei Velleris eum renunciaverat Equitem; Maximilianus Bavarus Elector, mandato ab Hispaniæ Rege accepto, torquem, ordinis insigne, illi appendit.

Aureum Vellus.

## §. X I I.

Jam A. 1632. mense Augusto Spirensē civitatem, ab Hispanis derelictam, novo milite armaverat Wilhelmus. Urbs paulo ante a Comite Emdensi & Philippo de Sylva, Ducibus occupata Hispanis, misere habita fuit.

Gesta bello tri-cennali.

Wilhelmus ob multiplicem operam, Spirensibus navatam, & pro conscribendis militibus, duodecies mille thaleros a Spirensibus postulavit; misso ad Senatum Eltzio, qui Missi bellici vices apud eum agebat. Recusante solutionem senatu, Syndicum civi-

WILH.

tatis Tissonem, cum quatuor senatoribus & duobus civibus Ofsenburgum, dein Brisacum in captivitatem abduxit. Senatus 6000. thaleros, Marchioni pendendos, decrevit; quorum dimidia fere soluta est pars. Paulo post Eltzius, cum civitate excederet, plurima tormenta & omnis generis sclopeta cum insigni apparatu bellico Stothovam abduxit. Omnia hæc ut restituerentur, utque obligatoria scheda, quam vi metuque extortam dicebant, aboleretur, in Osnabrugensi pacis conventu A. 1646. omni studio laboraverunt Spirenses. (n)

## §. XIII.

Obsidio  
Benfeldæ.

Gustavus Adolphus, Sveciæ Rex, ad Lipsiam victor, Danubium & Rhenum versus se extendere fategit. Cæsar militaris rei in superioris Rheni Circulo curam Wilhelmo nostro primaria cum potestate commisit. (o)

Hornius in Alsatiam cum exercitu missus, Benfeldam omnibus viribus oppugnavit. Urbs inferiore in Alsatia sita, Episcopatus Argentinenfis patrimonium vetus, omnibus rebus ad defensionem instructa, defensorem habuit Bulachium, virum manu & animo validum.

(n) GAERTNERS *Westphälische Friedens-Contzley* Tom. IX. p. 454.(o) CLEMENZ *Histor. Belli Sueco-Germ.* Tom. I. Lib. IV. Cap. 26.



Hornius magno ardore obsidionem profecutus est, exquisitissima bellicæ artis subsidia, vineas, fossas, cuniculos adhibens, Elsum flumen ab urbe avertens. Wilhelmus cum Ossa & Comite Salmenfi Benseldæ liberationem tentavit. Decem millium manus e vicinis præfidiis & ex turba provinciali collecta. Badensis obsidentium propugnacula ter perrumpere conatus, ter re infecta repulsus est. Tertia pugna die X. Oct. A. 1632. pughata. Præfidiarii denique, spe opis amissa, post sex septimanarum obsidium, honestas conditiones stipulati, digressi sunt oppido. (p)

Insecuta est Selestadii obsidio, cujus urbis liberatio quo-<sup>Selesta-</sup>  
que Cæsareis curæ. Wilhelmus cum duodecim equitum alis, quæ  
die 16. Nov. Brisaci Rhenum transierunt, & cum peditibus, ex  
Burgundiæ Comitatu delectis, in auxilium venerunt. Hornius  
in occursum misit Rheingravium, qui incautos in hospitibus ag-  
gressus, cecidit trecentos, ducentos cum præfectis & vexillis ce-  
pit; vix evadente Wilhelmo. Selestadium die 2. Decembris in  
Suecorum manus pervenit. (q) Harum urbium exemplum mox  
secuta Colmaria, Hornii quoque potestati se tradens. (r)

(p) PUFENDORF. *Rer. Suevic. Lib. IV. §. 58. CHEMNITZ Tom. I.*  
*Lib. IV. Cap. 53.*

(q) PUFENDORF. *loc. alleg.*

(r) ALSAT. ILLVSTR. Tom. II. pag. 377. 385.

## §. XIV.

Pellitur  
ditioni-  
bus.

Prævalentibus ita ad Rhenum rebus Svecorum, Wilhelmus, sua Marchia ejectus, Oenipontem secessit, unde Marchia superior per aliquod tempus inferiori accessit. (s)

A. 1633. Januario mense, Brisacenses præfidiarii, urbe valida manu egressi, tentarunt occupare Kentzingam, duce Wilhelmo; sed in itinere interclusi a Svecis, pars caesi, pars capti sunt, pauci fuga elapsi. Wilhelmus a Svecico gregario milite comprehensus, vix liberatus sibi fuga consuluit. (t)

A. 1634. Cæsarei, junctis cum Lotharingo & cum Marchione nostro armis, Ottonem Rhingravium ad Gebvillam, superioris Alfatiae oppidum, castra habentem, aggredi statuerunt. Prope Watvillam die 2. Martii res ad prælium devenit; in quo Cæsareanis iterum, ut apud Bensfeldam & Selestadium, fufis, vix evasit Wilhelmus, (n) qui dein cum fratre Hermanno, & Cæsareanis, ex fuga collectis, Brisacum intrare decreverat; sed a Rhingravio interclusus, plerisque suorum dilapsis, cum reliquo  
comi-

(s) KHEVENHULLER *Annal. Ferdinand.* Tom. XII. pag. 225.

(t) CHENNITZ. Tom. II. Lib. I. pag. 55. KHEVENHULLER *loco alleg.* pag. 652.

(n) CHENNITZ *loc. alleg.* pag. 349. seq. PFENDORF. *Rev. Strick.* Lib. VI. §. 26.

comitatū suo in Luxenburgensem se recepit Ducatum, sua Marchia extorris. (A)

## §. X V.

Incertus & lubricus hic Wilhelmi status ad annum usque 1634. duravit, quo Cæsareani ad Nordlingam victores, Pace Pra-<sup>Restitutur.</sup>genſi cum Georgio Electore Saxoniae A. 1635. inita, Svecos ex omni Germania expulsuri videbantur, nisi Galli intervenissent, Svecis & Protestantibus Germaniae laturo auxilium. Tum vero utraque Marchia Badensis magnam rerum conversionem experta est. Wilhelmus, superiore sua Marchia privatus, non modo rediit in eam, sed & inferiorem, quam Fridericus V. Durlacensis tenebat, Cæsaris voluntate & beneficio accepit, (y). adeoque solus ambas conjunxit; immutata jam rerum sorte Friderico extorri.

## §. X V I.

In periculoso hoc Protestantium statu dubiae quoque fuerant Argentinenſium res spem inter & metum positae. Aperta  
 Tom. III. O Argentinenſes Cæsari conciliare studet.

(x) CHEMNITZ *loc. alleg.* pag. 351. KUEVENHUELLER *Annal. Ferdinandi* Tom. XII. pag. 1304.

(y) TRACHTERVS Bada-Badenſis legatus in ſcripto, quod ordinibus, pacis cauſa Osnabrugæ conſiſ A. 1646. exhibuit, Wilhelmum Cæsaris ſententia in Marchionatum inferiorem introductum fuiſſe aſſerit. Eſtat hoc ſcriptum in *Diatriba Bada-Badenſium contra Durlacenſes* A. 1739. impreſſa, inter Documenta pag. 114.

WILH.

eorum in Svecos studia Cæsari pridem displicuerunt. Wilhelmus, urbis amicus, cum Cæsare eam reconciliare A. 1635. quovis modo studuerat. (z) Urbs obtulit conditiones, quibus Cæsar cum subscribere vellet, excepto de Ecclesiis non restituendis articulo, protractum est negotium; Mockelio Gallorum interveniente legato, qui Regis sui contra Cæsareanos promisit auxilium; atque ad eo adhibiti Wilhelmi Marchionis opera caruit successu. (a)

Idem A. 1637. apud Maximilianum, Electorem Baviaræ, Cæsarei exercitus Ducem, pro monasteriis Herrenalb, Frauenalb, & Reichenbach intercedens, ab oneribus militaribus immunitatem obtinuit, quoad partem Badensem. (b)

## §. XVII.

Acta in  
Comitiis  
A. 1640.

In Comitiis A. 1640. de Pace inter Ordines Germaniæ restituenda, Ratisbonæ magno cum apparatu celebratis, Cæsarei legati vices Wilhelmus noster peregit; auspiciatus Comitibus gravi oratione, qua ad concordiam reducendam auditores strenue hortatus est. (c) Nata hinc præcipuis quibusdam, post Electorales, Principum Germaniæ Domibus occasio, ut de alternando, sedendi

(z) CHEMNITZ Lib. IV. pag. 1022.

(a) PUFENDORF. de reb. Succ. Lib. VII. §. 11.

(b) Scriptum Bada-Badensium contra Frauenalb. Documentor. pag. 340.

(c) Mercarius historicus belli tricennalis Germ. scriptus pag. 90. LONDORF.

Acta publ. Tom. IV. Lib. IV. Cap. 44.

& suffragandi in Comitibus ordine pragmaticam inter se conderent functionem. In veteribus Comitibus Principum olim potentiorum suffragia præsertim quærebantur. In Comitibus, Wormatiæ A. 1495. habitis, quibus Pax Publica stabilita, quum Eberhardus Barbatus, Wirtenbergæ Comes inter Principes cooptaretur, ante Badenses Hassos, Pomeranos locum occupavit, Principibus prærogativam hanc ægre ferentibus. In Comitibus Ratisbonensibus, A. 1576. habitis, inter Wirtenbergicam, Pomeranam, Hassiacam & Bada-Badensem Domos jam fuerat conventum, ut Wirtenbergicus cum solo alternaret Pomerano, Pomeranus alternaret cum singulis; Wirtenbergicus Hassum atque Badensem constanter præcederet. (d) In Comitibus, de quibus agimus, post multas concertationes inter Principes memoratos decretum, ut Mecklenburgi Dux quoque reciperetur in numerum; ita quidem, ut æquaretur Pomerano, & cum ipso alternaret Wirtenbergico. (e) De recipienda quoque inter Principes alternantes Holsteinensi Domo in Comitibus A. 1641. & A. 1653. varia decreta (f) edidit Cæsar, sed ob perpetuum plerorumque dissensum nonnisi A. 1740. certis sub conditionibus res tandem transacta est.

## Tom. III.

## O 2

(d) ZACHARIAS ZWANTZIG in *Theatro Præcedentiæ* Parte II. Cap. 25.

(e) Conventionem hanc exhibet LVNIG *Reichs - Archiv* Parte speciali, *ante-re Abtheilung*, num. 104.

(f) Exhibet ea LVNIG *Reichs - Archiv* Parte generali Tom. I. pag. 664. lqq. & LONBON. *Alta publ.* Tom. V. pag. 441.

WILH.

Protectio  
Gallica.

Prævaluerunt inter hæc in Imperio arma Gallorum, qui cum Marchionatum Badensem A. 1641. armis petiissent, Wilhelmus cum omni ditione Gallicæ se protectioni commisit, eaque de re ad singula ditionis suæ oppida atque cœnobîa die 21. Febr. literas perscripsit. (g) Per Germaniam late tum se extenderant Galli. His Svecorum fœderatis maluit se, quam Svecis committere; prospiciens sacris, quæ in Marchiam reduxerat.

## §. XVIII.

Pax West-  
phal.

Eodem anno Præliminaria Pacis, ut vocant, instituta Hamburgi, quibus conventum, ut Osnabrugæ & Monasterii de ipsa pace ageretur. Negotium hoc cum fervere cœpisset, missus a Marchione nostro legatus Ludov. Nicolaus Trachter A. 1646. ineunte Febr. inter legatos Principum Imperii locum occupavit, intercedente frustra Durlacensi legato. (h) Trachterus literis ad Directorium Moguntinum die 26. Martii A. 1646. datis, Durlacensi contradixit. (i) Longa inde & difficilis de restitutione agnati ejus Friderici V. Durlacensis tractatio. Cæsareani, conditionibus fine Maji A. 1647. oblatis, Præfecturas Remchingen & Stein, rescissa Vindobonensi & Edingensi transactione, Friderico restituen-

(g) Literas hæc vide in scripto Bada-Badensium contra *Frauenlob* Documentor. pag. 341.

(h) MEIER *Acta Pacis Westphal.* Tom. II. pag. 124. sq.

(i) Instrumentum extat in Tabulario Bada-Badensi.

das esse declararunt; sed Ritburgensem Domum, prope Etlingam, compensationis loco, tradendam Wilhelmo, annuamque pensionem, ex inferiori Marchionatu antea præstari solitam, eidem relinquendam censuerunt. (k) In aliis dein propositionibus, die 29. Junii eodem anno exhibitis, Cæsareani nullam amplius Ritburgensis Domus injecerunt mentionem, (l) annuæ quoque pensionis abolitione concessa. At Durlacensis quatuor præfecturas sibi restituendas esse contendit. (m) Post multos ultro citroque tractatus Westphalica tandem pace definitum est, ut omni illa actione fructuum perceptorum & percipiendorum, damni, sumtuumque sublata, duæ Præfecturæ, Stein & Remchingen Durlacensi restituerentur, abolita quoque annua, qnam memoravimus, pensione. Præterea inter utramque lineam perpetua alternatio or-

## O 3

---

(k) *Meixner loco alleg.* Tom. IV. pag. 561. Extat quoque Instrumentum hoc Cæsareanorum in scripto Bada - Badensi contra Durlacenses impressio A. 1739. pag. 111.

(l) Instrum. extat in Tabulario Bada - Badensi. Addita tamen a Cæsareanis tum clausula: „ Si tamen alteruter pars plus juris sibi competere existima-  
 „ verit, id ipsi per hanc determinationem ademptum non intelligatur,  
 „ sed de eo coram competente Judice experiri reservatum est. „ De  
 clausula hac, Instrumento Pacis inferenda, multum laboratum est, sed  
 irritò labore.

(m) *Ibidem* pag. 905. Add. *Pfaffenborn. Rerum Suevicarum* Lib. XIX. §. 107.  
 & 125.

WILH.

dinis in Comitibus, aliisque Imperii & Circulorum conventibus stabilita. Durlacensi ob senioratum regiminis, prerogativa ordinis, quoad viveret, servata. (n) Stolhova, deductis Gallorum praefidiis, redditu Wilhelmo. (o)

Hic cum Landgravio Darmstadiensis Delegatus dein Caesaris fuit, restituendus cum fuisset Palatinus Elector; eumque in finem A. 1650. Norimbergae versatus est mense Aprili. (p) Ad quinque myriadum Imperialium summam, Svecis pro exactorandis militibus Instrumento Pacis concessam, Wilhelmus pro sua parte 35244. florenos contribuit. (q) Summa haec rerum Westphalicae pacis, quoad Bada-Badenfem.

## §. XIX.

Wilhelmus  
Judex  
Cham-  
mer-  
impe-  
rial.

Quadiennio post pacem Germaniae redditam (1652.) Philippus Christophorus a Sætern, Trevirensis Elector & Spirensis Episcopus, Sanctioris Tribunalis, Camerae Imperii, quod vocatur, Judex, Praefesque primarius obiit. Ferdinandus III. Imp. in supremo hoc Judicio successorem ei substituit Marchionem

(n) Instrum. Pacis Art. IV. §. 26.

(o) МЛЕКУ АѢа Pacis Westphal. Tom. VI. Beilage zum Vorbericht pag. 1. & АѢа executionis Tom. I. pag. 230.

(p) Idem АѢор. Execut. Tom. II. pag. 104. & 231.

(q) АѢа Pacis Westphal. Tom. VI. pag. 633. & АѢа Executionis Tom. II. p. 146. & pag. 426.



Wilhelmum. Munus hoc Calendis Quintilibus ejusdem anni quum fuisset ingressus Spiræ, (r) ubi tum Tribunal constitutum, per totos triginta quinque annos summa cum dignitate & gloria illud administravit, omnemque operam impendit, ut durantibus belli Germanici turbis fere pessundatum, pristino redderetur splendori. Solitudini ejus præsertim debentur ea, quæ in Comitibus Ratisbonensibus A. 1654. de Camerali Judicio & administratione Justitiæ fuerunt decreta. In fervida illa lite, quæ mortuo Ferdinando III. Palatinum inter & Bavarum de Vicariatu Imperii A. 1657. agitata est, Wilhelmus cum Camera Ferdinandi Mariæ, Electoris Baviaræ, secutus est partes. (s) Eodem anno die 19. Oct. centum quinquaginta sententias Cameræ, inaudito exemplo, iussit publicari. (t) A. 1666. & sequenti operam multam Wilhelmus impendit, ut Cameræ ejusque status interni institueretur examen. Non unum hac super re in Comitibus impetravit decretum; quæ caruerunt successu. De ejusdem Judicii sustentatione sollicitus, A. 1671. rem eo redegit, ut ordinandæ Matriculæ & rationibus conficiendis, Imperii Deputatio, quam vocant, de-

(r) Literæ Collegii Cameralis ad Electorem Moguntinum de Introductione Wilhelmi Marggravii Badensis; extant in Modestini & Pomponii (Ludolfi) Colloquiis familiaribus de Statu Cameraris Judicii in Imperio Summi pag. 338.

(s) LONDORP. *Acta Publ.* Tom. VIII. pag. 132.

(t) ZECHII *Europ. Herald.* Tom. I. pag. 503.

WILH.

cerneretur. (u) At pensiones, ei ipsi debitæ, non fuerunt solutæ. Ultra XL. millia thalerorum ab Imperio A. 1703. eo nomine nepos ejus repetiit Ludovicus Wilhelmus. In Comitii Ordines die 16. Martii ejus anni decreverunt, ut mensis Romanus, quem stylo publico appellant, debito delendo solveretur (x) Ludovico.

Nec prætereundum silentio, quod gravi illo Gallorum contra Batavos bello paulatim in Germaniam serpente, Wilhelmus de Cameræ Spirensis securitate sollicitus A. 1674. ad Cæsarem Leopoldum, ad Comitii Imperii, ad Electorem Palatinum literas scripserit, a belli periculo Spira ut redderetur immunis Cameræque Judicia peragerentur tranquille. Sperabat Wilhelmus Gallos non læsuros esse urbem, quæ nullum auxilium eorum hostibus præbeat. (y) Nec spes eum decepit. Spira durante hoc bello neutrarum partium fuit, mansitque illæsa. (z)

## §. X X

Lites de  
Monast.  
Herren-  
sib.

Eminens Judicis Cameræ dignitas dedit occasionem, ut diuturnæ de Albenfi & Reichenbacensi Cœnobiis lites, de quibus supra

(u) LUDOLF. *historia sustentationis Cameræ Imp.*

(x) Theatr. Europ. Tom. XVI. Part. II. pag. 41.

(y) LONDORF. *Alta Publ.* Tom. X. pag. 271. seq.

(z) L. B. DE HARFFRECHT *urkundliche Nachrichten von des Kaißerl. Cammergerichts Schicksalen in Kriegszeiten.*

supra jam sermo, sub Wilhelmo nostro renovarentur. Christophorus, Wirtembergæ Dux, uti supra ostendi, (a) Albæ Dominorum Abbatiae vicos, a Badensibus possessos, A. 1560. vi armata occupaverat, subditisque jurejurando adactis, prohibuerat, ne subsidiariam partem, a Philiberto Marchione illis impositam, persolverent. Lis ad Cameram delata pro Badensibus A. 1595. die 27. Aug. decisa est. Wirtembergico injunctum, ut, relictis in possessione juris collectandi Badensibus, de non turbando in posterum cautionem præstaret. (b) Wirtembergicus non restituit loca, sed A. 1603. Ernesto Friderico Durlacensi, qui superiorem inter hæc occupaverat Marchiam, in compensationem præfecturarum Badensium Altensteig & Liebenzell, de quibus subortæ quoque fuerant lites, Præfecturas Malsch & Langensteinbach reliquit. (c) Conventioni huic, Badensibus damnosæ, Georgius Fridericus intercessit, frater Ernesti; sed irrito conatu. Wilhelmus, quum A. 1622. ex Consilii Aulici decreto reciperet ditiones, reddita est ei quoque Præfectura Malschenensis, sola Langensteinbachi Præfectura apud Durlacenses manente. Insecutum est denique

Tom. III.

P

(a) In Philiberto §. 4.

(b) Sententia hæc extat in MEICHNER. Tom. IV. *Decis.* 35. & in Diatriba sæpius allegata: *Grund- und Allumfassige Information Baden - Baden contra Wirtemberg* inter documenta pag. 131.

(c) *Diatriba alleg.* p. 29. & 31, & inter *Documenta* p. 149.

WILN.

A. 1629. die sexto Martii Ferdinandeum Edictum, quo Protestantes Ecclesiastica bona, a Transactionis Passaviensis temporibus occupata, Catholicis restituere juebantur. Albæ Dominorum Abbatia restitucndis annumerata. Virtute Edicti hujus Wilhelmus Marchio Malscham & Ottersviram, (d) quoad reditus Monasticos, reservatis sibi territorii juribus, Nicolao Abbati A. 1631. restituit; annoque sequente, instituta contra Wirtenbergæ Ducem apud Consilium Aulicum actione, reliqua Advocatiæ Albæ Dominorum loca, quæ in Marchica ditione sita, atque in transactione A. 1497. enumerata, (e) sibi ut restituerentur postulavit. Lis durante bello tricennali protracta; post Pacem Westphalicam A. 1654. & 1661. fortius agitata, ad nostra usque tempora inter indecisas refertur. (f)

## §. XXI.

Reichen-  
bacum  
Wirten-  
bergæ

Reichenbacense cœnobium, in quod Philibertus, A. 1557. tranfigens, sua vindicaverat jura, (g) eodem tempore, quo Mar-

(d) *Ibidem* pag. 22.

(e) Ex locis, hæc transactione Advocatiæ Badensi relictis, Durlacenses, virtute permutationis, A. 1603. *Langensteinbach, Utterspach, Dietrichshausen, Urbach, Spießberg*; Wirtenbergici vero *Löffnau, Neusatz, Rotlenzohli, Bernbach*, possident hodieque. *Diatrib. alleg.* p. 36.

(f) *Ibidem* pag. 22.

(g) Vide Philibertum §. 5.

chiam superiorem Ernestus Fridericus sibi vindicaverat, a Friderico, Wirtenbergæ Duce, occupatum est A. 1595. Joanne Higelio, Priore ejus, expulso. (h) Querenti ea de re Durlacenſi Ernesto Wirtenbergenſis reſpondit, Hirſaugienſis Monaſterii, ad ſe pertinentis, jura in Reichenbacum ad ſe quoque pertinere; Badenſium & Eberſteinſium juribus ſe non derogaturum. (i) Hirſaugienſe Monaſterium ante Pacem Religioſam a Wirtenbergæ Ducibus ſeculo addictum, ut Eccleſia mater, jurisdiſtionis eccleſiaſticæ partes (k) in Reichenbacenſi exercuerat Prioratu. Hirſaugienſium jura ad ſe devoluta eſſe, filiamque matris ſequi fortunam Wirtenbergenſis contendit. Higeliuſ Prior, cœnobio exul, ad Rudolphum II. Imperatorem confugit, atque ab eo Mandatum, quod vocant, A. 1596. d. 7. Junii impetravit, quo Wirtenbergicuſ intra ſex hebdomadas Reichenbacenſes in integrum reſtituere jubetur. (l) Reſtitutio tamen non facta. Wirtenbergicuſ poſſeſſio-

Dix ſe-  
culo ad-  
dict.

Tom. I II.

P 2

(h) BESOLDI *Documenta reditiva Virginum sacrar.* pag. 171. PETERS *Suev. Eccleſiaſt.* pag. 705.

(i) Aſt. vide in Diatr. paulo ante allegata: *Baden contra Wirtemberg in Documentis* pag. 167.

(k) Abbas Hirſaug. Reichenbacenſem inſtituerat Priorem atque inſpectionem in cœnobio habuerat. PETERS *Suev. Eccleſ.* pag. 704. *Diatrib. alleg.* pag. 381.

(l) Eſtat mandatum in *Diatriba alleg.* pag. 169.

WILH.

nem suam ut novo titulo fulciret, Ebersteinsium quoque iurium in Reichenbacum partem pro XXIII. millium florenorum summa A. 1602. cōtūit; (m) & ab hoc tempore abolita Badensi Advocacia, in suum jus transtulit omne Cœnobium. Instituti quidem sunt rei transigendæ Stutgardiæ conventus A. 1605. Reichenbaci A. 1606. 1618. 1619. & A. 1614. Pforzhemii. Litigatum in Camera; sed irritò semper labore. Wilhelmus A. 1622. terris restitutus avicis, obtinuit, ut Leopoldi Archiducis, cui Cæsar rei exequendæ curam commiserat, legati Johannem Fridericum, Wirtenbergæ Ducem literis monerent, amicabili compositione ut litem terminaret. (n) Sed executorum monita caruerunt effectu.

## §. XXII.

Wilhelmus ex parte restituitur.

Post Ediſtum denique Ferdinandum, de quo modo diſſe-  
rui, restituto Reichenbacensi cœnobio, (o) Wilhelmus A. 1630. Stutgardiam misit legatos, qui non restitutionem tantum Monasterii Albæ Dominorum, sed & Badensem Reichenbacensis Cœnobii partem, cum Ebersteinsensi petierunt; quam virtute Pacis Castrensis cum

(m) Instrumentum exstat p. 331. *Diatribæ alleg.* Emptio venditio hæc pactis Ebersteinsium cum Badensibus adversabatur, quibus conventum, ut neuter absque alterius consensu ex Ebersteinsensi Comitatu alienare quid posset. МЕРКЕР *Alta Pacis Westphal.* Tom. IV. pag. 54.

(n) *Diatribæ alleg.* pag. 173.

(o) Vide literas Cæsaris ad Wirtenbergicæ Ducem ibidem pag. 391.

Ebersteinensibus initæ, (p) reluere potuerunt Badenses. Wirtenbergæ Dux, auditis legatis, ad condominium cœnobii Reichenbacensis & jurisdictionis communionem anno sequente Wilhelmum admisit. Homagium a Reichenbacensium subiectis, utriusque Principis nomine, præstitum. (q) At A. 1632. in alia omnia discessit Eberhardus III. Wirtenbergæ Dux.

Irruentibus enim Svecis victoribus, terras suas cum reli- <sup>Iterato ei</sup>  
quisset Wilhelmus, Reichenbacense quoque Cœnobium illi abla- <sup>aufertur.</sup>  
tum est, Monachique eiecit. Cæsar<sup>9</sup> literis die 22. Sept. A. 1663. Vindobonæ datis, jura sua reservavit Marchioni; (r) qui Svecis ad Nordlingam fufis, in Marchiam redux, restitutionem hujus Cœnobii apud Wirtenbergæ Ducem egit constanter. Dux, ne- ctenas moras, ad Pacis usque Westphalicæ tempus rem distulit. Senatus Imperii aulicus occasionem opportunam ut expectaret, A. 1635. suavit Wilhelmo. (s) Quum autem in Westphaliæ tractatibus de restitutione Domus Wirtenbergicæ in Herrenalb & Reichenbach mentio injiceretur; (t) Wilhelmus, de juribus suis

## P 3

(p) Conventio hæc extat *loc. alleg.* pag. 317. Add. Tom. II. pag. 326.

(q) Acta vid. *ibid.* pag. 393. seqq.

(r) Literas has exhibet Diatriba pag. 396.

(s) Decreta hæc vide *ibid.* pag. 397.

(t) Singula, quæ de restitutione horum cœnobiorum, Wirtenbergicæ Ducl fa- cienda, in Tractatibus Pacis Westphal. acta fuerunt, vide in MEXER

WILH.

sollicitus, Stutgardiam misit legatum; Ducis ea de re ut cognosceret animum. Hic verba illa generatim posita, Badensibus juribus fraudi non futura ostendit, curaturum se addens, ut quam primum satisfiat Wilhelmo. (\*) Marchio his promissis contentus, apud internuncios pacis jura sua ulterius non profecutus est; plures post annos de Reichenbacensi Albenisque Cœnobiis novam in Consilio Aulico litem A. 1654. Wirtenbergico intendere coactus, quæ durat hodieque.

Hæc de Reichenbacô & de Alba Dominorum quæ, sunt Monasteria virorum.

## §. XXXIII.

Albam  
Dominarum  
reformat  
Duriacensis.

Alba Dominarum, Ordinis S. Benedicti Partheno, a Bertholdo Ebersteinensi Comite A. 1148. conditum, multis quoque sub Wilhelmo litibus præbuit occasionem. Ebersteinii Comites, eorumque successores Badæ Marchiones, ut Advocati & Domini, ab antiquo in cœnobium exercuerant jura, quæ sanctimoniales, libertatem affectantes, nonnunquam impugnaverant; Cæsarem Dominum solum agnituræ. Ernestus Fridericus, Marchia superiore potius, visitandi jus una cum Ebersteinensi Comite exercens, moniales & ipsam Abbatissam, corruptos ob mores, man-

*Alt. Pacis Westphal.* Tom. III. pag. 438. Tom. IV. pag. 51. seq. pag. 81. 95. 138. 158. 561. Tom. V. pag. 460. 517.

(\*) Vide *Alta* pag. 315.



cipavit custodiæ, & Augustanæ Confeſſionis ſacra in monaſterium introduxit. Episcopus Spirensis, cujus Diœceſi Alba Dominarum fuerat ſubjecta, non Eccleſiaſticam modo, ſed & ſecularem ſuam juridiſtionem læſam eſſe contendens, virtute Conſtitutionis de pignorationibus (x) Mandatum a Camera Imperiali obtinuit, (y) quo Marchioni & Eberſteinenſi Comiti injunctum, ut Abbatiffa & Monialibus captivitate liberatis, privilegia & documenta, quæ Gernſpacum tranſtulerant, cœnobio reſtituerent. Marchio & Eberſteinenſis Comes, reſectis, quas in Camera ipſi allegaverant exceptionibus, (z) reviſorio judicio ſibi proſpiciendum putarunt, exhibitoque Deputatis, Spiræ A. 1600. agentibus, libello docuerunt, nullam Spirenſi ſecularem in cœnobio juridiſtionem competere, ſed omne territoriî juſ ad Eberſteinenſes & Badenſes ſpectare. Eccleſiaſticam vero Episcopi juridiſtionem Pace Religionis ſuſpenſam, adeoque reformandi & cœrcendarum Monialium auctoritatem penes ſolos Eberſteinenſes & Badenſes, utpote ditionis dominos, eſſe. Denique Marchio juridiſtionem Cameræ, quoad hanc litem declinavit, quod Pacis Religioſe interpretatione reſervata Comitibus.

---

(x) Conſtitutio hæc pignorationis in Comitibus A. 1555. lata in *Ordinatione Cameræ*, occurrit Part. II. tit. 22. & 23.

(y) Menſe Majo 1598.

(z) Pertinet huic inprimis exceptio maleficii & rei controverſæ,

## §. XXIV.

Wilhel-  
mus mo-  
niales re-  
stituit.

In eo statu res erat, Wilhelmus A. 1622. patris sui hereditatem cum adiisset. Abbatiae Albæ Fæminarum subjecti cum ceteris Ebersteinensis Comitatus subjectis iusjurandum fidelitatis ei præstiterunt. (a) Monasterii redditus A. 1625. assignati fuerunt fratri ejus Alberto. (b) Promulgato autem Ferdinandi II. Imp. edicto A. 1629. restituendæ quoque hujus Abbatiae necessitas Marchioni injuncta. Diversæ regulæ Moniales Cœnobio introducendi potestatem ei concesserat Pontifex. Sed Cameræ & Episcopi Spirensis auctoritate permotus, una cum Comitatus Ebersteinensis usurpatoribus pristinæ regulæ Moniales A. 1631. in monasterium reduxit, Advocatiæ & territorii juribus, quæ ante occupationem habuerat, sibi diserte servatis. (c) Et tamen litem no-

vam

(a) Instrum. extat in scripto Bada-Badensium contra Frauenalb A. 1722. edito, pag. 244.

(b) Vide Eduardum Fortunatum §. 12.

(c) Conf. Relatio HAFNERI Doctoris ad Marchionem Wilhelmum de introductione Monialium in Cœnobium Albæ Dominarum d. 1. Martii A. 1631. scripta. Extat in scripto allegato pag. 130. Marchio non Advocatiæ modo, sed & superioritatis territorii jura sibi & Condominis Ebersteinensibus servavit. (*Die Hohe Landesfürstliche Ober- und Herrlichkeiten und was denselben anhängig, desgleichen das Hoffgericht und darunter begriffene Fäll, auch Kastenvogtey, Schutz und Schirm, auch andere Gerichthkeiten Est.*) Adde script. alleg. pag. 369.

vam Wilhelmo A. 1638. intenterunt Moniales. Camerae tum iudex erat Phil. Christoph. Spirensis Episcopus, qui & Trevirensis Elector. Camera contra Marchionem tria expedivit Mandata; quibus ei injunctum, ut via facti omissa, juris ordinem servaret.(d). In eandem sententiam Ferdinandus III. Cæsar ex Comitibus Ratisbonensibus A. 1641. ad Marchionem rescripsit. (e) Hic jura sua fortiter vindicans, ab Episcopo devotus est diris. Episcopus Galliae regis opem se imploraturum professus est. (f) Continuos hos inter motus composita tandem fuit Westphalica pax; virtute cujus, ex anni reparatorii legibus, Wilhelmo & Ebersteinensibus Cenobium debuisset restitui. Restitutio, in Conventu Deputatorum Imperii A. 1650. decreta, caruit successu. (g)

## §. XXV.

Eninvero Schwarzacensis atque Schutterani Abbatum Com illis  
intercessione Wilhelmus novo Diplomate die 16. Jun. A. 1655. transigit  
post Pa-  
cem  
West-  
phal.

Tom. III.

Q

(d) Extant loco alleg. pag. 403. sq.

(e) Ibid. pag. 406.

(f) Ibid. pag. 64. &amp; 371.

(g) Scriptum alleg. p. 81. Adde MERKURII *Acta Executionis* Tom. I. p. 579. 757.

Tom. II. pag. 174. 768. Ebersteinenses jam A. 1651. in possessionem dimidia suae reductos esse asseruerunt pacis executores; *Acta Executionis* Tom. II. pag. 874. factum esse sperantes, quod fieri debebat, revera tamen neque tum, neque postea ad nostram usque integritatem est perfectum.

WILH.

dato accedente Wolkensteinii & Cronsfeldæ Comitum consensu, pristina jura confirmavit monialibus, easque cum omni ditione in suam & fociorum tutelam de novo recepit. Casimirus Comes Ebersteinensis, cui ex Pacis Westphalicæ legibus Monasterii pars dimidia debebatur, partim ætate, partim contentione cum Wolckensteinii & Cronsfeldæ Comitibus fuit impeditus, quo minus novæ huic conventioni consensum præberet. Eadem conventione servata sunt Badensibus regalia, a majoribus possessa; de quibus in posterum ne lites orirentur, sequente transactum est modo:

1. Causæ Criminales, ubi ex Constitutione Carolina carnicis requiritur opera, ad Marchionem & Ebersteinenses Comites pertineant. Reliqua delicta Abbatissæ ejusque Monialibus vindicandi jus esto.

2. Ab inferioribus Abbatissæ judiciis ad judicium Portæ Cœnobii (h) & inde, more olim recepto, ad Badenses & Ebersteinenses præfectos judiciumque Aulicum Marchionis fiat provocatio.

3. Ad annum provinciæ censum, (i) ut & ad omnia Imperii onera, contribuant Moniales; subditorum Cœnobii censum

---

(h) *Das Pfortengericht zu Frauenalb.*

(i) *Die Stürliche Landschatzung.*"

exigant Albenfes præfecti, qui Marchicis ac Ebersteinenfibus eum transmittant.

4. Jus conductus per Cœnobii ditiones, absque molestia Cœnobii ejusque subditorum Marchio sociique exerceant.

5. Iisdem, urgente necessitate, competat jus sequelæ atque delectus (k) ad defensionem provinciæ.

6. Jus venandi feras majores in Albenfibus filvis Marchioni, at feras minores capiendi jus Abbatissæ afferitur.

7. Præfectos suos Abbatissa constituat; qui Badenfibus & Condominis, munus adituri fidem adstringant, conventionem hanc literasque protectionis se sancte servaturos. Præfectus, a Condominis vocatus, consensu Abbatissæ, in Comitibus provincialibus, ubi Cœnobii ejusque subditorum causa vertitur, compareat atque in præsentia Abbatissæ & Conventus Cœnobii, ut & legatorum, a Condominis missorum, administrationis suæ rationes exhibeat.

8. Gabella vini (l) dimidia ex parte adscribitur Condominis; altera pars una cum salmonum decimis (m) ad Cœnobium spectet.

Tom. III.

Q 2

(k) *Auschuß.*

(l) *Ohmgeid.*

(m) *Lachszeinden.*

WILH.

9. Religio Romana in Monasterio & in omni ejus ditione perpetuis temporibus illibata persistat. Omnis in Religione mutatio Abbatissæ & Conventui ipsisque Condominis eorumque heredibus & successoribus interdicitur. (n) Pacta conventa, tam sollicitè conscripta, finem litibus imposuisse crederes. Sed nec ita finis turbarum, quæ seculi hujus initio vehementius commotæ sunt, uti suo loco videbimus.

## §. XXVI.

Comita-  
tus Eber-  
stein. ad  
Badenses  
transit.

Quinquennio post (A. 1660.) Ebersteinensis Comes Castimirus, gentis suæ postremus, decessit. Orta hinc Wilhelmo nostro cum Lothario, Spirensi Antistite, disputandi materia, quæ ut clarius intelligatur, ad secula superiora regredimur.

Jam A. 1389. dimidia Comitatus Ebersteinii pars sub Rudolpho VII. Marchione emtionis titulo ad Badenses pervenit. (o) Christophorus Marchio communionem Comitatus pacemque perpetuam Castrensem A. 1505. cum Bernhardo Ebersteinensi iniivit; (p) qua alienatio terrarum prohibita & relucendi jus utrique assertum. Philippus Ebersteinus sine mascula so-

(n) Instrum. hoc legitur in *Scripto alleg.* pag. 372.

(o) *Adi Tom. II.* pag. 128.

(p) *Ibid.* pag. 266. & 326.

bole A. 1589. obiit. Tum vero Philippus & Johannes Jacobus, Ebersteinenses agnati, exclusis Philippi filiabus, (g) bona occuparunt. Hæ litem ad Cameram detulerunt, quæ A. 1620. pro illis decisa. Revisionem actorum, quam vocant, petiit Johannis Philippi, qui patri Philippo successerat, patruus tutor. Camera Spirensis, lata die 5. Decembr. A. 1621. sententia, revisioni huic, quoad bona Ebersteinensia avita, suspensivum, quem vocant, adjudicavit effectum, dictumque tutorem ad revisionis juramentum admisit. At postquam Johannes Philippus, Christiani Brunsvicensis, Administratoris Halberstadiensis, quem Ferdinandus Imperator hostem dixerat, exercitum secutus, Mæno fluvio prope Hœchstam, submersus, periisset, Ferdinandus Cæsar, adversariorum precibus motus, revisione posthabita, omnia Johannis Philippi, in perduellionis reatu mortui, bona adversariis addixit. Executorem ejus rei Leopoldum Wilhelmum, Archiducem, Argentinensem Episcopum nominavit. Hic Cæsaris mandato obtemperans, Isaacum Volmarum suo nomine ablegavit, qui medios inter belli strepitus, d. 30. Mart. A. 1624. in oppido Episcopali Ruffaco, & die 24. Oct. ejusdem anni Gernsbaci amplam conciliavit transactionem. Jo-

## Q 3

- 
- (g) Ex tribus Philippi filiabus Johanna nupsit Comiti Zollerensi, Sibylla Comiti Cronseldio, Maria Christophoro Francisco, Wolckensteinio Comiti, qui uxoris nomine causam contra agnatos strenue egit, victorque evasit.

WILK.

hannes Jacobus Ebersteinus Comitatus Feuda servavit; reliqua bona majorum, sive allodia gentis transferunt ad filias. (r) Ita locorum Forbach, Bermersbach, Gaußpach, Langenbrand, Au, Weissenbach, Reichenthal, Hilpertsau, Oberzuroth, Lautenbach, Hörden, Ottenau, Seelbach, Freyolzheim, Muckensurm, & Michelbach dimidia pars, contra familie Ebersteinensis leges, ad foeminas pervenit.

## §. XXVII.

Lis de eo  
cum Spir.  
Episco-  
po.

Casimiro autem, Ebersteiniorum omnium postremo, sine prole, ut dixi, defuncto, feuda Comitatus ad se rediisse Domini contenderunt directi. Unde dimidia quoque Gernsbaci & vicorum Scheuren ac Stauffenberg pars ad Episcopum Spirenses pervenit; qui per legatos A. 1661. a locorum istorum incolis pro parte illa exegit homagium. Occupavit etiam Episcopus vicum Neuenbürg, contradicente tamen vidua gravis & filia, quam enixa est die 20. Maji A. 1661. Albertina Sophia Esther, quæ A. 1679. Friderico Augusto, Duci Neustadio - Wirtenbergico nuprui collocata, jura sua in vicum istum sæpissime repetiit. Sed legati, præter hæc loca septem

---

(r) Transactio Ruffacensis A. 1624. inita extat in Diatriba tit. Facti species contra Spirenses Ecclesiam a Bada-Badensibus impressa A. 1763. pag. 33.



quoque vicos, Seelbach, Hilperzau, Lautenbach, Reichenenthal, Weisenbach, Langenbrandt & Gauspach, ad Episcopum, ut Dominum directum, pertinere contenderunt. Vici hi ex numero illorum XVI. sunt, qui in transactione Ruffacensi A. 1624. pro allodialibus agniti. Hos nunc, tanquam feuda Spirensis Ecclesiae, ultimi vasalli morte, quoad partem diuisionem, sibi vindicavit Episcopus. At Wilhelmo nostro & allodiorum Ebersteinensium possessoribus in contraria euntibus, ad praestationem homagii non admissi sunt legati.

## §. XXXVIII.

**T**redécim annis post mortem Casimiri (1673.) Philippi <sup>Trans-</sup> action. filiarum heredes, Cronsfeldii & Wolckensteinii Comites, allodiale Comitatus Ebersteinensis partem, transactione Ruffacensi ipsis adjudicatam, Episcopo Spirensi vendiderunt. Wilhelmus Marchio, vi Pacis Castrensis, Badenses inter & Ebersteinios antiquitus initae, relucendi jus sibi competere; Episcopus definitum relucitionis tempus a Badensibus neglectum esse, contendit. A. 1676. die X. Martii facta conventio, ut allodialis pars, a Spirensi nuper acquisita Episcopo, Badensibus, emtionis pretium reddituris, relinqueretur. Septem autem illi vici, de quibus controversum, pro Spirensibus habeantur feudis, donec allodiales eos esse probarint Badenses. Jus conductus parti sit utrique commune. Tributa Imperii ab utriusque colligantur praefecto. Spi-

WILH.

rensis Episcopus in oppido Gernsbacensi & omni Ebersteinensi Comitatu jus Diœcesanum in Catholicos exerceat. Ratione Protestantium Westphalica Pax observanda commendatur Episcopo. (s) Hæc de forensibus Wilhelmi bellis, nunc ad bellum sanguinolentum progredior.

## §. XXXIX.

Bellum  
Turci-  
cum.

Mahometes IV. Turcarum Sultanus A. 1663. bellum contra Hungariam paravit. (t) Leopoldus Imperator apud Germaniæ Proceres & apud Galliæ Regem quæsit auxilia. In Comitibus Ratisbonæ, quæ ab eo tempore perpetua esse cœperunt, Cæsar ipse dicto anno comparuit. Wilhelmus noster & Fridericus Bada-Durlacensis iisdem interfuerunt. Virtutē Comitialis decreti, quod tributū matricularis ordinarii triplum imposuit Statibus, Wilhelmus noster per totam Marchiam fecit delectus & omnia præparavit ad bellum. Secundo genitus filiorum ejus, Leopoldus Wilhelmus, totius exercitus, quem Germania collegit, Supremus ab Imperio constitutus est belli Dux. (u) Summi Vigiliū Magistri

(s) Transactioni huic, feudalis vicorum memoratorum qualitatē intuitu, littera de 17. Nov. 1677. Durlacensis intercessit.

(t) RICAUT *Hist. de l'Empire Ottoman* Tom. III. p. 4. seq. Ordinatus erat campanæ Turcicæ pulsus, hodieque durans, item publicæ preces & fericæ. Vide *Recessus & Decret. Imperii* Part. IV. num. 1. sq.

(u) *Reichs - Feldmarschall.*

stri munus (x) Gustavo Adolpho; Friderici VI. Durlacenſis fra-  
tri, commiſſum. Gothardiana victoria, quam plenam A. 1664.  
a Turcis reportarunt Germani, bellum in vicinales convertit in-  
ducias, quæ factæ ſunt die X. Auguſti in Turcicis apud Vasva-  
rum caſtris. (y)

In iſtis his Ratiſbonæ Comitiis Cæſar Domui Badenſi die  
17. Aprilis dedit Diploma, quo Marchionibus regnantibus tribuit  
*Sereniſſimi* axioma.

### §. XXX.

Belli Turcici finis civili Germaniæ bello ob Wildfangia-  
tum cum Carolo Ludovico, Electore Palatino A. 1665. fere dedit <sup>Turbæ de Wild-  
fang.</sup>  
initium. Leopoldus Imperator, literis, die 20. Aprilis Vindobo-  
næ ſcriptis, Wilhelmum rogavit, ut ad Electorem Palatinum ſe  
quantocius conferret; ſuæque & Cæſaris auctoritate ad mitiora  
eum perduceret conſilia. (z) Interventu ejus Principes, Electo-  
Tom. III. R

(x) *General-Wachtmeiſter.* Decreta Imperii vide loc. alleg. num. 3.

(y) *Theatrum Pacis* Tom. II. pag. 195. RICAUT *Hiftoire des Turcs* Tom. III.  
pag. 115.

(z) Literæ extant in *Diario Europæo* Part. XII. Append. pag. 52. Confer li-  
brum, cui Titulus: *Defenſio Jſuris Regalis Palatini in homines proprias, ſi-  
ce juris Wildfangiatus* pag. 162.

WILH.

ri Palatino contrarii, præviam hoc anno pactionem Oppenheimii signarunt die 15. Nov. quam Cæsaris nomine firmavit Wilhelmus; (a) qui A. 1668. una cum Friderico Durlacensi componendis turbis inter Lotharingiæ Ducem & Electorem Palatinum, ut & inter Moguntinum & Palatinum, Legati Cæsarei quoque gesserat munus. (b)

Paulo post ipsi Wilhelmo de servitiis militaribus & hominibus propriis in utriusque ditione lis cum eodem Palatino exorta, quæ amica transactione A. 1669. sopita est Spiræ.

## §. XXXI.

Gesta reliqua.

Inter hæc (A. 1666.) Wilhelmus Eugenius, Linææ Rodemacheranæ Badensis, donatione mortis causa, Luxenburgicas Domus hujus terras Wilhelmo nostro reliquit.

Hic sexennio post (1672.) Spanheimenses super terras cum Christiano II. Comite Palatino Birckenfeldensi conventionem inivit. Placuit inter alia, ut exercitium Religionis privatum & publicum, ad anni decretorii normam, in Comitatu citeriore observaretur. (c)

(a) Diarium Europæum loco allegato pag. 324. & 330.

(b) Diar. Europ. Part. XX. pag. 113. & 149. Theatr. Europ. Tom. X. pag. 785.

(c) Lege Commentationum cui titulus: *Kwitz-gesäfte, jedoch gründliche Ablei-*

Quadriennio ante mortem (1673.) die 22. Martii, nepoti ex primogenito, successori suo futuro, ut & liberis suis, ætate minoribus, prospiciens, Mariam Magdalenam, conjugem suam & Hermannum filium, tutores; Philippum Wilhelmum, Palatino-Neoburgicum, sapientissimum Principem, honoris causa, curatorem constituit.

## §. XXXII.

A. 1677. die 22. Maji, ætatis octoginta, regiminis LV. annorum, extinctus est Wilhelmus; magnum Germaniæ lumen. Dignus tamdiu qui viveret; tamdiu qui regnaret, imo qui regnaret diutius; dignus meliora qui in tempora incidisset. At animum ejus ad virtutem acuit adversitas; optima virtutis palæstra. Natus ex prodigo patre; ex conjugio, quod impugnarunt agnati. Natus paulo antequam Marchia ejiceretur pater; in exilio mortuus, ipse ad trigesium usque vitæ annum fuit patria extorris. Restitutus Marchiæ, viginti totos sex annos spem inter & metum transegit; vel a Svecis, vel a Gallis, Svecorum fœderatis, Marchia expulsus; a Cæsareis restitutus; prouti fors armorum hostibus vel amicis favere videbatur; nonnisi pace, apud Westphalos constituta, tranquillus. Tum vero gloriosa vitæ ejus periodus incepit, quam per sex lustra sine interruptione felix peregit; Mar-

Obitus &  
Charac-  
ter.

Tom. III.

R 2

*nung des Fürstl. Baden-Badischen vermeintlichen Partitions-Berichts ad Rescriptum Cæsar. de dato 10. Dec. 1722.*

WILH.

chie sue restaurator, stator & pater; lenitate, justitia & moderatione conspicuus. Frugalitatis & parsimonie rarum exemplar; sine quibus rei domesticæ vulnera nunquam sanasset. *Cæsari* & Imperio fidus; cum finitimis amicitiam colens; Ludovico XIII. ejusque successori carus. (d) Hujus indolis Princeps, ad artes togatas natus, Bellonum miles si novercam expertus est, mirabitur nemo. De Romanis majorum suorum sacris, in Marchia restituendis, sollicitus, moderate id, & secundum leges, quas Religiosa Pax, nondum confecta Westphalica pace, Germanis præscribit, facere constituit; ut ipse in Epistola, ad Senatum Populumque Argentinensem perscripta, diserte declarat. (e) *Habitus cor-*

---

(d) *Contractus matrimonii, quod inter filium Ferd. Maximil. & Ludovicam Christinam, Sabaudicam Principem, Lutetiae Parisiorum educatam, conciliavit Wilhelmus, his verbis rem exprimit: „ Comme ainsi soit, que  
 „ le feu Roy Louis le juste d'immortelle memoire ait eu une parfaite  
 „ amitié pour le Serenissime Prince & Seigneur, Guillaume Marggrave de Bade & de Hochberg, & que lui pour la conserver ait en tout  
 „ rencontre, fait paroître, le respect, qu'il portoit à Sa Majesté, & mesmes essayé par ses services de meriter ses bonnes graces, & qu'ayant la même passion, d'avoir par les memes voyes, part en l'amitié de Sa Majesté à present regnante & pour la posséder de plus en plus, ait fait entendre à sa dite Majesté le desir qu'il avoit de marier &c. &c.*

(e) Scripta est hæc Epistola Baden die 12. Martii 1646.

poris formæ mentis respondit. Ex omnibus ejus dictis & gestis eluxit gravitas; tanto Principe digna, qui tot inter magnates jura dispenfat; qui tot Principatum, Comitatum, Dynastiarum, Dominiorum totius Germaniæ possessiones, ad Themidis severæ leges, æqua lance distribuit.

## §. XXXIII.

Wilhelmus sepultus est in crypta Marchionum Collegiæ <sup>Sepulchra</sup> Badensis. Hæc A. 1754. cum aperiretur, occurrit sarcophagus, in quo jacet Wilhelmus; vestitu Hispanico & aurei velleris torque ornatus. Nummus adjectus, cujus una pars Badensium repræsentat insignia, pars altera annum mortis designat. (f)

Fœcundis matrimoniis duobus felix fuit Wilhelmus. Primo <sup>Uxor</sup> & li-  
conjugem sibi ascivit A. 1624. ex Comitum Hohenzollerenſium stir-  
pe, Catharinam Ursulam, Joannis Georgii filiam. Nunerosa in-<sup>beriprio-</sup>  
de prodiit soboles, quam secundum ordinem nativitatis expono.<sup>ris ma-</sup>  
<sup>trim.</sup>

## R 3

(f) Guiljelm. D. G. Mar. Bad. & Hæc. Landg. in Sauf. Gr. in Sp. & Eb. D. in  
R. B. L. & M. In averſa nummi parte legitur :

Mortuus  
Anno 1677.  
die XXII. Maji  
ætatis ſuæ  
LXXXIIII.

1. Ferdinandus Maximilianus natus die 23. Sept. 1625.
2. Leopoldus Wilhelmus die 16. Sept. 1626.
3. Philippus Sigismundus die 25. Aug. 1627. Melitenſi ordini adſcriptus, in proelio ad Orbitellum A. 1646. inter Gallos & Hiſpanos commiſſo, in ætatis flore extinctus eſt.
4. Wilhelmus Chriſtophorus die 12. Octobris 1628. in Colo-nienſi Eccleſia A. 1641. in Conſtantienſi A. 1645. Canoni-catus accepit. Rectoratus in Weyersheim ad altam tur-rim in Alſatia A. 1646. ei delatus. Sed A. 1652. die 25. Aug. fortuita ſcolopeti exploſione vitam amiſit.
5. Hermaunus gemino partu, eodem, quo Wilhelmus Chriſto-phorus, anno & die, lucem aſpexit.
6. Bernhardus A. 1629. die 22. Octobris Romæ, quo inſtituit iter, A. 1649. deceſſit.
7. Iſabella Eugenia Clara, nata die 14. Novembris A. 1630. poſt biennium obiit.
8. Catharina Francisca, die 19. Novembris A. 1631. Veſontio-ne monaſterium ingreſſa eſt.
9. Claudia A. 1633. die 15. Maji infans deceſſit.
10. Henrica & Anna gemellæ, die 12. Julii A. 1634. in lucem editæ. Illa expiravit in cunis; hæc longiſſime vitam pro-



duxit; quam A. 1708. die 31. Martii commutavit cum morte. Sepulta est Badæ in choro Ecclesiæ Collegiatæ, ubi in eadem cum patre crypta requiescit. (g).

Nati post hos Maria, Franciscus & Maria Juliana infantes perierunt. Mater in puerperio quo hanc peperit, A. 1648. mortua est.

#### §. XXXIV.

Secundas nuptias Wilhelmus A. 1648. cum Maria Magda-  
lena, Oetingensi Comite, Ernesti filia, inivit, cui ab aula Cæsariæ <sup>Liberi ex  
posteriori  
matrim.</sup>  
rea, ubi in Imperatricis Comitatu diu vixerat, vices mille florenorum promissa est dos. Ex hoc matrimonio sequentes liberi prodierunt:

1. Philippus Wilhelmus natus A. 1652. intra triennium morte abreptus.
2. Maria Anna Wilhelmina, in lucem edita A. 1655. die 8. Sept.

---

(g) Reliquiæ ejus A. 1754. detectæ; quas nummus ostendit argenteus cum inscriptione: „ Anna Marchionissa Badenf. & Hochberg. Serenis. March. „ Wilhelmi. S. C. M. Spiræ Cameral. Judicis & Catharinæ Ursulæ Com. de „ Hohenzollern filia Princeps nata 12. Jul. 1634. denata 31. Mart. 1708. Badæ & 1. Apr. ibid. apud suum genitorem sepulta est. Requiescat in Pace. Amen. „

---

Ferdinandum Augustum Lobkowizium Principem Ducem-  
que Saganensem A. 1680. nactus maritum.

3. Carolus Bernhardus A. 1657. die 14. Januarii natus, in le-  
gione Cæsarea Portiensi Locum tenentis Præfecti (*Obrist-  
Lieutenant*) munere decoratus A. 1678. in prælio ad Rhin-  
feldam occidit. (h)
- 

(h) INNOFUIUS in *Notitia Procerum Imperii* Lib. IV. Cap. 1. §. 19. eum fortis-  
sime pugnantem, incerto periisse fato scribit; nec vivum, nec mortuum  
post pugnam repertum. Unde alii igne, qui ponti subjectus est absum-  
tum, alii undis haustum fuisse crediderant.



CAPUT

## CAPUT VII.

## FERDINANDUS MAXIMILIANUS.

WILHELMI FILIUS.

## §. I.



rimogenitus Wilhelmi Marchionis filius, Ferdi-  
 nandus Maximilianus, die 23. Sept. A. 1625.  
 medias inter belli Germanici flammæ lucem  
 aspexit Badæ. Eadem inter turbas Ba-

Ferdi-  
di initia.

denſibus terris cum patre nunc expulſus, nunc redditus,  
 pueritiâ & adoleſcentiâ ſpem inter & metum tranſegit.  
 Bella, quæ illum & patriam tamdiu vexaverunt, perhorreſcens,  
 incubuit literis, coluitque literatos. Pacis amans, auctoritate  
 ſua lites aliorum non infrequenter compoſuit.

Irruentibus Svecis A. 1631. ex Bada-Badenſibus plures (a)  
 bona mobilia Argentinam tranſtulerunt, quæ nescio quam ob

Tom. III.

S

(a) Hos inter Henricus Carolus Orſcelarius, Staufenbergienſis Præſectus &  
 Badenſis Collegii Sodales Jeſu.

FERD.  
MAXIM.

causam fisco Senatus addixit. Longo post tempore Bavaricum regimen, quod Heidelbergæ sedebat, Argentinensium, in Rheno navigantium, navibus, Palatinum transeuntibus, A. 1647. manus iniecit. Ferdinandus noster, Civitatis Argentinensis amicus, dissidentium conciliavit animos, eodemque anno Badæ rem inter partes transegit. In compensationem rerum distractarum certa pecuniæ summa ab Argentinensibus soluta est. (b) Hæc durantibus belli tricennalis turbis, quas Osnabrugensis Pax tandem sedavit.

## §. II.

Matrim.  
cum Prin-  
cipe Ca-  
rin.

Vulnera, Marchiæ Badensi inflicta, pater & filius Ferdinandus, vivo patre, quum paulatim sanassent, vigesimo octavo ætatis anno de matrimonio cogitare cœpit. Missus ab eo & a patre Wilhelmo in Galliam Krebsius, Cancellarius & a consiliis status, ut apud Ludovicum XIV. Ludovicam Christinam, Carinianam Principem, peteret pro Ferdinando uxorem. Hæc viginti septem annorum Princeps filia erat Thomæ Francisci de Sabaudia, Principis Cariniani, multis & magnis bellorum, nunc pro Hispanis, nunc pro Gallis gestorum, facinoribus clari & Mariæ Borboniæ. (c) Neptis erat Caroli Emanuelis, Ducis Sabau-

---

(b) Transactio Ferdinandî sigillo munita, extat in Tabulario Civitatis Argent.

(c) Maria Borbonia Caroli Comitissæ Sueffionensis filia fuit; neptis Ludovici Borbonii, Principis Condei, qui frater fuit Antoni Regis Navarrae.

diæ, Cyprique Regis. (d) Krebsius nudo capite Principis sui mandata Galliæ Regi exposuit, qui stans stantem & ipse non tetus legatum, audivit, annuitque petito. (e)

Wilhelmus hoc filii conjugio gloriæ Badensis Domus propexit. Hoc enim vinculo & Borboniam regiam & Sabaudicam Ducalem Domos sibi affinitate conjunxit, atque adeo Ludovici XIV. qui Wilhelmi virtutes amaverat, sibi conciliavit favorem. Alfatia Austriaca, Monasteriensi Pace nuper adquisita, Regem hunc Badenfibz terris vicinum constituit. Vinculo cum Sabaudica domo evenit, ut Ferdinandi nostri filius Ludovicus cum Eugenio Sabaudico Principe, Thomæ nepote, post decennium nato, & ipse Thomæ per filiam nepos, sanguine jungeretur.

## §. III.

Pacta dotalia Galliæ Rege & Regina, Regis matre, præfatis dotibus, die 15. Martii A. 1653. confecta sunt. Pater sponsæ

Tom. III.

S 2

Vide SAN-MARTHANOS FRATRES in opere, cujus rubrum: *Histoire Genealogique de la maison de France* Tom II. p. 304. IMHOFFIUS in libro, quo Illustrium familiarum in Gallia Genealogias exponit, Class. I. Tab. 17. & 19.

(d) IMHOFF. loc. cit. Tab. 30. pag. 75.

(e) WIQUEFORT l'Ambassadeur Part. I. Lib. I. Sect. 4. pag. 40. ubi observat, Krebsium, primi ordinis legati charactere conspicuum, nonnisi secundæ

FERD.  
MAXIM.

sexcenta millia librarum Turonensium, certis temporibus eidem solvenda, dotis loco, promisit. Rex centum millia librarum adjecit. Paternæ maternæque hereditati Ludovica renunciavit; servato tantum succedendi jure, reliqui si descendentes perierint. Triginta millia librarum Turonensium quotannis ex Dynastia Malbergæ, ex Comitatu Ebersteinensi, aliisque Marchiæ ditionibus solvenda, ut & habitatio in Castro Malberg, dotalitii nomine assignata sunt Ludovicæ. (f) Ferdinandus III. Imp. in matrimonium consensit.

Nuptiæ.

Anno sequente Lutetiæ Parisiorum celebratæ sunt nuptiæ. Non diuturna fuit Ferdinandi nostri in Aula Gallica commoratio. Conjux amica, sed non amica focrus. (g) Ferdinandus rediit Badam solus, conjuge relicta Parisiis, quam deinceps reliquo vitæ tempore non vidit; sedecim per annos ut viduus vivens.

Thomæ, focero suo, qui Gallici exercitus ductor A. 1656. die 22. Januarii Taurini decessit, die 30. Martii exequias Badæ celebravit. (h)

---

ordinis accepisse honores, more, quo Germanorum Principum legatos Galliæ reges excipiunt.

(f) Pæsta hæc dotulia exhibet GUICHENONIVS *Preuves de l'Histoire Genealogique de la Royale maison de Savoye* pag. 613. LUNIG *Reichs-Archiv* Parte speciali Fortsetzung der anderen Continuation pag. 957.

(g) IMHOFF. *Notitia Procerum* Lib. IV. Cap. VIII. §. 16.

(h) GUICHENON. *Libro alleg.* pag. 1041.

## §. I V.

Filium, trimestrem quem abstulit conjugi, tanta cum cura & sollicitudine educavit, ut adolescentem Principes senes mirarentur. Heraldicæ artis & historiarum studiosus Parens novum Domus suæ gentilitium scutum excogitavit, novas tesseræ addens; quibus præcipuas Regum Principumque Europæ cum Badensibus cognationes, affinitates, edoceret filium, eumque ad virtutum exercendarum gloriam tanto magis inflammaret. Clypeum in quatuor regiones distinxit, quarum duæ inferiores referebant areolas Badenses, at superiores, præter Spanheimenses tessellas, Legionensia, Castellana, Sicula, Neapolitana, Hierosolymitana, Svecicaque ostentabant insignia. Svecicam tessellam a Cæcilia, Gustavi regis filia, quæ proavia ejus fuerat, repetiit. Hierosolymitanam adjecit ob Mariam Sabaudicam, Philippi, Marchionum Hachberga-Sausenbergensium postremi, uxorem; cujus pater, Ludovicus Sabaudæ Dux, in Cypri regnum jus quoque acquisiverat; (i) Sicula & Neapolitana a Marchione Badenfi, Austriæ Duce, qui cum Conradino Sveciæ Duce & Neapolitano rege, confobrino suo Neapoli A. 1268. capite plexus

Cura in  
filium.

## S 3

---

(i) Ludovicus matrimonium inivit cum Anna de Lusignan, filia Jani Regis Cypri.

FERD.  
MAXIM.

est, derivavit. Legionensia & Castellana, a Catharina Hispanica, Ludovici Wilhelmi proavia, Duci Sabaudiae nupta, defumfit. (k)

### §. V.

Negotia  
ejus po-  
litica.

Media in pace Wilhelmus, pater Ferdinandi, ad vicinorum exemplum, A. 1663. novum mercibus, Marchiam transituris, imposuerat vectigal, (l) quod Argentineses solvere recusarunt. Senatus, apud Marchionem frustra intercedens, suis prohibuit civibus, nundinas ne frequentarent Badenses. Sed Ferdinandi Maximiliani intercessione Argentinesibus A. 1665. vectigal remissum. (m)

Galli A. 1664. copias contra Turcas ducturi, semel iterumque cum mutassent iter, nata est Ferdinando suspicio, Mazarinum periculosa Alfatiae & vicinorum Principum libertati agitare consilia. Unde de scdere adversus Gallos inter Archiducem, Helvetios, atque Badenses ineundo, perpetuoque milite sustentando, ad Argentineses perscriptit, suumque cum illis communicavit propositum. At Gallicis copiis per Germaniam ad Hungaros profectis, disparuit suspicio.

---

(k) Scutum Ferdinandeum hoc in aula Badenſi se vidisse testatur SPENER in *Historia Insignium* Lib. II. Cap. IV. §. 14.

(l) Pfundtzoll, quatuor denariorum in singulos florenos.

(m) Acta hujus rei in Tabulario Argent. servantur.



Triennio post, irruentibus in Belgium Hispanicum Gallis, Ferdinandus noster, de Germanica tranquillitate sollicitus, Austriacam Domum, intuitu ditionum ejus in Brisgovia & Svevia, Palatinos, Hassos, Brunsvicenses, Wirtenbergicum, Badenses, Waldeckium, ut & Ortenaviæ Nobiles, immediatos quos vocant, in defensorium fœdus compellere studuit; cumque in finem Fridium, Civitatis Argentinensis Syndicum, A. 1667. Badam evocavit mense Decembri, ut cum eo & Plittersdorfio Barone, qui Leopoldi Cæsaris, hac de re mandata acceperat, ceterisque vicinorum Principum legatis, undiquaque confluentibus Badam, consilia in commune conferret. Argentinenses die 24. Decembris fœderi, quod in nullius injuriam vergat, se accessuros professi sunt. Ferdinandum tamen nostrum monuerunt, ut plurium sociorum accessione fœdus augeret & Brunsvicensem inprimis atque Hassiacam Domos in consilii partes vocaret. Ferdinandus brevi post iter Heidelbergam suscepit, ut eadem de re cum Electore Palatino tractaret. Sed infecuta mox A. 1668. Pax Aquisgranensis Germanicos Proceres belli metu exemit.

## §. V L.

Regnaverat illo tempore apud Polonos Casimirus IV. debilis ingenii Princeps, adversitatum impatiens; ex Jesuita Cardinali ingenii Princeps, adversitatum impatiens; ex Jesuita Cardinali Polon. nalis, ex Cardinali Rex. Cosacica & Svecica bella, infelibus fatis gesta, & intestinæ regni turbæ animum ejus ita frege-

FERR.  
MAXIM.

rant, ut de regno abdicando non semel cogitans, consilium denique A. 1668. exequeretur; relicto Poloniæ folio, in Galliam transiens, ubi quinquennio post Niverni decessit. Jam aliquot annis ante abdicationem ejus de fratre Ferdinandi juniore, in specm folii Polonici Bada evocando, Varfaviæ deliberatum, ut in Hermannno docebimus. Spes, quæ regnante Casimiro evanuit, eodem abdicante apud Badenses revixit; ita tamen, ut non de Hermannno, sed de Ferdinando nostro, in regem promovendo, cogitaretur. (n) Commune Casimirum inter atque Badenses sanguinis Svecici vinculum per Ceciliam, Gustavi I. regis filiam, Poloni nondum erant obliti. Sed res aliter cecidit. Ex regio Jagellonidarum sanguine Michaël ad Polonicum promotus est solium. Natio Regem sibi dedit Piasum.

### §. VII.

Mors  
violenta.

Brevi post fortuito & subito casu Ferdinandus patri, filio Marchiæque ereptus est; quam ille suo nomine nunquam; nomine patris rexerat sæpe; quoties nempe hic aberat, ut Cameræ Imperii, juris dicendi causa, Spiræ judex præsideret. Periit anno quadragesimo quarto ætatis, Aeræ vulgaris 1669. Electorem Palatinum Ferdinandus cum Wilhelmo patre, Leopoldo fratre & filio suo Ludovico inviserat. Instituta venatio. Elector hosi-

(n) SPENNER *Sylloge Genealogica - Historica* pag. 629.

FERD.  
MAXIM.

hospites eadem secum rheda quum extra portam Heidelbergensem duceret, infausta explosione sclopeti tam graviter vulneratus fuit Ferdinandus, ut brevi post die 4. Novembris ex vulnere decederet. (o) Avus & nepos cum magna Principum ac legatorum pompa tristissimum ei funus duxerunt.

Exanime corpus Ecclesiæ Collegiæ Badensi majorumque <sup>Sepulta-</sup> sepulcro illatum est. Cor, sejunctum a corpore, in Parthenone Lucidæ Vallis; viscera in Collegii Patrum Societatis Jesu Ecclesiæ recondita sunt.

Singulare Wilhelminæ familiæ fatum. Frater Wilhelmi, Albertus Carolus A. 1626. atque duo filii ejus, Wilhelmus Christophorus A. 1652. & Ferdinandus Maximilianus, de quo agimus, quadraginta trium annorum spatio sclopetorum explosionibus fortuitis, adeoque patruus & duo ejus nepotes ex fratre simili mortis genere violento perierunt.

## §. VIII.

Infortunata tanti Principis mors, Marchiæ tanto magis lu- <sup>Chara-</sup> genda, quod filius vera fuerat magni patris, tum adhuc vivi, <sup>cter.</sup> imago; moderatione, iustitia, ceterisque moribus, qui patrem,

Tom. III.

T

---

(o) *Diarium Europ.* Part. XXI. pag. 57. LUDOLFFI *Schaubühne* Tom. IV. pag. 634.

FERD.  
MAXIM.

aliquando moriturum, ex asse reddidisset. Patrem lugentem non pingimus. Facies ejus tegenda est velo. Ferdinandus præceps in morte, immortalis in filio; quem non Marchiæ modo suæ, sed toti Europæ, orbique Christiano heroicis facinoribus, admirandum reliquit.

§. IX.

Uxor &  
filius.

Ludovica Christina, Ferdinandi Maximiliani conjux, nata A. 1627. maritata 1654. mortua 1689. die 8. Julii Lutetiæ Parisiorum, ubi nata & viginti per annos vidua vixit. Nulla potuit ratione moveri, in Germania ut jungeret maritum; Francicæ Aulæ irretita deliciis; quam tamen non semper adire ausa est. Monpenseria, quæ & ipsa tum in Aula hac vixit, magni animi & ingenii Princeps, Ludovicam aliquando Aula exclusam fuisse, in *Commentariis* memorat. (p) Cum ea Ferdinandus unicum filium genuit LUDOVICUM WILHELMUM, qui dein avo successit.

(p) *Memoires de Mademoiselle de Monpensier* Tom. VII. pag. 2.



## CAPUT VIII.

## LEOPOLDUS WILHELMUS.

## WILHELMI FILIUS.

## §. I.



Leopoldus Wilhelmus, A. 1626: qui aspexerat lucem, adultiori ætate Aulæ Imperiali constanter adhæsit. Consiliis bellicis Vindobonæ admotus, Leopoldi Bohemiæ atque Hungariæ Regis, Custodum præfectus, (a) eundem in Regem Romanorum electum & coronandum A. 1658. secutus est Francofurtum. (b)

Brevi post Pomeraniæ interfuit expeditioni; quam Suchius Comes, Austriacorum Dux, adversus Carolum Gustavum, Sveciæ Regem, perpetuis Poloniam Daniamque bellis infestans.

Tom. II.

T 2

(a) *Kriegs-Rath, Leibgardie-Hatfchier-Hauptmann.*

(b) *Theatrum Europ. Tom. VIII. pag. 325.*

LEOP.  
WILH.

tem, A. 1659. suscepit (c) Verum extincto in Hastiensi obsidione Carolo Gustavo, Olivenfis Pax A. 1660. hoc bellum sinivit.

## §. II.

Bellum  
Transyl-  
van.

Transylvania miseris tum agitata civilibus turbis, quarum auctor Ragoczius, inquieti animi Princeps, qui Polonico bello Turcarum in se concitaverat odium. Barczajus, Turcarum opibus adjutus, Ragoczium evertit, sed post breve Imperium ipse a Jano Keminio, Ragoczianæ factionis capite, principatu & vita privatus est. Cæsar partes Keminii contra Turcas suscepit, quod periculum esset, ne Varadino & Claudiopoli, Hungariæ propugnaculis amissis, tota pedetentim Transylvania in Turcarum potestatem transiret. Missus igitur a Cæsare A. 1661. in Transylvaniam exercitus. Leopoldus Wilhelmus noster una cum Starenbergio Comite Campi Marefchallus Locumtenens a Cæsare nominatus est, ut sub Montecuculio, Cæsareanorum Duce, copiis pedestribus præflect. (d) Vix ad Levam oppidum processerat exercitus, cum missi a Keminio nuncii iter ut acceleraret rogarent. Hunc enim omni Transylvania pulsam in Hungariam concessisse Tibiscum. Halyum Budensem præfectum cum ingenti exercitu

(c) SPENNER in *Sylloge Genealogico-Histor.* pag. 629. Expeditionem hanc describit PUFENDORFIUS *Rerum Brandenburg.* Lib. VIII. §. 28. sqq. & *Commentarior. de rebus Caroli Gustavi* Lib. VI. §. 67.

(d) *Diarium Europ.* Part. VII. pag. 366.

eius vestigiis inhaerere. Actum de sua & de Transylvanorum salute, nisi quantocyus succurrerent Cæsareanorum auxilia. Monteculius tum magnis itineribus cum equitatu prægressus, reliquum exercitum Leopoldi nostri curæ permisit; quo ad Zattmarinum Hungariæ sub finem Augusti assumpto, Transylvaniam una cum Keminio ingressus est. Halyus, novum Keminio æmulum cum opposuisset Abassium, vitandi prælii causa Vasarhelinum in intimam Transylvaniam abiit. Cæsareani partim inopia commeatuum, partim morbis afflictæ, nulla re admodum memorabili gesta, in Hungariam redierunt. (e)

Anno sequeute segniter administratum est bellum, quod de Pace Temesvariae ageretur cum Turcis, sed A. 1663. abruptis illis tractatibus, majori ardore efferbuit bellum.

## §. III

Turcæ prospero rerum suarum cum uterentur successu, Leopoldus Imperator Ordinum Imperii auxilia, coactis Ratisbonæ Comitibus, imploravit. Res in annum sequentem protracta. Tum vero decretus Cæsari mense Martio exercitus, cui supremus belli Dux Leopoldus noster præfectus est. (f) Af-

Leopoldus Dux  
exercitus  
Imperii.

T 3

(e) WAGNERUS in *Historia Leopoldi Magni Imp.* Part. I. pag. 94. seqq.

(f) DIARIUM EUROPE. Part. XL. p. 114. LONDOND. *Art. Publ.* Tom. IX. pag. 251.

LEOP.  
WILH.

signatum ei 1500. florenorum in singulos menses stipendium. Cæsar Diplomate Lintii die 24. Mart. dato, exercituum Imperialium Ducibus, omnibusque Imperio & Austriacæ Domui subiectis, injunxit, ut exercitus Imperii, in Hungaria militaturi, Leopoldum agnoscerent Ducem. (g) Hic Georgium Fridericum, Waldeccii Comitem, Ordinum decreto accepit Legatum. Equitatus Ulrico Wirtenbergæ Duci commissus; sed peditatus & rei tormentariæ cura Francisco Fuggero Comiti delata. Johannes Adolphus, Holfatiæ Dux, & Gustavus Adolphus Durlacensis Marchio, Friderici VI. frater, supremi Vigiliarum Magistri constituti sunt. Ipse Fridericus VI. una cum Episcopo Monasteriensi directorium Senatus bellici gessit. (h) Leopoldus Wilhelmus de conferendis celeriter copiis, de maturando exercitus in Hungariam itinere, de belli feliciter ineundi ac prosequendi ratione consilia atque animi sui sensa Ordinibus in Comitibus Ratisbonæ, mense Martio, A. 1664. proposuit; quæ maximam partem approbavit Imperium. (i)

---

(g) LUNIGII *Reichs-Archiv* Parte speciali *Fortsetzung der andern Continuation IVte Abtheilung, dritter Absatz* pag. 960. LONDORP. *Ad. Publ.* Tom. IX. pag. 266.

(h) Vid. *Recrff. Imp.* Tom. IV. pag. 10. LONDORP. *loc. alleg.*

(i) LONDORP. Tom. IX. pag. 248. Copiarum, adversus Turcas ductarum, numerum exponit RICAULT. *loc. alleg.* pag. 64.



Paulo post idem ad Comitia perscriptis defectus, quos in frustratione exercitus Imperii in singulorum Circularum copiis invenit, quibus ut afferret remedium, æs se contraxisse alienum. (k)

## §. I V.

Leopoldus denique in Hungariam profectus, trajecta sub finem Junii Muhra, cum Montecuculo, supremo Cæsareanorum Duce, prope Rackerpurgum copias conjunxit; quo & reliquæ fœderatorum copię properarunt. Turcæ, Muhra relicta, contenderunt ad Rabam; ejus transitus aliquoties a fœderatis prohibitus. Denique ad Fanum S. Gotthardi cum insigni agmine transierunt; eo ipso loco, ubi Leopoldus Marchio cum legionibus Imperii tum habuerat castra. Milites ejus, recens conscripti & rudes in armis, fame & itineribus confecti, primo statim impetu dissipati a Turcis, qui ad numerum quindecim millium armatorum aucti, vallo & fossa se munire cœperunt.

Prælium  
a S. Gott-  
hard.

In hoc rerum discrimine Fœderatorum duces, habito consilio, cum omnibus copiis aggredi Turcas statuerunt, antequam universus eorum trajiceret exercitus. Montecuculus sinistram; Colinius cum Gallis dextrum Turcarum aggressi sunt cornu. Leopoldus Badensis eos a fronte adoritur; cæduntur Turcæ; prælio superstites flumen absorbet. Plena ut esset Christianorum victoria, & illa duo Turcarum agmina, quæ superius ac inferius

---

(k) LONDORP. loco alleg. pag. 268.

LEOP.  
WILH.

flumen transiverant, ad internecionem deleta sunt. Cruenta hæc San-Gothardiana pugna Calendis Augusti continuis octo horis pugnata est. Septendecim Turcarum millia periisse dicuntur. Signa & tormenta bellica magno numero in foederatorum potestatem venerunt. Præcipuæ nobilitatis viri utrinque desiderati sunt non pauci. (l)

## §. V.

Gesta  
post præ-  
lium.

Leopoldus noster febre maligna correptus, biduo post prælium Furstenfeldam secessit, unde literis ad Comititia scriptis, omnium, quæ evenerunt, Ordines reddidit certiores. (m) Probaverant ei virtutem suam Georgius Fridericus, Comes Waldeccius, Johannes Adolphus, Dux Holstatæ, Gustavus Adolphus Bada-Durlacensis, sub quo tres equi occisi sunt.

Leopoldo adversa valetudine laborante, exercitum Imperii duxit Waldeccius Comes, quum vix quinque armatorum millia ad bellum superessent. (n) Eluctatus autem e morbo, Furstenfelda

(l) Late prælium hoc describit MONTKUCULI *Memoires* pag. 400. RICAULT *Histoire de l'Empire Ottoman* loc. cit. pag. 96. seq. & WAGNER in *Historia Leopoldi Imperat.* Part. I. pag. 159. sqq.

(m) Literæ extant in *Diario Europæo* Part. XI. pag. 423. & LONDORP. *Alleg.* Publ. Tom. IX. pag. 174.

(n) LONDORP. *loc. alleg.* pag. 278.

felda se contulit Vindobonam, ubi de restituenda apud Hungaros re bellica Imperii cum Friderico VI. Marchione Durlacensi & Bernhardo Monasteriensi Episcopo communicavit consilia. Waldeccio tamen mandaverat Leopoldus, ubi nova imminuerit pugna, ut fine mora ei mitteret nuntium, quo ipse ad exercitum se ocius conferret. (o) Verum inter hæc compositæ sunt (1664.) cum Turcis vicennales induciæ. (p) Rectores & Duces exercitus Hungarici ab Imperii Statibus die 21. Octobris dimissi sunt. (q) Leopoldo Wilhelmo redditæ impensæ. (r)

## §. VI.

Ille tum Vindobona in Hungariam abiit, ut discedenti-<sup>Reliqua gesta.</sup> bus fœderatorum ducibus valediceret. Ex Hungaria Vindobonam redux, Ratisbonam se contulit, ut deposito summi Ducis munere, de rebus, in magistratu suo gestis, Ordines doceret. Legio ejus ex Hungaria in Luxenburgicas terras profecta est, Hispanica ut mereret stipendia. (s)

Tom. III.

U

(o) Ibid. pag. 279.

(p) RICHAULT *loc. cit.* pag. 111. seq.(q) LONDONR. *loco alleg.* pag. 289.

(r) Ibidem pag. 293.

(s) *Diarium Europ.* Part. XII. pag. 5. & 31.

LEOP.  
WILH.

Post hæc Leopoldus in Aula Vindobonensi quadriennium transegit. Warasdinensem præfecturam (t) A. 1669. post Trautmannsdorffii Comitis mortem ei Cæsar commisit. Novum hoc munus ut auspicaretur, eodem anno, relicta Vindobona, in Hungariam abiit. Satellitii præfectura, (u) quam hucusque gesserat, Wallensteinio Comiti, Francisco Augustino collocata. (x)

## §. VII.

Obitus.  
Uxores  
& liberi.

Obiit Warasdinii, ipsis Calendis Martiis, A. 1671.

Prima ejus uxor fuerat Sibylla Catharina, Comitissa de Millefino & Carreto, (y) Comitis Czerninii de Chudenicz, (z) vidua, cum qua matrimonium A. 1659. inivit Leopoldus. Hæc Castrum & Dynastiam Lobosizii in Circulo Prachenfi Bohemiæ, liberum Czerniniæ Gentis allodium, quod a priori marito acce-

---

(t) *Das Warasdinische Generalat.*

(u) *Hatzhier Hauptmann.*

(x) *Diarium Europ.* Part. XX. pag. 421. & 467.

(y) Comites de Millefino Carretanoæ, qui ex Italia habuerunt originem, inter nobilissimas Bohemiæ stirpes collocat BALBINUS *Miscellaneor. Regni Bohem.* Decad. II. Lib. II. Part. III. lit. f.

(z) CZERNINIUS a Wladislai II. Bohemiæ Regis, qui seculo XII. vixit; fratre Henrico derivat idem BALBINUS in *Epitoma Rerum Bohemicarum* Lib. III. Cap. IX. pag. 219.

perat, per pacta dotalia Domui Badensi reliquit, (a) quæ eam hodieque obtinet ut allodium Badense. Sterile tamen fuit conjugium. Defuncta A. 1664. Sibylla, post biennium secundas nuptias Leopoldus inivit cum Maria Francisca, (b) Egonis Comitis Fürstenbergici filia, Wolfgangi Wilhelmi, Comitis Palatini Neuburgiei, vidua, Ex ea sequentes prodierunt liberi, qui sine prole omnes defuncti sunt.

1. Gemelli Principes die 20. Jan. A. 1667. nati, quorum alter mox e vivis excessit. Alter, cui Imperatorem & Imperatricem patrimum & matrinam Leopoldus pater elegerat, (c) Leopoldi Wilhelmi nomen accepit. Hic linguæ vicio laborans & fere mutus, in Bohemicis Lobosicii terris vixit & die 11. Aprilis A. 1716. decessit.
2. Carolus Fridericus Ferdinandus natus A. 1668. obiit 14. Septembr. A. 1680.
3. Catharina Francisca,
4. Henrica &
5. Anna, decesserunt infantes.

Tom. III.

U 2

(a) ZECHII *Europæischer Herold* Tom. I. pag. 504. HIERONYMUS DICHLIUS in *Geographia & Genealogia Imp.* pag. 775.

(b) Nata erat A. 1633. Wolfgangus Wilhelmus A. 1651. decesserat.

(c) *Diarium Europ.* Tom. XVII. pag. 20.

LEOP.  
WILH.

Wilhelmus avus, suis ex Leopoldo Wilhelmo nepotibus, eorumque matri, Franciscæ Mariæ, Fürstenbergicæ, Malbergensem Dynastiam & Ebersteinensem Comitatum pro certa pecuniæ summa A. 1675. relinquere voluerat, sed, intercedentē Durlacensi Domino, a proposito Wilhelmus discessit.



CAPUT

## CAPUT IX.

## HERMANNUS.

## WILHELMIFILIUS.



## §. I.

Wilhelmus pater toga sola ; Hermannus filio- Hermannus Ecclesiam  
rum quintus, toga & sago illustris, in utroque  
statu cum dignitate & gravitate nec mediocri  
cum fortuna versatus est. Natus die 12. Oct.

1628. gemellus Wilhelmi Christophori frater. Sacris destinatus,  
Colonienfis & Paderbornenfis Ecclesiarum Canonicus, literis Co-  
lonia Ubiorum scriptis, Gamanfium, Collegii Jefuitici, a Wilhel-  
mo Marchione patre ejus instituti, fodalem, hortatus est, ut de  
origine Domus Badenfis Diatribam confcriberet. Confcripsit eam  
Gamanfius, atque Hermannno nostro, protectori fuo, dedicavit. (a)

U 3

(a) Vide Introitum Tomi I. hujus Hiftoriae Badenfis.

## §. II.

Candidatus  
folii  
Polonici.

Joannes Casimirus Poloniæ Rex, Sveciæ Regum Linæ apud Polonos postremus, liberis carens, ab uxore sua, Maria Luïsa Gonzaga, Caroli Mantuæ Ducis filia, inductus est, ut Ludovici II. Condæi, ex Borbonio, Franciæ Regum sanguine filium, Henricum Julium, octodecim annorum Principem, vivo sibi successorem, ab Ordinibus designandum, sollicitè expeteret. Reginæ animo id consilii infederat, ut Princeps, destinatus successor, filiam Annæ, sororis suæ, Eduardo, Palatino Principi nuptæ, duceret uxorem. Exploravit Senatorum animos Casimirus. In Conventibus minoribus, qui Comitia præcedunt, & in ipsis Comitibus res fortiter agitata & ambitiose commendata. Inexpectata propositio Ordinum mentes turbavit. Tum vero pro Hermanno Badensi, vel ejus ex fratre nepote, Ludovico puero sexenni, eligendo, pugnarunt permulti. Inter alia urgebant, Regis successoris conditiones, (b) ab ipso Casimiro in Comitibus Warfaviæ die 6. Julii propositas, in Hermanno & Ludovico, Marchionibus concurrere. Eos a Cæcilia Svecica, Johannis Regis Sveciæ sorore, Sigismundi, Poloniæ Regis, duorum præcedentium Regum patris, amita recto ordine descendere. Adeo-

---

(b) Conditiones has vide in *Лекции Geschichte der Preussischen Lande unter der Regierung Johanns Casimiri* pag. 276.



que post abdicationem Christinæ & renunciationem Casimiri Regis in Sveciæ regnum, pace Olivenfi factam, legitimos esse regni Svecici heredes. Hoc autem ut Poloniæ regno jungatur, non Reipublicæ tantum, sed & Catholicæ multum interesse religionis. Badenſibus potentes Germaniæ Principes neceſſitudine junctos, non facile denegaturos ſubſidia militum, ubi illud ſtagitaverint publicæ rationes; utrumque Marchionem eſſe cœlibem, adeoque Ludovicam Mariam, Reginæ ex ſore Anna (c) neptem, quam amaverat Regina, in matrimonium Hermannō Badenſi, vel Ludovico, ubi adoleverit, poſſe collocari. Addiderunt, Auſtriacam Domum electioni Badenſis, quem ipſe Pontifex, pluresque Germaniæ ac Italiæ Principes Ordinibus Poloniæ commendaverant, non fore contrariam. Denique Marchionibus non deeſſe ſores, vel conſanguineas, quæ ſtabiliendæ inter caput & membra concordiæ Magnatibus Poloniæ nubant. (d) Polonici ſolii ſpes induxit Hermannum, ut Eccleſiaſticum ſtatum cum militari commutaret. Verum enimvero res, tam contrariis agitata ſententiis, caruit ſucceſſu. Septennio poſt Rex regni pertæ-

(c) Anna hæc Caroli Mantuani Ducis filia, nupſerat Eduardo Comiti Palatino, fratri Caroli Ludovici Electoris.

(d) Politicum hoc ſcriptum extat inter *Acta Polonica*, in *Appendice Diarii Europæi* Part. VIII pag. 211. Adi quoque *PURZENBERG. Rev. Brandeb.* Lib. IX, §. 10.

HERM.

sus abdicavit se regno, unde Interregnum & electionis libertas, quam petebant Poloni.

## §. III.

Ex Cleri-  
co miles.

**H**ermannus, induens sagum, A. 1663. Burgundici Circuli copias in Hungariam contra Turcas deduxit, de quo bello jam actum. Biennio post grave periculum a Gallis imminuit Belgio. Marchio Castello-Rodericus, qui Caracenæ, in Lusitaniam evocato, in Belgii Hispanici præfectura successerat, copias auxiliares quum petisset a Cæsare, octo veteranorum millia in Belgium deducenda tradebantur Hermanno. Sed Ludovicus XIV. Galliarum Rex per Grammonvillium legatum Vindobonæ apud Cæsarem intercessit, foederisque Rhenani Principes permovit, ut subsidiariis Cæsaris militibus transitum denegarent. Impetrata tamen tria peditum millia, quibus Hermanni industria bis mille adjecti sunt; quos copiarum præfecti, sub calorum, famulorum & satellitum specie secum duxerunt, qui omnes innoxio itinere appulerunt in Belgio. (e)

At A. 1667. res in eo cum esset, bellum Gallo-Hispanicum ut in flammis erumperet, Moguntinus & Coloniensis Electores, legationibus lites componere studuerunt; ita quidem, ut urbibus aliquot Belgii Hispanici Electorum vel Principum custodiae

---

(e) WAGNERUS in *Historia Leopoldi Magni Imp.* Part. I. pag. 194.

diæ permissis, reduceretur concordia. In hoc negotio suam quoque operam impendit Hermannus, sed irritò labore. (f) Bellum in flammis erupit. Galli facta in Hispanicum Belgium irruptione, multas urbes brevi in potestatem redegerunt.

## §. I V.

Castello-Rodericus, viribus impar, externa ubique cum <sup>Acta cum Brandeburg.</sup> circumspiceret auxilia, ad Fridericum Wilhelmum, Brandeburgicum Electorem, misit Hermannum, qui eum cum Hispanis pertraheret in foedus. Ostendit Marchio, actum esse de Belgio, nisi aliorum Principum opibus subleventur Hispani. Hos pace Pyrenæa securos, infestis Gallorum armis ante petitos, quam de fociis sibi prospicere potuerint. In Hispanico consilio reperiri magnates, qui Belgicas provincias onerosas magis, quam proficuas, Gallo relinquendas existimarent; sed prævaluisse Domus Austriacæ & communem omnium utilitatem, quæ provincias has a dominatione Gallorum immunes esse velit. Cliviam hac ratione Electori tutam præstari. Commune periculum communibus viribus propulsandum. Cæsarem, egregia quæque pollicitum, majori rem ardore gesturum, ubi Electorem in consilii partes venisse

Tom. III.

X

(f) DIARIUM EUROPAEUM Part. XVI. Append. pag. 90. & seq.

BOUCLIER d'Etat & de Justice Art. 1. pag. 24.

HERM.

cognoverit. Cum Anglis, Gallis, Belgis diligenter de foedere agi. Anglos tria militum millia submisisse ac Hispanorum causæ plurimum studere. Belgas, quibus præ ceteris imminet periculum, missuros pecuniam, quod miles terrestris fortitudinis sit expers. Luneburgicum quoque a foedere haud esse alienum. Elector cum eo XV. millium conficiat exercitum, assumptisque Hispanorum quinque millibus, per Limburgensem ditionem, Metim versus exercitum ducat, vel cum Cæsare has copias jungat. Hispanos pro ratione auxilii pecuniam Electori daturus.

## §. V.

Electoris  
ad Mar-  
cionem  
respon-  
sio.

Electore habito suorum consilio, Badensi respondit, de irruptione Gallorum Belgique periculo se pridem sollicitum cum Belgis, Svecis, & nonnullis Germaniæ Principibus conferere consilia; cum Cæsare quoque, Belgis ac Luneburgicis de conservandis Hispanorum provinciis se sine mora acturum. Esse sibi egregias copias, quas brevi augere possit, modo ab Hispanis suppetitur pecunia. Sed de subsidiorum ratione & de præmio post bellum sibi prius cavendum, quam tantæ rem molis aggrediatur.

Badensis de pecunia nullam subesse difficultatem ostendit, sed honorem commodumque Electori post bellum præmii loco futurum. Petiit tamen ab Electore Badensis, ut declararet aperte, num in foedus cum Cæsare atque Hispano descendere velit.

Annuit Elector, modo super subsidii conveniat & securitas sibi adversus Svecos præstetur.

## §. VI.

Accepto hoc responso rediit Bruxellas Badensis & brevi <sup>Fœdus</sup> post literis significavit Electori, devinctos ei summopere Hispania <sup>ejus cum</sup> nos, qui auxilium, quod ab Imperio expectant, magnanimitati atque exemplo ejus debitori sint. Eos operam daturus, ut quamprimum cum ipso transigant, talesque ineant rationes, quibus communis Hispaniæ & Electoris utilitas promoveatur. Hæsit tamen negotium, pecuniæ inopia quod laborarent Hispani. Blaspielus, qui res Electoris apud Belgas curabat, moræ pertæsus, suggerente Badensi, Mechliniam mense Octobri se contulit, ut cum ipso Castello-Roderico sermones misceret. Hic in conditiones, a Badensi Marchione propositas, cum Blaspielo convenit, ut nempe XV. militum millia submittat Elector, eaque Hispanica comparentur alanturque pecunia. Præmium, finito bello, Electori promittitur. Sed & Svecos in belli societatem trahendos Hispanus promisit. Pactum hoc, quod absque speciali mandato iniverat Blaspielus, improbavit Elector, qui consiliorum Hispanicorum lentorum perosus, illo ipso tempore cum Galliæ Rege fœdus contraxit, quo in præsentī bello nullius partes se amplexurum & in concilianda tantum inter Gallos & Hispanos pace

HARM.

operam collocaturum spopondit. Lifola in Aula Hispanica tum Cæſaris legatus, ingenue falſus eſt, graviter ab Auſtriacis Hiſpanisque peccatum, quod generoſa promiſſa, Badenſi Marchioni ab Electore facta, neglexerint, cauſamque neglectus diſſenſui inter Hiſpanicam & Cæſaream Aulas adſcripſit. (g)

Verum enimvero quam Fridericus Wilhelmus, Brandeburgicus Elector, deſeruerat cauſam, eam Sveci, Angli & Batavi omni ſtudio defendendam cenſuerunt. Fœdus illud prognatum eſt triplex; cujus partus Pax Aquisgranenſis, quæ Gallos inter atque Hiſpanos quietem A. 1668. reſtituit.

## §. VII.

Bellum  
Gallo-  
Belgi-  
cum.

Quadiennio poſt turbata hæc quies, quum Ludovicus XIV. Belgis fœderatis bellum inferret. Studia Europæ trahebantur in partes. Miſſo in Sveciam legato Cæſar de fœdere tractavit cum Rege. Nimis lente autem cum procederet res, Gallia denique modum invenit, quo in fœdus ſuum Svecos perduceret. Annua eis promiſſa ſunt ſubſidia, in bello hoc ſi manerent tranquilli; Cæſare vel Imperio bellum moventibus, ſocia Gallis arma conjungerent. Fœderis hujus culpam in Lobcovicium Principem, primarium Aulæ Cæſareæ adminiſtrum, conjecit Badenſis; pro-

---

(g) PUFFENDORF. *Rerum Brandenburgicar.* Lib. X. §. 30. ſq.

ditorem appellans; quod in Gallos propensior, falsis rationibus Cæsarem a Svecis avertcrit. (h)

Cæsar, isto cum Electore Brandenburgico foedere, copias Batavis submittit. Sed pertractis in societatem quoque Hispanis, A. 1673. fortius bellum instaurat. Prodiit hinc XXX. millium exercitus, qui Montecuculio duce militavit ad Rhenum. Hernianno rei tormentariæ cura commissa est. (i) Montecuculus Egra, ubi convenerant copiæ, versus Rhenum profectus, Turennum, Franconia pulsum, in Palatinatum rejecit, atque deinceps una cum Principe Arausionensi, obsidionem aggressus est Bonnæ; (k) qua capta exercitum in hiberna deduxit. Montecuculio Vindobonam profecto, Bournonvillius & Hermannus Marchio, exercitus Cæsareani curam agentes, hyemem Bonnæ transegerunt. (l)

### §. VIII.

In Comitibus Ratisbonensibus denique A. 1674. mense Majo <sup>Pugna</sup> bellum adversus Gallos decretum. Elector Brandenburgicus, qui <sup>Holtz-</sup>heim.

### X 3

(h) PUPENDORF. *loc. alleg.* Lib. XI. §. 35.

(i) WAGNER, in *Histor. Leopoldi Magni* Part. I. pag. 318. MÜLLER *verwirrt Europa* Part. V. pag. 119.

(k) MÜLLER *loc. alleg.* pag. 144. THEATRUM EUROP. Tom. XI. pag. 343. RAMSAY *Histoire du Vicomte de Turenne* Lib. V. pag. 490.

(l) MÜLLER pag. 169.

HERN.

anno præcedente pacem Voffemenfem cum Gallis iniverat, nunc fœderatis acceffit. Turennius ante adventum ejus fummam rei tentaturus, trajecto Alfatæ Inferioris flumine Brufca, fœderatis ad Enshemium hærentibus, apud Holzhemium, duabus ab Argentorato leucis confedit. Hos inter vicos die 24. Aug. pugната est pugna. Sub Bournonvillio Hermannus noster & Baruthinus Marchio dextrum cornu, in quo Cæfareæ, Monafterienfes & Baruthinæ legiones erant, duxerunt; Lotharingiæ & Holfatiæ Duces cum Lotliaringicis & Limburgenfibus copiis tenuerunt finiftrum. Nox pugnantes diremit; utraque parte fibi adferibente victoriam. (m) Elector cum viginti Brandeburgieorum millibus post prælium fe fœderatis conjunxit. Sed diffidia Ducum & prudentia Turenii fœderatorum intervertit confilia; qui aliis minoribus præliis, quibus Hermannus quoque interfuit, (n) ad Muhlbufium, Turekhemiumque a Turenio exagitati, nulla re memorabili gefa, fine anni trans Rhenum regrefsi funt; infelicit expeditionis invidia in Bournonvillium rejecta. (o)

---

(m) THEATRUM EUROP. Tom. XI. pag. 519. WAGNER. *Hiftor. Leopold.* Part. I. pag. 354. RAMSAY *Hiftoire du Vicomte de Turenne* Lib. VI. p. 528. feq. *Memoires des deux dernieres Campagnes de Monsieur de Turcane en Allemagne* pag. 72.

(n) MÜLLER *verwirrtes Europa* Part. VI. pag. 455.

(o) PUFENDORFUS & WAGNERUS *loc. alleg.* pag. 358.



## §. IX.

**M**ontecuculus anno sequenti exercitum Germanicum duxit. Ille bellum in Alsatiam quoque translaturus, copias suas ad Oberkircham in Ortenavia collegit; sed Belgicæ tardius adven-  
runt. Ad excipiendas eas Montecuculus cum exercitu, die 24. Maji Spiram versus contendit, relicto ad defensionem Brisgovix, Hermanno nostro Marchione, qui assumtis Circuli Svecici copiis, Gallorum ad Brisacum motus observavit. (p) Turennius ut Cæsareanos præverteret, coacto celeriter exercitu, ad Achenhemium castra locavit, accitisque Brisaco navibus, uno infra Rhinaviam milliari, Vaubruno Duce pontem construxit, belli theatrum ex Alsatia ut in Ortenavian transferret. Hermannus quidem cum Cæsareanis & Svecicis copiis e Brisgovia ad Rhenum progressus est; Gallos prohibiturus ab opere. (q) Sed tanto cum ardore rem aggressus est Turennius, ut difficultatibus superatis, sexto die Junii Rhenum trajiciens, ad Wilstadium Kintzingam inter & Schutteram amnes, castra metaretur. Offenburgum tamen, cui validum præsidium imposuerat Marchio, missus a Turenno Vaubrunus frustra tentavit. (r)

---

(p) THEATRUM EUROPE. Tom. XL pag. 667.

(q) Ibid. pag. 667.

(r) Ibid. pag. 668.

## §. X.

Turenii  
obitus.

Montecuculus cum paullo ante ad Spiram Rhenum transisset, accepto Turenii transitu, unde venerat redux, in transRhenana ripa propius hostem accessit. Varia utrimque consilia mutuis Ducum artibus cum fuissent elusa, Montecuculus denique Buhlam inter & Saspacum, Turennius ad Gamshurstum, Acheram versus, uterque pugnandi cupidus, copias explicuere. Turennius, exusto Saspaco, prope cœmeterium ejus, loco opportuno, aliquantum declivi, confedit. Ibi hostium exercitum, ab altera Saspaci parte opportune quoque dispositum, tubo speculatus, tormenti ictu occubuit, exercitus sui pater & dux. (s) Hermannus Badensis prope tormenta, quibus præerat, versatus, tormentarium interrogasse scribitur, an, quem eminus ipsi ostendebat albo vestum equo, ferire se posse globo confideret? Annuuit tormentarius, directoque, Badensis jussu, in eum locum tormento, percussit Turennium. (t)

## §. X I.

- 
- (s) RAMSAY *Histoire du Vicomte de Turenne* Lib. VI. pag. 560. fq. *Memoires des deux dernieres Campagnes de Mr Turenne* pag. 212. fq.
- (t) MULLER *verwirrtes Europa* Part. VII. p. 735. *Theatrum Europ.* Tom. XI. pag. 670. in ipsa imagine prælii. WAGNER. *Histor. Leopold.* Part. I. pag. 386. BASNAGE *Annales des provinces unies* Tom. II. pag. 616. GERARD VAN LOON *Histoire Metallique des Pays bas* Tom. III. Part. III. Lib. II. pag. 162.

## §. XI.

Post mortem ejus Gallicus exercitus, Lorgio Duce, in <sup>Gesta reliqua ejus</sup> Alfatiā rediit; non modicum in reditu damnum perpeſſus. In-<sup>anni.</sup> ſecutus eos Montecuculus in Alfatiā Inferiore Hagenoæ obſidionem aggreſſus eſt. Sed poſt adventum Condei, qui novas e Belgio adduxerat copias, relicta Hagenoa, exercitum Gallis admo- vit; iisque fruſtra tentatis, Tres Tabernas acceſſit; oppidi hujus, quod valido præſidio muniverant Galli, obſidionem facturus. Hermannus noſter cum dextro Cæſareanorum cornu ſtrenue aggreſſus eſt opus, diſpoſitisque tormentis magno urbem impetu quaſſavit; (u) Montecuculo ad Hochfeldam cum ſiniſtro cornu hærente, ut obſervaret Condeum. Sed inter medios hos apparatus Montecuculus, acceptis Vindobona litteris, opera ſolo æquavit, obſidionem ſolvit, atque reliquum anni tempus haud procul Lauterburgo otioſum tranſegit. Per Sveviam & Franconiam dein diſtributi ſunt milites. Montecuculus cum Badenſi prætoriam ſtationem cepit Eſlingæ, (x) brevique poſt Vindobonam, conceſſit (y)

Tom. III.

Y

(u) *Thaſtrum Europ.* loco alleg. pag. 676.(x) *Ibid.* pag. 677. WAGNERUS pag. 413, Ehingam nominat.

(y) WAGNERUS Part. I. pag. 191. Montecuculum intentatæ a Badenſi ac- cuſationis cauſa Vindobonam abiſſe ſcribit.

## §. XII.

Expugnatio  
Philippi-  
burg.

Carolus Lotharingæ Ducem in Montecuculii locum exercitui Cæsareo Rhenensi Leopoldus Imperator A. 1676. præfecit. Bournonvillio, qui in Hispaniam abierat, Fridericus VI. Durlacensis Marchio susceptus, eique Hermannus noster adjunctus est legatus. (z) Vindobonæ in consilio bellico decreta Philippiburgi obsidio, quam urbem Cæsareani laxa obsidione, possitis hinc inde stationibus atque castellis, per hiemem incluserant. Primo vere (a) Rochefortius Marefchallus, cum insigni agmine Nancejo profectus, magnam vim annonæ & apparatus bellicorum Philippiburgum transferre decrevit, cui excipiendo Fayus, urbis Gubernator, cum nongentis præfidiariis in adversam Rheni ripam transierat. Intellecto consilio Hermannus, coactis celeriter copiis, Altstadii prope Weissenburgum Alsatiae consistens, Schultzi cum tormentis delectisque peditibus montium fauces prope Cleburgum iussit occupare. Rochefortius transire non ausus, re infecta, unde venerat, recessit. (b) Expugnata dein munitione, quam in opposita Rheni ripa quingentorum militum præsidio firmaverant Galli, ipsa Philippiburgi suscepta obsi-

(z) WAGNER. *Hist. Leopoldi* Part. I. pag. 413. BASNAGE *Annal. des provinces unies* Tom. II. pag. 672.

(a) Martio Mense.

(b) *Theatrum Europ.* Tom. XI. pag. 853. seq. WAGNER. *loc. cit.* p. 413.

dio, in qua Hermanno nostro post Fridericum Durlacensem præcipuæ demandatæ sunt partes. (c) Lotharingus, rejecto Luxemburgico Duce, qui Gallicum hoc anno exercitum ad Rhenum superiorem ducebat, Lauterburgum inter & Weissenburgum, dein mutato consilio, Spiram inter & Germershemium tuendæ oppugnationi confedit. Turenianum propugnaculum aliasque urbis partes Hermannus duodecim tormentis, in suggestu dispositis, tanta vi quassavit, ut die secundo Augusti opus exterius impetu caperetur. Quingentos milites, quos Luxemburgi Dux in urbem tum introducere voluerat, disjecit Hermannus. (d) Insecuta est urbis traditio die 17. Septembr. Hermannus Fayum, qui summa virtute urbem defenderat, publice collaudatum, gladio, gemmis distincto, donavit. (e)

## §. XIII.

Philippopoli capta fœderati A. 1677. Galliæ viscera peti-  
turi, inter se convenerant, ut Lotharingiæ Dux per Lotharin-<sup>Fœderator, conf-</sup>  
giam in Campaniæ partes; Isenacensis Dux, cui summa Imperii,

Tom. III.

Y 2

(c) Errat VAN LOON *Histoire Metallique du Pays bas* Tom. III. pag. 135. Hermanno nostro soli obsidionem urbis adscribens.

(d) *Theatrum Europ.* loco alleg. pag. 158.

(e) *Ibid.* pag. 162. ubi & deditionis leges occurrunt. BASNAGE loco alleg.

HERM.

post Friderici Durlacensis mortem, delata, per Alsatiam in Burgundiam; Arausionis Princeps in Picardiam penetraret. Lotharingicæ expeditioni Hermannus interfuit; sed ea, uti & reliqua foederatorum consilia, caruerunt successu. Galli potius, Crequio Duce, Friburgum Brisgoviae, impetu in eam facto, versus anni finem, ceperunt.

Argentinenfes litteris, A. 1678. die 13. Jan. Rotwilæ datis, Hermannus commonuit, ne annona Selestadium alioque subvecta, hostes juvarent. Marchioni responsum, nullam culpam admittant; rumores, qui ad eum perlati sunt, fictos esse & falsos.

## §. X I V.

Expedi-  
tio  
A. 1678.

Ineunte vere, Lotharingus Friburgum recuperare decreverat, eamque ob causam Hermannus, coactis bis mille agrestibus, militarem viam, quæ ducit Friburgum, subvehendis tormentis, iussit reparari, haud procul Argentorato Rhenum transi-

---

pag. 703. M U L L E R *verwirrtes Europa* Tom. III. pag. 110. seq. hic obidionem hanc late describit. Add. *Kurtze und warhafftige Beschreibung aller dessen, was sonderlich denck- und merckwürdig in jüngster Belagerung der Festung Philippsburg von Tag zu Tag sich begeben hat.* Scriptum hoc impressum est Argentorati A. 1676. Prodiit tum quoque: *Acclamatio votiva ad Cæsarem ab Philippsburgum captum.*

turus. Sed lente ex hibernis quod advenirent copiae, Crequius Gallorum Dux, Lotharingum praevertit, transitoque duobus pontibus Rheno, Brisacum inter atque Friburgum confedit. Rhinfeldam dein oppugnaturus, Choiseulium cum parte copiarum praemisit, qui cum Starembergio, sub ipsis Rhinfeldae mœnibus, proelio confligit; in quo Carolus, Hermanni nostri frater, occubuit. Obsessum a Gallis oppidum, magna Cæsareanorum virtute defensum est. Crequius denique, omissa Rheinfelda, magnis itineribus Offenburgo contendit; quod si cepisset, non Brisgovia modo, sed & Svevia Gallis patuisset. Crequium ut anteverteret Lotharingiae Dux, diviso in quatuor partes exercitu, per abrupta & confragosa Silvæ Nigræ juga periculosum ingressus est iter, illudque perfecit. (f) Primum agmen cum re tormentaria Hermannus noster & Chavignacus; alterum Saxo Princeps cum Schulzio; tertium Caprara; postremum Lotharingus ipse duxit. (g). Badensis tormenta Offenburgo invexit, sub quæ se recepit Lotharingus. Pugna tamen evitata utrimque.

## Y 3

(f) Itineris hujus memoria in tabula argentea, majoris molis supereff in San-Blasiana Abbazia. Tabula Carolum Lotharingum & militiæ praefectos, qui cum secuti sunt, anaglypho opere repræsentat.

(g) *Theatrum Europ.* Tom. XI. pag. 1152. WAGNER *Hist. Leopoldi* Part. I. pag. 442.

## §. X V.

Argenti-  
na a Gal-  
lis tenta-  
ta.

Crequius spe capiundi oppidi dejectus, omnem impetum in Argentinenses convertit, occupatoque Kehlæ munimento, reliquas Argentinensium ad Rhenum munitiones invasit.

Confirmandis Argentinensibus Mercium & Piccolominum, celebres belli Duces, dein ipsum Badensem cum insigni præsidio in urbem eorum introduxit Lotharingus. Petierat a Senatu Crequius, ut munimenta sibi traderet ad Rhenum, receptoque in urbem præsidio Helvetico, Cæsareanos dimitteret, atque ita agrorum suorum populationem averteret. His conditionibus impletis, Argentinensium sinibus se excessurum sponderat. Conditiones has ne acciperet Civitas, Hermanni nostri obstitērunt consilia, qui omnem Cæsaris exercitum propediem adfuturum pollicitus, animos civium a præsentī periculo ad belli studia convertit. Rhenenses munitiones inter hæc ab Argentinensibus fortiter defensæ, excitante hortantēque Hermanno; sed tandem a Gallis occupatæ. Recedens paulo post in Lotharingiam Crequius cives metu liberavit. Hermannus Argentinæ cum incidisset in morbum, Lotharingiæ Dux Archium Comitem præsidio urbis præfecit. (h)

---

(h) *Theatrum Europ. & W A S I N G. locis allegatis. Editum illo tempore*



## §. XVI.

Post pacem, Neomagi & ad SanGermani sanum conclu- Gesta post Pa-  
 sam, Elector Brandenburgicus, e re sua futurum existimans, ut cem  
 cum Ludovico XIV. fœdus & amicitiam coleret, cum Pomponneo Neomag.  
 ejus legato de fœdere, cum Rege ineundo, tractavit. Leopoldus  
 autem Imperator Gallicis, quas vocant, Reunionibus com-  
 motus, ad Ratisbonæ Comitia A. 1680. Electorem invitavit, ut  
 de defendendo contra Gallos aliosque hostes Imperio cum Cæsare  
 atque Ordinibus rationes iniret. Sed & Hermannus Badensis  
 ex itinere tum apud Electorem divertit, in defensorium ut eum  
 perduceret fœdus, quod ad conservandam Imperii majestatem  
 plurimum valere judicabat. Imperium, prima ab ejus origine,  
 nunquam in tanto versatum periculo; cui avertendo opus esse dice-  
 bat Hermannus, ut de perpetuo armorum apparatu inter se  
 convenient Ordines. Magnis sine sumptibus rem quidem geri non  
 posse; at præcavendæ dominationi externæ ad dura festinandum  
 remedia. Elector generatim respondit, communi quæ consensu  
 decreta aut decernenda, ad ea ratam suam partem se libenter  
 collaturum. At Cæsaris omnino ut sequatur consilia, nec patriæ,  
 nec utilitati suæ convenire professus est. (i)

scriptum: *Relation de l'Attaque Et de la prise des Forts du Rhin appartenans à la Republ. de Strasbourg.*

(i) PUSENDORF *Rerum Brandenburg. Lib. XVIII. §. 6.*

## §. XVII.

Marchio  
Consilii  
bellici  
Præses.

**H**ermannus, postquam & alias Electorum & Principum Aulas, quas Cæsar præsentis rerum statu sibi conciliare studuerat, invisisset, Vindobonam redux, in Montecuculii, eodem anno defuncti, locum, bellici Senatus Cæsarci creatus est Præses; (k) eaque dignitate ornatus, brevi post Tartarorum legatos audivit. (l) Continuati inter hæc Gallicarum, de quibus jam supra, Reunionum progressus. Paucos intra annos plures Imperii Belgicæ Hispanici ditiones & oppida in Gallicæ potestatem redactæ. Cæsar cum Hispanis, Batavis, Svecis A. 1683. pepigit fœdus, sed irruentibus hoc anno Turcis, de pace cum Gallis ineunda, instituti sunt Ratisbonæ conventus. Res tamen protracta. Speraverat Cæsar, Turcis debellatis, æquiores pacis condiciones se obtenturum a Gallis. Hermannus Badensis & Emmericus Vindobonensis Episcopus consilii hujus dicebantur auctores, quibus eam ob causam succensuerant Galli. (m) Vicinales induciæ tandem A. 1684. Ratisbonæ Cæsarem inter & Gallos conclusæ sunt. \*

## §. XVIII.

(k) *Theatrum Europ.* Tom. XII. pag. 163.

(l) *Ibid.* pag. 288.

(m) *Puvendorf. Rerum Brandenburg.* Lib. XVIII, §. 104.

## §. XVIII.

Sub initium Turcici, quod indicavimus, belli Hermannus <sup>Gesta belloTur-</sup>  
 una cum Lambergio Comite in Hungariam profectus, Arrabonis <sup>cico.</sup>  
 & Comariæ urbium munitiones inspexit easque & omnem Schu-  
 tiæ insulam ad defensionem contra Turcas paravit. (n) In Vin-  
 dobonensi obsidione, a Turcis eodem anno suscepta, consiliis suis  
 Christianam rem strenue adjuvit Campi Marefchallus atque in  
 prælio ad Vindobonam, quo victi castrisque exuti sunt Turcæ,  
 inter ceteros Christianorum heroes magna cum fortitudinis laude  
 pugnavit Hermannus. (o) Cæsar eum in Hungariam misit anno  
 sequenti (1684) ad obsidionem Budæ, ut ibi imperaret, donec  
 Carolus convalesceret Lotharingus. (p) Hunc inter & Marchio-  
 nem dudum intercefferat frigus, in simultatem excrefcens. Sunt,  
 qui belli Turcici, ab initio male gesti, & obsidii Budæ sublati

Tom. III.

Z

(n) *Theatrum Europ.* loco alleg. pag. 527.(o) *Ibid.* pag. 550. WAGNER *Hist. Leopoldi* Part. I. pag. 611. Idem pag. 552.  
 Hermannum Promarefchalli tum in exercitu Cæsareo munus obisse  
 tradit.(p) Hermannus appulit in castris d. 8. Oct. *Histoire des Troubles d'Hongrie*  
 Part. IV. pag. 410.

HERM.

causam diffensui eorum adscribunt. (q) Non una profecto occasione paruit, Carolum Lotharingum nec Bada-Badenfis, nec Bada-Durlacensis, Marchionum, fuisse fautorem.

Circa idem tempus Schulzius, Cæsareanorum dux, de sua contra Teckelium expeditione felici in superiore Hungaria literis Hermannum reddidit certiore. (r)

Turcicus rerum politicarum interpres Maurocordatus, Mahometis V. Sultani nomine, literas ad eum perscripsit A. 1686. quibus Cæsari obtulit pacem. Cæsaris nomine respondit Hermannus, nondum esse tempus differendi de pace. Sultanum rupisse inducias, bellum esse continuandum. (s)

## §. X I X.

Legatus  
Cæs. ad  
Comitia.

Ab alia parte cum Russicis legatis, qui Vindobonam adven-  
erant, A. 1687. ex mandato Cæsaris, de fœdere tractavit Her-

(q) PUFENDORF loc. alleg. §. 94.

(r) Litteras exhibet auctor libri, cui titulus: *Die Ottomannische Pforte* Tom. II. pag. 279.

(s) Vide Literas in *Ottomannischer Pforte* loco alleg. pag. 367. Similes & literas A. 1689. ad Marchionem datas, indicat idem auctor pag. 489.

mannus. (t) Passaviensis Episcopus, Cæsaris ad Comitia Imperii legatus, sub finem anni hujus quum incidisset in morbum, Imperator ei succedit Hermannum, quem in literis, die 5. Dec. Posonii datis, (u) Consiliarium suum intimum, Consilii bellici Præfidentem, Campi-Mareschallum & Arabonii limitis Præfectum appellat. Cæsar in litteris his multum in Hermanni laudes excurrit; ægre eum a se dimitti ostendens, quod in Turcico bello egregia illius opera utebatur.

Mense Augusto anni 1688. Hermannus de suo Ratisbonæ adventu & in promovenda causa publica studio, remotis levioris momenti disceptationibus, literas ad Imperii Principes perscripsit. (x)

### §. X X.

In sublimi hoc munere per triennium versatus, in iisdem Obitus. Ratisbonæ Comitibus die 2. Octobris anno Aerae 1691. ætatis 63. apoplexia e vivis sublatus est cælebs; Musis, Marti ac Themidi

Tom. III.

Z 2

(t) Ibid. pag. 377.

(u) Extant literæ credentiales in LONDORP. *Actis Publicis* Tom. XIII. p. 597.

Alias Cæsaris literas in eandem rem, die 26. Apr. perscriptas, exhibet idem loco *alleg.* pag. 598.

(x) LONDORP. in *Actis publ.* Tom. XVI. pag. 199.

HERM.

carus; verum Domus Badensis Palladium; totius Germaniæ elo-  
giis cumulatus. Marchiæ, bellicis flammis combustæ, corpus  
ejus non potuit conferri. In D. Emerani æde, comitantibus  
Principum Ordinumque legatis, sepultum est Ratisbonæ. (y) In  
Cæsarei Præsidis Comitiorum dignitate Lobkovizius Princeps  
Hermannus successit.

---

(y) Die 30. Octobr. Versus in mortem ejus conditi leguntur in *Theatro Europ.*  
Tom. XIV. pag. 89.



## CAPUT X.

## LUDOVICVS WILHELMVS.

A. 1677 ----- 1707.



## §. I.

andem rerum ordo nos ducit ad celebratum <sup>Introitus.</sup>  
illum toto orbe heroem, Principem Ludovicum Badensem, qui in Hungarico belli theatro per decennium tanta cum gloria comparuit terror Turcarum.

Bada & Sabaudia, seculo superiore ad finem vergente, duos heroes, ex fratre & sorore genitos, (a) ostentarunt Europæ, quorum alter vix parem, alter vix superiorem apud suos invenerunt & exteros. Ludovicum & Eugenium intelligo Principes; nota illa belli fulmina; quorum memoria nonnisi cum omnium rerum oblivione peribit; quorum alter ex alterius pro-

Z 3

---

(a) Pater Eugenii Principis fuit Eugenius Mauritiuss, cujus soror Louisa Christina genuit Ludovicum Badensem.

LUDOV.

WILH.

gressus est schola; uterque alterius laudator & æstimator virtutis.

Ludovici  
natales.

Auspicatum *Ludovici* nomen Domui Badensi Marchio noster intulit primus. Lutetiae Parisiorum A. 1655. die 8. Aprilis in lucem productus, Ludovici, apud Gallos regnantis, insignitus est nomine; quod Principi, magnis rebus gerendis destinato, fuit augurium felix. Eduardi nomen ex Anglia, Wilhelmi ex Bavaria, Ludovici ex Gallia ad Badenses pervenit. Ludovicus noster Borboniae Genti per matrem, Bada-Badensium propagatricem, affinitate conjunctus, axioma hoc suæ intulit Genti; ipse filiam dein suam Familiae Aureliano-Borboniae genitricem in redhostimentum missurus.

## §. II.

Parisiis  
deduci-  
tur Ba-  
dam.

Ludovica Christina in regia Galliarum urbe, artium, elegantiarum metropoli, filium suum educare decreverat. Ipsa enim origine Sabauda, Gallicis moribus pertinaciter assueta, nullo modo potuit induci, Lutetiam ut commutaret cum Bada. At uxoris consilium Ferdinandus Maximilianus improbavit & focer; qui unanimes decreverant, Ludovicum Wilhelmum infantem, infœcia & invita matre, in Germaniam transferre. Pater biennio post nuptias ad penates redierat. Lassolæus, origine Sabaudus, (b)

---

(b) Carolus Mauritius de Lassolaye ejusque frater cum Ludovica Christina A. 1653. venerunt Lutetiam. Alter Ferdinandum Maximilianum secutus est Badam, alter mansit Lutetiae. Prioris posterius hodieque Florent apud



inter aulicos Marchionis Officiales, consilii particeps, sub specie invifendi fratris Lutetiam profectus, Ludovicum nostrum, Principem trimestrem, festinato itinere saluum & fospitem transtulit Lutetia Badam; ubi sub Patris & sub Avi præsidio togatis virtutibus educatus est puer, ad sagatas præfertim destinatus a cœlo.

## §. III.

Quatuordecim annorum ephebus patrem amisit, atque adeo <sup>Egregia adole-  
scents facinora.</sup> Wilhelmi avi sui, cujus successor futurus erat, subiit tutelam. Tanto sub Principe tantæ indolis Princeps, ad sublimia natus, non potuit non ad summa eniti. Decimo nono ætatis anno (1674) Germanici exercitus expeditioni ad Rhenum contra Gallos interfuit spectator & actor. Inde sub Montecuculo, magno bellicæ scientiæ magistro, Turenii æmulo, militans, in Goldschurana velitatione, haud procul Kehla, & occiso (1675.) Turenno, Gallicum exercitum, cum in Alfatiam rediret, perpetuis velitationibus plures per dies persequendo vexavit. In Philippopolitano obfidio, quod Fridericus VI. Marchio Bada-Durlacensis A. 1676. fufceperat, prima cum expugnanda fuisset vallatio, ipse, Durlacensi agnato & Hermannio patruo infciis, inter expugnatores comparuit; quos inter cæsus est Fridericus Augustus, Guel-

---

Badenses. Posterioris filius in Aula Ducum Aurelianensium vixit, quam filio hujus A. 1734. Augusta Maria Badensis desponsaretur.

LYDOV.  
WILH.

pherbytanus Princeps. Cæsaream legionem, morte ejus vacantem, Ludovico nostro Badensi sponte sua obtulit Cæsar; juvenis herois ardorem hoc premio exornans.

§. I V.

Alia.

Anno sequente (1677) Galli Brisgovicum obsederunt Frburgum. Schulzius & Portia Comes defenderant urbem. Ludovicus noster, qui inter præfidiarios fuerat, Gallos, suburbium Neoburgense aggressos, fortiter repulit, cumque in eo jam fuissent, ut caperent urbem, Schulzio auctor fuit, ut urbe relicta, se in arcem reciperet; quod consilium, seculo hoc nostro, eadem in urbe executus est Harschius. Ludovici consilium contempsit Schulzius, arcemque cum urbe tradidit hostibus. (c)

A. 1678. sub Carolo IV. Lotharingo, Cæsaris & Imperii exercituum ductore, prope Stauffiam Brisgovix, Gallos tanto cum ardore adortus est, ut penetrans agmen eorum, desertus a suis, in hostium potestatem venisset, nisi fortiter pugnans dextra ipse sua sibi viam aperuisset, redux ad suos. Ludovicus sua manu legionis Gallicæ præfectum occidit. (d) Lotharingus de eo jam tum auguratus est magna.

§. V.

(c) BASSAGE *Annales des Provinces unies* Tom. II. pag. 186.

(d) Idem loco cit. pag. 186.

## §. V.

Inter arduas has belli Gallo - Germanici flammæ suo in Marchia Ludovicus successit. Regimen adit. Regimen Marchiæ bellicum ejus non retardavit ardorem ; quin potius acuit. Ab eo enim tempore Vindobonensi Aulæ , in qua patruus ejus Hermannus, Cæsar Leopoldi gratia floruerat, dicavit se totum. Cæsar ei XXIII. annos nato, non modo veniam ætatis, sed paulo post in dignitate Judicis Cameræ Imperialis avo succedendi spem ei largitus est; quam Ludovicus, bellicæ virtutis amantior, nunquam ambiverat. Illuxit denique Pax Neomagensis A. 1679. quo Marchia cum pendentibus inde terris restituta Ludovico; quam in florentem ut reduceret statum quovis modo allaboravit.

## §. VI.

Ditiones suas in TransRhenana ad dextram Rheni ripam Reuniones Gallicæ. Germania dum restauraret Ludovicus, in Cis Rhenanis ejus nova est exorta tempestas. Brisacensis Reunionum, ut vocant, Cameræ, præter alias a Galliæ Rege instituta, ut in jura ejus, Monasteriensis, Pyrenææ & Neomagensis Tractatibus Pacis adquisita, inquireret, Beinhemium, Alfatæ inferioris oppidum, cum Leutenhemio vico ad Marchionatum Bada-Badenfem pertinens, ut

LUDOV.

WILHELM.

& Grevensteinsensem Præfecturam, in Westrasie sinibus, cum Spanheimensi Comitatu, vel quod loca in solo Alsatico sita, vel quod a Veldensie Comitatu, Metensis & Virodunensis Episcopatum feudo, Spanheimensia pendeant, die 22. Martii A. 1680. Gallico addixit imperio. (e) Luxenburgicas Badensium terras jam A. 1678. die 30. Dec. adeoque statim post Pacem Ncomagensem, cum Hispanis die 17. Sept. conclusam, sibi vindicaverat Gallia. (f) Ludovicus noster, scripto in lucem edito, causam suam egit; (g) libello quoque in Comitibus exhibito, Imperii opem implorans. (h) Ludovico nostro cum Durlacensi, Nassovia, Palatina aliisque Domibus, Rheno vicinis, controversia hæc Gallica fuit communis; Vicennialibus Induciis, Ratisbouæ initis, A. 1684. utcumque sopita.

Anno ætatis vigesimo octavo, (1682.) in Germaniam inferiorem Belgiumque iter Ludovicus suscepit; eodemque anno Calendis Februarii creatus est Cæsareus Campi Marschallus Generalis Locumtenens.

(e) *Arrest du Conseil souverain d'Alsace tenant à Brisac. Recueil des Arrests* &c. pag. 251. seqq.

(f) *Memoires des Contraventions faites par la France au Traité de Paix conclu à Nimuegue entre Sa Majesté Catholique Et le Roi tres Chretien* pag. 24. seqq.

(g) Extat in LONDONII *Actis publ.* Tom. XI. p. 138. Prodiit quoque scriptum sub titulo: *Marchio-Badenses Vindiciæ adversus prætenjiones Gallicas ratione Præfecturarum Beinheim Et Grevenstein, nec non utriusque Comitatus Sponheim. A. 1681.*

(h) *Ibid.* pag. 284. 297. & 474.

## §. VII.

Induciæ vicennales, post Gothardianam victoriam Imperatorem inter & Turcas ad Vesvariae vicum initæ, ad finem cum vergerent, Turcarum Imperator Mahomethes IV. non expectato earum fine A. 1683. hostilia in Christianos arma, quæ universæ Germaniæ exitium minabatur, corripuit. Ferro & igne viam sibi ad Vindobonam usque aperuerant Turcæ, urbemque per duos fere obsederant menses, quum Johannis III. Poloniæ Regis & Caroli Lotharingiæ Ducis virtute ad ipsa urbis mœnia prælio victi, castris relictis, in fugam conversi sunt. Ludovicus interfuit pugnae & cum Hollweileriana, Heisteriana, Wirtenbergica cohortibus urbem ingressus, juncto cum oppidanis robore, reliquos hostes ex vallo obsidionali eiecit. (i) Res die 12. Sept. evenit. Hermannus patruus ejus, Campi Marefchallus, inter liberatores urbis quoque visus est, manu atque consilio fortis; ut in ejus vita ostendimus. Vindobona liberata, (k) de Turcis ex Hungaria, quam fere omnem tenebant, expellendis deliberatum.

Tom. III.

A a 2

(i) *Theatrum Europ.* Tom. XII. pag. 549. sqq.(k) De obsidio hoc varia observat DEMETRIUS CANTIMIR, Moldaviæ Princeps, in *Historia Othomannica*, Gallice edita, Lib. IV. pag. 88. Cantimirus illo tempore vixit.

I. VDOV.  
WILH.

## §. VIII.

Prælium  
Barca-  
nenſe.

Barcanum, munita superioris Hungariæ arx, haud procul Strigonio, a Cæſareis oppugnatum, antequam oppugnaretur Strigonium. Turcæ impedituri expugnationem Barcani, victi ſunt prælio die 10. Oct. quatuor millibus eorum in acie, duobus millibus in palude occiſis; quorum equites plerique. Primario- rum Ducum multi vel eneſti vel capti. (l) Ludovicus in prælio hoc duxit equitatum; (m) cujus opportuna converſio Turcis intulit terrorem. Barcani portam cum legione ſua Ludovicus effre- git. (n) Eadem ſata mox experta eſt Strigonium. Proſperos hos Chriſtianorum ſucceſſus capite ſuo expiavit belli auctor Vizirius, Kara Muſtapha, ſtrangulatus Belgradi. Caput ejus Hadrianopo- lin Sultano allatum, indeque reportatum Belgradum; Belgrado capto Vindobonam translatum. (o) Expeditione hujus anni fini- ta, Joannes Sobieſkius, Poloniæ Rex, rediit in Regnum.

(l) ZEILERI *Hungaria* Part. II. pag. 309.

(m) *Hiſtoire des Troubles d'Hongrie* Part. III. pag. 347.

(n) *Ottomaniſche Pforte* Tom. II. Lib. XI. p. 250. WAGNERI *Hiſtoria Leopoldi Magni Imp.* Lib. VIII. pag. 623.

(o) Servatur in Vindobonenſi armamentario in memoriam urbis ab eo ob- ſeſſæ.

## §. I X.

Strigonium, quæ Hungariæ Primatis sedes, in Cæsaris potestatem cum fuisset redacta, ille de expugnanda quoque Regni Hungariæ Regia, Buda nempe, fuit sollicitus. Ludovicus Badensis, obsidioni præludens, Vicegradum ad Danubium, quam Viciam vocant, Strigonium inter & Budam A. 1684. Junii mensis expugnavit initio. Victoria tamen ante fuerat reportanda a Turcis, qui cum XXV. millium exercitu obsidionem impedire studuerant. In Viciano hoc proelio mediam aciem cum Starenbergo & Gondola tenuit Ludovicus, tantaque constantia hostium impetus exceperit, ut tribus peditum millibus amissis, in fugam verterentur. (p) Julio mense suscepta oppugnatio Budæ, quæ a Christianis munita, sub Turcis munitior, nonnisi multo sanguine expugnanda effuso. (q) Seraskierius, princeps post Vizirium belli dux, cum ingenti exercitu in vicinia stetit, laboranti quovis modo ut succurreret urbi.

## §. X.

Prælium acre die 22. Julii Carolo Lotharingo, Cæsaris fororiorio, belli duce, commissum, cui Maximilianus Emanuel, Turcis pulsis, subblata.

Aa 3

(p) WAGNER, *Hystor. Leopoldi* Lib. IX. pag. 636. *Theatrum Europ.* Tom. XII.

pag. 670.

(q) CANTIMIR *Histoire Othomane* Lib. IV. pag. 102.

LUDOV.  
WILH.

Electoꝛ Bavariae, futurus mox Cæsaris gener, Ludovicus Badensis, & consanguineus ejus Eugenius Franciscus, quem supra memoravi, viginti tum annorum adolescens, interfuerunt victores. Lotharingus in literis, ad Cæsarem scriptis, Ludovici nostri fortitudinem in primis extollit; (r) qui non modo in praelio fortiter pugnavit, sed & cum Gœtziana & Sabaudica cohortibus tam acriter profecutus est Turcas, ut plurimis in fuga occisis, onerarios mille camelos & mulos cum bellicis tormentis in suam potestatem redegerit. (s) Post hæc in ipsa quoque obsidione heroem se præstitit Ludovicus; hostes, eruptionem non semel facientes, repellens in urbem. (t) Nihilominus post trimestres labores, quos aëris inclementia, morbi, aliaque mala non semel interruperant, Calendis Novembribus sublata fuit obsidio Budæ; in qua viginti quatuor millia militum Cæsar amisit. Paulo ante Ludovici patruus, Hermannus Badensis, a Cæsare missus est, ut Carolo Lotharingo ægrotante, exercitui præesset.

### §. X I.

Pugna ad  
Strigon.

Felicioꝛibus successibus insequens annus Hungaricos Austriæ illustravit Annales. Neuheufelium a Cæsareanis obfessum.

(r) Exstant hæc literæ in libro, cui tit. *Ottomannische Pforte* Tom. II. pag. 265.

(s) Anonymus Libri cui tit. *Histoire des Troubles d'Hongrie* Tom. IV. pag. 51.

(t) WAGNERUS loco alleg. pag. 644.



Turcæ Strigonium obsident. Durante obsidione Vicegradum expugnant. At brevi infecuta est ad Strigonium pugna, in qua dextrum cornu rexit Lotharingiæ Dux. Turcæ illud frustra aggressi, & ad sinistrum conversi, a Bavaro repulsi sunt atque fugati. Fugientes exceperit Ludovicus noster, qui eos expectaverat prope Danubium. (u) In hoc prælio triginta tormenta bellica, viginti vexilla, sedecim mortaria per Cæsareanos capta sunt; septies mille Turcæ perierunt. Expugnata eorum castra; in quæ Ludovicus inter primos irrupit. (x) Strigoniensem victoriam fecuta est Neuheufelii expugnatio die 19. Augusti. Ex præsidariis, quorum tria millia numero, ducenti residui. Infelicia hæc fata Turcis contra Tekelium suspicionem injecerant, qui victus Constantinopolin ductus est. Vizirius Ibrahim eum in vincula conjecit; Solimannus successor libertati restituit. (y)

## §. XII.

A. 1686. expeditionis initio Cæsar Ludovicum Badensem Expugnatio Budæ.  
Præfectum Equitatus creavit. (z) Repetenda fuerat hoc anno

(u) *Theatrum Europ.* Tom. XII. pag. 824. sq.

(x) *WAGNER, Hist. Leopoldi* Lib. IX. p. 662.

(y) Tekelius eodem anno liberatus quo captus. *CANTIMIR Hist.*

*Othomane* Lib. IV. pag. 106. & 112.

(z) *Theatrum Europ.* Tom. XII. pag. 1004.

LYDOV.  
WILH.

obsidio Budæ, quam ante biennium infelici successu Cæsareani tentaverant. Carolus Gustavus, Friderici Magni, Marchionis Durlacensis frater, Svevicas & Francõnicas adduxerat copias. (a) Obsidioni interfuit quoque Ludovicus Badensis; suoque exemplo Cæsareanos fugientes non semel ad pugnam revocavit, ferrea bis glande vulneratus. Urbs die 21. Junii obsideri cœpta, secundo Septembris capta. Quin & arx Budæ paulo post a Ludovico nostro subacta; qui cum octodecim Cæsareanis cohortibus Colozam, Simotorniam, (b) Funfkircham, Dardam, ubi Esseckianum osties mille passuum pontem combussit, (c) Soelosiam, Caposvariam, ubi equus, cui infederat, occisus, expugnavit. (d) Occupatis his in inferiore Hungariæ urbibus, expeditionem mense Novembri finivit.

## §. XIII.

Turcæ  
pacem  
petunt.

Tum denique Sultanus per interpretem suum, Maurocordatum, literas ad Senatus Bellici Præsidem, Hermannum, Mar-

(a) *Histoire des Troubles d'Hongrie* Part. V. Lib. XVIII. pag. 92.(b) *Ibidem* Part. V. Lib. XX. pag. 312. CANTIMIR *Hist. Othomanne* Lib. IV. pag. 114.(c) ZEILERI *Hungaria* pag. 358. 476. *Troubles d'Hongrie* loc. alleg. pag. 333.(d) Expugnationes has urbium pluribus describit Auctor anonymus in *vita Ludovici Badensis* Germanice scripta pag. 9. seqq. & WAGNERUS in *Historia Leopoldi* Lib. IX. pag. 727.

Marchionem Bada - Badensem, ut supra jam annotavi, (e) misit, quibus Cæsari obtulit pacem. (f) Cæsar felici rerum successu, foedere cum Venetis, Polonis, quin & cum Russis fidentior, bellum continuare decrevit. Tres Marchiones ex Badensium Domum militaverant Cæsari. Ludovicus Wilhelmus noster, quem Vindobonam ex Hungaria redeuntem Cæsar die 27. Nov. supremum exercitus sui ducem creavit. (g) Patruus ejus Hermannus, inter liberatores Vindobonæ, Campi Marefchallus, Cæsareanorum peditum duxit cohortes; (h) in Gallicis ad Rhenum & Turcicis in Hungaria bellis quoque illustris, Cæsarei Consilii bellici Præses. His Bada - Badensibus Bada - Durlacensis Carolus Gustavus, Friderici Magni frater, annumerandus; qui sexies mille Svecos & Francos auxiliares Cæsari in Hungariam adduxit. (i)

## §. X I V.

Insequens annus (1687.) in Hungaricis Annalibus inter feliciores ponendus. Ludovicus Badensis cum Maximiliano, Victoria  
Mohaz.

Tom. III.

B b °

(e) In vita Hermanni Marchionis.

(f) Literas cum Responso Cæsaris vide in *Ottomannische Pforte* Tom. II. Lib. XIV. pag. 367. seqq.(g) *General - Feldmarschall*. Anonymus in *vita Ludovici Wilhelmi* pag. 14.(h) *Histoire des Troubles d'Hongrie* Part. III. pag. 261.(i) *Ibid*, Part. V. Lib. XVIII. pag. 145.

LUDOV.  
WILH.

Electore Bavariae, & Carolo Lotharingae Duce die 14. Augusti contra Solymannum, Vizirium Turcarum, Karae Mustaphae successorem, octogies mille militum ducem, nobilem illam ad Mohazium, (1) ubi Ludovicus Rex a Solymanno Sultano A. 1526. caesus fuit, reportavit victoriam, Ludovicianis manibus quasi parentaturus. Castra Turcarum prope Dardam, cis Esseckianum pontem, omnibus rebus instructa, a Caesareanis direpta sunt. Laevum aciei Christianae cornu cum Electore tenuerat Ludovicus. Hic cum Piccolomino, quem in auxilium ex cornu suo miserat Lotharingus, opportunum in vicinia locum occupavit, unde praelii fors omnis pependit. Cornu hoc Solymannus aggressus est, sed infelici successu. Elector cum Ludovico audacter versus hostem procedens eum in fugam conjecit. Viginti tria millia Turcarum occisa; bellicus commeatus omnis cum Vizirii tentorio, quod oppido simile, cum castris, tormentis bellicis & Cancellaria Turcica in Christianorum potestatem pervenit. (2) Vizirius per medium Caesareanorum agmen, temerario, at felici conatu, fuga se recepit Esse-

(1) Vocatur etiam pugna ad Siclos. *Theatrum Europaeum* Tom. XIII. p. 10. sq. Oppidum Siclos quatuor milliaribus a Mohazio distitum.

(2) MART. ZEILERUS in *Hungariae* Parte I. pag. 270. CANTIMIR *Histoire de l'Empire Ottoman* Tom. II. pag. 122. WAGNER. *Hist. Leopoldi* Part. II. Lib. X. pag. 19.

ckium. (m) Victoriæ hujus Christianæ victima non modo Vizi-  
rius fuit, sed & ipse Sultanus, Mahometes IV. die 8. Nov. depo-  
situs. In locum ejus constitutus est frater Solymannus, qui ex  
captivitate quadraginta annorum translatus ad folium.

Tum quoque Josephum, Leopoldi filium, die 9. Dec. folio  
suo imposuit Hungarica natio; quæ a Turcica servitute liberata,  
hereditarium Domus Austriacæ succedendi jus bona fide agno-  
vit. (n) Josephinæ Coronationi Ludovicus noster, ab Hungari-  
ca expeditione redux, interfuit Presburgi, ubi Ludos Equestres  
in honorem novi Regis instituit. (o)

## §. X V.

Expeditione sequentis anni (1688.) militiæ pedestris im- Expedi-  
perium Ludovico commissum. Albæ Regalis expugnatio, die tio Scia-  
8. Maji facta, expugnationi Albæ Græcæ præfuit. Cæsarea- von.  
nus exercitus, LVII. mille militibus Germanicis constans, Hun-  
garicis & Croaticis auctus est. Copiarum harum, quæ omnes  
ardore plenæ, ductor Ludovicus, sexto Quintilis pontem apud  
Valovariam transivit; prope Butschinum aliquandiu consistens.

Tom. III.

Bb 2

(m) *Hist. de Prince Ragosi* pag. 93.(n) *Hist. d'Eméric Comte. de Tekeli* pag. 261.(o) Ludos hos describit Auctor Anonymus *Vita Ludovici* pag. 25.

LUDOV.  
WILH.

At Marchio noster expedita cum manu per Slavoniam, (p) Sisfacum versus, ad Savum in Croatiam progressus est, ut Croaticis adauctus copiis, per Savum descendens, in Bosniam penetrans trajecto ad Brodam Savo, hanc exercitus partem versus Belgradum duceret; maior dum ejus pars per alteram descenderet. Enimvero ex oppido Slavoniæ Possëga tormenta bellica secum abducens per montes & valles die 31. Jul. Sifariæ, die 4. Aug. Nardæ, die 7. Sissaci appulit, ubi Croatis associatis militibus flumen Unnam transivit, repulsisque hostibus, qui cum exercitu quindecies mille militum ex altera fluvii ripa confederant; die 15. Castanovizam, dein Jafenewizam, Dubizam, Gradiscam & Brodam expugnavit. Recedentibus autem magis magisque Turcis, qui prælio rem committere noluerant, insignem eorum manum ad Gradiscam assecutus, cecidit. Ad Brodam dein ponte sternens Savum, variis operibus eum ita munivit, ut fluvius, ab hostibus liber, in Cæsareanorum potestate maneret, atque adeo in Bosniam transitus illis omni tempore pateret. (q)

---

(p) Crediderunt multi, expeditionem hanc Ludovico commissam, ut ob veteres cum Dunewaldo inimicitias seorsim imperaret; sed ille criminationem hanc re ipsa confutavit. WAGNER. *Hist. Leopoldi* Part. II. Lib. X. pag. 55.

(q) ZEXLER in *Hungaria* Part. I. pag. 276. *Anonymi Vita Ludovici* pag. 25. seqq.

## §. XVI.

**M**ense Septembri in Bosniæ Sclavoniæque confinio, haud <sup>Victoria</sup> procul Terveniza, novam a Turcis victoriam reportavit Ludovi- <sup>ad Ter-</sup>  
cus. Nuncio enim accepto, Tobolium, exercitus hostilis in Bosnia <sup>venizam.</sup>  
Ducem, cum quinque millibus Turcarum ad Derventam (Ter-  
mand) confedisſe, veritus, ne munitionibus nondum perfectis,  
pontem ad Savum invaderent, ipſe Turcas aggredi ſtatuit. Im-  
pedimentis ergo in alteram ripam trajectis, & peditatu omni ad  
tutionem pontis relicto, cum tribus millibus equitum nocte ine-  
unte proſectus, prope Tervenizam, Bosniæ vicum, quindecim  
mille Turcas invenit, qui conſpecto Chriſtianorum agmine in lo-  
co editiore, & natura munito, aciem inſtruxerant. Ludovicus  
neque hoſtium multitudine, quos numero longe inferiores credi-  
derat, neque loci iniquitate deterritus, per dumos & foſſas ſuos  
equites duxit ad pugnam. Piccolominum dextræ, Caſtellum ſi-  
niſtræ alæ præfecit. Hanc magno furore aggreſſi ſunt Turcæ, ſed  
bis repulſi, tertioque magna clade affecti; quinque millibus  
occis, bis mille captis. Ludovicus ipſe ſua manu quinque Tur-  
cas occidit. Occiſos inter fuit ipſe Tobolius. Militaria ſigna nu-  
mero XXX. hoſtibus erepta. Caſtra cum omni bellico apparatu  
& impedimentis in Ludovici poteſtatem venerunt. Prælium die

LUDOV.  
WILH.

5. Sept. commissum. (r) Ludovicus inde variis Bosniæ urbibus, Banjalucca, Brussa & Woritzianis faucibus occupatis, exercitum in hiberna deduxit.

Hæc in Croatia, Bosnia, Sclavonia feliciter Badensis dum gereret, alter exercitus, Lotharingo & Bavaro Ducibus, ad utramque Savi ripam a tergo securus, Belgradum usque progressus est. Urbs hæc, vetus Taurunum, nono Augusti obsideri coepta, sexto Septembris capta; Bosniæ victoriæ, quam pridie illius diei Ludovicus reportaverat, effectus. (s)

### §. X V I I.

Expedi-  
tio Bul-  
garica.

Novum Martis Turcici theatrum Ludovico Badenfi annus 1689. aperuit; quo ille ex Servia in Bulgariam, a Danubio ad Nissavam transfulerat bellum; periculoso conatu, quod Danubius Cæsareani exercitus hucusque fuerat nutritus pater.

Prudentia bellica duas ille sibi paravit victorias; unam prope oppidum Nissam, in Serviæ & Bulgariæ confinio, ad Nif-

---

(r) Descriptionem hujus prælii dedit Castellus Comes in Literis ad Herman-  
num, Marchionem Badensem, Vindobonam scriptis, quas *Theatrum*  
*Europæum* Tom. XIII. pag. 298. exhibet. Adde MART. ZEILERUM  
in *Descriptione Hungariæ* pag. 951. WAGNERUM in *Hist. Leopoldi*  
Part. II. Lib. X. pag. 56. & Anonymi *Breviarium Vitæ Ludovici*, Germa-  
nice scriptum, pag. 32. sq.

(s) *Theatrum Europæum* loco alleg. pag. 299.



favam; alteram ad Danubium prope Widdinum, in Valachiae limitibus.

LUDOV.  
WILM.

Bellum, a Ludovico XIV. Galliae Rege A. 1688. Germanis illatum, copiarum Imperialium partem vocavit ad Rhenum. Elector Bavariae & Lotharingiae Dux, cum exercitu ad illas oras sunt missi. Belli Turcici summa Ludovico Badensi commissa est soli, qui novas jam gloriae palmas suo ductu collegit; Croyaci Duce primas post eum bellici Imperii partes tenente. (t) Exercitus nonnisi viginti quatuor millium fuit, quibus ille Turcas, numero & opportunitate rerum multo superiores, praeliis, expugnationibus urbium, transitu fluminum, in Bulgaria profectus est, fortuna favente.

### §. XVIII.

Nissa, quae & Nessus vel Naissus, versus Haemum montem, Serviae Civitas est, ad quam die 24. Septembris sanguinolenta pugnata est pugna, quae ut posset committi, plures praefecerant pugnae. Ludovicus ad Semendriam & Sizonizam usque progressus, Moravam Calendis Augusti transivit. Fine anni extremum Ludoviciani exercitus agmen Turcae aggressi, graves poenas dederunt; vel occisi, vel in fugam coniecti, quod die 29. Augusti evenit. (n) Postridie illius diei Ludovicus exercitum

Victoria  
ad Nis-  
sam.

(t) RICAUT *Hist. de l'Empire Ottomann* Tom. III. pag. 207.

(n) MARTINUS ZEILER in *Hungariae Descriptions* Part. I. pag. 285. *Thes.*

LUDOV.  
WILH.

Turcicum omnem, qui Jagodinam inter atque Palanckam in castris munitis Cæsareanos expectaverat, multis millibus eorum interfectis, disjecit, universa castra cum 105. tormentis bellicis multisque vexillis occupavit, atque Nissam versus profectus est hostem. Ad urbem hanc denique sese fixerant Turcæ, castris ad vicini montis summitatem usque probe munitis. Ludovicus, dextro cornu hostes a tergo in monte aggressus, eos descendere coëgit. Sinistrum in planitie versus Nissavam flumen stetit, eos firmiter expectans. Prælium die 24. Sept. commissum; decretorium sane, quo militaris prudentia Ludovici summum culmen ascendit. Quadraginta ille Turcarum millia cum sedecim millibus armatorum aggressus, tanta arte pugnam instituit, ut post cruentum certamen pulsi loco superiore hostes, in fugam conjicerentur. Ultra decies mille Turcæ hac pugna ceciderunt. Impedimenta, tormenta cum castris & cum urbe Nissa redacta sunt in potestatem Ludovici victoris. (x) Sed & totum Serviciæ regnum victoria hac in Cæsaris potestate firmatum.

In ipso Nissensis prælii ardore Ludovico allatæ sunt literæ, quibus excidium Badæ avitarumque ditionum depopulatio ei nuntiata est. (y)

§. X I X.

---

trum *Europæum* Tom. XIII. pag. 639. WAGNERUS in *Hist. Leopoldi* Parte II. Lib. XI. pag. 115. sq.

(x) MARTIN. ZEILNERUS loco alleg. pag. 286. *Theatr. Europ.* l. cit. p. 464. WAGNERUS pag. 118.

(y) WAGNERUS *Hist. Leopoldi* Lib. XI. pag. 120.

## §. XIX.

Tum vero rem majoris consilii animo agitavit Ludovi-<sup>Widdi-  
neasis.</sup>cus; secum deliberans, an versus dives illud Bulgariae emporium, urbem Sophiam, olim *Sardica* dictam, ubi Vizirius castra posuerat, cum exercitu procederet, atque adeo totius Bulgariae dominum constitueret Cæsarem; an versus Danubium rediret, loca munita, quæ adhuc in Turcarum manibus erant, ad Nicopolin usque occupaturus. Posterius hoc prævaluit consilium.

Piccolomino igitur Nissæ præfecto, festinavit Widdinum; ubi novas ad Danubium laureas collegit. Venit eo, videt Turcas & vincit Ludovicus die 6. Octobris, Widdinum expugnat; (z) unoque hoc prælio Bulgariam subigit, Wallachiam & Transilvaniam Cæsari aperit. Bulgarica hæc omnium bellicarum expeditionum Ludovici pulcherrima fuit, quam solus ille suo direxit arbitrio; qua Turcicus limes terminatus Nicopoli; Christianus intra sexennium ad milliaria Germanica centum adauctus.

Inter hæc conjuratio contra Ludovicum Badensem detecta est. Exteri quidam voluntarii milites vivum eum, vel mortuum,

Tom. III.

Cc

(z) *Theatrum Europ.* loco alleg. pag. 647. WAGNERUS Parte II. Lib. XI.  
pag. 122.

LUDOV.  
WILH.

Turcis tradere decreverant. Unus ex conjuratis rem prodidit; reliqui carnificis manu perierunt. (a)

Cæsarcanorum in Hungaria exercituum tam stupendi progressus Byzantinam Aulam induxerant, ut de pace reducenda serio cogitaret. Coaluisset ea, nisi inter condiciones primam posuisset Cæsar, Moldaviæ & Walachiæ ut renunciaret Sultanus. (b) Bellum ergo continuarum decennio, nonnisi Carolovicensi pace A. 1699. finendum. Exercitum victorem in Transilvaniæ & Walachiæ limitibus per hiberna Ludovicus disposuit; ipse, contracto herculeis laboribus morbo, Hermanstadium profectus, Carolo-stadiensem Præfecturam Croatiæ, virtutis suæ præmium, ab Imperatore accepit. (c)

## §. XX.

Expedi-  
tio Tran-  
sylvan.

Mortuus inter hæc Michaël Apafius, Transilvaniæ Princeps; (d) filio Michaële relicto, cui faverat Cæsar. Tekelius, Sultano favente, ambiverat Principatum, & cum XXIV. milium exercitu Transilvaniam A. 1690. intravit; stabilemque pedem ibi figere cepit. At Ludovicus, confirmata superiore Hun-

(a) RINCK *Leben Kayser Leopolds* Part. III. pag. 916. ad annum 1689.

(b) *Hist. des Révolutions d'Hongrie* Lib. IV. pag. 128.

(c) *Theatrum Europ.* loco cit. pag. 649.

(d) Cujus primos regiminis annos exposuit JO. BETLENIVS *Rerum Transilvan.* Lib. IV. & LAURENT. TOPFELTIVS in libello: *Origines & Occasus Transilvanorum* pag. 141.

garia, cum dimidio militum numero intra mensis spatium omni Tekelium Transilvania expulit. (e) Clausenburgi Provinciæ Statuum convocavit Comitia, in quibus proscripti sunt Tekelii asclæ, qui in Walachiam fugientes, Turcarum & Tartarorum copiis adaucti, nova irruptione in Transilvaniam facta, apud Cronstadium repulsi, ad Walachos redire coacti sunt. (f)

Ludovico apud Transilvanos hærente, Vizirius Nissam, Widdinum, Belgradum rursus in Turcarum potestatem redegit, atque adeo expeditioni hujus anni imposuit finem, favorabilem Turcis; apud quos Kiuperlii, Vizirii nempe principis nomen, ab aliquo tempore genti pergratum, successibus his multo gratius evasit. Tali sub Vizirio Turcici Imperii gloria restauranda videbatur. Spes fuit adaucta, cum brevi post, mortuo Sultano, (g) Vizirius auctoritate sua successorem ei dedisset Achmetem II. fratrem defuncti; hebetis ingenii Principem, quem pro lubitu suo se recturum speraverat. Kiuperlius ergo omnes Imperii Turcici vires intendens, a Tekelio consiliis & armis adjutus, una A. 1691. expeditione unoque prælio omnem Hungariam Cæsari se ereptu-

Tom. III.

Cc 2

(e) CANTIMIR *Hist. Othomane* Lib. IV. pag. 185. WAGNERUS Lib. XI. pag. 140.

(f) ANTON. MARIA DEL CHIARO *Istoria delle Moderne Rivoluzioni della Valachia* Part. II. Cap. VI.

(g) Solimanus III. die 22. Junii 1691. deced.

LYDOV.  
WILH.

rum speravit. Centies mille armatorum exercitus, eo duce & auspice, apud Belgradum Julio mense confedit.

### §. XXXI.

Victoria  
ad Salan-  
kem.

Ludovicus cum sexaginta sex mille Christianis ad Petri-  
varadinum confidens, versus Salankemenum progressus, ab ho-  
ste deceptus est. (h) Vizirius enim celeri itinere castra ejus præ-  
tergressus, Petrivaradinum inter & Ludovicianum exercitum me-  
tatus est castra, ad Danubii ripas; ut omni commeatu, terra ad-  
vehendo & aquis, intercluderet hostes. Astuto consilio respon-  
dit eventus. Legio tota Buquonii, multis cum supplementis legio-  
num, 250. commeatuum carri, ut & centum onerariæ naves a  
Turcis intercepti sunt; qui successibus his exercitum Christiana-  
num quod inclusum tenerent, audaciores sunt facti. (i)

At Ludovici Badensis animus infractus & constans ex an-  
gustis his erumpere & per Turcarum cadavera militibus suis viam  
aperire decrevit. Aperuit eam per cædes & strages. Turcæ,  
dextro Christianorum cornu fuso, victoriam per bihorium te-  
nuerunt. Reduxit eam cornu finistrum, Ludovico ducto-  
re tandem hostes prosternens; tanta cum virtute & fortitudi-

(h) CANTIMIR *Hist. d'Othomane* Lib. IV. pag. 214.

(i) RICAUT *Hist. de l'Empire d'Othoman* Tom. III. pag. 246. sq.

ne, ut in omni hoc bello nunquam; in alio vix unquam fuerit acrius certatum.

Pugnæ tam memorabilis dies fuit 19. Aug. a tertia hora usque ad noctem. Ultima ante noctem favit Christianis. Tormenta bellica 158. & decies mille tentoria erepta sunt Turcis: Turcarum qui in prælio vel cæsi, vel vulnerati sunt, numerus ad vicena millia ascendit. (k) Vizirius & Seraskierius alique duces magno numero perierunt. (l)

### §. XXII.

Cæsar, Ludovico gratulatus victoriam, summum exercituum suorum Imperatorem (m) eum constituit; (n) quæ bellicarum dignitatum suprema, paucis ante ipsum collata. Piccolominus a Ferdinando III. Imp. eam accepit. Post eum Cæsareos exercitus Campi - Marefchalli Generales, ut vocantur, duxerunt, ad annum usque 1664, quo Montecuculus, reportata ad St. Got-

Ludov-  
cus Ge-  
neralis  
Locum-  
tenens.

C c 3

(k) RICAUT loco alleg. pag. 247. Turcarum jacturam generatim ad 25000. computat. Ludovicus Badensis in Epistola ad Budæ præfectum, d. 21. Augusti scripta, 9000. cæforum, totidem vulneratorum computavit. LONDORP II *Actorum* Tom. XVIII. pag. 140.

(l) CANTIMIR Lib. IV. pag. 214.

(m) *General-Lieutenant.*

(n) Literæ datæ die 27. Aug. 1691.

LUDOV.  
WILH.

hardi Fanum contra Turcas victoria, sublimi eodem axiomate ornatus est. Montecuculio mortuo, Carolus IV. Lotharingæ Dux & Ludovicus Badensis apicem hunc bellicorum honorum sub eodem Leopoldo obtinuerunt. Successor ejus Josephus Cæsar, reportata apud Taurinos A. 1706. a Gallis victoria, Eugenium, Sabaudiae Principem, eadem militari dignitate decoravit. Con sanguineum hunc suum heroem sedecim annis præcessit Ludovicus, ætate & honoribus prior; bellica prudentia & virtute æqualis.

Nec immemor uxoris Ludovici nostri fuit Cæsar Leopoldus, qui proelio vix finito ex vexillorum, Turcis ereptorum, numero ci duo transmisit, ut in Domo Badensi tam gloriose victoriæ fervarentur monumenta.

Historiam hujus pugnae Ludovicus victor ad Cæsarem, ad Electorem Brandenburgicum, & ad Præfectum Budæ perscripsit. (o) Eadem celebrata est nummo, quem inter Badenses exhibemus.

### §. XXXIII.

Fructus  
victoriæ.

Broda & Gradisca ad Savum, Lippa ad Marosiam, victoriæ præmia, ex ditione Turcarum transierunt ad Cæsarem. Hac clade Tekelius magnis excidit ausis; pila inconstantis fortu-

(o) Extant narrationes hæc in LONDONII *Acts* Tom. XVIII. pag. 140. & in *Theatro Europæo* Tom. XIV. pag. 5.



næ; faventem quam habere cum crederet, adversam expertus est; nunc Cæsari, nunc Turcis suspectus. (p)

Ante prælium, præliique initio Vizirius ei non modo Transilvanicam Daciæ, sed & Hungaricam Pannoniæ promiserat coronam. (q)

Turcæ fuga se receperunt Belgradam. Ludovicus post tam cruentam victoriam milites suos Petrovaradinum reduxit; Hungariam Cæsari servasse contentus. Mense Septembri, Danubio transito, versus Tibiscum perrexit; Varadinum Majus obsedit; mense Novembri arctam obsidionem commutavit in laxam. Urbs die 3. Jun. anni sequentis in Cæsareanorum manus pactione pervenit. (r)

#### §. XXIV.

Annus, qui tot victorias secutus est, (1692) minus fer-  
vidus fuit. Perpetuæ in Aula Turcica in bellicis & civilibus re-  
bus mutationes, Byzantina incendia, Sultani inertia, Martis re-  
tardarunt ardorem.

Expedi-  
tio  
A. 1692.

Languiorem hunc Turcici exercitus ne in commodum suum verteret Badensis, graves in Hungarico Christianorum exercitu

(p) *Histoire d'Emier Comte de Tekeli* pag. 331.

(q) *Histoire des revolutions d'Hongrie* pag. 130.

(r) *Auonyi vita Ludovici* pag. 13.

LUDOV.  
WILH.

grassantes morbi & valetudo Marchionis adversa, impediverunt. Utraque pars lassata bello, cogitavit de pace, pro qua conscientia operam suam Britanni Batavique apud Turcas impenderant.

Ludovicus, Danubio relicto, ad Tibiscum progressus, paulo post Tibisco & ipsi valedixit Hungariæ, Vindobonam mense Octobri contendens. Cæsar anno sequente eum misit ad Rhenum, ut suum & Imperii exercitum contra Galliam duceret, atque adeo proprios Badæ suæ defenderet lares.

#### §. XXV.

Honores  
a Cæsare  
delati.

Ludovicus honoribus & beneficiis a Cæsare cumulus, bellico consilio A. 1693. Vindobonæ habito, Majo mense, interfuit. Post discessum ejus allata est Aurei velleris torques, quam Carolus II. Rex ex Hispania Ludovico nostro transmissit. Missus regius eum in itinere secutus est. Eugenius Sabaudia Princeps, qui Ludovicum comitatus est, torquem collo ejus appendit. (s) Cæsar ei Burgoviæ Marchiam habitandam regendamque concessit. (t) Bada cum Castro & maxima Marchiæ parte in ruinis jacebat, A. 1689. combusta. Exercitus Hungarici Imperium Croyaci Dux suscepit, successor Ludovici, qui in periculosa illa, ad-

(s) *Theatrum Europ.* Tom. XIV. pag. 446.

(t) *Ottomannische Pforte* Tom. II. pag. 621.

sed gloriæ plena Hungarici Martis alea, summa cum gloria duolustra transegit; recuperator & restaurator Hungariæ; cujus limites ultra centum milliaria Germanica ad Transilvanos usque adauxit. Verum enimvero Ludovicianæ gloriæ Danubius fuit faventior quam Rhenus. Sed fata novum hoc ei destinaverant belli theatrum.

## §. XXVI.

Anno superiore jam Circuli Svevici Ordines, literis ad <sup>Dux belli</sup> Imperatorem scriptis, Ludovicum Badensem ab eo belli ducem <sup>ad Rhe-</sup> petierunt. Petitio invitum tandem annuit Imperator; Ludovicum, Turcarum flagellum, ab Hungarico exercitu ægre dimittens. Ad-dita conditio, ut ad Danubium quamprimum rediret atque victri-cia contra Turcas arma porro proferret. Ludovicus quoque ordi-natis Sveviæ rebus A. 1693. rediisset in Hungariam, nisi Sveviæ & Franconiae Ordines, repetitis a Cæsare precibus, obtinuissent, ut Gallorum consiliis invigilaret ad Rhenum. (u) Enimvero Lu-dovicus noster die 13. Febr. Vindobona profectus, suscepto in Bo-hemiam itinere conjugem suam Schlackenwerdam comitatus est. Inde Noribergam se contulit, ubi Daniae Regis, Monasteriensis

Tom. III.

Dd

(u) *Theatrum Europæum* Tom. XIV. p. 307. 446. ubi literæ quoque Ordinum Sveviæ ad Ludovicum perscriptæ occurrunt; quibus ad defendendam communem patriam submissis precibus eum invitavit.

LYDOV.  
WILH.

Episcopi, Marchionis Baruthini, Principis Oetingensis, aliorumque Principum legati confluerant; cum Ludovico de belli gerendi ratione communicaturi consilia. Norimberga ille profectus est Ulmam, ut ibi cum Sveviæ Ordinibus quoque de belli ratione tractaret. (x) Vallum & aggerem jam agitaverat animo, quibus Germaniam tegeret.

### §. XXVII.

Vallo te-  
git Ger-  
man.

Vallum nempe duxit a Rheno ad Nigram Silvam atque Heilbronnâ usque, ubi tanta arte castra posuit, ut dextra & sinistra eorum pars, in collibus posita, bellicis instructa tormentis, aditus omnes præcluderent; atque adeo exercitus mediocris, numerofo & audacissimo hosti inexpugnabilis esset.

Galli ad Philippopolin mense Majo, Lorgio duce, Rhenum transgressi, Heidelbergam obsederunt; quam urbem Heidersdorffius, Cæsarei & Circuli Franconici exercituum Præfectus, cum expedita manu infederat. Ludovicus literis die 16. Maji scriptis, ad strenuam defensionem eum hortatus, promtum ei promisit auxilium. At triduo post urbs cum castro in hostium manus pervenit. Heidersdorffius, dignitatibus spoliatus, morte scelus expiavit. Urbs flammis deleta. (y) Lorgius inde

(x) *Ibid.* pag. 447.

(y) *Theatrum Europ.* loco alleg. WAGNERUS *Hist. Leopoldi* Tom. II. p. 251.

versus Ludovicum progressus est, ut eum vel ex castris suis depelleret, vel ad proelium ineundum adigeret. Sed neutrum evenit. Ter repulsus a transitu Neccari, in Wirtenbergicum Ducatum & in Stratam Montanam effudit se Lorgius, pluribusque oppidis captis tributa imperavit.

## §. XXVIII.

Delphinus inter hæc novis cum copiis ex Flandria advenit; Lorgianas aucturus. Junctio ad Neccarum facta die 25, Junii. Ludovicus & ipse augmentum copiarum die præcedente acceperat; a Saxone Electore & Landgravio Hassio-Cassellano adductum. Ludovici castra prope Heilbronniam stabant semper invicta. (z) Elector dextrum, Landgravius sinistrum cornu, Badensis mediam aciem tenuit. Delphinus in castris his aggressurus Badensem die 2. Aug. Nicro trajecto, suos eduxit ad pugnam. Sed omnia vel natura vel arte tam bene fortitarque deprehendit munita, ut mutato consilio sine pugna recefferit. (a) Pars Galli-

Tom. III.

Dd 2

---

Cusus ea occasione nummus tristia urbis fata representans; quem exhibet LOON *Histoire metallique des Pays bas* Tom. IV. pag. 124.

(z) Castrorum situm, æri impressum, exhibet Auctor *Theatri Europ.* Tom. XIV. pag. 454.

(a) Annotat FREQUIERES in *Commentariis suis* p. 114. in eo peccasse Lorgium, quod e regione oppidi Lauffen oppugnaverit castra Badensis, ubi

LUDOV.  
WILH.

ci exercitus in Belgium, pars in Italiam missa. Cum reliquis triginta millibus Lorgius ad Kuppenhemium oppidum, haud procul Raftadio, confedit. Badensis de hostium reditu certior factus, relictis prioribus castris, Nicrum transivit, atque Heidelbergam, quam initio anni occupaverant hostes, ceterisque oppidis receptis, Silvæ Nigræ aditum Lorgio præcluserat, atque Mazelium, qui cum valida Gallorum manu ad occupandam Tubingam fuerat missus, reject. Lorgius paulo post exercitum in hiberna cis Rhenum deduxit. Magna gloriæ Ludovici nostri accessio; quod exercitus, imminentes Germaniæ, ipse copiis longe numero inferior, repressit, rebusque infectis in Alsatiam redire coëgit. (b) Tantam Ludovicus castra metandi scientiam præ aliis bellī ducibus, possedit, ut Turcæ & Christiani eam non semel mirati sint.

### §. XXXIX.

Confilia  
de suc-  
cessionē  
Hispan.

Hæc dum aguntur ad Rhenum, Ludovicus XIV. imminentem Hispaniæ Regis improlis prospiciens mortem, suis iuribus invigilans, de dissolvendo, quod præcipui Europæ Proceres

---

munitissima erant. Addit, eum vel ad Wimpfensum vel ad Neccari Ulmam Neccarnum flumen debuisse trajicere, ut a tergo Badensem invaderet; a qua parte castra ejus minus fuerant munita.

- (b) QUINCY *Histoire militaire de Louis le Grand* Tom. II. p. 653. seqq. *Theatrum Europ.* & WAGNERUS locis allegg. RAPIN THOYRAS *Histoire d'Angleterre* Tom. XI. p. 196. BURNET *Histoire d'Angleterre* Tom. II. p. 110.

adversus eum contraxerant, foedere cogitavit. A. 1693. singulis foederatis æquas pacis condiciones ostentans, inter alia obtulit, ut stabiliendæ Belgarum securitati, Belgicæ Hispanorum provinciae, extincto sine mascula prole Carolo II., ad Electorem Bavariae, qui illas tum rexerat Præses, devolverentur; Austriaca si consenferit Domus. (c) Consilio hoc Bavarus alienandus a Cæsare; Anglus in Galliae partes perducendus credebatur. (d) In Aula Hispanica gliscebant tum duæ factiones; quarum una, auctore Portocarrerio Cardinali, Austriacum Principem, altera, cuius caput Regina mater, Electoris Bavariae filium, Josephum Ferdiandum, Carolo II. successorem destinabant. Wilhelmus III. Angliæ Rex, una cum Foederatis Belgis pactione A. 1689. pro Austriaco se declaraverat Principe. (e) Periculum erat, ne Anglus & Batavi mutarent sententiam.

## §. XXX.

Præcavendæ rei Cæsar Ludovicum Badensem A. 1693. in Ludovici iter in Belgium Angliamque ablegavit, qui sub specie consiliorum de Angliam.

Dd 3

(c) *Memoires Et Negociations de la Paix de Ryswick* Tom. I. pag. 41.

(d) LARREY *Histoire d'Angleterre* Tom. IV. pag. 732.

(e) *Memoires Et Negociations secretes du Comte d'Harrach* Tom. I. pag. 27. seqq.

Fœdus Leopoldi Imp. cum Foederatis Belgis. & Wilhelmo III. Rege

LUDOV.  
WILH.

bello, socios confirmaret in fœdere atque Cæsareæ Domus in Hispaniam Belgiumque Hispanicum assereret jura. Occulte rem tractari voluit Cæsar, ne Regina Hispaniæ, detecto consilio, fortius Bavari causam urgeret. (f) Ludovicus noster die 20. Dec. venit Bruxellas & per ostiduum cum Electore versatus, Calendis Januarii Hagam Comitum abiit, navi vectus cursoria, quam Belgii Fœderati Ordines ei miserant in occursum. Cum his per quatridduum de rebus, ad Cæsarem pertinentibus, deliberavit, indeque ad Cantii litora Gravesandam translatus, a loci magistratu exceptus, postridie, Cotterelio equite, a Rege ad eum obviam missio, Londinum intravit; ibique in Regio Palatio, quod in adventum ejus adornari Rex jusserat, hospitio exceptus est. Kensingtonii cum Wilhelmo III. magno illo politicarum & bellicarum rerum Magistro, de successione Hispanica; de rebus ad Imperium Germaniæ spectantibus, multos longosque habuit sermones. Nemo non credit, ad ineundas modo belli, contra Gallos gerendi, rationes cum Rege, atque communicandi hac super re consilii sui causa in Angliam advenisse Ludovicum. (g) Hic honoribus & muneribus cumulatus, a Rege die 23. Januarii

---

A. 1689. initum, quo de Hispanica quoque successione tractatum, exhibet Du MONT *Corps Diplom.* Tom. VII. pag. 329. & 341.

(f) *Memoires Et Negociations du Comte d'Harrach* pag. 40.

(g) LARREY loc. alleg.



Kensingtonio discessit, atque in Belgium redux, Vindobonam contendit, ut de negotiis sibi commissi successu Imperatorem doceret.

## §. XXXI.

Londinense hoc Marchionis iter Anglorum Historici non parum extollunt; Angliæ suæ gloriosum ducentes, quod Imperator, inter Europæ Procere dignitate primus, tanti fecerit Regem suum, ut Ludovicum, Principem natalibus clarum, quo majorem belli ducem illa ætas non viderat, ipsi mitteret legatum. Unde mira animorum alacritate a summis infimisque susceptum, omnibus officiorum generibus profecuta est natio. (h) In adventum ejus cusus est nummus, in cujus parte adversa Wilhelmus Rex conspicitur ante portam palatii, capite adaptato, pileum manu tenens & Ludovico advenienti porrigens dextram. E longinquo satellites Regis, cum inscriptione: RECEPTIO BADENSIS LONDINI. Stat femina, digito labia premens; ad cujus pedes Imperii Angliæque Regni comparent insignia, cum Epigraphæ: JUNXIT LIBERTAS, AUXIT SECRETUM X. JAN. 1694. Inter Badenses nummum hunc suo loco exhibemus.

---

(h) LARREY loc. cit. RAPIN THOYRAS *Hist. d'Angleterre* Tom. XI. p. 196.  
BURNET *Hist. d'Angleterre* Tom. I. p. 124. *Histoire de Guillaume III.*  
Tom. II. pag. 64.

LUDOV.  
WILH.

§. XXXII.

Ludov.  
Rhenum  
transiit.

Redux ex Anglia Ludovicus Heilbronnæ & Wirtenbergicum Aspergæ Castrum novis munimentis instruxit; continuo inter se vallo hæc loca conjungens, a Wirtenbergicis terris ut Gallos arceret. Hi sub Lorgio Marefchallo (i) ad Philippopolin undecimo die Junii Rhenum transgressi, ad Bruchsaliam & Grabam castra posuerant. Inde Wislochium delati, occupato Ladenburgo, Neccarum transferunt, in Stratam Montanam irruptionem facturi.

Badensis, collecto ad Sontheimium exercitu, insecutus est hostes; quos assumtis ad Wislochium Saxoniciis copiis, impetu inopinato opprimere studuit. Sed Lorgius, post velitationes aliquot, Junii fine, se in Palatinum recepit. Ludovicus autem e regione Philippopolis & paulo post ad Durlacum confedit, novisque copiis auctus, ipse Rhenum transire decrevit. Simulato diversis in locis transitu hostibus illudens, die 15. Aug. tribus leucis supra Schreckam copias traduxit atque ad Hagenbacum posuit castra

---

(i) RINCKIUS in *vita Leopoldi Imp.* pag. 1083. aliique Scriptores Germani Delphinum hoc anno cum Lorgio militasse scribunt; sed silent Gallici Scriptores, Quincius, Hodius, & ipse Auctor Theatri Europæi &c. qui Lorgii & Ducis de Joyeuse, Marefchallorum, modo faciunt mentionem.

castra ad Rhenum; (k) imperatis per Alsatiam tributis. Subito incremento autem quum cresceret Rhenus, reditu ne intercluderetur, in Germaniam cum exercitu rediit die 22. Sept. (l) eo ipso nimirum tempore, quo hostes cum aggressuri Lauterburgum accesserant. (m) Transitus hic Rheni, quem felicibus auspiciis Ludovicus suscepit, a Batavis celebratus est nummo, in quo representatur victoria, inter Rhenum, Danubium Mosamque consistens, addita inscriptione: PETROWARADINO LIBERATO, HUYO RECEPTO, RHENO TRAJECTO.

## § XXXIII.

Continuatum anno sequente bellum ad Rhenum. Ludovicus cum Ordinibus Sveviæ Franconiæque de modo gerendi delibavit Noribergæ. Paulo post Stutgardiam & Heilbronnæ adivit, novis munitionibus & convectis comineatibus Sveviæ ut securitati prospiceret.

Tom. III.

Ee

(i) Creditur id intendisse Ludovicus, ut, Gallis interclusis, Argentorati obidionem aggredereetur. RINCKIUS in *vita Leopoldi Imp.* Tom. III. pag. 1083.

(l) QUINCY *Hist. militaire de Louis le Grand* Tom. III. pag. 29. seqq. *Theatrum Europ.* Tom. XIV. pag. 597. RAPIN THOYRAS *Hist. d'Angleterre* Tom. XI. p. 202.

(m) DE LA HODE *Hist. de Louis XIV.* Tom. V. pag. 130.

LUDOV.  
WILH.

Lorgius die 5. Junii Philippiburgi denuo Rhenum transivit; Bruchsaliam inter & Brettam castra metatus; Straram vastaturus Montanam. Baruthinus Marchio, adversam inter Ludovici valetudinem, collecto ad Heilbronnæ exercitu Cæsareo, in castris ad Sinshemium confedit. Advenit die 10. Junii Ludovicus Guntzburgo, ex morbo languescens, atque accersitis Hassiacis & Brunsvicensibus copiis, quum 50000. armatorum numerum compleisset, Neccarum prope Gémundam transivit, ad pugnam ut alliceret hostes. Hi prælium evitantes versus Heidelbergam recesserunt, atque Rheno die 22. Julii ad Manhemium trajecto, insignem cojarum partem in Flandriam ablegarunt. Badensis quoque magnam militum manum fœderatis, Namurcum obsidentibus, in auxilium misit. Quominus tamen Rhenum transiret, frequentes hostium stationes impediverunt. Ita reliqua anni pars, nulla re gēsta, transivit. (n)

#### §. XXXIV.

Ludovicus  
Rhenum  
transit,

Exercitum Gallorum Rhenensem A. 1696. ægrotante Lorgio Choiseulius, Franciæ Mareſchallus, duxit; qui ad Philippibur-

---

(n) QUINCY *Hist. militaire de Louis le Grand* Tom. III. pag. 156. seqq. *Theatrum Europ.* Tom. XIV. p. 734. seqq. DE LA HONNE *Hist. de Louis XIV.* Tom. V. pag. 172. WAGNERUS *Hist. Leopoldi* Tom. II. p. 222.

gum die 30. Maji Rhenum transiens, Brettam petiit, qua Ludovicus suum duxerat vallum.

Hic collecto exercitu, reliquas dum expectat copias, (o) inter Sintzhemium, Eppingam & Stebacum, Brettenfis Præfecturæ loca, confedit, castraque tanta arte munivit, ut Choiseulius, qui jussu Regis sui foederatos aggredi debuerat, re infecta ad Philippiburgum, unde venerat, retrocesserit. Ludovicus, aucto incrementis exercitu, quum ad defensionem valli Thungium Comitum reliquisset, ultimo Augusti prope Moguntiam Rhenum trajecit; assumptoque Hassiæ Landgravio, qui cum copiis ex Belgio advenerat, Neostadium ad Hardam contendit; ad quod oppidum, Spiram versus, confederant Galli; ab obsidione Philippiburgi & Landaviæ exclusuri foederatos. (p) Ludovicus castris Neostadium inter & Haselocum, e regione hostium positis, Hardam, vicinum Neostadio Castrum expugnavit. Consilium ejus fuerat, hostes intra munimenta invadere, eumque in finem injunxerat Thungio, ut ex superiore Rheni parte impetum in Alsatiam faceret, hostes, divisas copias pugnantes, ut facilius opprimeret. Sed Galli, depulso aliquoties Thungio, tanta constantia Rheni ri-

Tom. III.

Ee 2

(o) Exercitus Germanicus hoc anno sexaginta sex millium esse debuerat; sed vix dimidium hujus numeri complevit. DE LA HODE Tom. V. p. 188.

(p) Philippiburgi obsidionem animo tum agitasse Ludovicum, tradit quoque RAPIN THOMAS *Hist. d'Angleterre*, Tom. XI. pag. 181.

LUDOV.  
WILH.

pas tutati sunt, ut spe victoriæ abjecta Badensis, cum Galliorum castra per dies aliquot oppugnasset tormentis, reditum pararet trans Rhenum; quem ad WORMATIAM die 7. Oct. transivit. (g)

## §. XXXV.

Dux  
exercitus  
Circular.  
Imp.

A. 1697. quinque Circuli, Rhenanus superior atque inferior, Franconicus, Svevicus, Westphalicus, inito Francofurti adversus Gallos foedere, supremum copiarum suarum ducem, Cæsaris consensu, Ludovicum crearunt, literisque, die 24. Jan. & die 8. Februarii ad eum datis, summam belli & convocandi jus ei tribuerunt. Delatum sibi munus lubens Ludovicus suscepit, literisque, die 28. Martii scriptis, Ordines monuit, ut quæ de cogendo milite Francofurti decreverant, celeriter executioni mandarent; (r) quod tamen non factum.

Expeditionis hujus anni initio cum copiis suis ad Bruchsaliam confederat Badensis, quum Choiseulius Marechallus, supremus Gallici exercitus Dux, die 3. Julii prope Fortalitium Ludovici Rhenum transiret; Kuppenhemium inter & Bastadium castra metatus. Prope Muckensturmium oppidum, in hostium conspectu, foederati quoque sua castra locarunt. Galli, prælium decli-

(g) QUINCE *Hist. militaire de Louis le Grand* Tom. III. pag. 237. seqq. *Theatrum Europ.* Tom. XV. p. 13. RINCK in *Vita Leopoldi* Tom. III. p. 116.

(r) *Theatrum Europ.* Tom. XV. p. 225. sq.

nantes, mutatis aliquoties castris, sine denique Augusti trans Rhenum redierunt.

## §. XXXVI.

Inter hæc Ludovicus Marchionem Baruthinum & Thun-  
Ebern-  
burgum  
expu-  
gnavit.  
gium Comitem cum parte copiarum ad Wifelochium collocave-  
rat, atque Moguntiae die 24. Aug. transverat Rhenum, Ebern-  
burgi ad Navam Castris obsidionem facturus. Ex Castro hoc Gal-  
li, durante bello, frequentes fecerant eruptiones, atque foederatis, in Belgium a Rheno superiore euntibus redeuntibusque, intulerant damna. Die octavo Septembris incepta obsidio. Castrum post vigesimum diem foederatis traditum, eodem prorsus tempore, quo de induciis Caesarem inter Galliaeque Regem Rivici initis, Ludovico nuncius advenit. Reductae trans Rhenum foederatorum copiae. Choiseulius, qui observando Ludovico Pfordersheimium accefferat, in hiberna discessit. (s)

Cunctatio Circularum, tardus militum ad expeditionem adventus, praecipuorum belli apparatus defectus, ducum dissensus, impedimenta fuerunt, quae Ludovici ad Rhenum retardarent progressus; (t) id quod paulo ante Carolo Lotharingo quo-

Ee 3

(s) QUINCY *Hist. militaire de Louis le Grand* Tom. III. pag. 313. sq. *Theatrum Europ.* Tom. XV. pag. 130.

(t) *Vita Josephi*, Lipsiae edita, 1712. p. 46.

U. VDOV.  
WILLH.

que evenisse comperimus; qui rebus maximis quoque alibi gestis, exercitum Imperii adversus Gallos ducens, partam bellica virtute gloriam fere ad Rhenum amisit. (u) Servatæ tamen Sveciæ & Franconiæ laudem Hungariæ gloriæ Ludovicus adjecit.

### §. XXXVI.

Pax Ris-  
vic.

Ad Tractatus ille pacis, Risvici institutos, Carolum Ferdinandum de Plittersdorf ex Aula sua misit legatum, (x) qui, libello die 17. Sept. conciliatoribus Pacis oblato, præter Spanheimensem Comitatum, Præfecturas Beinheim & Grevenstein, petiit quoque, ut restituantur Marchioni omnia feuda, quæ feudalis Curia Badensis variis trans Rhenum Nobilibus hucusque concesserat; ut & ea, quæ in insulis Rhæni, vel ex alterutra parte fluminis, per munitiones Castri Ludovici, aliove modo a Marchicis terris abrupta. Præterea in Luxemburgico Ducatu Rodemacheræ Dynastiam cum reliquis, ad eam pertinentibus, repetiit Marchio. Has, ut & Germanicas terras, Instrumento Pacis Hispanico (y) Germanicoque (z) recepit. Sed, quam petierat, damni reparationem obtinere non potuit.

(u) BASNAË *Annales des Provinces Unies* Tom. II. pag. 191.

(x) Credentiales, quas vocant, Plittersdorfio a Marchione datæ Muckensturmii d. 18. Jul. extant in *Memoires & Negociations de la Paix de Ryfwic* Tom. III. pag. 41. Postulata Badensia leguntur ibidem p. 221.

(y) Art. X.

(z) Art. XIV.



## §. XXXVIII.

Durante ad Rhenum bello inter Polonici folii vacantis Candidatus quoque Ludovicus comparuit, quem, ob magnitudinem rerum in Hungaria gestarum, perplures dignissimum reputabant, qui Sobieskio succederet; victor terrorque Turcarum. Inter conditiones Regis eligendi hæc quoque fuerat, ut debita militibus stipendia ab eo solverentur. Tanto oneri ferendo impar erat Ludovicus, qui bellicis expeditionibus privatas suas opes exhauferat. Nec defunt, qui perhibent, Brandeburgicum Electorem Fridericum, Borussiae inter Reges primum, omnes sumtus in electionem faciendos obtulisse Ludovico, si Polonicam ei promotus ad folium promitteret Borussiam. (a) Sed & Daniae Regem apud Poloniae Magnates pro Ludovico nostro eligendo laborasse, temporis illius Acta dubitare non sinunt. Nec deerat commendatio Cæsaris. In scriniis Badensibus litteræ supersunt, quas Leopoldus die 27. Maji ad legatum suum in Polonia, Episcopum Passaviensem, perscripsit, ut si Poloni Jacobum Sobieskium, Carolum Lotharingum, & Neoburgi Ducem, quos prius commendaverat, corona excluderent, commendaret Ludovicum.

---

(a) *Histoire d'Auguste II. Roi de Pologne* Tom. I. p. 74. sq.

LVDOV.  
WILH.

## §. XXXIX.

Spe sua  
excidit.

Enimvero ex Magnatibus Polonicis Ludovico nostro adhæserunt non pauci. Sed plerorumque oculos in se convertebant Contius Princeps & Elector Saxoniae. Electionis die divisa inter eos cum essent eligentium suffragia, Castellanus Culmenis cum reliquarum factionum, quæ spe omni exciderant, legatis tractavit, ut accessione sua Saxonis causam redderent victricem. Tum vero Brandenburgicus bis centies mille thaleros, in usum Badensis ante destinatos, Castellano numeravit, ut ad promovendam Saxonis electionem distribuerentur. Ejus exemplum reliqui legati secuti sunt. Contiani nihilominus prævaluerunt. Saxonicus ergo, quibus nullum aliud prorogandi remedium supererat, electioni denique se renunciaturos professi sunt, idem si facerent Contiani. Magnus coronæ Thesaurarius ad Saxonicos conversus, Ludovicum nostrum Regem proposuit. Neutri parti arrisit sententia. Bifida infecuta electio; aliis Contium, aliis Saxonem eligentibus, qui denique solum conscendit. (b)

## §. XL.

---

(b) *Histoire d'Auguste II.* loco alleg. pag. 112, 115, 119. GOTFRIDUS LENNICH *Historia Polona* pag. 278. JO. DAN. CRAMERUS in *Commentariis rerum memorabilium augustorum 1694-1698.* p. 176, 179.

## §. XL.

Germania, Rıfııcensı pace quıescens, de Kehlæ muni-  
 mento, Marchıoni nostro concedendo, in Comitıis tractavit. An-  
 no præcedente jam delegatis Ordinum, Hagæ Comitum pacis  
 causa agentibus, per legatum suum Plittersdorffium die 21. Oct.  
 proposuerat Ludovicus, ut in compensationem damnorum & præ-  
 mium laborum ab Imperio Kehlæ ipsi relinqueretur. Legati Or-  
 dinum, petitionem justam arbitrati, legatis Cæsareis rem fortiter  
 commendaverant. A. 1698. die 30. Martii petıtum suum in Comi-  
 tiis Ludovicus repetiit. (c) Nassovio-Sarreptani Comites quidem,  
 intellecto Badensis consilio, intercesserunt die 18. Julii, asserentes,  
 Kehlæ munimentum in agro vici Kehlæ fuisse a Gallis exstructum.  
 Kehlæ vicus, munimento vicinus, quatuor dominos habet, Baden-  
 sem Marchionem, Nassoviæ Principem, Civitatem Argentinensem  
 Nobilesque Bœcklinos. Nassovii partem Bœcklinis dederunt in  
 feudum. Nassoviorum portio ad eos pervenit cum Lahra, cujus,  
 ut & Malbergæ Dynastiæ possessores fuerunt conjunctim Badenses,  
 qui alternatim cum Nassoviis de feudo hoc investiverunt, donec  
 A. 1629. decreta divisio, vi cujus Malberga & feuda Malbergica,

Tom. III.

Ff

(c) Acta hæc extant in F A N N I Staats - Cantzley Tom. IV. Cap. IX. pag. 440. sq.  
 addo Theatrum Europ. Tom. XV. pag. 393.

LUDOV.  
WILH.

ad Bada-Badenfes; Lahra & feuda Lahrenfia ad Saræpontanof  
pervenerunt. (d)

### §. X L I

Badenfi-  
bos cedi-  
tur.

Factum tamen eft Imperii decretum die 22. Dec. quo Lu-  
dovico Kehlæ munimentum, feudi nomine ab Imperio conceffum  
eft, ea conditione, ut mafculis ejus heredibus extinctis, ad Im-  
perium reverteretur. Cæfari atque Imperio refervatum eft præfi-  
dii jus, additumque, ut pacis Weftphaliæ & Rîsvicenfis fânctiones  
in munimento hoc obfervet Ludovicus, liberumque adeo reli-  
gionis exercitium præfidiariis relinquat. (e) Sententiam Co-  
mitiorum Cæfar firmavit A. 1699. die 7. Martii. Munimentum  
paulo poft traditum Marchioni, qui edicto, Auguftæ die 13. Apr.  
1699. fignato, liberum religionis exercitium, tribus religionibus,  
in Germania probatis, in munimento hoc conceffit. (f) Investi-  
turam Ludovici nomine, Adamus Ignatius Heunifch A. 1700. a  
Cæfare accepit Vindobonæ. Litteræ feudales d. 24. Dec. per-  
fcriptæ funt.

(d) FABRI *Staats-Cantzley* loc. alleg. pag. 484. CRAMERUS in *Commen-  
tariis* A. 1698. pag. 13. fq.

(e) Decretum hoc Comitiorum vide in eod. FABRO loco alleg. pag. 493. Au-  
guftanæ Confefſionis Ordines fua interceffione religioni Evangelicæ  
profpererunt. Vid. SCHAUBOTH *Concluf. Corp. Evangelicor.* Tom. II. p. 85. fq.

(f) Extat in FABRI *Staats-Cantzley* pag. 500. & in *Theatra Europ.* p. 537.

Inter hæc Marchio Bada - Durlacensis libello d. 31. Dec. exhibito, in Comitibus petiit, ut deficientibus Ludovici masculis Durlacensi quoque lineæ concederetur successio. Petito huic de-  
nuo se opposuit Saræpontanus die 13. Mart. A. 1699. (g) At Cæ-  
sar, litteris 30. Jan. A. 1700. datis, Friderico Magno, Marchioni,  
& successoribus ejus, extincta mascula Ludovici stirpe, spem suc-  
cedendi concessit.

## §. XLII.

In Comitibus deinceps sæpius deliberatum, qua ratione duo Susten-  
Imperii munimenta ad Rhenum, Philippopolis & Kehla susten-  
tanda & munienda sint. Collegium Electorale Franconico, Sve-  
vico & Superiori Rhenano Circulis sustentationis eorum onus im-  
ponere voluerat. Refragati sunt reliqui. Conventum est deni-  
que, Marchioni & Thungio, Philippopolis Præfecto, rescriben-  
dum, ut rerum utriusque Castri necessariorum laterculum confi-  
cerent; summamque pecuniæ, munitioibus restaurandis adhibi-  
tæ, ab universo præstandam esse Imperio. (h) Ludovicus suam ea  
de re sententiam cum Ordinibus scripto communicavit. (i) Neque

Susten-  
tatio  
Kehlae.

Tom. III.

Ff 2

(g) Acta vide in FABRI *Staats-Cantzley* Tom. IV. pag. 496. seq. CRAMERUS  
loco alleg. pag. 12.

(h) CRAMERUS in *Commentariis* A. 1699. pag. 18. sq.

(i) *Theatrum Europ.* Tom. XV. pag. 390.

LUDOV.  
WILH.

tamen res ita terminata fuit ; ut non identidem querelæ & gravamina nova nascerentur ; Rheno præsertim furente & munimenta arietis instar quassante. Circulis , a Rheno longinquis , res curæ non fuit. His æquum videbatur , onus viciniore ut ferrent , quos munimenta defendunt. Ludovicus nonnunquam a Senatu Comitali rogatus est , ut ad ruinas reparandas sumtus suppeditaret , donec de tota re transigeretur. (k)

### §. XLIII.

Lis de  
nono  
Electo-  
ratu.

Revixit inter hæc de nono Germanorum Electoratu controversia , bellicos inter tumultus quiescens , & novas vires acquirere cœpit. Ernestum Augustum , Luneburgo-Hannoveranum Ducem , re cum plerisque ex Electoribus communicata , Leopoldus Imp. A. 1692. Electorali dignitate ornaverat. Sed Trevirensis , Coloniensis & Palatini Electores , quibus inconsultis res tractata , ut & plerorumque ex ordine Principum animi , vehementer commoti sunt ; auctoritatem eorum , in re tam gravi , neglectam esse conquesti. Antonius Ulricus , Brunsvico Guelpherbytanus Dux , juniorem gentis suæ ramum , prætermisso seniore , ad id honoris evectum indignatus , plerosque concitavit. Ludovicus noster , cujus officia non satis remuneratus est Cæsar , dissidenti-

---

(k) CRAMERUS in *Commentariis rerum memorabilium A. 1699.* pag. 17. sq.

bus se junxit una cum Durlacenſi Marchione. (l) Hannoveranus A. 1692. Vindobonæ cum inveſtiretur Elector, Principes plures menſe Januario anni ſequentis proteſtati ſunt; (m) paulo poſt Ratiſbonæ cœſuentes in ſœdus, quod 1695. Francofurti firmatum. (n)

## §. XLIV.

Magnis animorum motibus res cœpit agitari A. 1700. Conventus Colonienſis, Trevirenſis & Palatinus Elector, deſerta Principum cauſa, in novi Electoratus erectionem conſenſiſſent. (o) Habitibus menſe Februario Goſlarie Conventus, in quo ſœderati, publicis Ratiſbonæ conſiliis ſe non interfuturos, declararunt, ni-

Ff 3

(l) Ludovicum noſtrum & Guelferbytanum Ducem præcipuos turbarum de novo Electoratu auctores deſignat Auctor ſcripti apud TRUCKLIUM in *Römischen Reichs Staats-Aktis* ſeculi XVIII. Tom. I. Cap. 7. pag. 618. Ludovicus tamen non niſi poſt pacem Riſvicenſem diſſidentibus ſe conjunxiſſe videtur. Inter ſœderatos enim, qui litteras ad Cæſarem Ratiſbonæ ſignarunt d. 23. Jul. 1692. nulla ejus injicitur mentio. *Theatrum Europ.* Tom. XIV. pag. 324. Silet eum quoque CONTRARIUS in *Obſervatis Hiſtorico-Político-Jurid. de novo Electoratu* pag. 9.

(m) CONTRARIUS loc. alleg. pag. 16.

(n) *Theatrum Europ.* Tom. XIV. pag. 313. & 792. & FABRI *Staats-Cantzley* Tom. V. pag. 239.

(o) Decretum d. 18. Nov. A. 1699. factum exhibet CONTRARIUS p. 36.

LUDOV.  
WILH.

si abolitis querelis, quas, missa legatione, Cæsari exposuerunt. Agitator fuit Norimbergensis Conventus, quem insequente Julio mense celebrarunt fœderati. Omnia ibi ad mutuam defensionem ordinata. Decretus XXIV. millium armatorum exercitus, quem necessitate urgente fœderati se duplicaturos professi sunt. (p) Cæsaris responsum, delegatis Principum hac super re datum, quum non arrisisset plerisque, Wirtzburgensis, Monasteriensis, Saxonici duo, Guelpherbytanus, Holfaticus, legati, una cum Bralliardo, Ludovici nostri, & Hartmanno Fischero, Durlacensi legato, renitentibus reliquis, ad Galliæ Regem, Pacis Westphaliæ vindicem, sibi confugiendum censuerunt. Decreto Norimbergæ factò die 5. Aug. Chamojum, Gallicum ad Comitìa Imperii legatum, rogarunt, ut totius rei nuncium ad Regem perferret.

### §. XLV.

Interces-  
sio Galliæ  
& Svec.

Rex Galliæ de abolendo nono Electoratu in Comitibus per Chamojum & per Villarsium Vindobonæ apud Cæsarem egit. (q) Sed Cæsar salva concessione sua, quam fecerat, nihil aliud Prin-

(p) Recessus uterque Goslariensis & Norimbergensis cum reliquis actis, hæc spectantibus, extat in FARRI *Staats-Contzley* Tom. V. Cap. 6. & 15. & in *Actis publicis de nono Electoratu* apud CORTREIUM pag. 85. sq.

(q) Acta singula exhibet idem FARRI loco citat. & *Theatrum Europ.* Tom. XV. p. 711. sq.



cipibus largitus est, quam ut solennitatis gratia res denuo in Principum tractaretur Collegio, atque publica lege caveretur, ne in posterum absque omnium Ordinum consensu Electoratus erigeretur. (r) Nec opimiores condiciones impetrare potuit Sveciæ Rex, cujus intercessionem, suadente Gallorum Rege, quoque imploraverant fœderati. (s) Hi Majo mense anni MDCCI. denuo convenerunt Francofurti, ut de fœdere cum Gallis faciendo, communicarent consilia. Ludovicus XIV. ad Conventum hunc quoque miserat legatum. Binderus, Cæsaris legatus, variis promissis denique rem eo perduxit, ut fœderati ad Comitia se redituros, atque in controversia de successione Hispanica nullius se amplexuros esse partes pollicerentur. (t) Ab hoc tempore sensim sensimque mitigati sunt Principum animi. Sub Cæsare Josepho in Comitibus A. MDCCVI. certa sub lege ab illis agnitus est nonus Elector. (u)

## §. XLVI.

Intercessio Gallica in hoc gravi negotio non parum offe-  
derat Cæsaris Aulam, quæ Ludovicum Badensem, ad senten-  
Ludovici  
de Cæsare  
querelam.

(r) FABRI *Staats-Cantzley* Tom. V. p. 285. sq.

(s) THUCELIUS *Acta publica* Tom. I. Cap. 7. p. 625.

(t) Acta hujus Conventus exhibet FABRI *Staats-Cantzley* Tom. VI. Cap. 4.

THUCELIUS *Acta publica* Tom. I. Cap. 7.

(u) Acta publica de nono Electoratu apud CORTREIUM in C. J. *Publici* Tom. IV. p. 129.

LUDOV.  
WILH.

tiam suam non absque minis identidem revocare laboravit. Sed ille, propositi tenax, Schlackenwerda, ubi tum morabatur apud Bohemos, ad Greiffium Baronem, Aulæ suæ Marcehallum, die XX. Octobris A. MDCC. scripsit Vindobonam; illi diserte injungens, ut Locumtenentis Generalis Cæsarei dignitatem nomine suo in Imperatoris manus resignaret. Addit Marchio, non posse sibi vitio verti, quod Principatus sui jura, quovis modo defendat. Dignitatem, a majoribus acceptam, sibi omni pretio esse cariorum; nec admissurum se, ut ea, tot seculis illibata, Electorum Imperii exponatur ludibrio: bellicam dignitatem, a Cæsare sibi collatam, a Principis Imperii dignitate multum differre; easque res a Cæsare male confundi. Conqueritur acriter, post maxima in Domum Austriacam merita; post XX. expeditiones bellicas, cum laude susceptas, quibus suas quoque fortunas everterit, nullam a Cæsare se gratiam retulisse. Connivente eo occupatum ab Hannoverano Lauenburgicum Ducatum; Hadelensem terram a Cæsare ut sequestre detineri; licet utriusque possessio dimidia ex parte, conjugii suæ Franciscæ Sibyllæ debeatur. In electione Regis Poloniæ se neglectum a Cæsare; promissas sibi, bello finito, pensiones caruisse effectu, rerumque suarum nullam plane habitam esse rationem. Aliorum Principum, qui ad Austriacæ Domus incrementa nihil contulerint, dignitatem augeri, suamque diminui. Concludit denique, sibi consultius videri, ut bellicum

mu-

munus, a Cæsare acceptum, deponat, quam libero Imperii Principi indigna committat. (x)

LUDOV.  
WILM.

## §. XLVII.

Enimvero imminens Europæ bellum, Carolus II. Hispaniæ Rex, morti vicinus, si decederet, prævidit Marchio. Prævidit, quanto belli duces experti mox habendi sint pretio. Nec conjectura sane Ludovicum fefellit. Duodecimo enim, postquam literas has scripserat, die Carolus Hispanus, Austriacæ senioris lineæ postremus, decessit; nova belli materia.

Exacerbatum Ludovici nostri animum omni modo Cæsar mitigare & ad suas partes reducere laboravit. Ineunte A.MDCCCL. ab eo vocatus est Vindobonam, ubi Hispaniæ Regis obitus & Gallorum de occupando illo Regno conatus Aulæ Cæsareæ commoverant animos. Ludovicus, bellicis Imperatoris consiliis præsens, bellum non facile suavit, sed difficultates ejus atque pericula magna cum gravitate exposuit; (y) Cæsaris utilitati magis, quam bellicæ suæ gloriæ inserviens. Bel-

Tom. III.

G g

(x) Literæ hæc leguntur in MOSKRI *Continuatione Chronici Serviciæ CRUSIE* Tom. II. pag. 599. in FARRI *Staats-Cantzley* Tom. V. pag. 849. in *Actis publicis* apud CORTREIUM *Corp. Jur. Publ.* Tom. IV. pag. 95. in *Vita Josephi*, quæ Lipsiæ prodit A. 1712. pag. 111.

(y) *Theatrum Europ.* Tom. XVI. p. 57.

LUDOV.  
WILH.

lum tamen prætulit Cæsar. Missus eo anno sub Eugenio duce in Italiam exercitus.

### §. XLVIII.

Cæsar  
munera.

Saucium Ludovici animum sibi desponsurus Cæsar, Provincialeſm Ortenaviæ Præfecturam ipsi & ab eo descendentibus masculis in feudum contulit Vindobonæ. Eidem, ut supremo exercituum Cæfareanorum duci, menstruam quinquaginta millium florenorum pensionem, durante bello, destinavit; addita lege, ut ejusdem summæ dimidia pars, ob Imperialium ad Rhenum munimentorum curam, tempore pacis ei quoque exsolveretur. (z) Postremo curaturum se Cæsar promisit, ut conjugis ejus, Franciscæ Sibyllæ, in successionem Lauenburgicam jurium ratio sine mora habeatur. (a) Ludovicus mense Majo Vindobona reversus est domum. Reduci Diploma die 16. Junii allatum, quo Cæsareani in Germania exercitus renuntiatus est Imperator.

Eodem tempore Circuli Bavarici Ordines, Wasserburgi convenientes ad Oenum, Franconici Sveviciue Circulorum exemplo, Ludovico nostro, propter officia, superiore bello præsti-

(z) Titulo *Gubernatoris generalis*.

(a) *Theatrum Europ.* loc. alleg. pag. 60. Unde eodem anno prodiiit sententia, Marchioni favens, cujus mentionem facimus infra in vita Franciscæ Sibyllæ.

ta & accepta in terris Marchicis damna, remunerationis loco,  
decem in singula familiæ capita decreverunt florenos. (b)

## §. XLIX.

Bellum de successione Hispanica anno hoc in Italia quum Bellum  
cepisset initium, quinque Circuli Germaniæ, Franconicus, Sve- ob suc-  
vicus, uterque Rhenensis atque Bavaricus, ob imminentem ex cess. Hi-  
Gallia tempestatem, defensionis mutuæ fœdus, quod jam anno span.  
superiore duo priores Circuli Heidenhemii contraxerant, (c)  
communibus tabulis Heilbronnæ signarunt mense Augusto. (d)  
Ludovicus, securitati prospecturus Germaniæ, antequam bellum  
Germanos inter Gallosque ardere inciperet, munitiones a Rheno  
superiore ad inferiorem ducendas esse statuit; probatoque Cæsari  
& Sueviæ Ordinibus consilio, fortiter aggressus est opus. Sed  
cunctati sunt Francones, metu Gallorum, donec gravibus Leo-  
poldi & Marchionis nostri Ludovici, Ordinumque Sueviæ literis  
moniti, (e) officii atque salutis suæ rationem habuerunt. In Cir-

Tom. III.

G g 2

(b) *Theatrum Europæum* Tom. XVI. pag. 12. & 19. & *FABRI Staats-Cantzley*  
Tom. VI. pag. 308. & 364.

(c) *Heydenheimischer Affociations-Recess.*

(d) Utriusque fœderis tabulæ legantur in *FABRI Staats-Cantzley* Tom. VI.  
Cap. 7.

(e) Literas has exhibet *Theatrum Europæum* loco alleg. pag. 34. sq. & *FABRI*  
*Staats-Cantzley* Tom. VI. pag. 375. 381.

LUDOV.  
WILH.

culo quoque Rhenano superiore, ad quem Ludovicus die 8. Oct. literas dederat, res non sine difficultate transacta. (f)

§. L.

Obsidium  
Landaviz.

A. 1702. mense Majo Cæsar & Anna, Angliæ Regina, una cum Ordinibus Belgii foederati Ludovico XIV. bellum declararunt. (g) Magno huic foederi quinque primum Germaniæ Circuli, (h) denique universum accessit Imperium. Decretum in Gallos bellum Ratisbonæ die 30. Sept. (i) Placitum publicavit Cæsar die 6. Octobris. (k) Ante clarigationem Ludovicus, Rheno trajecto, ad Langencandelium posuerat castra initio veris, & Weissenburgo, Lauterburgo, Billighemio, aliisque in vicinia locis occupatis, ad obsidionem Landaviæ sibi viam paraverat. In Palatinatus & Episcopatus Spirensis ditionibus annonam & comineatum omnem collegit, ut ignaros consilii suscepti hostes percelleret. Obsidium, in consilio bellico a Cæsare decretum, a

(f) Literæ ad Circulum Rhen. super. extant in *Theatro Europ.* loco alleg. p. 35.

(g) DuMont *Corps Dipl.* Tom. VIII. pag. 115. LAMBERTY *Memoires* Tom. II. p. 107. 113. 114.

(h) Superior & Inferior Rhenanus, Austriacus, Fræconicus, Svevicus, jam ante inter se foedere juncti. Tabulas accessionis exhibet THUCELIUS

\* in *Actis Seculi XVIII.* Tom. II. Cap. 15. & LAMBERTY Tom. II. p. 137.

(i) THUCELIUS loco alleg. Cap. 12. pag. 711.

(k) Idem pag. 730. FABRI *Staats-Contzley* Tom. VII. Cap. 13. p. 665. & 707.

Ludovico inchoatum est die 16. Junii. Res ut felicius procederet, Josephus, Romanorum Rex, in castris ad Landaviam Vindobona die 27. Julii advenit. Urbs egregiis munitionibus a Vaubanio instructa, fortiter defensa est a Melaco, Regionum exercituum Legato, qui cum tribus Gallorum millibus praesidium urbis agebat.

## §. L I.

Catinatus quidem, Francici exercitus dux, motis <sup>Deditio urbis.</sup> Weissenburgum versus castris, auxilium obsessis ferre decreverat. Sed adventante cum copiis Ludovico Marchione, re infecta discessit. Mirantur Scriptores bellicam artem, qua ille aditus omnes ita infederat, ut de introducendis in urbem auxiliis, frustra laboraretur. (l) Lorica exterior fossae (contrescarpe) die 16. Aug. pulsus Gallis occupata. In expugnatione Sueffionensis Comites, Eugenii Principis frater, alique primi ordinis militares viri ceciderunt. (m) Castellum, civitatem tegens, die 9. Sept. impetu captum. Postridie urbs ipsa in Romanorum Regis potesta-

Gg 3

(l) LA HODE *Hist. de Louis XIV.* Tom. V. pag. 363. GATIEN DE COUR-  
TILZ in libro cui tit. *Memoires du Marquis D<sup>e</sup> sur la guerre d'Espagne*  
*de Bavière & de Flandre* Tom. II. pag. 24.

(m) LA HODE loc. alleg. pag. 364. & *Theatrum Europaeum* Tom. XVI. p. 651.

LYDOV.  
WILN.

tem pervenit. (n) Prodiit nummus, Landaviam exhibens & Aquilam Imperii, cum inscriptione: CAESAREO AUSPICIO, REGIS VIRTUTE, BADENSIS FELICI DUCTU, GALLO EST EX UNGUE RETRACTA. (o)

Josephus, occupata Landavia, mense Octobri in Austriam rediit.

## §. LII.

Gallorum  
consilia.

Inter hæc Bavarus Elector, sœdere cum Gallis facto, Ulmam (p) & vicinas Sveviæ civitates armis suis occupavit. Ardum hoc Bavari consilium bellicas Ludovici rationes mutavit; qui omnibus modis impediendum esse ratus est, ne copiarum Bavaricarum cum Gallicis fieret conjunctio. Catinatus, supremus Gallorum exercitus dux, Villarsium, Reginum exercituum Legatum, cum maxima copiarum parte ex Inferiore Alsatia misit versus Huningam; ut transito ibi Rheno cum Bavaris iunctionem tentaret. Ludovicus Badensis interceptis Ricoultii, Francici apud Bavarum legati, litteris ad Chamillardum scriptis, consilium Aulæ Gallicæ intelligens, omnem operam impendit, ut a

(n) Leges deditiones exhibet LAMBERTY *Memoires* Tom. II. p. 102, & *Thesaurum Europæum* loco alleg. pag. 652.

(o) VAN LOON *Hist. Metallurg. des Pays-bas* Tom. IV. pag. 396.

(p) Ulma die 8. Sept. inopinato impetu capta; quo ipso Landaviam se liberturos speraverant Galli, sed frustra. *Memoires du Marquis L<sup>e</sup>* Tom. II. pag. 30. & 34.



Rheni transitu prohiberet Villarsium. Catinatio itaque Thungium Comitem opponens, Hagenoam, Bischvillam, aliaque loca, a Gallis relicta, munivit praesidiis; ipse cum exercitu, supra Argentoratum transiens Rhenum, die 22. Sept. e regione Huningae ad Fridlingam confedit; aliquot diebus antequam Villarsius Huningam advenerat, ibique vallo munire se coepit. Fridlinga Ludovicus copias ad Nigram Sylvam dimisit, quae Bavaros prohiberent a transitu. Villarsius Rheni ripam, Huningae oppositam, una cum interjacente insula, parte operibusque munivit. Inter haec Neoburgi civitas ad Germanicam Rheni ripam septem leucis infra Huningam sita, a Laubanio, exercituum Gallicorum Legato, Brisaci Praefecto, d. 13. Oct. subito impetu, Caesareis ejectis, occupata est.

## §. LIIL

Ludovicus Badensis, nuncio accepto, veritus, ne Gallis <sup>Proelium ad Fridlingam.</sup> eo loco Rhenum transituris, ipse intercluderetur commatu, quem Friburgo accipere solebat, cum parte copiarum Neoburgum versus die sequenti progredi decrevit. Vix ingressus est iter die 14. Oct. summo mane, quum Villarsius cum copiis suis apud Huningam Rhenum transivit. Badensis, ab itinere instituto regressus, equitatum prope Fridlingae Castrum, milite praesidiario instructum, & peditatum in editiore colle vicino, arboribus confito, ubi S. Odiliae

LUDOV.  
WILM.

Ecclesia & vicus, (q) collocavit. Bordius (r) copiarum legatus, a Villarsio missus, tanto ardore peditatum aggressus est, ut magna utrinque caedes committeretur, in qua Bordius periit. Germani restaurata ter pugna, quinque tormenta denique reliquerant Gallis, qui tamen Bordio caeso, non satis caute descenderunt collem, a tribus turmis, quas Ludovicus noster in auxilium miserat, non parum turbati. Equestris ergo pugna successit pedestri. Uterque equitatus, dum in monte pugnaretur, in planitie spectator confiterat. Badensis tandem Magnacum, Campi - Marefchallum, aggressus est, magno ardore; sed post acre certamen, cum vincere non posset, recessit. Magna utrinque caedes in planitie & in colle. In colle Carolus Wilhelmus, hereditarius Durlacensis Princeps, vulneratus vix vivus evasit. Biduo post Castrum Fridlingæ, (s) a quo pugna nomen accepit, Villarsius occupavit. Prælii dies est XIV. Octobris in Badensium terrarum Annalibus memorabilis.

### §. LIV.

Reditus  
Gallo-  
rum.

Post prælium Villarsius per jocum dicebat: Legatus Franciæ in ludo chartarum Vindobonæ Ludovicum Badensem non femel

(q) Vulgari sermone TULLICKEN.

(r) Des Bordes, Lieutenant-General.

(s) Fridlinga Castrum est Domus Bada-Durlac. e regione Huningæ; de quo vide Tom. I. pag. 388.

mel devici. A legatione discedens idem me in alea Martis facturum ei diserte promisi. Ludovicus recedens copias suas apud Stauffam, Brisgoviae oppidum, collegit, victoriam, dubiam reddere quam voluerat Gallis, (t) nova ut everteret pugna. Sed Villarsius Inferiorem in Alsatiam regressus est: junctione cum Bavaris in aliud tempus rejecta. Villarsius ergo vicit, sed victoriae fructibus ne frueretur, Ludovicus prospexit, qui brevi post omnem exercitum suum tripartito divisit. Pars Nigræ Sylvæ imposita, Gallorum cum Bavaris ut impediretur conjunctio. Aliam ad recuperandum a Gallis Neoburgum destinavit. Tertiam Principi Meinungeni, quem Tallardus ad Mosellam urgebat, in auxilium misit. (u) Villarsius copias, Catinatio ad Argentoraturn relictas, cum suis conjunxit; apud Tabernas Alsatice

Tom. III.

Hh

(t) Ludovici Badensis Literæ ad Leopoldum Imp. extant in *Theatro Europæo* Tom. XVI. quibus rem dubiam facit, Gallisque victoriam non adscribendam esse docet. Conf. *Memoires du Marquis D\** Tom. II. pag. 35. P. BARNE *Histoire d'Allemagne* Tom. X. pag. 412. seq. ROUSSET *Histoire Militaire de Prince Eugène* Tom. II. pag. 63. victoriam Ludovico adscribit, quem, pulsus Gallis, loco potitum esse contendit; sed recedente equitatu, ab hostium persecutione abstinnisse Badensem.

(u) *Memoires du Marquis D\** pag. 37.

LUDOV.  
WILM.

cas confidens, ut Badensem, qui relicta Brisgovia in Alsatiam redierat; ab aditu Lotharingæ intercluderet. (x)

§. L V.

Ludov.  
vallo se  
continet.

A. 1703. Galli de transferendo in sinum Germaniæ bello cogitarunt; ut Electori Bavarie, socio laboranti, ferrent auxilia. Villarsius in vicinia Argentorati duobus pontibus factis, cum valido exercitu Rhenum transiens Kehlæ obfidionem die 25. Febr. aggressus est, ad Nigram Sylvam ut sibi patefaceret aditum. Ludovicus, viribus impar, ab Offenburgo & Kinzinga amne, quem variis operibus muniverat, Stoltzovium versus & Bühlam intra vallum se recepit, quod a Rheno Stoltzovium & inde per Bühlam usque ad montes perduxerat; interiora Germaniæ ut facta tecta manerent; Gallorumque cum Bavaris ut impediret junctionem.

Rastad.  
Palatium.


Vallum hoc A. 1701. coeptum, (y) tam singulari arte Ludovicus munivit, ut nonnisi eo mortuo (z) expugnari potuerit, maximis licet viribus illud invaserint hostes. (a) Tantam in vallo hoc fiduciam posuerat, ut eo ipso tempore, medios inter belli

(x) QUINCY *Hist. Militaire de Louis le Grand* Tom. III. pag. 595. sq.

(y) Vid. supra ad A. 1701.

(z) Expugnatum est hoc vallum A. 1707. a ut infra dicetur.

(a) QUINCY loco alleg. Tom. IV. p. 44. & Tom. V. p. 190.




Marchionis . B. Hortus Palatii . C. Oratorium D. Mariae Lauret . D. Academia Equestris E. Armamentarium .  
 Palrum Scholarum Parum . G. Cancellaria Aulica H. Oratorium D. Mariae Einsidlensis I. Exenia Brechtalis vetus  
 Brechtalis nova . L. Oppidum . M. Curia Civitatis N. Suburbium Georgii O. Suburbium Augustae .  
 P. Suburbium Ludovici .



PALATIVUM RASTADII.

ad pag. 242.

N. II.







furoros, pulcherrimi illius Rastadiensis Palatii exstructionem continuaverit, in quod XII. milliones impendit. Palatium hoc, Pace Risvici facta inchoatum, sub finem vitæ Ludovici opus decennale fere perfectum.

LUDOV.  
WILM.

## §. LVI.

Ad inopinatam hanc Gallorum irruptionem omnis con-  
tremuit Germania. Ludovicus in litteris ad Episcopum Passa-  
vientem, Romanæ Ecclesiæ Cardinalem, qui Commissarii Prin-  
cipalis Cæsarei vices Ratisbonæ agebat, de defectu copiarum &  
apparatum bellicorum multa conquestus, ea, quæ contigerunt,  
prævidisse se scribit; nec aliud jam sibi superesse consilium, quam  
ut, copiis plerisque Kehlæ impositis, tractuque Rhenum inter &  
Nigram Sylvam relicto, intra Bühlense se recipiat vallum. Ad-  
dit, Germaniæ salutem Villarsii imprudentiæ deberi, qui contra  
bellicas artes in oppugnanda Kehlæ suum tempus consumat: ne-  
que hosti tam potenti potuisse resisti; si Kehlæ neglecta debilem  
suum impugnasset exercitum; quo prostrato facile quoque op-  
pressa fuissent auxilia, quæ hinc inde ad eum transire debuerant,  
adeoque omnis Germania superior hosti fuisset aperta. Hortatur  
denique Ordines, Ratisbonæ agentes, ut ad celerem se defensionem  
accingant. In eandem sententiam Ludovicus perscripsit ad  
Sveviæ Ordines, illis graviter injungens, ut sine cunctatione Ni-

Litteræ  
ad Ordines.

LVDGV.  
WILH.

græ Sylvæ imponant præsidia, & ad defendendam præsertim Kizingæ vallem, quantascunque possint colligere copias, Comiti Ffrstenbergio mittant. (b)

### §. LVII.

Villars.  
Vallum  
aggredi-  
tur,

Kehla die 9. Martii in potestatem redacta, (c) Villarsius Stolhova-Bühlensæ vallum mense Aprili adoriri decrevit; sperans fore, ut eo disiecto & prostrato Badensi, armâ victricia per universum circumferat Imperium. (d) Ludovicus vix X. mille tum habuerat milites & VII. tormenta. In Comitibus tamen centum viginti millium exercitus fuerat decretus. Anglorum & Batavorum legati apud Ordines Imperii identidem conquesti sunt, nullam rei communis bellicæ haberi rationem. (e)

In hoc rerum discrimine copias Batavorum Ludovicus accivit, quæ Goorio Duce in Weissenburgensi vallo constiterant, Landaviæ præsidio ut essent adversus Tallardum, qui cum alio Gallorum exercitû ad Rhenum confederat.

(b) Literæ hæc extat in FABRI *Staats-Cantzley* Tom. VIII. p. 412.

(c) Leges deditionis exhibet LAMBERT *Memoires* Tom. II. pag. 580. *Addé Theatrum Europæum* Tom. XVI. Part. 3. pag. 34. & DE LA HODS *Hist. de Louis le Grand* Tom. V. pag. 373.

(d) Vid. *Campagne de Mr. de Villars en Allemagne* l'an 1703. Tom. I. p. 33. 30. & 31.

(e) *Theatrum Europ.* loc. alleg. p. 43. Add. FABRI *Staats-Cantzley* Tom. VIII. pag. 442. seq.

## §. LVIII.

Villarsius die 19. Aprilis cum copiis selectis Blainvillium <sup>Repulsus.</sup> misit, ut haud procul Bühla montem conscendens, a tergo Cæsareanos aggressus, loco eos opportuno dejiceret. Sed ille rem periculi plenam intelligens, re infecta discessit. Paucis interjectis diebus, Villarsius ipse Badensem a fronte fortiter optugnare decrevit. Sed aliquoties repulsus, nonnullis suorum millibus amissis, spem valli rumpendi abiecit; præsertim irruentibus aquis, quibus vallum suum Ludovicus muniverat. (f) Ludovicus ad Passaviensem Episcopum, Cæsaris Legatum, & ad Comitum Ratisbonensium de Gallis repulsis scribens, disertè proficitur, vallo Bühlensi totum se Imperium ipsamque Austriacam Domum magno liberasse periculo; transiitque Nigræ Sylvæ vix alia parte Gallos tentaturos esse, observat; quod indole locorum, vel mu-

Hh 3

---

(f) Singula hæc exactè describit LAMBERTY *Memoirs* Tom. II. p. 583. seq. *Theatrum Europ.* loc. alleg. pag. 44. RINCK in *vita Leopoldi* pag. 1448. Adde *Campagne de Mr. de Villars* Tom. I. p. 25. 29. 47. Existimaverant Galli, Badensem, viribus suis diffisum, primo statim impetu derelicturum esse vallum. Villarsius in Legatos exercitus sui eventus hujus culpam conjecit, scriptisque ad Regem literis professus est; rem sibi ab illis ita fuisse propositam, ut non perdifficilis videretur.

LUDOV.  
WILH.

nitionibus opportune dispositis, imperviae redditae sint montium fauces. (g) Repetitis enim literis Ordines monuerat Ludovicus, ut omnes aditus arborum defectu praefidiisque munirent. (h) Et tamen res molliter ab illis peracta. (i)

### §. L I X.

Bavaro  
jungitur.

Villarsius, ineunte Majo, per Kenzingae vallem, per montium abrupta, occupatis, Haufenae & Hornbergae munimentis; & pulsus ubique militum stationibus, exercitum ad Villingam usque transduxit. (k) Trajecto inter haec Rheno Tallardus prope Ofsenburgum posuerat castra; impediturus Ludovicum, Fürstenbergio Comiti ne mitteret auxilia. (l) Ludovicianus exercitus, post discessum Batavorum XIII. mille vix compleverat armatos. Cum his aliquandiu se continuit in vallo; veritus a tergo ne appropin-

(g) *Campagne de Villars* Tom. I. pag. 136.

(h) *FABRI Staats-Contzley* Tom. VIII. pag. 459. & 460.

(i) Ipse id fatetur Villarsius in literis ad Regem. *Campagne* Tom. I. p. 98. ita scribens: „ En vérité, Sire, il ne falloit pas deux cens travailleurs, „ pour arrêter l'armée de Votre Majesté - - - & l'on peut „ dire que la seule opinion, que les ennemis ont eu de l'impossibilité „ de notre dessein, l'a rendue possible. „

(k) *Camp. de Villars* Tom. I. pag. 98. & 110. DE LA HODE *Histoire de Louis le Grand* Tom. V. pag. 380. BURNET *Hist. d'Angleterre* Tom. II. p. 146.

(l) *Theatrum Europaeum* loco alleg. *Camp. de Villars* Tom. I. p. 176.

quaret eumque adoriretur Villarsius, cujus bellicos conatus Stirumius Comes, Bavarum continens, observare quoque iustus est. (m) Villarsius frustra cum tentasset Villingam, (n) Doneschingæ primo, dein Mœringæ castra habuit, invisoque ad Dutilingam Bavaro, brevi post versus Ulmam profectus est. Bavarus, post multas cum Villarsio de belli gerendi ratione lites, Junio denique mense in Tirolensem Comitatum irrupit, quem brevi in potestatem redegit.

## §. L X.

Medio tempore Villarsius in munitis, Lauingam inter & Dillingam, castris confedit, observaturus Badensem. (o) Hic aucto pedetentim exercitu & XXX. millibus armatorum completis, cum Bühlenfæ vallum munivisset præfidiis, sub finem Junii Langenaviam versus in Ulmensium ditionem processit, prælium detestante Villarsio, ipsa ut Gallorum castra oppugnaret. (p) Baruthino hunc in finem accersito Marchione, Gundelfingam discessit; in conspectu hostium, Wittislingam inter & Haushemium,

---

(m) *Campagne de Villars* Tom. I. p. 176.

(n) *Theatrum Europ.* Tom. XVI. Part. 2. pag. 49. & 50.

(o) *Campagne de Villars* Tom. I. p. 343.

(p) *Theatrum Europæum* loco alleg. pag. 220. sq. *Campagne de Villars* Tom. I. p. 347. 348. 354.

LUDOV.  
WILM.

castra metatus. Ex castris his die VIII. Julii literas ad Seckendorffium dedit, quibus ei miserum exercitus sui, omnium rerum inopia laborantis, statum exponit. Graviter etiam de ipso conqueritur Cæsare, quod jam inde ab obsidione Landaviæ vix 15000. ei persolverit florenos, & ad frequentes ipsius literas non reddiderit responsum. Negat denique, ab exercitu suo, fatis mediocri, aliorum dimittere se posse copias, licet Seckendorffius flagitet opem. (q)

### §. L X<sup>i</sup>.

CAUSSE  
LENTORIS.

Sub finem tamen mensis Ludovicus, mutata sententia, insigne suorum agmen ablegavit Villingam, impediturus, ne Bur Gundia Dux, qui exercitum Tallardi ad Rhenum ducebat, per Nigram Sylvam Villarsio auxilia mitteret. (r) De cetero ad finem usque Augusti nihil memorabile ad Danubium evenit. Badensis, munitionibus Gallorum, tempestatis injuria & apparatus defectu prohibitus, non potuit Villarsium aggredi. Accessit denique podagræ morbus, qui toto fere mense Augusto Ludovicum vexavit. Nihil ergo magnæ rei susceptum. (s) Satis ille adquisivit gloriæ, quod in tanto apparatus & rerum omnium defe-

(q) Literæ hæc extant in Libro *Campagne de Villars* Tom. II. p. 43.

(r) *Camp. de Villars* Tom. II. p. 57.

(s) *Ibidem* p. 125.

defectu, Bavarica & Gallica suis intervertit consiliis. Et tamen Vindobonensis Aula, quam Ludovicus non semel accusavit cunctationis, vice versa jam cunctationis accusavit Ludovicum; ut ex literis, a Villarsio interceptis, apparuit. (1)

## §. LXII

Sub finem denique Augusti Ludovicus, cum ad defensionem castrorum Stirumium reliquisset Comitem, adverso Danubio, Ethingam contendit, ut trajectis ibi copiis impetum in Bavariam faceret. (u) Elector Bavarus, a Tirolensi expeditione, quæ infelicem exitum habuerat, redux, monente eum identidem Villarsio, Augustam Vindelicorum, quæ magno ad bellum usui videbatur futura, in suam potestatem redigere studuit. Sed Electorem prævenit Badensis, qui itineribus, artificiose compositis,

Tom. III.

II

(1) *Campagne de Villars* Tom. II. pag. 138. BURNETT. *Hist. d'Angleterre* Tom. II. pag. 348. hæc de re ita scribit: „ Le Prince de Bade ne pût faire autre chose, qu'observer Mr. de Villars & n'osa l'attaquer. Il est vrai, que bien des gens l'en blâmerent: Les uns l'accusant de manquer de courage & les autres le soupçonnant d'intelligence avec l'Ennemi. Mais la plus part en rejetterent uniquement la faute sur son armée, qui étoit d'un côté très foible & de l'autre très mal pourvue, à toutes sortes d'égards. „

(u) *Theatrum Europæum* Tom. II. Part. II. pag. 126.

LUDOV.  
WILH.

quum XX. amplius leucis abfuisset, urbem hanc, inspectante Bavaroico exercitu, in deditionem accepit. Expeditionem hanc, quam, inopinante Bavaro, Ludovicus susceperat, ipsi admirati sunt hostes. (x) Occupata Augusta, Galli cum Bavaris tenebantur inclusi. Bavaria omnis patebat Cæsareis. (y)

### § LXIII.

Clades  
Stirumii.

Ludovicus castra sua inter Licum & Wertacum tanta arte munivit, ut Villarius contra eum nihil tentare sit ausus. (z) Stirumium denique Comitem accersivit; viribus junctis ut peterent hostes. Sed consilia hæc Galli interverterunt cum Bavaris, ad Schwenningam prope Hochstadium adorti Stirumium; qui multis suorum amissis, Nordlingam versus se recipere coactus est. (a) Post adversa hæc fata Badensis nihil habuit antiquius,

(x) *Campagne de Villars* Tom. II. p. 184. 201. & 206. *QUINCY Hist. milit. de Louis le Grand* Tom. IV. p. 132. *DE LA HODE Hist. de Louis le Grand* Tom. V. pag. 386. *Continuation de RAFFIN THOYRAS* Tom. XI. pag. 527.

(y) *Campagne de Villars* Tom. II. pag. 212.

(z) *Ibid.* pag. 209.

(a) *Théâtre de l'Europe* Tom. XVI. Part. 2. pag. 227. seq. *Campagne de Villars* Tom. II. pag. 223. *DE LA HODE Hist. de Louis XIV.* Tom. V. pag. 386. *Mémoires du Marquis D\** Tom. II. pag. 69. & 70.



quam ut, evitato proelio, hostium moraretur progressus. Fridberga tamen, vicinum Augustæ oppidum, paullo post ab eo in potestatem accepta. Augusta vero sub finem anni recepta a Bavaro. (b)

Mense Sept. Brisacum Cæsareis eripuerat Burgundiæ Dux; quam urbem mox infecuta est expugnatio Landaviæ; postquam fœderati, sub Nassovio & Hassio ducibus, in auxilium venientes urbi, a Tallardo, Gallorum duce, prope Spiram acceperant cladem. (c) Summa hæc rerum, a Ludovico gestarum A. 1703.

## §. L X I V.

Imperterritus ille mense Aprili anni sequentis, omnia ad Tallardus Ba-  
expeditionem necessaria, Afschaffenburgi instruxit. Minus pro-  
spera nuperæ expeditionis fata multiplices contra eum excitave-  
rant rumores; insulso & temerarios. Electores tamen Franco-  
furti agentes, publice illius acta probarunt. (d) Tallardus die  
13. Maji ad Brisacum & Rhinoviam cum XIII. armatorum milli-

Tom. III.

Ii 2

(b) *Campagne de Villars* Tom. II. pag. 269. & 432.

(c) *DE LA HODE Hist. de Louis le Grand* Tom. V. pag. 381. seq.

(d) *Campagne de Mr. le Maréchal de Tallard en Allemagne* 1704. Tom. IV. pag. 50, 55. & 155.

LUDOV.  
WILH.

bus Rhenum transivit; Electori Bavariae atque Marfinio, qui paulo ante Villarsio in imperio militari successerat, auxilia adducens. Promovendae junctioni ad Danubii fontes, una cum Marfinio, propius accessit Elector; Dudlingam inter & Villingam castra metatus. Tallardus per vallem Abbatiae D. Petri montes Nigrae Sylvae trajecit, armaque sua cum Electoralibus die 17. Maji ad Villingam conjunxit. (e) Thungius, Wirtembergae Dux & Stirumius Comes, Caesarei exercitus duces, junctionem impedituri, cum Electore & Marfinio praelium tentare decreverant; sed prohibuit Ludovicus, (f) non consultum arbitratus, fortu-

---

(e) *Campagne de Tallard* Tom. I. pag. 176, seq. DE LA HODDE *Histoire de Louis XIV.* Tom. V. pag. 406. *Theatrum Europ.* Tom. XVII. pag. 26, sq. Non existimaverat Ludovicus transitum hunc successurum esse Gallis. Tallardus in litteris ad Chamillardum, Regium Administrum, ea de re ita scribit: „ Si vous voulez sçavoir, Monsieur, ce que dit Mr. de Bade „ sur le passage des Recrues, j'aurai l'honneur de vous rapporter ses „ propres termes, que voici: Mr. le Maréchal croit passer en Baviere, „ pour moi je ne le crois pas, je n'en reponds pourtant point. „ *Campagne de Tallard* Tom. I. pag. 48.

(f) *Theatrum Europaeum* loco alleg. *Memoires du Marquis D\** pag. 117. ubi haec annotat: „ Ils reçurent ordre du Prince de Bade qui étoit „ absent de différer le combat j'usqu'à son arrivée; ordre qui fut fatal „ & qui leur fit perdre l'occasion de battre l'Electeur & Marfin & fa- „ vorisa au même temps le passage de l'armée Françoisé en Baviere. „

nam belli se absente subiri. Facta junctiōe, Ludovicus advenit die 19. Maji, cum Gallis Bavarisque ut conferret manus. At illi, relicta Villinga, magnis itineribus Ulmam contenderunt; Tallardo redeunte ad Rhenum. Ludovicus ad Danubium usque infecutus est hostes, qui in munitis castris Lauingam inter & Dillingam confederunt.

LUDOV.  
WILH.

## §. L X V.

Hæc dum aguntur Marlboroughius Anglorum in Belgio Marlbroughii adventus. Villaregium & Buslerium, Gallicos duces, Brabantiae, Flandriaeque munimentis inclusos, bellum cum trahere vidisset, Annæ Britannorum Reginae consensu, ex Belgio in Bavariam arma transferre decrevit, eoque consilio cum præcipua copiarum Anglicarum parte Neccarum ad Heilbronnâ trajecit; castris in oppidi hujus vicinia positis. Ibi cum Ludovico Badensi, cum Eugenio Principe & Wirtembergæ Duce de belli rationibus communicavit consilia. Placuit, ut ambo conjungerentur exercitus & Imperii summa alternis vicibus penes Badensem & Marlboroughium esset. Eugenius ad Stoltzoviense vallum exercitum duceret, observaturus Tallardum; qui ad famam de Marlboroughii adventu in Alsatiam redierat; numerosiores Bavaro ut addu-

LVDOV.  
WILM.

ceret copias. (g) Marfinius auctor fuerat Electori, ut ante Marlboroughii & Badensis junctionem cum Badensi conflingeret. At reditum Tallardi expectans Elector, munitis Lauingam inter & Dillingam castris continere se maluit, quam dubio certamini se ac sociorum fortunas committere.

### §. L X V I.

Praelium  
ad Schellenberg.

Inter hæc Marlboroughius & Badensis ad Luzhusium in Ulmenfi ditone die 21. Junii copiis junctis, Elchingam inter & Langenaviam in conspectu hostium confederunt; quos in castris, arte & natura munitis, aggredi non ausi, secundo Danubio sub finem Junii, Donawerdam properarunt; e regione illa in Bavariam irruptionem facturi. (h) Confederat ibi in Schellenbergæ monte cum insigni Bavarorum & Gallorum manu Comes Arcanus, quem in ipsis propugnaculis die 2. Julii adorti sunt Fœderati. Marlboroughius primum impetum fecit. Cum exercitu Cæsareo eum securus est Badensis. Magna utrimque virtute pugna-

(g) *Memoires du Marquis D\** loc. cit. *Hist. militaire du Prince Eugene* par D<sup>r</sup> MONT Tom. I. pag. 29. DE LA HONNE *Hist. de Louis XIV.* pag. 406.

(h) Crediderat Marfinius, solum Marlboroughium Donawerdam petiturum; Ludovicum autem tuendæ Nordlingæ & Norimbergæ paullo superius cum exercitu constiturum. *Campagne de Marjui* Tom. I. p. 227. & 229.

turn. Fortissimi Ducis munia dum explet Ludovicus, vulnus accipit in pede. Post pugnam cruentam, Wirtembergæ Duce hostium munimenta invadente a tergo, plenam denique Fœderati reportarunt victoriam. Hostes, superstites prælio, Danubium transierunt natando. (i) Insignis hæc ad Schellenbergam victoria, cuso in honorem Badensis apud Germanos celebrata est nummo. (k)

- (i) Historiam prælii hujus Hompeschius, Batavorum dux, qui interfuit prælio, perscriptis ad Batavos; excurretque in laudes Ludovici Badensis. LAMBERT *Memoires* Tom. III. pag. 85. Plura de hoc prælio vide in *Campagne de Mr. le Maréchal de Marfin en Allemagne 1704.* Tom. I. pag. 137. seq. *Theatrum Europ.* Tom. XVII. pag. 68. QUINCY *Hist. militaire de Louis XIV.* Tom. IV. pag. 250. *Continuation de RAPIN THOYRAS* Tom. XI. pag. 567. BURNET *Hist. d'Anglet.* Tom. II. pag. 389. FEUQUIERES *Memoires* pag. 214. ROUSSEAU in *Hist. Milit. Eugenii Principis*, gallice scripta, Tom. II. pag. 97. Marlboroughium, pugnandi & vincendi cupiditate flagrantem, eo die hostes aggressum esse scribit, quo penes eum fuerat summa Imperii, ut solus victoriz laudem reportaret. Adde DE LA HODE *Hist. de Louis XIV.* Tom. V. pag. 408.

- (k) In ejus parte adversa Ludovicus comparet armatus, cum Inscriptione: LUDOVICUS WILHELMUS MARCHIO BADENSIS EXERCITUS CAESAREI GENERALIS LOCUMTENENS. In averſa nummi parte Donawerda conspicitur civitas cum munitionibus ad Schellenbergam. Danubius sub hominis specie ad

LUDOV.  
WILH.

## §. LXVII

Sequelæ  
victoriæ.

Accepta hac clade Bavarus Donawerda & Neoburgo relictis, a Danubio ad Licum, a Lauinga ad Augustam Vindelicorum transtulit castra, Tallardi adventum expectans. Ludovicus, misso Herbevilio Duce, recepit Neoburgum, variis agminibus longe lateque Bavariam devastans. (l) Raina quoque, Bavarie oppidum, cum Dillinga a fœderatis occupatum. (m) Inde Ingolstadii obsidionem Ludovicus aggressus est, cui promovendæ Marlboroughius Rainam inter & Donawerdam confedit. (n)

Obsidione durante Herbevilis Dux, Ludovici Badensis iussu, Ratisbonensem Civitatem, a Bavaris paulo ante desertam,  
Cæ-

---

fluminis ripas confidet, coronam tenens vallarem. Additur inscriptio:  
HOSTE CAESO FUGATO CASTRIS DIREPTIS  
AD SCHELLENBERGAM DONAWERDAE. In margine  
legitur: VIRTUTE PRINCIPIS ET SOCIORUM VIA  
VICTORIIS INSEQUENTIBUS APERTA. VAN LOON  
*Histoire Metallique des Pays-bas* Tom. IV. pag. 418.

(l) *Theatrum Europ.* Tom. XVII. pag. 89. LAMBERTY *Memoires* Tom. III.  
pag. 92. *Campagnes de Mr. le Marechal Tallard* Tom. II. pag. 113.

(m) *Theatrum Europ.* loc. alleg.

(n) *Campagne de Mr. Marfin* Tom. I. pag. 199.

Cæsareo milite occupavit. Imperii Ordines, Ratisbonæ hærentes, hoc graviter commovit; qui, literis ad Ludovicum datis, de læsa Ordinum majestate multum conquesti sunt. (o)

## §. LXVIII.

Tallardus interea Julio mense cum XXX. armatorum millibus Nigram Sylvam transivit Hornbergæ, obfessoque frustra per aliquot dies Villingæ oppido, Ulmam contendit. Ibi Danubio sub initium Augusti trajecto, cum Electore & Marfinio ad Augustam suas copias conjunxit. (p) Eugenius Princeps, ex Stohoviensi vallo progressus, (q) per Wirtenbergæ Ducatum magnis itineribus Tallardum secutus est; ad Hochstadium die quinto Augusti castra metatus. Galli tum & Bavari, motis Augusta castris, Danubium transierunt Lauingæ; inopinato impetu ut aggrederentur Eugenium. Sed ille versus Schellenbergam se recipiens, a Marlboroughio petiit auxilia, quæ copias suas Eugenia-  
Tallard.  
in Bava-  
riam  
transit.

Tom. III.

Kk

---

(o) *Theatrum Europ.* Tom. XVII. p. 15. fq.

(p) *Campagne de Tallard* Tom. II. pag. 27. fq.

(q) Reprehendunt Galli Villerojum, quod post discessum Eugenii, Stohoviense non invaserit vallum, tragicorum ad Danubium eventuum spectator.

DE LA HONNE *Hist. de Louis XIV.* Tom. V. p. 409.

LUDOV.  
WILH.

nis conjunxit undecimo Augusti. Galli & Bavari in priora castra, Lauingam inter & Dillingam, redierunt. (r)

### §. L X I X.

Prælium  
Hoch-  
stad.

Res denique die 13. Augusti, prope Hochstadium, Neuburgici Ducatus oppidum ad Danubium, prælio sanguinolento decisa, quo Galli Bavarique, maxima clade accepta, captoque Talaro, non Bavaria modo, sed & omni trans-Rhenana Germania ejecti sunt. (s) Hochstadiensi huic prælio non interfuit Ludovicus, in obsidione Ingolstadii durante prælio occupatus. Marlboroughius, incredibili pugnandi ardens cupiditate, urbem hanc Ludovico oppugnandam commisit, ne ab eo retineretur a pugna. (t) Verisimilis sententia est, ambo Duces consilium de Hochstadiensi prælio occuluisse Badensi; veritos, ne diceret te-

(r) *Campagne de Marfin* Tom. I. pag. 299. seq.

(s) LAMBERTY *Memoires* Tom. III. p. 94. sq. *Campagne de Marfin* Tom. I. pag. 325. seq. *Memoires de la guerre d'Espagne* loc. cit. pag. 136. sq. *Histoire Militaire du Prince Eugene* Tom. I. pag. 27. sq. & Tom. II. pag. 101. seq. DE LA HODE *Hist. de Louis XIV.* Tom. V. pag. 413. *Theatrum Europ.* Tom. XVII. pag. 97. RAPIN THOYRAS *Contin.* Tom. XI. pag. 570. sq. QUINCY *Hist. militaire de Louis XIV.* Tom. IV. pag. 271. BURNET *Hist. d'Angleterre* Tom. II. pag. 391. FREQUIERES *Memoires* p. 250.

(t) *Theatrum Europ.* Tom. XV. pag. 91.



merarium & audax. (u) Post reportatam victoriam, obfidionem Ingolftadii Auffaffio, Circuli Franconici copiarum Praefecto, Ludovicus commiffit, ipfe cum maxima copiarum fuarum parte fe victoribus junxit. (x)

## §. L X X.

Decreta deinde in castris ad Ulmam (d. 25. Aug.) Landaviae obfidiōe, (y) Marlboroughius, Eugenius atque Badenfis, relicto ad Ulmam Thungio, (z) verſus Rhenum profecti ſunt. Trajecerunt eum ad Philippiburgum & deliberationibus die 8. Sept. Spirae inſtitutis, Gallos cum Electore, Germershemiū inter atque Landaviā ſedentes, aggredi ſtatuerunt. Sed illi, non expectato hoſte, maximis itineribus verſus Argentoratum ſe receperunt. Foederati ad Weiſſenburgum uſque Gallos ſecuti, ibidem ſubſtiterunt, tegendae obſidioni Landaviae, quam Ludovicus noſter (die 12. Sept.) cum potiore exercitus parte ſuſcepit. Joſephus, Romanorum Rex, ſecundae huic obſidioni, ut primae, inter-

Tom. III.

Kk 2

(u) *Memoires de la guerre d'Espagne* Tom. II. p. 156. & 165. *Hiſt. militaire du Prince Eugène* Tom. I. p. 30.

(x) *Theatrum Europ.* Tom. XVII. p. 103.

(y) *LAMBERTY Memoires* Tom. III. p. 108. & 109.

(z) Urbs haec d. 10. Sept. Thungio tradita. *LAMBERTY* Tom. III. p. 109, ubi leges deditionis exhibet.

LUDOV.  
WILH.

fuit. Advenit ille die 27. Sept. At strenue urbem defendente Laubanio, nonnisi d. 24. Nov. ea in foederatorum potestatem transivit. (a)

Fata Ba-  
variae.

Bavaria inter hæc durissime habita. Electrix, Johannis Sobieskii Regis Poloniæ filia, Ordinesque Bavariae multis precibus sollicitarunt Ludovicum, apud Cæsarem ut intercederet, ferro & flammis omnino ne periret Bavaria. Romanorum Rex, interventu Ludovici, in castris ad Landaviam cum Bavaris die 7. Novembris transegit, ut oppida eorum Cæsari traderentur, omnisque Ducatus haberetur clementius. (b)

### §. L X X I.

Varia.

**D**urante Landaviæ obsidione, militaris quidam ordinis homo, qui se Comitem de Ravefcot dixit, salvi conductus literis munitus, ad Marfinium, Hagenoræ castra habentem, se contulit, eique consilium suum proficiscendi Versalias aperuit, ut de maximi momenti rebus colloqueretur cum Rege. Profectus est, atque Chamillardo, Regios inter Administros præcipuo, declara-

(a) LAMBERTY *Memoires* Tom. III. pag. 112. *Campagne de Marfin* Tom. II. pag. 40. 68. & 316. seq. Leges deditionis extant ibidem pag. 344. Adde *Theatrum Europ.* Tom. XVII. pag. 29. fq.

(b) LAMBERTY *Memoires* Tom. III. pag. 108. & 114. *Theatrum Europæum* Tom. XVII. pag. 103. fq.

vit, magnam sibi cum Josepho, Rege Romanorum, intercedere familiaritatem: haud difficile sibi fore, vel Hungaris, Austriae hostibus, vel Bavaris, inter venandum, eum tradere captivum. Abhorruit Rex facinus; proditorem in Alsatiam remisit; injungens Marfinio, ut quam celerrime regni finibus eum juberet excedere. Chamillardus quoque literis, datis secundo Novembris, rogavit Badensem, ut omne hoc negotium Regi Romanorum aperiret. Aperuit, finitoque Landaviae obsidio, respondit nomine Regis Romanorum, de propenso in eum Regis Galliae animo gratias persolvens. (c)

Paulo post 8. Dec. idem Ludovicus Aschaffenburgo literas ad Marfinium dedit, quibus Gallos milites eorumque Praefectos, certis de causis Ulmae detentos, jussu suo libertati restitutos significat. (d)

### §. LXXII.

Tam felices A. 1705. successus, animos foederatorum Castra ad Sirkium adeo erexerant, ut in annum sequentem de arduis rebus, Mo-

Kk 3

---

(c) Marfinii, Chamillardi & Ludovici Badensis literas hac de re vide in Libro, saepius alleg. *Campagne de Marfin* Tom. II. p. 200, 229, 231. Tom. III. p. 11. & 17. Chamillardi sententiam de scena hac ex Literis ad Marfinium Tom. II. p. 268. & 272. discimus.

(d) *Campagne de Marfin* Tom. III. p. 64.

LUDOV.  
WILH.

fellam inter & Rhenum gerendis, agitarent consilia, quæ vero magna ex parte caruerunt successu. Castris Ludoviciani ad Saram (*Sarlouis*) decreta obsidio, in Campaniam Galliamque aditus ut fœderatis pateret. Avertendæ tempestati prope Sirkium ad Mosellæ fluentia Galli, Villarsio duce, castra posuerunt. Marlboroughius, collecto prope Trajectum ad Mosam exercitu, ineunte Maio, ad Mosellam contendit, ut, Villarsio pulso, Castro illo Ludoviciano potiretur ad Saram. Res ut felicius procederet, vires conjungere statuit cum Ludovico Badensi, cujus exercitus ad Rhenum superiorem prope Lauterburgum confederat. Marlboroughius eum ægotantem inuisit Raftadii, (e) facileque ad suam sententiam perduxit. Diviso agmine Ludovicus progreditur. Primum, sub Wirtembergæ Duce, die 14. Junii Marlboroughio se junxit. Ludovicus autem in Hunnorum Tractu ad Rammersburgum usque cum pervenisset, doloribus ex vulnere, nuper accepto, correptus, copias suas Frisio Comiti ducendas commisit, ipse ad medicatos profectus est fontes. (f)

---

(e) Marlboroughius diem constituerat Ludovico, quo Crucenacum veniret,

sed cum ille, morbo impeditus, non comparuisset, Marlboroughius, consulto id factum existimans, Ludovico succensuit.

(f) Thermae, quæ dicuntur *Schlangenbad*.

## §. LXXIII.

Frifius, varia ob impedimenta, quum lentius progredere-  
 tur, Marlboroughius, re infecta, a Mofella ad Mofam se recepit  
 in Belgium, cujus Ordines Fœderati frequentibus literis ab eo pe-  
 tierant, ut Villaregium, Gallorum ducem, compelleret, qui  
 Marlboroughio ad Mofellam hærente, Huyum & Leodium ur-  
 bes in potestatem redegerat. Marlboroughius, perpetuus Ludo-  
 vici æmulus, qui laudibus ejus obrectandi nullam occasionem  
 prætermittit, (g) in literis, ad Villarsium datis, a Badensi se de-  
 ceptum conquestus est, qui ad constitutum non advenerit tem-  
 pus, ut junctis viribus castra ejus aggredierentur. (h) Idem Marl-  
 boroughius in eandem sententiam ad Angliæ Regem, (i) & ad

(g) Jam anno superiore Marlboroughius in obsidione Landaviæ in Ludovicum nostrum fuerat iniquior, ita ut gravissimæ inter eos lites orirentur, de quibus mentionem facit Marfinius in litteris ad Chamillardum. *Campagne de Marfin* Tom. II. p. 125.

(h) Literæ hæc exhibentur in *Continuation DE RAPIN THOYRAS* Tom. XII. pag. 33.

(i) Cardonnelius, Marlboroughio ab Epistolis d. 13. Jun. scriptam misit in Angliam narrationem, qua exposuit causas, ob quas Marlboroughius a Mofella recedere fuerit coactus. In narratione hac graviter in Ludovicum invehitur. Exstat in *LAMBERTY Memoires* Tom. III. p. 469.

LUDOV.  
WILM.

Belgas Fœderatos scribens, Ludovico Badensi attribuit, quod promissis suis non responderit eventus. Jactaverat enim Hochstadiensis similem se ad Sirckium reportaturum victoriam; ad Mosellam ut experiretur Villarsius, quod ad Danubium Tallardus expertus est. At Villarsii castra omnes duces quum inexpugnabilia judicassent, Marlboroughius, qui Villarsium prævenire neglexerat, diluendæ culpæ suæ Ludovicum cunctationis inculpavit; (k) si cunctatio dicenda, quod a Rheno superiore ad Mosellam quatuordecim dierum iter varia ob impedimenta impendit.

#### §. L X X I V.

Ludovici  
consilia.

Ludovicus, finito thermarum usu, sub finem Julii quum se contulisset Moguntiam, Almelous, Ordinum Fœderati Belgii nomine, Welfsusque Comes, Cæsaris legatus, eum adierunt, ut de bello ad Rhenum, majori ardore instaurando, cum eo deliberarent. Nec animi sui sensa legatis Ludovicus occuluit: a Cæsare se negligi, a fœderatis contemni; insultos passim, & apud Batavos præsertim, de se haberi sermones. (l) Rebus ad bellum gerendum

(k) *Continuation DE RAPIN THOYRAS* Tom. XII. pag. 34. *DE LA HODE Hist. de Louis XIV.* Tom. V. p. 442.

(l) *LAMBERTY Memoires* Tom. III. pag. 502. *Litterarum Helveticarum auctor* Tom. VI. Ep. 36. pag. 209. de ordinibus Fœderati Belgii scribit:

rendum necessariis se destitui: nec aliud jam sibi supereffe remedium, quam ut bellico imperatoris se abdicet munere. Legati, multis in medium allatis rationibus, Ludovicum permoverunt, ut causæ communi se non defuturum promitteret. Addidit, talem jam rerum statum esse ad Rhenum, ut Galli aut eliciendi sint ad prælium, aut Hagenoënsi ex vallo pellendi. (m)

## §. L X X V.

Exequendis consiliis his Ludovicus properavit ad Rhe-<sup>Gesta</sup> num, ubi eo absente copiis præfuerat Thungius. Munitis hic <sup>ejus in</sup> Alsatia prope Lauterburgum se continuit castris, quæ pontis Rhenani ope Stohovienſe defendebant vallum, hostibusque claudabant. Villarsius cum Marſinio a Mosella redux, Thungium loco pellere decrevit. Hoc frustra cum tentasset, Rhenum transivit ad Kehlam, die quinto Sextilis. Secutus eos Thungius, ad Stohovienſe vallum castra metatus est. Badensis ad exercitum redux, Vil-

Tom. III.

L I

„ Ne se reprochent - ils - point la manière indigne, dont leurs ecrivains  
 „ ont traité le Prince Louis de Bade? Prince aux sages conseils & à  
 „ la bonne conduite du quel, ils doivent tous les succès de leurs ar-  
 „ mes &c. „

(m) Literas Almeloï ad Ordines Fœderati Belgii de deliberationibus cum Ludovico habitis d. 29. Julii exhibet L A M B E R T Memoirs! Tom. III. pag. 499.

LUDOV.  
WILH.

larfium Bifchofsheimii in Ortenavia hærentem, aggredi statuit; sed ille, non expectato Germanorum adventu, in Alfatiam rediit. Ludovicus, Rheno prope Lauterburgum trajecto, expugnatoque Gallorum ad Pfaffenhovium & Moteram vallo, Septembri & Octobri menfibus, Drufenhemium atque Hagenoam in confpectu Gallici exercitus in potestatem accepit. Inde Fortalitium Ludovici laxa obfisione cingens, exercitum fuum ad utramque Rheni ripam per hyemem difpofuit. (n) Finita A. 1705. expeditione Ludovicus Heidelbergæ cum Marlboroughio multos habuit fermones. Hic deinceps Vindobonam profectus eft, bellicis ut intereffet confiliis. Ludovicus, a Moguntino Electore rogatus, ut idem iter fufciperet, iter reculavit. (o)

### §. L X X V I.

Reditus  
trans  
Rhenum.

Ineunte vere anni 1706. Villarfius & Marfinius magnis cum exercitibus in Alfatia comparuerunt, ut recuperato, quod Cæfarei fuperiore anno occupaverant, ad Moteram vallo, Fortalitium Ludovici obfisione liberarent. Badenfis mense Majo ad Marlboroughium jam literas dederat, quibus miferum exercitus fui,

(n) QUINCY *Hift. Militaire de Louis le Grand* Tom. IV. pag. 533. fq. DE LA

HODE *Hiftoire de Louis XIV.* Tom. V. pag. 441. *Theatrum Europæum*

Tom. XVII. Part. 2. pag. 12. RINCK *Vita Jofephi* Tom. II. pag. 50. feq.

(o) *Theatrum Europ.* loco alleg. p. 20.



omnium rerum penuria laborantis, statum exponit; non enim nisi sex mille armatis constabat. Subjungit, ad vicinos Principes Circulosque frustra se misisse nuntios, urgentes auxilia. Unde eo se necessitatis adductum, ut, relicta Alsatia, redeat trans Rhenum. (p) Ludovicus ergo ad hostis adventantis famam, Motera & Bischvilla relictis, Drusenhemium indeque trans Rhenum Stolhovam recessit. Paulo post Galli Hagenoam & Drusenhemium oppida, apparatu bellico omni instructa, cum insula Marchionatus, quam vocant, in potestatem redegerunt. Badensis, propter paucitatem suorum, reliquo ætatis tempore Stolhoviano se vallo continuit. Thungius quidem die 13. Sept. ad Philippiburgum Rhenum transivit, sed, nulla re gesta, mense Novembri in Germaniam rediit. (q)

## §. LXXVII.

De cunctatione Statuum Imperii in Comitibus Germanicis Iniqui de  
graviter conquesti sunt Batavi; saucium Ludovici animum delinimones.  
re studentes. (r) Et tamen Marlboroughius, ex Anglia Hagam

Tom. III.

L 1 2

(p) LAMBERTY *Memoires* Tom. IV. p. 60.(q) QUINCY *Hist. Militaire de Louis le Grand* Tom. V. pag. 51. seq. DE LA  
HODE *Hist. de Louis XIV.* Tom. V. pag. 493. *Continuation DE RAFFIN*  
THOMAS Tom. XII. p. 125.

(r) LAMBERTY loc. alleg. p. 45. &amp; 99.

LUDOV.  
WILH.

Comitum appellens, non occulte iniquos de eo sparsit sermones, (s) qui apud permultos sane fidem invenerunt. Non desuere, qui alieni ab Austriaca Domo animi Ludovicum accusarent, quod Bavari & Colonienfis proscriptionem, contra juris ordinem factam, improbasset. (t) Ludovicus, missis ad vicinos Imperii Circulos & ad Batavos literis, omnem suspicionem a se amovere laboravit, veramque infelicis expeditionis causam in rei militaris Germaniæ defectibus posuit; (u) quod etiam in literis, ad vicinos Electores & Ducem Wirtenbergæ datis, repetiit Palatinus Elector. (x)

#### §. L X X V I I I.

Causæ  
cunctationis.

Neque vero soli Ordines Imperii, sed & ipse Imperator, suo desuerunt officio. Hungariæ bello hic præsertim intentus, copias suas abduxerat Rheno; nonnisi duas ibi relinquens cohortes; (*Regimens*) ex fœdere sedecim mille armatos cum ibi alere debuisset. Invidiam facti tamen a se ut averteret, Rhenensem exercitum, omni apparatu bellico affluentem, ostentavit fœdera-

(s) *Theatrum Europ.* Tom. XVII. Part. 3. p. 176.

(t) LAMBERTY pag. 96.

(u) Exhibentur hæc literæ in *Theatro Europæo* loco alleg. p. 29. Adde LAMBERTY p. 98.

(x) *Theatrum Europ.* loco alleg. pag. 30.

tis. At Ludovicus sub finem hujus anni Janum ex Præfectis militaribus ad Batavos misit, qui de vero rerum statu eos doceret, omnemque sinistrorum eventuum causam illis bona fide exponeret. (y) Tarditate & negligentia Germaniæ Ordinum per biennium (1705. & 1706.) Mars quievit ad Rhenum. Suffecerat Cæsari, Ludoviciano ibi vallo Germaniam esse tutam a Gallis.

## §. L X X I X.

Tam dubii, tam iniqui fermones; tam multiplices rerum Obitus & Chara-cter. temporumque vicissitudines animum Ludovici & corpus affecerant. Reficiendis viribus Schlangenbadenses thermas iterum invisit. At redux, condito testamento, quo conjugii, liberis, Marchiæque prospexit, die 4. Jan. A. 1707. ætatis anno LII. Rastadii in Palatio suo decessit; in Ecclesia Collegiata Badensi majorum suorum cryptæ illatus. Heros sane dignus vita longiore, vita postremos per annos feliciore; imo vita longissima. Amplificator gloriæ Domus Badensis; verus rerum Germanicarum statutor ad Rhenum; ringente invidia. Inexpugnabile illud vallum ejus, quod a Philippopoli ad Stolhovam, a Stolhova ad Bühlam

Ll 3

---

(y) LAMBERTY *Memoires* Tom. IV. pag. 98. 99. Add. Literæ Ludovici ad Ordines Belgii, supra allegatæ, in *Theatre Europæo* Tom. XVII. Part. 3. pag. 39. & 30.

LUDOV.  
WILH.

& ad penetralia usque Sylvæ Martianæ Germaniam contra Gallos defendit, Ludovici opus est; quod ab initio belli usque ad mortem ejus impenetrabile, eo vix mortuo superatum a Gallis. Januario mense Ludovicus decedit; vallum Majo mense perumpitur; ipso vivo per tot annos invictum, & per illos quoque annos invictum, quibus dux caruit exercitu. Documentum, quod omnes Ludovicianæ gloriæ obtrectatores prosternit & æmulos. Illustis ille Domus Lotharingicæ heros; Carolus I V. Leopoldi Imp. affinis, an non gloriam, apud Danubium partam, ad Rhenum quoque imminuit. Marlboroughius audaci sua ad Danubium Bavaricum victoria tam elatus, ad Hungaricum progredi debuisset Danubium, ibique campos & fluvios, Ludovici Badensis victoriis signatos, computare.

### §. L X X X.

Virtutes  
ejus mili-  
tares.

**P**ræcipua ejus qui narraturus est gesta, inveniet Heroem, qui viginti sex bellicas expeditiones, viginti quinque urbium & castrorum obsidiones suscepit; qui tredecies aperto Marte conflixit; victor fere semper, nonnunquam æquo Marte, nunquam victus discessit: In castrametatione Pyrrhus alter & Cæsar, in quo magni exercituum duces, quod imitentur, inveniunt; inveniunt, quod discant. Postremis belli Germanici annis si visus est cunctari, id Ordinum, non Ludovici tribuendum est moræ. Cunctatorem sane non experti sunt Turcæ. In Hochstadiense præ-

lium si difficilior, quam duo ejus Collegæ, consensit, condonandum id Germanico Principi, propius qui introspexit periculum, cui exponebatur Germania, quam exteri, quos gloriæ cupido magis, quam Germaniæ incenderat amor. Ceterum prudentia & moderatio, clementia & humanitas, intemerata fides, promissorum sanctimonia, non fucatae fuerant Ludovici virtutes. Expers vindictæ, arrogantiae hostis, otii ac voluptatis contemtor, bello paceque magnanimus.

## §. LXXXI.

Domesticas ejus virtutes si spectes, matrimonium con- Domestic-  
cors, sobole fecundum, opibus felix & dives; opulenter quod  
esse debuerat, nisi in eriscenda hereditate Lauenburgica adversa-  
rios expertus esset, nimis potentes. Hi enim ex omnibus allodialibus  
Lauenburgicis bonis & terris, quæ sane permultæ, præter dimi-  
diam Lauenburgico - Bohemicæ successione portionem, uxori  
ejus nihil reliquerunt. Cæsarea connivebat Aula; quæ & in nono  
Electore erigendo & in Lauenburgica successione adjudicanda  
Hannoveranæ Domui nimis favere visa est, in detrimentum Ludovici  
Badensis; qui post tot victorias, pro Cæsare reportatas a  
Turcis, meliorem expectaverat sortem; & eo magis expectare  
debuerat, quod Hungariæ & Germaniæ invigilando salutis, ipse  
domesticas res suas neglexit, imo fere pessundedit. Christiano-

LUDOV.  
WILH.

rum hostes dum ille ad Danubium debellat, Bada & Marchia ab hostibus Germaniæ ad Rhenum rediguntur ad cineres. Tantus Heros caruit vitæ scriptore.

### §. LXXXII.

Uxor Lu-  
dovici.

Francisca Sibylla Augusta, Ludovici Guilielmi uxor, ex antiquo Ascaniorum, Saxoniae Ducum, sanguine die 21. Januar. A. 1675. patre Julio Francisco, Lineæ Ascanio-Lauenburgicæ postremo, prognata; Raudnizii in Bohemia die 27. Martii A. 1690. facta est Ludovici Conjux.

Succes-  
sio  
Lauen-  
burg.

Anno præcedente (1689.) decesserat pater; cujus hereditatem, difficultatibus obnoxiam, multi Proceres ambiverunt. Francisca Badensis nostra & soror ejus natu major, Anna Maria Francisca, quæ Philippo Guilielmo, Duci Neoburgico, dein Joanni Gastoni, Hetruriæ Principi, nupserat, omnem patris hereditatem petierunt; Lauenburgicum Ducatum non feudum, sed allodium esse dicentes; quod per Eilickam, filiam Magni, ex Billinganis Saxoniae Ducibus postremi, ad Ottonem Ballenstadii Comitem, Bernhardi, Saxoniae Ducis, avum pervenit. Lauenburgicus tractus dein, Bernhardo ereptus, post longa bella, cum Danis & Brunsvicensibus gesta, Friderici II. Imp. consensu, in Albertum, Bernhardi filium, anno 1227. jure perpetuo transivit.

### §. LXXXIII.

## § LXXIII.

Terras has, a Ducibus Lauenburgi, absque Imperato-  
rum præscitu, oppigneratas venditasque fuisse, constat exemplis. Baden-  
sum ra-  
tiones.  
Feudales Sigismundi, Caroli V. & insequentium Imperatorum  
Literas, vel ab ipsis Imperatoribus revocatas, vel ex errore, vel  
ob spem in Electoratu Saxonie aliquando succedendi a Ducibus  
acceptas, eam vim non habere, filie Principes contendunt, ut  
allodia in feudum commutent, sine agnatorum consensu. Ad-  
dunt; etiamsi habitum feudalem aliquandiu induisset Lauenburgi  
Ducatus, allodiali ad Ascanios quum pervenerit jure, ex natura  
feudi, quod vocant, oblatis, post masculos extinctos, feminis suc-  
cessionem deberi. Evidens porro esse demonstrant, feudalibus  
illis tabulis Lauenburgicas omnes non comprehendi ditiones. Non  
comprehensas autem pristinam allodii fervare naturam, adeoque  
ad feminas transire heredes. (z) De Hadelie Terra, quæ pro-  
pe ostia Albis est, speciatim ostenditur, quod Lauenburgici Duca-  
tus partem illa nunquam constituerit; ut verum & separatum allo-  
dium a Lauenburgicis Ducibus constanter possessa.

Tom. III.

Min

---

(z) Rationes has & alias exponit Diatriba, A. 1757. impressa Rastadii, cui ti-  
tulus: *Gründliche Ausführung des Erbrechts beyder Sachsen-Lauenburgi-  
schen Erprinzeßinnen auf Lauenburg*, fol.

LYDOV.  
WILM.

Julius Franciscus, condito A. 1689. testamento, omnium allodialium bonorum & jurlum, speciatim Bohemicarum ditionum, terræque Hadeliae heredes scripserat filias. Lauenburgi Ducatum Principibus Anhaltinis, ut proximis agnatis & heredibus feudi destinavit. (a)

#### §. LXXXIV.

Baden-  
sium  
æmul.

Verum enimvero non pauci mox heredipetæ orti sunt, qui vel omnem successionem Lauenburgicam, vel ejus partem petierunt. Anhaltina Domus communem cum Lauenburgicis originem & renovata cum ultimo Duce A. 1678. successionis pacta allegavit. (b) Electoralis Saxonica Domus spem, a Maximiliano I. Imp. A. 1507. acceptam; a Leopoldo Imp. confirmatam; ut & pactum cum Julio Francisco A. 1671. initum, jura sua ut firmaret, produxit. At Ernestinæ Linæ Principes Maximilianum I. Imp. Linæ seniori, ante juniorem in Lauenburgicum Duca-

(a) Testamentum legitur in scripto allegato inter Documenta p. 35.

(b) LUNIG *Grundriss Europäischer Potentzen Gerechtsame* Tom. II. pag. 334. SCHWEDER in *Theatro Præteritionum* Tom. II. pag. 11. & ZSCHACKWITZ *Einleitung zu den vornehmsten Rechts-Ansprüchen derer geürten hohen Häuser in Europa* Tom. II. VII. Abtheilung pag. 438. sq. SCHILTERUS in *Dissertatione de Investitura Principum Imperii simultanea Domus Anhaltinæ succedendi jus impugnavit.*



tum succedendi jus tribuisse contenderunt. (c) Lineæ Zellenfis Brunfvico-Luneburgi Dux, Lauenburgicas ditiones, vetus Brunsvicensis Domus allodium, Henrico Leoni, Saxoniae Duci, injuste ereptum, postliminii jure vindicavit; quod jus, initis Lauenburgicos inter & Brunsvicenses Duces, pactioibus, seculo XIV. renovatum. (d) Luneburgico Guelpherbytanus se opposuit, ex linea seniore natus quod esset. (e) Mecklenburgi Dux ad successorium quoque pactum, Lauenburgicam inter & Mecklenburgicam Domos A. 1518. constitutum, provocavit. (f) Sunderburgici rami Holfatiae Dux, Christianus Rudolphus, Conjugem suam, Carolam Eleonoram, Francisci Henrici, Ducis Lauenburgici filiam, ultimi Ducis consobrinam, stipiti communi gradu propiorem, filiabus ejusdem Julii Francisci praefendam pertendit. (g) Gottorpiensis vero rami Holfatiae Dux Lauenburgicos octo vicos, de qui-

Tom. III.

Mm 2

---

(c) SCHWEDER in *Theatro Præteritum* Tom. II. pag. 442.

(d) LUNIG *Grundriss der Europäischen Potentzen Gerichte* loc. alleg. pag. 172. SCHWEDER loco alleg. pag. 110. Add. FRIDERICUS PHILIPP. STRUBE in *Prædictis Juris Brunsvicensis & Luneburgensis in Ducatum Saxo-Lauenburg*. Göttingæ editis A. 1754. Badenium argumenta confutare studet. Cap. VI.

(e) SCHWEDER loco alleg. p. 154.

(f) LUNIG loco alleg. pag. 183. SCHWEDER pag. 265.

(g) SCHWEDER pag. 230.

LUDOV.  
WILM.

bus cum Ducibus aluerat lites, repetiit. (h) Sed Hadeliae terram, Archiepiscopatus Bremensis domanium vetus, a Lauenburgicis Ducibus usurpatum, sibi vindicavit Carolus XI. Sveciae Rex, Archiepiscopatus, in Ducatum conversi, possessor. (i)

### §. L X X X V.

Rei  
eventus.

Cæsar die 5. Oct. A. 1689. ordinavit, Lauenburgicus Ducatus & Hadelia ut subjicerentur sequestro. (k) At Luneburgo-Zellenlis Dux, Circuli Inferioris Saxoniae copiarum Præfectus, præcavendis turbis; occupavit Ducatum, atque jus in eum sibi asseruit; Electoralis Saxoniae & Brunsvico-Guelpherbytanae Domuum jura denique, pactionibus, A. 1703. factis, in se suamque familiam transferens. (l) Lauenburgici Ducatus investituram Ludovico Marchioni se collaturum Cæsar promisit, simulac eundem ad Imperium rediisse constiterit. (m) Hadeliae Terram Aulicus Imperii Senatus A. 1701. filiabus adjudicavit. Carolum XII. Regem Sveciae, quamvis & ipse jus suum urferat, hac de re certiore reddidit Ludovicus, de generoso ejus animo persuasus; petiitque

(h) Idem pag. 110.

(i) Idem pag. 111.

(k) Instrumenta extant in scripto Bada-Badenium modo alleg. Documentorum pag. 106. fq.

(l) Transactiones hæc ibidem occurrunt pag. 64. fq.

(m) Literæ Cæsaris datæ die XVI. Julii A. 1690.

ab eo, ut ad obtinendam possessionem suam sibi præstaret auxilium. Cæsar ipse ad Sveciæ Regem se scripturum promiserat; (n) sed executio rei suspensa, ne Svecus offenderetur, quem sæderi pro asserenda Austriacis Hispania accessurum speraverat. Profligatis autem Caroli XII. rebus, Lauenburgici Ducatus investituram A. 1716. Hadelæ A. 1731. Electori Hannoverano Cæsar concessit; Marchionissa apud Cæsarem frustra querente.

Ad solas ergo patrimoniales Bohemicas terras relegate sunt heredes, quas nempe pater earum a matre sua, Anna Magdalena Poppelia de Lobkowitz, Comitis de Collovrat Zbinkonis vidua, acceperat, quæ A. 1668. decessit. Uxori Ludovici Dominia Schlackenwerd, Grofengrün, Theusing, Udrisch, Pürles, Podersamb, Tøpelsgrün, Hauenstein & Kupferberg obtigerunt; reliqua forori.

## §. L X X X V I

Francisca Sibylla A. 1703. die 31. Aug. Aschaffenburgi, ubi cum Marito, ob bellicas turbas, aliquandiu habitaverat, testamentum, Cæsare consentiente, condidit, eoque ordinavit, ut Bohemiæ hæc Dynastiæ, una cum clinodiis & jus in Lauenburgica allodialia, terramque Hadelæ, certis sub legibus transirent ad filios. Primogenitus omnem matrem solus adeat heredita-

M m 3

(n) Documenta idem Scriptum pag. 102. producit.

LUDOV.  
WILH.

tem; eoque deficiente, fratres postgeniti, ex ordine nascendi. Pater usque ad legitimam ætatem filii, ad quem successio pertinet, tutelam & usufructum habeat. Legitima ætas ex Bohemiæ legibus æstimetur. Quod si ex ejus matrimonio cum Ludovico Marchione masculi non superfuerint heredes, ex secundo vel tertio Ludovici matrimonio nati succedant. Horum omnium defectu hereditas omnis in Ludovicum conjugem cum liberrima transeat potestate, filiabus exclusis, quæ arbitrio patris aliquid ex bonis maternis, memoriæ causa, accipiant. Succedendi ratio eadem, quæ in Marchia, servetur. Marchiæ regimen qui adierit Princeps, ditiones quoque Bohemicas habeat. Filix Principes, ex quocunque Ludovici matrimonio natæ, mille quotannis florenos ex Bohemicis terris accipiant, donec vel matrimonio, vel aliter illis fuerit prospectum. Masculi si mascula sine pube decesserint, filix ex quocunque Ludovici thoro earumve liberi, in omnia Franciscæ bona succedant in capita, neque ad transversam lineam devolvatur successio, sed ad descendentes Ludovici maneat restricta. Alienatio omnis prohibita. Clerici a successione exclusi. Dominia, post testamentum conditum adquisita, iisdem legibus subjecta. Hæc funera Testamenti.

## §. LXXXVII.

Codicill. **T**riginta post annos (1733.) die 20. Aprilis Tabulis his Franciscæ Sibylla Codicillos adjecit Etlingæ, quibus pleraque

denovo confirmata sunt capita; nonnullis mutatis. Bona nimirum, quæ ipsa Lauenburgo-Bohemicis suis emtione adjecit, eadem primogenituræ & substitutionis juri subiecta, ut & reliqua, quæ ex Lauenburgica successione unquam possent provenire. Princeps regens masculam si non habuerit sobolem, postgenitus ad propagandam stirpem matrimonium ineat cum Principe aut Comite, Romanæ religioni addicta; cujus filii ad Ecclesiastica Germaniæ Collegia possint admitti. Postgenitus, a die connubii, ex redditibus Bohemicis decem mille florenos annuatim accipiat. Bada-Durlacensis linea, a substitutione exclusa, Codicillo admittitur. Durlacensis nempe ille, ad sacra Catholica qui transiture sit, Princeps, filiosque in eadem religione educari curaverit, vel qui ex pluribus, Catholicæ religioni addictis, jure primogenituræ propior, in Bohemica Dominia masculis Bada-Badensium succedat; ita tamen ut Principibus ejusdem senioris Linæ feminis, quæ fuerint superstites, ducenta florenorum millia intra octo annos persolvat. Fideicommissi Leges, Franciscæ descendentibus scriptæ, in Catholica quoque Durlacensium linea, si quæ oriatur, obtineant. Quod si Durlacensis, religioni Romanæ addictus, non adsit, vel si linea ejus extincta, aut sacra ille Catholica mutet, succedat Maria Anna, Franciscæ Sibyllæ ex Anna Maria Franciscæ sorore neptis, Palatino-Neoburgica, ejusque masculi heredes, ex matrimonio cum Ferdinando, Bavarie Duce, prognati. Princeps Bavarus, Catholicæ Durlacensi linæ

LVD. V.  
WILH.

succedens, Principibus filiabus Catholicis centum florenorum millia intra quadriennium persolvat.

### §. LXXXVIII.

Obitus &  
elogium.

Post conditos Codicillos Francisca Sibylla Augusta decessit Etlingæ, die 10. Julii 1733. indeque translata Rastadium, in Ecclesia Palatii sepulta est. Herois, animo & corpore valida, dignitate & pulcritudine oris vix ulli secunda; tanto digna marito, per totos viginti annos tutelam filiorum ac Principatuum regimen prudenter ac fortiter gessit; eoque deposito, reliquum vitæ suæ sexennium tranquilla transegit Etlingæ; patrimonio Domus Badensis non parum adaucto. Rastadiense Palatium, quod ipsa absolvit, ornamenta ei & pretiosam supellectilem debet. Rastadii Oratoria duo, Divæ Virgini sacra, extruxit; quorum alterum Lauretani, alterum Einsidlenfis Delubri exhibent formam. Duorum millionum, quibus onerata fuerat Marchia, summam, ex Badensibus & Bohemicis suis redditibus, solvit; non neglecto tamen Aulæ splendore.

Augendis Comitatus Spanheimensis viribus, Martensteinii Præfecturam ad Navam a Schœnborniis comparavit Comitibus. Alteram Badensium Cunigundam & Mechtildem dixisses, sororis suæ, Anæ Mariæ Franciscæ, imitata si fuisset exemplum; Domuique Badensi, ut illa Bavaricæ, omissa substitutione, suas terras legasset.

§. LXXXIX.

## §. LXXXIX.

Numerosa ex ea soboles prodiit, cujus pars maxima Liberi:  
præcoci abrepta est morte.

1. Leopoldus Wilhelmus, natus 28. Nov. A. 1695. die 16. Maji  
A. 1696. decessit.
2. Charlotta, nata 2. Aug. 1696. † 16. Jan. A. 1700.
3. Carolus Josephus, natus 30. Sept. A. 1697. † 9. Mart. A. 1703.
4. Wilhelmina, nata 4. Aug. A. 1700. † 16. Maji A. 1702.
5. Ludovica, nata 8. Maji A. 1701. † 23. Sept. A. 1701.
6. Ludovicus Georgius Simpertus, natus 7. Junii A. 1702. Patri  
A. 1707. sub tutela matris successit.
7. Wilhelmus Georgius Simpertus, natus 5. Sept. A. 1703. † 16.  
Febr. A. 1709. Marchionum Badensium sepulcra in Eccle-  
sia Collegiata Badensi A. 1754. cum aperirentur, reperta  
est crypta & sarcophagus formæ minoris, qui Principis  
hujus, in tenera ætate defuncti, ossa custodit.
8. Augusta Maria Johanna, nata 11. Dec. A. 1704. Ludovico,  
Aurelianensium Duci nupsit A. 1724. Pacta dotalia Rasta-  
dii die 12. Jun. confecta sunt. Trigiuta millia librarum Tu-  
ronensium ei promissa in dotalitium. Donatio propter  
nuptias doti æquata. Dos autem 20000. florenorum ex  
testamento patris assignata est sponse, quæ vicissim here-

LUDOV.  
WILH.

ditati tam paternæ quam maternæ, in favorem utriusque lineæ Badensis, solenni iurejurando pro se & heredibus renunciavit. Ducissa Aurelianensis vidua, sponsi mater, una cum filio sponso renuntiationi consensit. Sponsalia Rastadii die 10. Julii; nuptiæ die 13. Julii celebratæ sunt Sarrii (*Sarry*) prope Catalaunum; brevi duraturæ. Post biennium enim Augusta Maria die 8. Aug. A. 1726. in puerperio decessit, mater Ludovici Philippi, hodierni Aurelianensis Ducis, cui avia Francisca Sibylla decem mille florenos legati nomine per Codicillos reliquit.

9. Augustus Georgius Simpertus, natus die 14. Jan. A. 1706. Ludovico Georgio fratri A. 1761. in Marchia superiori successit, hodieque superstes.





# CAPUT XI.

## LUDOVICUS GEORGIUS

A. 1707 — 1761.



## §. I

Ludovicum Guilielmum, Martis studiis de-  
 ditum, filius pacis cultor excepit, Lu-  
 dovicus Georgius; bellicos inter tumult-  
 tus natus, bellicis turbis, dum regeret, non raro agitatus; qui  
 non tam longævitate vitæ, quam diuturnitate regiminis, reliquos  
 omnes Marchiones superavit; Bernhardum & Wilhelmum si ex-  
 cipias Marchiones. (a) Prodiit in lucem Etlingæ A. 1702. die  
 7. Junii, & nondum quinquennis A. 1707. patri successit.

Tom. III.

N n 2

---

(a) Bernhardus L. per LIX. Wilhelmus per LV. annos Marchiam rexerunt.

LUDOV.  
GROSS.  
Tutela  
ejus.

Tutelam ejus mater suscepit, cui Johannes Wilhelmus, Palatinus Elector, & Leopoldus, Lotharingiæ Dux, ex testamento patris tutores sunt additi, quos Josephus Imperator die 27. Junii A. 1708. confirmavit. Mater, virilis animi femina, per totos XIX. annos Marchiam filii nomine rexit; restituendæ æconomicæ rei, cui maritus prospicere non potuerat, præsertim intenta.

### §. I I.

Divisio  
citer,  
Spanh.  
Comitat.

Primis temporibus susceptæ tutelæ de Citeriore (*Vorderen*) Spanheimensi Comitatu cum Electore Palatino transactionem inivit. Portio hæc Spanheimensis Comitatus jam a seculi XV. temporibus Palatinos inter atque Badenses fuerat communis. (b) Ex quinque illius partibus duas tantum Marchio Badensis, reliquas Elector Palatinus in commune possedit. De abroganda hac communione, perpetuarum litium materia, non semel deliberatum. Res agitata præsertim sub Ludovico Guiljelmo. Instituti A. 1702. Crudenaci & A. 1706. Francofurti Conventus. Denique post ejus obitum die 24. Aug. 1707. facta est Crudenaci divisio, quam Johannes Wilhelmus Elector & Francisca Sibylla Augusta per legatos Francofurti firmarunt. Divisione hac Comitatus Citerioris tres partes ad Electoratum Palatinum spectantes, a duabus Badensium partibus in perpetuum distinctæ

(b) Vide supra Tom. II. pag. 112. 113.

atque separatæ fuerunt. (c) Imperii Circulique onera ad pristinam communionis normam porro pendantur. Duas quintas Badensis, tres Palatinus perfolvat. Titulus & Insignia utrique communia sint Domui. Simultanea, quam vocant, religionis forma, in pristino permaneat statu. Beinheimensis transactio, sub Bernhardo Marchione A. 1425. condita, (d) porro persistat.

## §. III.

Fridericus Magnus, Durlacensis Marchio, divisioni quo-<sup>Varia.</sup> que huic subscripsit; cujus morte, paulo post infecta, Senioratus Domus Badensis, apud Durlacenses tum subsistens, ad Ludovicum Georgium, ex pacis Westphalicæ formula, pervenit. (e)

## Nn 3

(c) In Divisione Elector Palatinus accepit loca, quæ sequuntur: *Crucnacum, Boffenheim, Schwabenheim, Oberhilbersheim, Zotzenheim, Langenlozheim, Güttingen, Hackenheim, Laubersheim, Siffersheim, Wellstein, Grumbheim, Pleitersheim, Wadesheim, Hargesheim, Roxheim, Weinsheim, Treysen, Guttenberg, Sponheim, Bocknau, Auen, Praunzeiler.* Domus Badensis pro duabus quintis partibus sequentia loca obtinuit: *Præfecturas Kirchberg, Koppenstein, Naumburg.* Ex Præfectura Cruccenacensi vicos *Spreudlingen & S. Johannis.* Ex Præfectura Simmerensi vicum *Deutzen* & partem Electoralem vici *Reickerhausen.* Ex Præfectura Germersheimensi vicum *Nemburg-Weyer.*

(d) Vido Tom. II. pag. 113.

(e) Adi vitam Wilhelmi Marchionis §. 12.

LVDGV.  
GREGO.

Inter hæc bellum, seculi hujus initio cœptum, maximam Europæ partem suis furiis divexans, vallo Stothovienfi everfo, præ aliis vehementius afflixit Marchiam; irruptionibus bellicis femper quæ patuit prima. In publicis ergo Germanorum Comitibus A. 1708. decretum, ut ea ab omnibus Circulorum & Imperii oneribus, bello durante, perfet immunis. (f)

#### §. I V.

Pax Ra-  
ftad.

Continuatus est status hic rerum ad annum usque 1713. quo Germanica Bellonæ teda, quæ sola adhuc ardebat, in ipfo Badenſium ſinu cœpit extingui. Raſtadienſe Palatium, Pacis Riſviciſis partus, reſurgente mox bello, inter incendia ejus fortiter continuatum, tandem pacis, apud Germanos quoque reducendæ, templum evaſit. Anglia, Batavia, Portugallia, Sabaudia, Pruſſia A. 1712. menſe Aprili arma ſua contra Galliam depoſuerunt Trajeſti ad Rhenum. Sola in bello perſiſtit Germania, quæ & ipſa tandem, Landavia ac Friburgo expugnatis per Gallos, ſe inclinavit ad pacem. Conciliatores ejus Raſtadium, ut fundamenta ibi jacerentur, elegerunt. Eugenius atque Villarfius (g) exer-

(f) *Electa Juris Publici* Tom. V. pag. 161.

(g) Villarfii literas ad Marchionem Tutricem, die 23. Nov. Argentorati ſcriptas, vide in *Electis Juris Publici* Tom. VI. pag. 34.

cituum hostilium ductores, in Palatio Marchionis convenere die 26. Nov. 1713. ibique die 7. Martii anni sequentis præcipua pacis capita, *Præliminaria* quæ vocant, definierunt. Dignum, Ludovicus Wilhelmus, ante septennium defunctus, cui interesset spectaculum. Mense Septembri ejusdem anni (1714.) Badæ Helveticæ perfecta est pax; ab iisdem belli ducibus, Cæsaris & Galliæ Regis nomine signata; per viginti annos duratura ad Rhenum, quo felici temporis spatio Marchio noster, res suas ordinare, perolvere debita, omniaque in meliorem statum, quam fuerat unquam, reducere fategit.

## §. V.

De pace dum tractaretur Raftadii, Rodemacherana apud <sup>Dynastia</sup> <sup>Rode-</sup> <sup>mach,</sup> Luxenburgicos Dynastia magnam rerum conversionem experta est. Dynastiam hanc, quæ cum bonis adjunctis, sæculi XV. fine, Christophoro Marchioni a Maximiliano Imp. collata, (h) sub Hispaniæ Regum, ut Luxenburgi Ducum, imperio constanter a Badensibus possessa, Fiscus Regius apud Metenses A. 1713. die 5. Dec. Galliæ Regno addixit; contendens, Dynastiam Theodonis-Villano Judicio subjectam, post Ludovici Guilielmi, Marchionis, in Gallia nati, obitum Albinagii jure pertinere ad Fiscum, quod filii Marchionis extra Galliam geniti, pro Albinis habendi,

---

(h) Adi Tom. II. pag. 252.

LUDOV.  
GEORG.

qui Dynastiæ in Gallia possidendæ incapaces. Ludovici Georgii tutrix non Metis tantum, sed & apud Regem hac de re frustra movit querelas. Ad Helvetio-Badensem Pacis Convēntum res fuit delata. Badensia in Rodemacheram jura Legatis Cæsareis inter Pacis tractandæ negotia, scripto exposuit Tutrix.

### §. V I.

Pax Ba-  
denſis.

Pax hæc aboluit, quæ durante bello facta sunt, ac Rodemacheræ Dynastiam terrasque inde pendentes, ad Pacis Rîſſi-  
censis formulam, restituit Badenſibus. (i) Manſit tamen Theo-  
donis-

- 
- (i) Art. XII. Pacis Helvetico-Badenſis hæc leguntur: „ Sacra Regia Maje-  
 „ ſtas Chriſtianiſſima promittit non minus Sacræ Cæsareæ Majeſtati &  
 „ Imperio ſeſe reſtituturam omnibus Imperii membris, Clientibus &  
 „ Vaſallis, Eccleſiaſticis & ſecularibus, nominatim Eleſtori Trevirenſi,  
 „ . . . utrique Domui Badenſi & generaliter omnibus, pace Rîſſiſſi  
 „ comprehenſis, licet hi ſpeciatim expreſſi non fuerint, quæcumque  
 „ territoria, Civitates, loca & bona, quæ proxime præterito bello aut  
 „ ejus occaſione, ſive armis, ſive conſiſcatione aut alio quocunque  
 „ modo, Paci Rîſſiſſi contrario, occupaverit, quamvis hoc tracta-  
 „ tu nominata non ſint, uti & plenarie & accurate executuram omnes  
 „ conditiones & Clauſulas pacis Rîſſiſſi, quibus per præſentem  
 „ Tractatum expreſſe derogatum non eſt, ſi quæ poſt concluſam dictam  
 „ pacem Rîſſiſſi executione caruarint vel poſtea mutatz fuerint.  
 „ Add. Art. XXV. „

donisvillanæ jurisdictioni subiecta; & ab iudicio hoc ad Regium Metensem Senatum (*Parlement*) provocatio fit. A longo jam tempore Galliæ Rex veteranorum militum præsidium Rodemacheræ tenet.

Ex ejusdem Instrumenti Pacis decreto propugnacula, e regione Huningæ, in dextra Rheni ripa & insula, ut & Sellingenfæ, aliaque Ortenaviæ munimenta, in Badensi ditione exstructa, æquata sunt solo. Terræ cum ædificiis restitutæ sunt Domui Badensi. (k)

## §. VII.

Publica quiete utrique Marchiæ restituta, forenses cum Monasterio Albæ Dominarum Marchioni exortæ sunt lites. Illæ

Lites  
cum Al-  
bæ Do-  
minab.

Tom. III.

Oo

- 
- (k) Art. VIII. hæc verba habet: „ Curabit Rex Christianissimus suis impensis  
 „ solo æquari munimenta, e regione Huningæ in dextra ripa & insula  
 „ Rheni exstructa; similiter, & qui illic est, pontem Rheni, fundo cum  
 „ ædificiis Domui Badensi reddendo. Destruentur eadem ratione mu-  
 „ nimenta, cum Sellingenfæ, tum alia, in insulis inter illud & Fortaliti-  
 „ tium Ludovicianum sitis, facta, uti & pontis pars, quæ ducit a Sel-  
 „ lingenfi ad Ludovicianum, & quod e regione Ludoviciani in dextra  
 „ Rheni ripa constructum est, a neutra parte deinceps reparanda, fun-  
 „ do pariter cum ædificiis Domui Badensi restituendo. Fortalitium  
 „ Ludovicianum vero & insula penes Regem Christianissimum perma-  
 „ nebit. „

LYDOV.  
GEORG.

enim absque præfatu & consensu ejus, Mariam Gertrudem Ichtersheimiam A. 1715. sibi Abbatissam elegerunt; quæ, spretis Badensium mandatis, libertatem monasterii, seculo superiore magnis motibus agitatum, reducere studuit. Rejuncta a Monialibus transactio, quam cum Wilhelmo Marchione A. 1655. iniverant. (l) Lis ad Cameram Imperii A. 1722. delata. Tutrix eodem anno Mandatum, quod vocant, pœnale, contra eas impetravit. Sed & hæ causam suam fortiter scriptis egerunt. Lis durat hodieque. (m)

#### §. VIII.

Cum  
Schwarz-  
zac.

Isdem temporibus contentio cum Schwarzacensi Benedictinorum Abbatia recrudit. Marchio A. 1721. nuptias Vindobonæ celebrans, Cœnobitis, eorumque subiectis, supplicationem indixit. Abbas indictionem rejecit, nonnisi Advocatiæ Ecclesiasticæ jura tribuens Marchioni. Hic eodem anno Cameræ Imperialis sibi prospexit Mandato, quo Monachis interdictum, ne in exercitio Suprematus turbarent Badensem. Lis in Camera magno utrinque instaurata ardore. Marchioni A. 1726. die 20. Sept.

(l) Vide supra p. 121. sq.

(m) Badenses A. 1723. die 17. Julii Cameræ Imp. Commentarium exhibuerunt, cui titulus: *Supplicatio pro mandato penali de non amplius denegando domino suo territoriali Et Advocato Ecclesiastico solitam Et ab immemoriali tempore præstitam obedientiam Et.*



injunctum, decisionem litis ut expectaret tranquille. (u) Et hæc lis in Camera pendet.

## §. I X.

Ab altera Rheni parte, in Tractu Hunnorum quem vo-  
cant, cum Birckenfelda - Palatino Comitæ de Spanheimensi Co-  
mitatu contentiones exortæ sunt. Wolfensis Cœnobii, pridem  
seculo additi, reditus, ut & jus circa sacra, in ulteriore (Hinde-  
ren) Spanheimensi Comitatu Birckenfeldensis sibi soli, Badensi-  
bus vindicavit exclusis. Tutrix cum filio Marchione, recipiendi  
homagii, ut & Pacis Castrensis jurandæ causa, (o) A. 1717. se  
contulit Trarbacum; quod ejusdem Comitatus oppidum est. Oc-  
casio tum nata, ut de Comitatus divisione cum Birckenfeldensi

Tom. III.

O o 2

- (a) Schwarzacenses A. 1728. ediderunt Librum, cui titulus: *Alteuassige Ge-  
schichts-Erzählung in Sachen Hochfürstl. Durchl. Herrn Ludwig Georg  
Marggrafen zu Baden - Baden contra Herrn Abten und Convent des Clo-  
sters Schwarzach, Benedictiner Ordens &c. &c.* Scriptum hoc Collectio-  
ni suæ inseruit Auctor *Scriptorum J. P.* Tom. XXXVII. seq. Badenses  
A. 1730. opposuerunt Diatribam hoc titulo: *Species facti cum extractu  
actorum prolixo Et candido deductioneque juris &c.*
- (o) Cerimonia hæc bellicas ob turbas dilata, A. 1717. suscepta est, quod hoc  
ipso tempore Christianus III, Comes Palatino - Birckenfeldensis patri suo  
Christiano II. successit.

LVDOV.  
GEORG.

præfente tractaretur, qui a consilio hoc se non alienum ostendit. Sed de modo divisionis quum conveniri non posset, perspecta rei difficultate, abruptum est divisionis negotium; quam antiquis Domus utriusque pactis, Pace Westphalica annoque decretorio firmatis, adversari Birckenfeldensis contendit. (p) Cæsar tamen A. 1723. eidem injunxit, divisioni ut concederet locum. Sed, intercedente apud Cæsarem Evangelico Corpore, res caruit successu. (q)

### §. X.

Gravamina  
reli-  
gionis.

Durante hoc negotio, in eodem ulteriore Spanheimensi Comitatu gravamina contra Badensem prodierunt, quæ Christianus III. Birckenfeldensis ad Corpus quoque Evangelicum detulit. Eodem fere tempore Citerioris Spanheimensis Comitatus, ut & Dynastiæ Malbergenfis incolæ, Protestantium sacris addicti, de violatis suis juribus protulerunt querelas. Evangelicis satisfacturus Cæsar, Tutricem Badensem A. 1722. hortatus est literis, ut gravaminibus abolitis; in eum, qui ante Pacem fuerat, statum

(p) Prodiit tom liber: *Fakti Species und Deduktion, woraus erhellt, daß Christianus III. Pfaltzgraf zu Birckenfeld in die Abtheilung der mit dem Fürstl. Haus Baden-Baden in Gemeinschaft besitzenden Niedern Grafschaft Sponheim nicht zu willigen vermöge.*

(q) Literas Corporis Evangelici die 29. Aprilis 1724. datas exhibet SEMAU-  
NOTH Conclisor. Corp. Evangel. Tom. III. pag. 632.

res illas reduceret. Neque tamen hic finis querelarum, quas sub Ludovici quoque Georgii regimine eidem Evangelici non semel repetierunt. (r)

## §. X I.

Eadem tempestate (1722.) cum Equestri Immediatorum Nobilium Ortenaviæ Ordine, ratione feudorum, aliorumque bonorum, Matriculæ Equestri inscriptorum, inita est transactio. Quam autem novæ identidem lites essent exortæ, facta denique A. 1755. nova transactio, vi cujus certam pecuniæ summam Marchio Ordini quotannis promisit ratione bonorum, ab eo possessorum, quæ Ordinis Equestris matriculæ inscripta sunt.

## Oo 3

- (r) Gravamina Protestantium utriusque Spanheimensis Comitatus A. 1715. sqq. mota, vide in *СМЕРДОВИ* Tom. II. pag. 748. 755. 840. Tom. III. pag. 76. *Malbergensis* Tom. III. pag. 83. & 154. Intercessionibus Evangelici corpora intuitu gravaminum Martinsteinsium ob bona Ecclesiastica, Protestantibus oblata, & simultaneum introductum A. 1729. seqq. extant ibidem Tom. II. pag. 151. seq. & Tom. III. pag. 152. Contra Gravamina Malbergensia Badenses ediderunt Diatribam, cui titulus: „Wiederlegung der Religions-Klagden, welche von denen Unterthanen der Herrschaft Malberg wider das Fürstl. Hanfs Baden-Baden bey dem Reichs-Convent zu Regensburg vorgetragen worden. „ In scripto hoc contendunt Badenses, ad A. 1624. quem Pax Westphalica religionis normam intulit, non obligari Marchionem; qui ex sententia Cæsaris & ex amnistia restitutus, jus liberum reformandi conservaverit.

LUDOV.  
GEORG.

Confirmata quoque denuo jura reciproca, antiquitus observata. Sed & liberum Marchioni est, Equestribus interesse Conventibus suumque suffragium in iisdem per Nobilem immediatum exercere.

### §. XII.

Ludov.  
regimen  
adit.

Adolevit inter hæc apud patrios lares Ludovicus Georgius. Advenerat tempus, ut exterorum quoque populorum cognosceret mores. Primum iter A. 1718. suscepit ad Batavos; anno sequente Italiam, A. 1721. varias Principum Germaniæ Aulas adivit. Ætatem legibus definitam cum A. 1727. die 7. Junii attigisset, Marchiam ipse regere cœpit.

Dignit.  
militar.

In Militia Cæsarea in Cohortis (*Regiment*) Badensis Præfectura patri successit. Per gradus militares dein altius ascendit. Tormentariæ rei in Svevico Circulo denique præfectus est, quam dignitatem in sua quoque Militia Imperator, Imperium & Imperatrix eidem contulerunt. Aurei Velleris Equitem Carolus VI. A. 1732. Marchionem nostrum constituit.

### §. XIII.

Bellum  
Polon.

Anno sequente Polonica electio Regis, post Augusti II. excessum, non modo apud Polonos, sed & apud Germanos bellum suscitavit ad Rhenum. Vim Stanislao Regi, socero suo, a Russis illatam, Ludovicus XV. vindicaturus armis, Carolo VI. Imp. fœ-

derato Russorum intulit bellum. Kehlâ mense Octobri A. 1733. oppugnata & capta. Ludovicus Georgius, injuriis bellicis Rastadii expositus, ad Bohemos suam transtulit sedem, Schlackenwerdæ belli finem expectaturus.

Inter ipsos hos motus Marchio Hesperingæ Dominium, in Hespe-  
Luxenburgico Ducatu, a longo jam tempore oppigneratum, <sup>ring.</sup>  
A. 1734. redemit ac Rodemacheræ fure reddidit. Legatus ab eo missus est Metas, qui utriusque Dynastiæ, Rodemacheræ nimirum & Hesperingæ, investituram a Curia suprema ejus nomine accepit.

#### §. XIV.

Redux in Marchiam, promovendis ibi literis, Collegium <sup>Piarum.</sup>  
Piarum, quas vocant, Scholarum A. 1736. pro duodecim Sodalibus Rastadii instituit; Palatio vicinum. Assignata eis annua 1700. florenorum pensio; ex Schlackenwerdanis, reliqua ex Badensibus solvenda redditibus. Viginti duo post annos in Spanheimensi quoque Comitatu eorundem Sodalium Kirchbergæ constitutum est Collegium minus. Josephus Cafalanzius, (s) in Regno Aragoniæ natus Peraltae A. 1556. ex nobili gente Sodalitatis, est auctor. Romæ cum viveret, Doctrinæ Christianæ Congregationi, quæ vocatur, se junxit, atque ad pueros a tenera ætate in rebus, ad vitam socialem pertinentibus, instituendos, se applicuit, sub

(s) Nonnullis Cafalanzius.

LVDOV.  
GEORG.

Clemente VIII. Paulus V. A. 1617. institutum hoc in Congregationem convertit; quæ *Paulina* dicebatur. Gregorius XV. A. 1621. Societati huic *Congregationis Clericorum Regularium Pauperum Matris Dei Scholarum Piarum* imposuit nomen. Alexander VII. A. 1656. secularem ei reddidit statum, quem ab initio habuerat. At A. 1669. Clemens IX. regularem apud eos ordinem reduxit. Nudis pedibus aliquandiu incedebant. Alexander VIII. A. 1690. usum hunc ~~mut~~ tulit. Vestitus eorum Jesuitico similis. Pontifici Romano sine medio subiecti sunt. Disciplina eorum salutaris & utilis fecit, ut brevi tempore in orbe Catholico se late extenderent. Puerorum scholis enim humaniorum quoque literarum & philosophicas tandem scholas addiderunt. (t) In Ordinum Mendicantium classe censentur.

### §. X V.

Pax  
Aquis-  
gran.

In Pace Aquisgranensi, qua cruentum illud septennale de successione Austriaco-Germanica bellum A. 1748. compositum est, Electori Hannoverano promissa cum fuisset Germanicarum ejus ditionum securitas, (u) Ludovicus Georgius ratione juris sui in Lauenburgicum Ducatum A. 1749. in Comitibus sibi intercedendum puta-

(t) De Vita Josephi de Casalanz, extat liber singularis Gallice scriptus. Add. PHILIPPUS BONNANI in *Catalogo Ord. Relig.* Part. I. HELVET *Histoire des Ordres Monastiques* Tom. IV. Cap. 39. pag. 252.

(u) Articulo XX.

putavit. (x) Intercessio aliis quoque repetita temporibus. (y)

A. 1752. Marchio noster solennem ditionum & jurium suorum investituram ab Imperatore Francisco I. accepit; annoque seguente Ecclesiam Collegiatam Badensem, a Jacobo I. Marchione institutam, sed A. 1689. hostili combustam incendio, splendide suis sumptibus restituit.

## §. X V L

Decreverant A. 1754. Sveviæ Ordines, ex Kehla, munimento Imperii, ut deducerentur præsidia. Ludovicus Fürstenbergius, Kehlæ Præfectus, ad Comitia Imperii scripsit, æquanda esse solo munimenta & ædificiorum residua Philippiburgum transferenda, ut reparandis ibi rebus servirent. Ludovicus Georgius, post deducta Imperii præsidia, suo milite Kehlam firmavit, atque Fürstenbergii consilio se in Comitibus opposuit; sua in munimentum hoc dominii jura defendens.

Paulo post manifestarunt se Ortenaviæ turbæ. Zellæ ad Hammersbacum, quæ libera est Imperii in Ortenavia Civitas, Præfecturam agnoscens, incolarum contra magistratus seditio A. 1760. orta est. Marchio, ad quem, ut Ortenaviæ Præfectum,

Tom. III.

P p

(x) *Statuta Juris Publici* Tom. XXI. Cap. 10. §. 2. p. 375.

(y) A. 1750. 1751. 1753. 1757. 1761. Saxoniz Electori quæ A. 1750. opposuerit Marchio, vide in *Statutis Juris Publici* Tom. XXIII. Cap. 3. §. 6. p. 120.

LUDOV.  
GEORG.

tutela loci spectabat, gravibus literis vim omnem interdixit, missisque Gengenbacum, quod Zellæ vicinum Præfectoriale quoque Ortenaviæ oppidum est, militibus, per legatum seditiosis injunxit, ut arma deponerent, atque ad pristinum Magistratus sui redirent obsequium. Redierunt tandem; abductæ sunt copiæ; Civitas suæ reddita quieti.

### §. XVII.

Obitus &  
sepultura.

Post diuturnum regimen LIV. annorum, quos inter viginti fuerunt bellis turbati, Ludovicus Georgius, pectoris hydrope laborans, A. 1761. die 22. Oct. decessit; in Collegiata Badensi, quam splendido Parentis sui Herois monumento ornavit, apud Majores sepultus.

Chara-  
cter.

Princeps sine furo bonus, beneficus, mitis, moderatus, & justus, sobrietatis ac temperantiæ amans, castus; voluptatis & deliciarum ignarus; fallere nescius; in amicitiiis constans, factus & arrogantiae osor; quæ vera ejus, non ficta, imago. Studiis Dianæ, præ omnibus, ad finem usque vitæ, indefinenter, vel inter morbum addictus; silvas, saltus & nemora amoenissimis hortorum viridariis, uti cibos obvios dapibus Saliaribus, nunquam non prætulit. Et tamen Aula ejus fulgens semper ac splendida fuit; qualis Principem, tantis majoribus ortum, decebat. Forina corporis proceram inter & humilem media fuit. Ex ore & oculis affabilitas ejus & clementia exiit. Rastadium



ædificiis publicis, non paucis, adauxit. Palatium æstivum, quod *Favoritam* appellant, leucæ spatio Rastadio distans, ad Italicæ elegantiae formam a Matre exstructum est, vera Dryadum fedes, vicina Erebo.

## §. XVIII.

Bis maritatus fuit Ludovicus Georgius. Prima ejus uxor <sup>Uxor. & liberi.</sup> fuit Maria Ahna, Adami Francisci Caroli, Principis Schwartzbergici, filia, quæ lucem aspexit die 25. Decembris 1706. nuptias celebravit die 18. Aprilis 1721. mortua die 12. Januar. 1755. Princeps, forma corporis & animi præstans. Ex matrimonio hoc prodierunt:

1. Elisabetha Augusta Francisca Eleonora, nata die 16. Martii A. 1725. ex liberis patri sola superstes; patris effigies & imitatrix virtutum. Hæc accipiet ducenties mille florenos, pro illis Bada-Badensium allodialibus bonis, in quæ illa aliquid juris, mortuo parente, habere potuisset. Conventio hæc facta est, vivo parente.
2. Carolus Ludovicus Adamus, natus die 25. Aug. 1728. qui A. 1734. die 6. Julii sexennis decessit.
3. Ludovicus Georgius Johannes Nepomucenus Bernhardus Wenceslaus, natus 11. Aug. 1736. qui anni sequentis die 11. Martii abiit ad plures.

LVDOV.  
GEORG.

Extincta Schwarzenbergica Principe, Marchio viduus Mariam Josepham Annam Augustam, CAROLI VII. Imp. filiam, nuptiis secundis sibi conjugem adjunxit. Hæc nata 7. Aug. 1734 nupta 10. Jul. 1755. sobole caruit, superstes marito, Edlingam vidua sibi sedem elegit, ubi focus ejus, postremis vitæ suæ annis, vixit & decessit; ubi maritus primam lucem aspexit. Princeps religiosa, scientiarum amans; historicæ doctrinæ a teneris imbuta; Augustæ Domus suæ vicissitudines, prærogativas & illustria fata præ aliis cognoscens.



## CAPUT XII.

## AUGUSTUS GEORGIUS

AB A. 1761. REGNANS.



## §. I.

Ludovici Wilhelmi natu junior filiorum, Augusti <sup>Augusti initia.</sup> Georgius, Rastadii die 4. Jan. A. 1706. in lucem editus; patrem anno infrequenti amisit. Destinatus Ecclesiae in Cathedrali Colonienfium receptus est Chorum die 10. Apr. 1726. Biennio post inter Augustanae Ecclesiae Domicellares cooptatus. Musis litaturus, profectus est Senas Julias, (*Siena*) quae amoenissima Etruriae Civitas, literis ornata; ibique plures commoratus per annos, sacris & secularibus studiis incubuit, ad annum usque 1730. quo mutavit consilium & subdiacconalem togam, quam eodem anno sumserat, commutavit cum saggo. Quinquennio post progressus est ad nuptias; Linea Badensis pluribus ut muniretur praesidiis.

AUGUST.  
GEORG.

§. I I.

Dignita-  
tes mili-  
tares.

**E**cclésiæ valedicens, honoribus militiæ pedetentim cum-  
latus est. Batavia, quæ Badensem Cohortem (*Regiment de Ba-*  
*den*) in militia sua a longis temporibus nutrit, Augustum Mar-  
chionem, non modo Cohortis hujus præfectum, sed & Campi  
Mareschallum, ut vocant, Locumtenentem Generalem consti-  
tuit. Posterior hæc dignitas ab Ordinibus Sveviæ ipsi quoque de-  
lata & postea aucta est, Circuli sui Equitatum ducendum quum  
Ei committerent.

Equitatus Imperii Præfectus Generalis constitutus A. 1757.  
Equitatum Imperii duxit in bello. Campi Mareschallus Locum-  
tenens Generalis exercituum MARIAE THERESIAE, Im-  
peratricis Reginæ, designatus est anno sequenti.

§. I I I.

Fratri  
succedit.

**A.** 1761. Ludovico Georgio fratri, mascula sine prole defun-  
cto, in Marchia Bada-Badenfi Augustus Georgius noster successit,  
sedemque adeo suam Bada, ubi hætenus vixerat, Rastadium trans-  
tulit. Aurei velleris torque donatus a Cæsare, a Carolo Euge-  
nio, Wirtenbergæ Duce, mense Nov. A. 1762. in Equitum rece-  
ptus est ordinem, splendida cerimonia, quæ in Aula Ducali pera-  
cta. Parochialis Rastadii Ecclesia, S. Alexandro, Papæ Martyri  
dedicata, in medio civitatis ædificata; magnæ molis opus, A. 1764.  
fere perfecta, a Cardinali Episcopò Spirensi inaugurata est.

## §. I V.

**A** 1765. Augustus Georgius cum Carolo Friderico Dur- Pactum  
mutuæ  
successio-  
nis.  
lacenſi, mutuæ ſucceſſionis & unionis pactum die 28. Januarii ini-  
vit; virtute cujus in omnibus magni momenti rebus mutua con-  
ſilia & auxilia promiſſa; utrique lineæ in alterius avita & acqui-  
ſita bona firmiter ſtabilita ſucceſſio; eumque in finem Marchiona-  
tum Badenſium terrarumque, ab illis pendentium, incolæ juſu-  
randum ſubjectionis & fidei utrique Marchioni ſimul præſtiterunt.  
Cerimonia per delegatos ubique cum ſucceſſu peracta. Religioſa  
& Weſtphalica pax, publicæ apud Germanos tranquillitatis Palla-  
dium, Gentilitii hujus pacti baſis & fundamentum eſt. Dignitati  
viduarum & filiarum Principum Marchicæ Domus proſpectum.  
Proſpectum Eccleſiis, Ordinibus ſacris, Civibus eorumque reli-  
gioni, privilegiis & juribus. Proſpectum Officialibus Curie at-  
que Militiæ; ſummis & iſimis. Proſpectum Toparchis, Regio-  
num ac Silvarum Præſectis, eorumque miniſtris. Proſpectum eſt  
denique viduabus Officialium & orphanis publicæque Marchiona-  
tus utriusque ſaluti. Terrarum juriumque Marchicæ Domus alie-  
natio in perpetuum & omnino prohibita. Pactum opportunum,  
cautum & prudens; quo ſalutarius Badenſis Hiſtoriæ nulla Epo-  
cha offert.

## §. V.

**S**ed & documentum eſt benignitatis & curæ, quam Augu- Elogium  
Augusti.  
ſtus Georgius ad futura quoque ſecula extendit; providus Prin-

AUGUST.  
GEORG.

ceps, populorum suorum amore fratri haud impar, qui nihil apud eos geri vult, cujus ipse non conscius, qui sanctioribus consiliis nunquam non interest, scrutator & præfex; qui omnes sibi subditos cives ad Palatium quotidie admittit, eorumque querimonias benignus exaudit. Frater Dianam secutus in silvis. Augustus Pomonam colit in hortis; quos plantat & ornat; non osor Dianæ; nec oblitus Musarum, quibus splendidam exedram in Palatio parat; destinatam Bibliothecæ Majorum; quam Regimen adiens, Rastadium Bada jussit transferri; elegantiarum Aulae amator; amabilis exteris; quos recipit benigne; nec a se, nisi omnibus humanitatis testimoniis cumulos, dimittit.

### §. VI.

Conjux.

Augusti Georgii conjux est Maria Victoria, ex inclyto Arembergæ in Eislia Domus sanguine nata. Leopoldi Philippi Caroli Josephi, Ducis Arembergæ, Crojæ & Arscoti, S. Rom. Imp. Principis, filia, nata die 26. Oct. 1714. nupta Neuhausi in Bohemia die 7. Dec. 1735. concordi connubio, maximeque felici, si similem sui edidisset sobolem; cui heroicæ suæ mentis virtutes instillare potuisset; magna prolis suæ & patriæ mater.

---

NUMISMATA.

# NUMISMATUM

## BADA - BADENSIIUM

### EXPOSITIO.



Eminentiora inter Regalia Principum censetur jus cudendæ monetæ. In Francorum Germanorumque Imperio Regibus atque Cæsaribus primus illud competiit folis. Hi cum Proceribus, præsertim Ecclesiasticis, tractu temporis illud communicarunt. Inter Episcopos Germaniæ primus fuit Rataldus, Argentoratensium Antistes, cui primus Germaniæ Rex Ludovicus in quacunque ex villis suis monetam cudendi immunitatem concessit. Privilegium datum est A. 873. in Aquisgrani Palatio. (a) Argentei Bracteati & quidem unilaterales inter vetustiores sunt Germaniæ nummos, qui sub Ottonibus seculo X. comparere cœperunt. (b) Hoc ipsum est tempus, quo Argentifodinæ Goslarientes apud Saxones detectæ.

Tom. III.

Qq

(a) ALSATIA ILLUSTR. Tom. II. pag. 319.

(b) DÖRERLINUS de Nummis Germaniæ Media §. 26. pag. 31.

Quo tempore Marchiones Badenses monetandi jus exercere cœperint, nobis non liquet. Cum plerisque Germaniæ Principibus hoc habent commune, in quorum Tabulariis hujus generis Diplomata raro occurrunt. Electoribus Germaniæ auream monetam cudendi potestatem Aurea Bulla Caroli IV. A. 1356. concessit; unde evidens est, argenteæ cudendæ jus eos jam ante habuisse. Monetarum mediæ ævi raritas non tam ex raritate argenti, quam ex eo procedit, quod quinque per secula invaluerat bractæata moneta; cujus fragilitas raritatis est causa. Nummophylacia Badensium, & vicinorum remotiorumque Germaniæ Principum; quin & Augustissimi Cæsaris divitem antiquitatis numismatice thesaurum consulimus; sed Christophorianis antiquiores non invenimus nummos Badenses; si Hermannianos illos duo excipias; qui in frontispicio comparent.

#### FRONTISPICIUM TABULARUM.

Numismata Zaringiæ Ducum nulla supersunt. Bernates Helvetii, Bertoldi V. conditoris sui memores, non imaginem ejus, sed nomen ad seculum usque XVII. suis Assibus impresserunt. Frontispicii nostri superior pars, ad dextram, & ad sinistram, talem exhibet Assen. Sinistra crucem sistit, cum quatuor liliis, ad crucis angulos vergentibus. Inscriptio: *BERCTOLD. D. ZERING. FUN. Bertoldus Dux Zeringiæ fundator.* Dextra facies ursum, Bernensium insigne, repræsentat in Scuto cum Epigraphe: *MONETA BERNENSIS 1529.*



Duas inter facies Affis Zaringicum posuimus Sigillum, in quo Zaringicus Leo, erectus gradiens, cum inscriptione: **BERCHTOLDUS DUX ZERINGIAE & BURGUNDIAE RECTOR.** Sigillum hoc ceræ albæ Bertoldi IV. ex Altæ Ripæ Monasterio Helvetiæ ad me missum. Simile extat in Charta San-Petrina Bagliensis Capituli. (c)

Inferior Frontispicii pars continet nummos, qui Badensium Origines spectant. Antiquissimus omnium, quos novimus, Argenteus quoque Affis est Hermanni Marchionis; a parte antica referens crucem, ac duos inter circulos nomen *Hermannus*. Postica pars turrin crucigeram sistit; quæ indicat Brisacum, ubi cufus est nummus. Literæ majusculæ, quæ expriment **PRISAC**, ita distributæ sunt, ut tres ad dextrum, tres ad sinistrum turris latus, ordine perpendiculari, positæ compareant. Nummus seculi XII. Hermannō tribuendus videtur Marchioni, ex Zaringis tertio. Urbs hæc Zaringica inter Brisgoviam fuit allodia, quæ Lineæ juniore, seu Marchicæ obvenerunt. Senior enim fuerat Zaringo-Ducalis. Plurima insignis hujus nummi Hermanniani exempla seculo superiore reperta sunt Sultzbergæ; quod oppidum quoque fuit patrimoniale Zaringicum, in Brisgovie Provincia. Vidit eos & delineavit Gamanfius in Genealogia

Tom. III.

Qq 2

(c) *Altæ Ripensis Sigilli Chartam* Tom. V. qui Diplomaticus primus, pag. 124. Chartam Petrinam exhibet pag. 112.

---

Marchionum Badensium MS. (d) ubi ita scribit : „ Nummi e purissimo argento per ea tempora cusi, non ita pridem „ apud Sultzbergam nescio quæ inter rudera sat magno numero „ post aliquot sæculorum tenebras reperti, ex una parte inscriptum nomen HERMANNI exhibent, ex altera turris seu „ Castri effigiem cum his literis BRISAC. „

A nummis ad nummulos progredior. Duo bracteati, qui supra Hermannianum in Frontispicio comparent, sæculi XIII. sunt. Alter Badensem & Austriacam parmulas, in umbone conjunctas qui habet, Hermanni VI. Marchionis Badensis, & Gertrudis Austriacæ, conjugis ejus, quam A. 1248. in matrimonium duxerat, moneta est, ante A. 1250. quo Hermannus jam decessit, excusa.

E regione hujus qui conspicitur bracteatus, Austriaca fascia & superaddita corona insignis, Friderico Bellicoso, Austriæ Duci, Gertrudis nostræ patruo, adscribendus est, qui regiam dignitatem a Friderico II. Imp. accepit. HERRGOTTUS (e) eum Alberto I. vel Friderico Pulchro, vel Alberto II. Austriacis Germaniæ Regibus, tribuit, sed antiquiorem ejus esse ætatem, ipsa nummi forma ostendit.

Hachbergensium & Saufenbergensium Marchionum nulli nummi comparent.

---

(d) De qua egi Tomo I. in Præfatione.

(e) HERRGOTTUS *Monumentor. Austriacor.* Tom. II. Part. I. Tabula I. nummulum Hermanni VI. & ibidem in *Prolegomenis* pag. 17. Fridericianum repræsentat.

## TABULA I.

## B. BERNARDUS

## JACOBI MARCHIONIS FILIUS.

**C**hristophorus I. Marchio Badensis celebrandæ patrui sui B. Bernhardi, apud Mon-Calerienses in Pedemontio sepulti, memoriæ quatuor nummos diversæ magnitudinis & formæ, partim aureos, partim argenteos, cum ejus effigie tota & stante jussit excudi; quos Tabula prima exhibet; quosque singulos exponimus ordine.

## I.

**A**rgenteus deauratus quadrangularis; ubi B. Bernhardi cataphractati imago; caput circumdatum nimbo; dextra tenens vexillum Badense; sinistra clypeum cum Insignibus Badenfibus, addito nomine:

BEAT. BERNARD. MARC.

*Beatus Bernhardus Marchio.*

In parte postica comparent tria scutula, juxta se posita: Bada-Spanheimense, Hachberga-Ufenbergense & Malberga-Lahrense cum lemmate germanico:

TRI W UND STET EWIG.

*Fidelis & constans perpetuo.*

Qq 3

Addita Æra 1501. Annus nimirum, quo signatus est nummus. Germaniæ Numismatum Commentatores observant, ante A. 1405. vix nummum reperiri, qui exprimat Æram. Formæ Turonensis ex argento Grossum Aquisgranenses tum primum culerunt.

## II.

Nummus forma duplicis Aurei, quem vocant Ducatum. Eadem B. Bernhardi imago cum nomine. Ab averfa parte Bada Spanheimensis clypeus, cum infcriptione: **MONETA NOVA BADENSIS. 1513.**

## III.

Nummus argenteus, magnitudine Grossi Cæfarei, in quo eadem insignia, eademque infcriptio.

## IV.

Ducatus cum Bada-Spanheimensi clypeo, clypeolis cincto, in quibus reliqua Domus Badensis Dominia, cum infcriptione: **MONET: AUR: BAD: 1519.** In antica idem Bernardus: eademque epigraphe.

---

TABULA II.  
JOHANNES ELECTOR TREVIRENSIS  
FILIUS ALTER JACOBI MARCHIONIS.

## I.

Nummus argenteus, ex classe eorum, qui *Grossi & Turonenses* dicuntur, D. Petrum, Trevirensis Ecclesiæ Patronum, representans, sedentem in Cathedra; ad cujus pedes scutum Badense cum inscriptione:

JOH. ELEC. ET CONF. T.

*Johannes electus & confirmatus Trevirensis.*

In averfa parte scutum quadripartitum; Insignia Trevirensia & Badensia decussatim exhibens. Ad latus scuti Moguntina, (f) Coloniensia & Palatina visuntur Insignia cum verbis:

MONE NOVA COVE.

*Moneta nova Covelensis.*

Confluentiæ ac Treviris Monetarias officinas constituerunt Electores Treverici. Quatuor Electores Rheni Monetarium inter se

---

(f) Grossos Turonenses, in quibus Rota Moguntina exhibetur, vulgus olim vocavit *Rader Albus*. Rota Moguntina seculo demum XIII. In Gerhardi Archiepiscopi sigillo occurrit apud GUDENUM in *Sylloge Diplom.* pag. 325. In nummis autem Rota citius comparat. Extat in nummis Sigfridi III. qui A. 1212. electus est & A. 1249. Binger decessit.

foedus illo tempore iniverant. (g) Unde juncta eorum in nummis insignia. A. 1409. Ecclesiastici Electores soli Constitutionem inter se communem ediderunt: (h) Nummi, qui *Grossi* vocantur, Galliae suam originem debent. Sub Ludovico IX. Rege apud Turonos cusi sunt primum, unde *Turonenses*. A Gallis deinceps ad Germanos transierunt, apud quos *Turnosen* appellati, qui in Caroli IV. Imp. Diplomatis frequentes. Vocabantur etiam *Grossi Albi*, nigris oppositi; quibus nempe multum aeris admixtum: Pondus eorum octava pars unciae, sive drachma, Gallis *Gros*; *Grossum* latine scribentes vocarunt; *Groschen* Germani. Nummum nostrum HONTHMIUS (i) & JOACHIMUS (k) exhibent.

## I I.

Trevirensis denarius, cum scuto bipartito, in quo Trevirensia & Badensia comparent insignia. Litera J. Johannis, Electoris Treverici, ex Domo Badensi, indicat nomen.

## I I I

(g) THOMANI *Alta Monetalia* produunt hoc Paſtum, quod vocatur *Münz-Verein*.

(h) WENCKERUS in *Apparatu Archivorum* pag. 363.

(i) *Hiſtor. Trevir. Diplom. & Pragmat.* Tom. II. pag. 385. Tabula II. num. 22.

(k) JO. FRID. JOACHIM in libro: *Groschen Cabinet* Tom. IV. pag. 359.

## III.

Confluentinae Civitatis Grossus excipit Trevirensē, in quo D. Petrus iterum cum clavibus; ad dextram crux, ejusdem Ecclesiae symbolum; ad sinistram clypeus Badensis. Inscriptio: JOHANNES: ARCHIEPS: TREVER: In averſa crux, in cuius angulis quatuor stellae. Supra crucem ſcutum Badense. Inſcriptio duobus circulis includitur. In maiore: AUXILIUM NEUM A DOMINO. In minore:

GROSSUS COVELE.

*Grossus Confluentiae cuſus.*

Nummum hunc HONTHEMIUS (l) & JOACHIMUS prodiderunt. (m)

## IV.

Sequitur Braſſeatus formae cavatae, atque adeo unilateralis. Clypeus ibi quadripartitus, cum quatuor Rhenenſium Electorum teſſeris, uti ſupra. (n) Doctiſſimo NELLERO (o) hunc nummum debemus, quem ille Jacobo Praefuli Trevirenſi, Johannis ex fratre nepoti, adſcribit. Litera ſolitaria J. in nummi ſummi-

Rr

Tom. III.

(l) Loco alleg.

(m) *Groſchen-Cabinet* Tom. IV. Tab. XIII. num. 110. pag. 258.

(n) Tab. II. num. I.

(o) Liber ex iſtis nummis docte conſcriptus, prodit hoc rubro: „*Kurzer Bericht von den Gemein- Rheinlaendischen Pfenningen und Hellern*“; vid. pag. 44.

---

tate comparens, Johanni æque ac Jacobo attribui potest. Lu-  
bentius adscriberem Johanni. Jacobi nummus tres literas ini-  
potiales exponit, ut ex Tab. IV. apparet.

---

TABULA III.  
CHRISTOPHORUS.

I.

**N**ummus argenteus elegans, qui semiflorenum forma & pon-  
dere superat. Christophorus, pileo Principali decoratus, ex-  
primitur cum verbis: CHRISTOF. D. G. MARCHIO HA-  
DENSEI. Ab altera parte Badensia & Spanheimensia occurrunt  
insignia, decussatim posita, cum Æra 1519. & Epigraphe: MO-  
NETA ARGENTEA BADENSIS.

II.

**G**rossus Imperialis Badensibus & Spanheimensibus Infi-  
gnibus, uti prior, ornatus. MONETA NOVA BADENSIS  
1506. Antica pars B. Christophori, Christum gestantis, imagi-  
nem cum expresso ejus nomine, sistit.

III.

**N**ummus ejusdem, cum præcedente magnitudinis, Ba-  
densi & Wirtenbergicæ Domibus communis; ab una parte  
prioris, ab altera posterioris tesseras exhibens, cum nominibus:



CHRISTOF. MARGR. DE BADE, ULRI. ET EBER. COMI. DE WIR.  
*Christophorus Marchio de Baden, Ulricus & Eberhardus Comites  
 de Wirtemberg.*

Ad Rhenensium Electorum exemplum Christophorus &  
 Albertus Marchiones, fratres, A. 1475. cum Ulrico ejusque ex  
 fratre nepote Eberhardo, Wirtembergicis Comitibus iniverunt  
 conventionem Leonbergæ (p) A. 1477. renovatam. Electorum  
 Rhenensium Monetalia fœdera (q) Principes excitarunt vicinos,  
 ut & inter se pacta de monetis inirent.

## I V.

Nummus quadrans Assis, in qua Bada - Spanheimensis  
 tessera & CHRISTOF. MARCHIO BAD. Ab alte-  
 ra parte crux, cum Epigraphe: GLORIA IN EXCEL-  
 SIS DEO.

T A B U L A I V.  
 JACOBUS ELECTOR TREVIRENSIS  
 CHRISTOPHORI FILIUS.

## I

N ummus imaginem Petrinam more solito repræsentat &  
 ante eum scutum Treviro - Badense cum verbis:

Tom. III.

Rr 2

(p) Confer Tom. II. pag. 240.

(q) A. 1477. Moguntinus, Trevirensis ac Palatinus. Electores, ut &amp; Juliaci Dux,

---



---

J A C O B : A E P : T R E V E R :

*Jacobus Archiepiscopus Trevirensis.*

In averſa clypeus quadripartitus, ubi Trevirensis & Badenſis teſſerae alternant. Ad ſcuti majoris latera ſunt duo minora, cruce ſignata, ſymbolum Trevirenſe. Infra ſcutum comparet ſcutellum, roſa ornatum; Eberſteinenſium teſſera, cujus Comitatus dimidia pars ad Badenſes tum pertinebat; qui poſtea & alteram junxerunt. Inſcriptio: **MONETA NOVA COVE.** id eſt, Conſluentina. (r)

## I I.

Bracteatus formæ cavatæ, in ſcuto bipartito Bada - Trevirenſia Inſignia exhibens. Sigla IAC. in unam literam contracta & ſuperimpoſita ſcuti, Jacobum Archiepiſcopum indicat. (s)

---

A. 1444. quatuor Electores Rheni de Moneta cudenda convenerunt. Conventiones dedit HONTHEMIUS in *Hiſt. Trevir.* Tom. II. pag. 359. & 401.

(r) HONTHEMIUS in *Hiſtoria Trevir.* nummum hunc prodit. Tom. II. Tabula II. Numism.

(s) Germanis *Blechmünzen*, *Holzmünzen*. Monetæ ſpecies, Gallis ignota; de qua DOEDERLINUS aliique peculiaribus Libris diſſeruerunt. Ex Germania in Angliam Daniæque Bracteatos nummos tranſiſſiſſe OTTO SPERLINGIUS exiſtimat in *Diſſertatione de Nummis non cuſis* pag. 130. ELIAS BRENNERUS in *Theſauro nummorum Sueco - Gothico* pag. 1. ſeq. Suecicos bracteatos ex ſeculo nono producit.

## BERNHARDUS ET ERNESTUS FRATRES. (1)

Fraternæ concordiæ Bernhardi & Ernesti, Marchionum, index & testis A. 1533. percussus est nummus; cujus antica pars capita repræsentat fratrum jugata; qui duas Marchiæ Gentis Lineas, quæ supersunt, condiderunt. Capita eorum non pileo, sed reticulo, crines involvente, teguntur; quales in Christophorianæ familiæ tabula Christophorus pater & Bernhardus noster occurrunt. (u) In moneta nostra legitur:

BERNARD. ET ERNEST. FRAT. GERMA. MARCHION. BADEN.

*Bernhardus & Ernestus fratres Germani Marchiones Badenses.*

Postica: GERMAN. FRATRUM CONCORDIÆ SACR.  
A. MDXXXIII. (x) *Germanorum Fratrum Concordiæ Sacrum.*

## PHILIPPUS

PHILIBERTI FILIUS.

Nummus argenteus cum imagine Philippi Marchionis & Inscriptione: PHILIPPUS MARG. BADE. GRAF Z. SPANHEIM. In parte averſa scutum quadripartitum, cujus prima & quarta parmula Spanheimenses tessellas; secunda quadrifariam divisa duas rosas & totidem apros Eberstei-

Rr 3

(1) Vide supra pag. 6.

(u) Tom. II. pag. 288.

(x) Nummum hunc exhibet KÖHLERUS *Hist. Münz-Beſchreibung* Tom. I. pag. 261.

nenſia inſignia, reſert. Tertia in duos eſt diſtinſta laterculos; quorum alter baltheum Lahrenſem, alter leonem Briſgoicum ſiſtit. In medio totius ſcuti baldeus Badenſis principem occupat locum. Septem galeæ ſcutum cingunt, quarum tres ſuperiores coronatæ ſunt. Media earum, quæ proprie Badenſis eſt, arietina duo cornua, introrſus denticulata, ſuſtinet. Galeæ, mediam tangentes, caudis pavoninis ornantur. Inſcriptio: GOT GNAD. *Deus ſecundet. (y)*

---

T A B U L A V.  
BEATRIX

CHRISTOPHORI FILIA.

**N**ummus effigiem ſiſtens Beatricis, Chriſtophori filiæ, nuptæ Johanni, Comiti Palatino, Lineæ Simmerenſis. Avera nummi pars tripartitum clypeum offert, cujus prima pars leonem Palatinum, altera rhombos Bavaricos, media Badenſem baltheum ſiſtit. Superſcripta eſt Æra MDXXXI.

Nummus ergo quadriennio ante quam Beatrix moreretur, eſt cuſus.

CÆCILIA.

Cæcilia, Guſtavi I. Sveciæ Regis filia, antequam nubereſt Chriſtophoro Rodemachera - Badenſi, fratri Philiberti, promiſſa

---

(y) KOKLERUS *Hiſt. Münz-Behſichtigung* Tom. I. p. 361.

fuerat uxor Johanni Tencinio, Polonico Comiti, ex illustri & antiqua Sarmatiæ prosapia nato, (z) quam Carolus V. & Ferdinandus Imp. A. 1527. & 1561. in Ordinem Conitum Imperii receperunt, novisque auxerunt insignibus. Zegotha, Cracoviæ Palatinus, in bello contra Boruffos & Lithuanos A. 1281. exercitus Dux, quatuor filios habuerat, quos inter Navogius in Silva Tenczinia Castrum & oppidum hujus nominis A. 1319. exstruxit, quæ transferunt ad posteros, nomenque Tencziniae Genti dederunt. Andreas, primogenitus filiorum Navogii, lineam Tencziniam condidit, (a) usus nomine Tenczinsky, atque A. 1366. Palatinus Cracoviæ fuit. Filius ejus Jasco, illustris Orator, reliquit filium Johannem, Castellatum Cracoviæ, mortuum A. 1407. qui filios quinque reliquit.

Nicolaus, natu minimus Silesiam Tencziniorum Comitum Lineam condidit.

Gabriel, Castellanus Cracoviæ, tres filios reliquit, quorum postremus, Stanislaus Gabriel, Bielskensis, dein Cracoviensis Palatinus, pater fuit Johannis Baptistæ, cujus imaginem exhibet Cæcilie nostræ nummus. Joh. Baptista erat Bielskensis Palatinus, Lublini Starosta. Hunc Sigismundus Augustus, Poloniae

(z) Vide supra pag. 47.

(a) Jasco frater secundus, Offollinskios Poloniæ, Januffius, tertius fratrum Morawizkios in Silesia condidisse scribitur. *SINAPIUS Rer. Siles.* Tom. II. pag. 251.

Rex, ad Gustavum I. Sveciæ Regem misit Legatum. In aula hac apud omnes tanta floruit gratia, ut Cæciliam, filiam suam in matrimonium ei Rex Gustavus concederet. Sed ante nuptias iter suscepturus domum, a Dano prædone captus, mancipatus est carceri, in quo periit febre. JOHANNES. COMES. A. TENCIN simpliciter vocatur in nummo, qui eximie raritatis est, vix alibi visus, quam in nummario Imperatoris FRANCISCI Thesauro. (b)

---

TABULA VI.  
EDUARDUS FORTUNATUS.

I.

**N**ummus unilaterialis; argenteus, formæ ovatæ. Eduardi Fortunati, cataphracta induci, effigies cum Epigraphe:  
EDUAR. FORTU. MARCH. BADE. ET HOCHBER. (c)  
*Eduardus Fortunatus Marchio Bâdensis & Hochbergensis.*

II.

**N**ummus A.1590. argenteus, magnitudine Uncialis, Eduardum repræsentans lorica tum & armatum, cum siglis:  
EDUARD: FORTUN: D: G: MARCH: BADEN: CO: S:  
*Eduardus Fortunatus Marchio Badenſis Comes Spanheim.*

---

(b) JOH. FRIDERICUS JPACHIM, Profeſſor Halenſis, in Libro, cui rubrum: *Neu-eröffnetes Münz-Cabinet*, Parte II. nummum hunc æri dedit incuſum, ac pro more ſuo erudite expoſuit pag. 225.

(c) KOELERI *Hiſtoriſche Münz-Behandlung* Tom. VIII. pag. 112.

Ab altera parte insignia sunt Marchica, Badensis nempe Baltheus, cum quatuor scutulis; in quibus I. Spanheimenses tessellæ, II. Ebersteinensis rosa. III. Lahrensis baltheus. IV. Leo Brigovius comparent. Inscriptio: QUI DISTULIT. NON. ABSTULIT. IPSE. ME. PROTEGAT. (d)

---

TABULA VII.  
W I L H E L M U S.  
I.

**N**ummus argenteus, forma semissis, in quo duplex Imperii aquila, cum cruce & superaddita corona. FERDINAND. II. D. G. ROM. IMP.

Aversa facies Badensia & Spanheimensia deigmata, deussatim in scuto posita, exhibet, cum verbis:

WILH. D. G. MARC. BADEN. C. SPON.

*Wilhelmus Dei Gratia Marchio Badensis Comes Sponheimensis.*  
Æra 1624. adjecta indicat, nummum vel primum, vel certe ex primis esse, quem Marchiæ suæ restitutus Wilhelmus percussit.

II.

**N**ummus argenteus, in quo ejusdem Wilhelmi comparet imago cum verbis: GUILHELM: D: G: MAR: BAD: ET HACHB:

Tom. III.

Ss

In aversa scutum quadripartitum, cujus prima & quarta parmula Spanheimenses tessellas, secunda Ebersteinensem rosam & aprum, tertia Lahrensem baltheum & leonem Brisgoicum exprimit. In medio scuti parmula princeps, ubi baltheus Badensis & Epigraphe:

COE SPON: ET. EBERS: D: IN. LOHR. ET. MAL.

*Comes Sponheimensis & Ebersteinensis Dominus in Lohr & Malberg.*

Nummus biennio post præcedentem est cufus.

### III.

Nummus alius argenteus, cum Wilhelmi togati effigie & titulis:

GUIL. D.G. MAR. BAD. ET. HACH. LANDG. IN. SAUS.  
*Guilielmus Dei Gratia Marchio Badensis & Hachbergenfis Landgravius in Saufenberg.*

In opposita parte rotundus est clypeus, cujus area superior Spanheimenses tessellas, rosam & aprum Ebersteinensem, cum leone Brisgovico; media primariam parmulam, cum baltheo Badensi, Badenvillano palo & ala Ufenbergica sistit. In infima regione Rætelanæ sunt fasciæ & leo exurgens; Baltheus Lahrentis, leo Malbergenfis & Spanheimenses tessellæ. Inscriptio:

C. IN SPO. ET ER. D. IN RO. BA. LO. ET MA.

*Comes in Sponheim & Eberstein Dominus in Ræteln Badenweiler Lohr & Malberg.*

Nummus A. 1638. prodit.



TABULA VIII.  
W I L H E L M U S.

I V. V.

**N**ummi duo unciales argentei, quorum alter cufus A. 1624. alter A. 1626. Uterque præfert Wilhelmi imaginem. In postica Badensis clypeus omnino similis est clypeo Philippi, quem Tab. V. descripsimus. Inscriptio: GUILHELM9. D. G. MAR. BAD. ET HACH. COM. SPAN. ET EBERS. DNS. IN LQHR ET MALB.

M A R I A  
W I L H E L M I F I L I A.

Nummus memorialis baptismi Mariæ Marchionissæ Badensis, filiae Wilhelmi, cum verbis:

FERDINAN. III. D. G. HUN. BOH. REX AR. MARIAM  
WILHELMI MAR. BA. FILIAM. E. S. FONTE BAPT.  
LEV. BADENÆ VII. AUG. MDCXXXVI.

*Ferdinandus III. Dei gratia Hungariæ Bohemiæ Rex Archidux  
Mariam Wilhelmi Marchionis Badensis filiam e sacro fonte ba-  
ptismi levavit. Badenæ VII. Augusti 1636.*

In averfa parte libra cum superaddita cruce, gladius & sce-  
ptrum, decussatim positi, cum lemmate: FIRMAMENTA  
REGNORUM.

Tom. III.

S s 2

Emblema hoc occurrit quoque in nummo, qui cufus est in mentoriâ coronationis Ferdinandi III. Hungariæ & Bohemiæ Regis. (e)

---

TABULA IX.  
LUDOVICUS WILHELMUS.

I.

**N**ummus Ludovici Wilhelmi adolescentis, virtuti ejus excitandæ cudi jussus a patre, avus cum adhuc viveret atque in Marchia regnaret. LUDOVICUS WILHELMUS D. G. MARCHIO BADENSIS F. F. *Ferdinandi Filius.*

In averfa parte cernitur aquila tendens ad solem, quam aquilula fequitur. Lemma est: NON DETERIORA SEQUENDO. Singularem in educando filio curam Ferdinandi Maximiliani fuo loco expofui. (f) Heraldicis, Genealogicis & Historicis rebus a patre innutritus eft.

II.

**N**ummus victoriæ, ad Salankemenum a Turcis A. 1691. reportatæ, (g) testis; in quo Ludovicus cum figlis: LUDOVICUS WIL-

---

(e) Uterque nummus extat in *Groschen-Cabinet, Zweites Fach*, Tab. IV. num. 33. & in *Supplemento I.* Tab. XI. num. 126.

(f) *Supra* pag. 141.

(g) De qua superius egi pag. 204.

helmus marchio BADENSIS ET HOCHBERGENSIS. Exercitus Cæsarei generalis LOCUMTENENS.

Ab altera parte DEO FORTUNANTE ARMIS INVICTISSIMI LEOPOLDI magni DUCE LUDOVICO WILHELMO marchione BADENSI ET HOCHBERGENSI AD SALANKEMEN PROPE PETERWARADINUM die 3<sup>o</sup> Augusti A. 1691. TURCÆ 25000. DELETI CASTRA EXPUGNATA TORMENTA 158. CAPTA TAURUS 10000 TENTORIA TOTIDEM CAUDÆ EQUORUM 4. SIGNA PRETORIA 14. EQUI 5000. CAMELI ET MULI 2000. DESIDERATIS MAGNO VIZIRIO AGA JANIZARIORUM AC SERASKIERIO. VIVAT AUSTRIA.

### III.

Sequitur alius, in honorem Ludovici tum cufus, galeati, equo insidentis, effigiem, militumque inter se proeliantium, agmina sistens; cum verbis:

LUDOV. GUILIELMUS MAR. BAD. S. C. M. EXERCIT. SUMMUS DUX.

*Ludovicus Guilielmus Marchio Badensis Sacra Cæsarea Majestatis exercituum Summus Dux.*

In postica Leo, persequens lupos, cum verbis: NON CURAT NUMERUM.

---

TABULA X.  
LUDOVICUS WILHELMUS.  
I V.

---

**E**xpeditionem ad Rhenum A. 1693. cum suscepisset Ludovicus, prodiit nummus, Ludovici imaginem & titulos exhibens:

LUDOV. WILH. MARCH. BAD. HOCHB. S. C. M. GE-  
NER. LOCUMT. CAMPIMARISC.

*Ludovicus Wilhelmus Marchio Badensis Hochbergensis Sacrae Ca-  
sariae Majestatis Generalis Locumtenens Campimarifcallus.*

In altera parte Ludovicus stans & conversus ad solem. Rhenus sub  
senis barbati & perculsi specie assidet. A tergo Fama, Turcicus onu-  
sta spoliis, Marchionis capiti lauream imponit. Luna e longinquo  
conspicitur. Addita sunt verba: UT LUNÆ SIC SISTE GRA-  
DUM NUNC IOSUA SOLIS. In inferiore parte nummi: MARS  
BIS ULTOR VICTOR. TURCAR. PERPETUUS EXPEDITIO-  
NEM CONTRA GALLOS AD RHENUM AGGREDITUR.

V.

**L**ondinenſe Marchionis iter (h) nummo hoc celebratum  
ab Anglis. Imago Regis offertur cum verbis:

WILHELMUS III. D. G. REX. F. D. P. A.

*Wilhelmus III. Dei Gratia Rex Fidei Defensor Pius Augustus.*

In postica idem Rex ad portam palatii sui stat, capite ada-  
perto, pileum manu tenens & Ludovico advenienti porrigens

---

(h) Lege supra pag. 225.

dextram. E longinquo satellitium Regis cum Epigraphe:

RECEP. BADENS. LOND.

*Receptio Badensis Londini.*

Adsidet femina, digito labra premens, ad cujus pedes Imperii Germanici & Angliæ Regni comparent insignia; quibus pileus superimpositus, cum verbis: JUNXIT LIBERTAS AUXIT SECRETUM. X. Jan. MDCXCIV. (i)

V L

Initio belli, ob successionem Hispanicam orti, Ludovicus contra Gallos cum exercitu missus est ad Rhenum. Nummo cundendo hinc occasio nata, cum effigie Ludovici armati: LUDOVICUS WILHELMUS marchio BADENSIS exercitus cæsarei GENERALIS LOCUMTENENS.

In altera parte Bellona galeata, hastata, manu sinistra parazonium tenens, ad cujus pedem sinistrum est vexillum liliatum, columna eversa & fracta, cui gallus gallinaceus adstat. Ad dexteram Palladis sedet Britannia, clypeum tenens, in quo leo, cum Epigraphe: SEMPER IDEM.

In ambitu leguntur verba: VIRTUS CONSTANS DUCIS FORTISSIMI.

Additur Æra 1702.

In margine: NEC SATIS EST MERUISSE SEMEL COGNOMINA MARTIS. (k)

(i) VAN LOON *Histoire Métrique des Païs bas* Tom. IV. pag. 156.

(k) VAN LOON loco alleg. pag. 340.

---

---

TABULA XI.  
LUDOVICUS WILHELMUS.

VII.

**C**elebratur hoc nummo illustris ad Schellenbergam victoria, Ludovico & Marlboroughio Ducibus, A. 1704. a Gallis reportata. Ludovicus loricator, quem hæc verba circumdant: **LUDOVICUS WILHELMUS MARCHIO BADENSIS EXERCITUS CÆSAREI GENERALIS LOCUMTENENS.**

Ab altera parte Donawerda Civitas cum munitionibus ad Schellenbergam. Danubius senex, coronato capite, coronam tenens vallarem, asidet ripæ. Addita inscriptio: **HOSTE CÆSO FUGATO CASTRIS DIREPTIS AD SCHELLENBERGAM DONAWERDÆ 1704.** In margine: **VIRTUTE PRINCIPIS ET SOCIORUM VIA VICTORIIS INSEQUENTIBUS APERTA. (1)**

VIII.

**N**ummus in victoriæ Hochstadiensis memoriam cufus, in quo Duces fœderatorum **EUGENIUS DUX SABAUDIÆ LUDOVICUS WILHELMUS MARCHIO BADENSIS JOHANNES DUX MARLENBURGIUS.** Imagines eorum singulis exhibentur scutellis,

---

(1) VAN LOON pag. 418.

lis, quæ sub seminarum alatarum specie duæ Victoriæ tenent, cum Inscriptio: PROBATA SOCIORUM VIRTUS FIDESQUE. Sub Ducum effigiebus legitur: HIS TUTELARIBUS FRANCONIA SERVATA SVEVIA LIBERATA. 1704

Aversa nummi facies Victoriæ sistit, bellico insidentem tormento; quæ sinistra clypeum tenet, cui diem proelii (XIII. AUG.) inscribit; clypeum affixura tropæo, quod ad Danubii ripas erigit. Danubius, sub hominis specie, in altera fluvii ripa sedens comparet. Inscriptio: TALLARDO FRANCIAE MARESCHALLO CUM MULTIS DUCIBUS & X. MILLIBUS MILITUM CAPTIS.

Inferius legitur: GALLIS BAVARISQUE DEVICTIS. In margine: DEFENSA FORTITER CONTRA GALLOS ET BOIOARIOS GERMANIA.

# IX.

Florenus argenteus, Ludovicum solito more repræsentans, cum inscriptione: LUDOVICUS GUILIELMUS DEI GRATIA MARCHIO BADENSIS & HOCHBERGENSIS LANDGRAVIUS SAUSENBERGÆ ORTENAVIAE COMES SPANHEIMENSIS & EBERSTEINENSIS DOMINUS RATELA BADEVILLÆ LAHRAE & MALBERGÆ.

Postica Badense exhibet scutum in tres regiones distinctum. Regionis superioris parmula prima Spanheimenses tessellas, secundæ

da rosam & aprum, Ebersteinii symbola; tertia Leonem Brisgoicum ostentat. In medio scuti baltheus Badensis, quem ab uno latere palus Badevillanus, cantheriis distinctus, ab altero Usenbergica ala stipat. Infima scuti regio quatuor laterculos continet, in quorum primo Roetelanæ fasciæ, ex quibus eminet leo; Secundo baltheus Lahrensis; Tertio Malbergensis leo; deniquè Spanheimenses tessellæ comparent. Corona clausa imposita scuto, quod aurei velleris cingitur torque. In ambitu: **MONETA NOVA ARGENTEA HADENSIS.**

*Æra 1704. superaddita.*

## TABULA XII. LUDOVICUS GEORGIUS.

### I.

**R**astadiensis Pacis, quæ Præliminaria dicuntur, A. 1714. in Palatio Marchionis fancita, nummo huic cudendo occasionem dederunt. Ludovici Georgii & Franciscæ Sibyllæ, matris ejus, comparent imagines. Columba, expansis alis, ramum olei rostro tenet. Badensis & Lauenburgica Insignia duo clypei, inter se juncti, continent. Inscripção duplex. In circulo majore: **LUDOVICUS MARCHIO Badensis. FRANCISCA SIBYLLA AUG. GUBERNATRIX.** In minore: **DABO PACEM IN FINIBUS VESTRIS. Levi: 26.**



Pars averſa Raſtadienſe Palatium oſtentat & Aquilam, quæ parat nidum. Ambitus duplex. In interiore legitur: NIDUM PACIS HIC INSTRUO. In exteriore: PAX RASTADII IN ARCE COMPOSITA EST. Infra additur: ET IN LOCO ISTO DABO PACEM.

## II.

Nummus formæ minoris, in memoriam matrimonii inter Ludovicum Georgium & Annam Schwarzenbergicam cuſus. In adverſa parte clypeus duplex, in quo Badenia & Schwarzenbergica inſignia. Adduntur tedæ nuptiales, decuſſatim poſitæ & fune circumdatae, cum lemmate: UTRIUSQUE GENTIS INCREMENTO. In averſa legitur: JUNCTIS FELICI MATRIMONIO LUDOVICO MARG. BAD. ET MARIA ANNA PR. SCHWARZENB. LAND. CLEG. MDCCXXI. Landgraviatus Cleggoviaë à Schwarzenbergicis poſſidetur.

## MARIA JOSEPHA.

## LUDOVICI GEORGII CONJUX SECUNDA.

Nummus memorialis matrimonii, Ludovicum Georgium inter & Mariam Joſephæ, Principem Bavaricam, initi. Mariæ Joſephæ imago cum titulis: MARIA JOSEPHA, CARO-

Tom. III.

Tt 2

LI VII. CÆS. AUG. FILIA LUDOVICI marchionis BADENSIS CONJUX.

Postica Badensem & Bavaricum clypeos, corona clausa tectos, sistit in colle, cui sub hominis specie Rhenus insidet. In imo: NATA VII. AUG. MDCCXXXIV. NUPTA X. JUL. MDCCLV.



# ORTENAVIAE

## NOTITIA

### CAPUT I.



#### §. I.

Ortenavia (a) Pagus olim fuit Alemannici vel <sup>Ortena-</sup>  
Svevici Ducatus, triginta leucarum longi-<sup>viae situs.</sup>  
tudine a Bleicha (b) ad Ofam & Murgam  
amnes, Rhenum inter & Nigram Silvam se  
extendens. Brisgoviam a meridie, Ufgoviam (c) sive Marchiam  
Badensem a septentrione attingit.

T t 3

(a) Mortenavia Mortinhauga. Conf. ALSATIA ILLUSTRATA Tom. I.  
pag. 674.

(b) Bleicha in Eltziam, haec in Rhenum se effundit.

(c) Olim Usgovia, a rivo Ofæ, prope Badam; usq; hominum paulatim in *Ufgo-*  
*viam* conversa, quæ Pfinsigoviae & Albigoviae Pagis contigua. Ofæ  
haud procul Raftadio infunditur Murgæ. Murga prope vicum *Steinmau-*  
*ers* jungit se Rheno, nonnisi unius leucæ a Raftadio distantia. \* Ofæ &  
Murga Ortenaviae & Episcopatus Argentinenfis versus boream sunt li-

Ortena-  
viae Do-  
mini.

In fertili hoc tractu, æmulum quem Brisingoviae dixeris, variae & intermixtae sunt terrae, quae diversos Imperii Proceres dominos agnoscunt. Floret ibi Praefectura Caesarea, quae super tres Liberas Imperii Civitates, Offenburchum, Gengenbachum & Zellam, (d) multosque super vicos se Imperiales extendit. Sunt ibi terrae, ad Domum Austriacam, ad Episcopum Argentinensem, ad Marchiones Badenses, ad Principes Nassovios, ad Hasslo-Lichtenbergenses, ad Fürstenbergios & Comitem a Leyen quae spectant. Viget ibi Corpus immediatum Equestre. Vigent quatuor Regulæ Benedictinae Monasteria, Gegenbachense, Eutenheimense, Schutterense & Schwarzacense. Abbatia denique Omnium Sanctorum, quae Præmonstratensium Ordinis est. In eadem Ortenavia medio ævo Ganerbiaha quinque Castra extiterunt; Staufenberg, Wiedergrün, Schauenburg, Fürsteneck & Iberg; non Equestribus modo quamplurimis, sed & ex Principum ordine Familiis communia, quae cum ipsis Ganerbiorum stirpibus longa aetas destruxit.

---

mites. Murga a fontibus ad ostia XII leucas constituit. In Comitatu Ebersteinii orta per vallem uberem & fertilem defluit, quae ab ea vallis Murgæ vocatur. De Ortenaviae limitibus differuit jam olim Paulus Volzjus, Hugonis Curiae Benedictinorum in Vilarienti Alsatiae Valle Abbas, Erasmi amicus. Vide CRUSII *Annal. Suvvæ* Lib. II. Part. 3. p. 105.

(d) Zellæ annumerantur Vallis Hammersbacensis incolæ, qui ad flumen habitant dispersi.

## §. II.

Ortenavia sub Franciæ & Germaniæ Regibus Comites suos habuit Pagenfes, qui nomine Regum incolis jura dixerunt. In Charta Ottonis M. A. 691. Hartperto Episcopo Curienfi data, (e) legitur: „ In Comitatu Mortenuua villa Tuntelinga (f) „ Sunarzaha Monasterium in honore St. Petri constructum, cujus „ advocatus Chuonradus Comes. „ In Instrumento donationis, Monasterio Waldkirchæ (quod deinceps in Ecclesiam Collegiatam conversum) ab Ottone III. A. 994. factæ, Pagi Mortenuuæ & Cuononis Comitis mentio occurrit: (g) A. 994. XI. Kal. Jan. „ Otto III. Imperator Curtem Nuzbach, (h) quæ per traditionem bonæ memoriæ Burghardi Alemannorum Ducis strenuifimi suæque contestalis Hadwigæ ad jus regum pervenerat in pago Mordenouua & in Comitatu Cuononis Comitis sitam Monasterio Waldkiricha in proprium tradidit. Actum Saspach. (i) „

(e) Charta Curienfis Episcopatus ex ARGIDII TSCHUDII *Miscellaneis Helveticis* MSS. Tomo I. Asservantur in Monasterio Engelbergenfi Helvetiæ.

(f) Subinde scribitur Dindelinga, hodie *Dinglingen* prope Lahram.

(g) *Codex Diplom. Bad. A. 994.*

(h) Nufsbuch prope Oberkircham.

(i) Ex Autographo Collegiatæ Ecclesiæ in Waldkirch in Nigra Silva.

## §. III.

Præ-  
fecturæ  
origo.

Comitibus Ortenaviæ sublati, Civitates liberæ, ex liberis & immediatis vicis pedetentim exortæ, sed libertatis suæ defendendæ non satis potentes quum essent, Præfectus Imperii constitutus est a Cæsare, qui Cæsaris nomine defenderet eas, atque Imperialia in illis & in vicis jura exerceret. Præfecturæ hæc Cæsareæ in Ortenavia origo, Alfaticæ (k) imitatrix & æmula. Alfaticæ enim antiquiora quam Ortenavicæ vestigia in veteribus monumentis reperio. Extinctis Zaringiæ Ducibus hanc prognatam esse, Guillimannus, (l) allato fundamento nullo, conjecit. Quidquid sit de originibus primis, ante seculi XIV. medium Præfectura Imperialis Ortenavica ad Marchiones Badenses pervenit; qui ab Imperatore & Imperio eam acceperunt in pignus. (m)

## §. IV.

Marchio-  
nes Præ-  
fecti.

A. 1334. die 15. Octobris Ludovicus IV. Imperator Rudolpho Marchioni Badensi, dicto de Pforzheim, Castrum Ortenberg,

(k) ALSATIA ILLUSTRATA Tom. II. pag. 277.

(l) Habsburgia. L. V. pag. 227. &amp; L. VI. pag. 345.

(m) KOENIGSHOV. Chron. Alsat. nominatim pignus Imperii appellat. WIMPHELINGIUS de Episcopis Argent. p. 104. ait: a Romano Imperio impignoratam possedit.

berg, Civitates Offenburgi, Gengenbaci & Zellæ, cum omnibus juribus & pertinentiis pro nongentis marcis argenti, ponderis Argentinensis & quater mille libris Hallerorum oppigneravit. (n)

Carolus IV. Imp. A. 1349. pridie Palmarum confirmavit pignus; ita tamen, ut Marchio summæ priori aliam quinquies mille florenorum superaddere cogeretur. Virtute oppignerationis hujus Rudolphus Badensis in Civitatibus, Præfecturæ obnoxiiis, Consules, Senatum, Tribus ordinavit. Offenburgensis Civitas, literis die Simonis & Judæ datis A. 1349. jus hoc Marchionis agnovit.

## §. V.

Biennio post Cæsar mutavit sententiam, atque diplomate <sup>Argentinenses</sup> Marobaudi A. 1351. post festum Paschatis dato, Præfecturam Or-<sup>Episcopl.</sup> tenavicam a Marchionibus Badæ ad Episcopum Argentinensem transtulit. Bertoldus de Bucheck, Ecclesiæ Argentinensis tum Præful, Friderici & Rudolphi, Marchionum fratrum (o) jus, reddita eis sorte, redemit. (p) Res Offenburgi peracta ipso Eucha-

Tom. III.

Uu

(n) Literæ oppignerationis, A. 1334. datæ Passavi, in Tabulario Bada-Badensi extant. Vid. illas in *Cod. Dipl.* Tom. I. Num. CCL.

(o) Vide Tom. II. pag. 54.

(p) WIMPHELINGIUS sortem 44000. florenorum constituit, sed falso, ut

ristiæ festo A. 1351. ut Marchionum literæ, Offenburgi ea de re scriptæ, testantur. Paratam Episcopus cum non habuisset pecuniam, Argentinense telonium Marchionibus dedit in pignus. (9) Offenburgum Gengenbacum & Zella die 29. Junii Bertoldo Episcopo & Capitulo Argent. iusjurandum fidei præstiterunt. Rudolphus Saxo, Ludovicus Brandeburgicus, Rupertus Palatinus, Electores, relutioni eodem anno dederunt consensum. Gerlacus, Archiepiscopus Moguntinus, Carolus IV. Imp. ut Elector Bohemiæ A. 1353. Elector Colonienfis & Trevirensis A. 1356. ratione novæ summæ, pretio pignoris adjectæ, confererunt.

## §. VI.

Fata sub  
Argent.  
Eccles.

Enimvero quinque mille florenos, qui Episcopo debebantur, A. 1356. forti Cæsar adjecit. Sed & A. 1358. alios quinquies mille, A. 1362. itidem alios sex mille addidit forti florenos. Un-

---

& BRUSCHIUS de Episcopis Germanicis pag. 73. HERTZOG. Chron. Alsat. I. IV. pag. 95.

- (9) ALBERT. ARGENT. qui rectius MATTHIAS DE NEUBURG, scriptor vitæ Bertoldi Episcopi hac de re ita loquitur: „Bertoldus .... redemit a Marchionibus de Baden consensu Regis oppida Offenburg, Gengenbach, Zelle cum attinentiis, obligans pro his telonium Argentinense. se. „ URSTISI Script. Rer. Germ. Tom. II. p. 179. KORNIGSHORN Chron. Alsat. Cap. IV. pag. 258. Adde *Elfta Juris Publici Palat.* pag. 160.



de paulatim fors quadraginta septem millium florenorum emerfit. Carolus IV. præterea literis A. 1351. datis, singulare hoc privilegium Episcopo Argent. concesserat, ut non alii, quam Regi Romanorum, vel Imperatori, Advocatiam reluendi potestas competeret. Idem tamen Imp. A. 1365. Roberto I. Electori Palatino potestatem dedit, ut Castrum Ortenberg, Civitates Offenburg, Gengenbach & Zell, Episcopo & Capitulo Argent. oppigneratas, relueret. Sed recusante reluitionem Episcopo & successoribus, res caruit effectu. Quin & varia hinc inde damna Offenburgum intulisset Episcopus, Carolus IV. Imp. literis, A. 1367. die 21. Jan. datis, singula ei jura & privilegia Liberæ Civitatis Imperii confirmavit, eamque in suam protectionem specialem recepit.

## §. VII.

Successores Bertoldi, Johannes I. & II. Lambertus, Fridericus II. & Burcardus II. Argentinenses Episcopi, Ortenavi-  
Palatinus in commun. admittus.  
 cam Præfecturam ad tempora usque Ruperti I. Imp. omnem & indivisam retinuerunt. Tum vero Wilhelmus a Diest, continuus cum Civitate Argentinensi implicitus litibus, dimidiam ejus partem, cum Ecclesia Argentinensi indivisim possidendam, A. 1404. die Jovis ante Dominicam Palmarum Ruperto Palatino, Cæsari, reddidit. Anno sequente, die Saturni ante Dominicam Judica, Offenburgum, Gengenbacum & Zella, Civitates, Ru-

*Tom. III.*

Uu 2

perto Imp. jusjurandum præstiterunt. Hic literis eodem anno, die Mercurii post Judica, Germershemii datis, Advocatiæ Ortenavicæ reditus cum Argentinenſi Episcopatu æquis partibus se divisurum ſpoſpondit.

## §. VIII.

Scriptores  
notati.

WIMPHELINGIUS (r) ait: „ Dimidiam partem  
„ terræ trans Rhenanæ, Offenbourg, Gengenbach &c. Roberto  
„ Regi libere dedit Wilhelmus. GUILLIMANNUS (s)  
rem fuſius explicat; „ Ruperto Cæſari, inquit, cauſam ſuam  
„ probare maxime niſus, ut volentiorẽ quoque haberet, me-  
„ diam in Mortnavia Imperii Præſecturam, in qua Offenbur-

(r) *De Episcopis Argent.* pag. 104.

(s) *De Episcopis Argent.* pag. 411. BRUSCHIVS *de Episcopis Germaniæ* p. 73.  
„ ita ſcribit: „ Dimidiam partem Provinciæ trans Rhenanæ Offenbur-  
„ gum videlicet, Gengenbachium, Ottenburgum, Zellam Hermannaba-  
„ cenſem, & alia adjacentia loca Ruperto Regi libere tradidit. „ *Au-  
ſtor Dipl. ab Imp. Leopoldo urbi Cellenſi* A. 1639. conceſſi, fatetur etiam,  
dimidiam horum oppidorum partem Palatinæ Domui fuiſſe oppignera-  
tam, alteram dimidiam Episcopatui Argentinenſi. LUNIG *Reichs-Archiv*  
Tom. XIV. pag. 711. Clariffime rem omnem exponit diploma Sigis-  
mundi Imp. de A. 1437. Ottoni Comiti Palatino Rheni conceſſum, de quo  
paulo poſt dicemus. ZEILNERUS in *Topographia Suvviæ* p. 339. Wil-  
helmum Episcopum dimidiam Offenburgi partem Imperatori Ruperto  
conceſſiſſe perhibet.

„ gum, Gengenbach, Ortenburgum, Cella ad Hermansbach  
 „ & alia illis vicina, & conjuncta loca, &c. sponte & sine pre-  
 „ tio resignavit. „

Per mediam Præfecturam Guillimannus intellexit dimi-  
 diam. Errat autem, quando eam Imperatori sine pretio, ad con-  
 ciliandam sibi ejus benevolentiam; Willhelmum tradidisse scribit.  
 Rupertus vicies & ter mille florenos cum quingentis, id est, dimi-  
 diam fortis partem perfolvit Episcopo. Litibus autem ejus cum  
 Civitate Argentinensi se non immiscuit Cæsar, sed utrique parti,  
 arma ut deponerent, injunxit.

## §. I X.

Dimidiam Advocatiæ Ortenavicæ partem Rupertus, tan- <sup>Portio</sup>  
 quam Imperator, redemit, sed eandem brevi post in filium natu <sup>Palat.</sup>  
 majorem, Ludovicum Barbatum, transtulit, eique pro 23500. flo-  
 renis denuo oppigneravit. Castra & oppida, ad Præfecturam  
 spectantia, A. 1409. die 22. Octobris eidem Ludovico, Cæsaris  
 filio, & A. 1437. Ludovico, Barbatifilio, Cæsaris nepoti, jusju-  
 randum solitum præstiterunt. Ludovicus Barbatus enim A. 1424.  
 Litteris solennibus disposuerat, ut Ortenberg, Offenburg, Gen-  
 genbach & Zella omniaque huc pertinentia loca penes filium ejus  
 natu majorem, adeoque penes Electoratum manerent. (1) Eo-

Uu 3

(1) TOLNERUS *Cod. Diplom. Palat.* num. 414. pag. 260. instrumentum hoc  
 ad A. 1426. male retulit.

dem modo Fridericus I. Elector Palatinus in testamento suo A. 1470. disposuit. (u) Hæc de dimidia parte, quam Rupertus Imperator redemerat.

## §. X.

Portio  
Argent.

Ad dimidiam partem Argentinensis Episcopatus quod attinet, Sigismundus Imp. literis 1437. die Martis ante Festum D. Margarethæ Wilhelmo Argent. Episcopo, ut & aliis, eodem anno & die datis, Capitulo Argent. injunxit, ut Ottoni Mosbacensi, Comiti Palatino Rheni, Ruperti Imp. filio juniore, in quem relictionis jus suum transcripserat Cæsar, dimidiam Ecclesiæ Argentinensis partem pro mille viginti tribus & quingentis florenis, Capitulo solvendis, traderent; detracta tamen ea pecuniæ summa, quam Ludovicus, Ottonis frater, in partem hanc Episcopo Argent. numeraverat. Relictio hæc tamen, quam tantopere

---

(u) In eo hæc verba: „ Unser Sohn und Sin Erben sollen nach unserm  
 „ todt imhaben und blyben by solchen Landschaften, Schlossen  
 „ und Stetten, die unser Lieber Herr und Vatter nach innhalt sins  
 „ testaments sinem eltesten Sohn unserm Lieben Bruder Hertzog  
 „ Ludwig dem jüngern seligen gedacht und by der Pfaltz zu bliben  
 „ zugeordnet hat mit Namens . . . Ortenberg der Vesten und dem  
 „ Flecken darunter, Offenburg der Statt, Zelle der Statt und was  
 „ zu selbiger Gemeinschaft gehort. „ Loquitur de Præfectura Ortenaviensi.

exoptaverant Palatini, ob constantem Ecclesiæ Argentinensis repulsam, caruit successu. A. 1440. enim Civitates, ad Præfecturam spectantes, Conrado Argentinensi Episcopo, consuetum iusjurandum præstiterunt.

## §. XI.

At in alia omnia deinceps Fridericus IV. Imperator discessit. Hic enim A. 1453. literis Neptadii datis, Carolo I. Marchioni Badensi, affini suo, facultatem concessit, ut a Ruperto Episcopo & Capitulo Argent. eorumque successoribus Argentinensem redimeret partem. Quin & Palatinam Præfecturæ partem in eundem Carolum Marchionem translaturus, A. 1462. ad Civitates Præfectoriales scripsit, ne futuris temporibus Fridericum Electorem Palatinum, sed Carolum Marchionem Badensem pro Præfecto agnoscerent. (x)

Verum nec Argentinensis Episcopus, nec Palatinus Elector, Cæsaris iussis morem gesserunt. Ortenavia per reliquum seculi XV. tempus in potestate Electoris Palatini & Argentinensis Episcopi constanter permansit.

A. 1478. Civitates Præfectoriales Alberto Episcopo Argent. ex Comitibus Palatinis, Ottonis Mosbacensis filio, iusjurandum præstiterunt. Vicissim Episcopus Civitatum jura pri-

Utraque  
Marchio-  
ni delata.

Sed frustra.

(x) Utraque Charta in Tabulario Bada-Badensi extat. Vide supra Tom. II. pag. 155.

vilegia & consuetudines sancte se servaturum jurejurando spondit.

### §. XII.

Portio  
Palat.  
a Max. I.  
occupata.

At sub ipso hoc Alberto Palatino, Philippus Palatinus Elector, dimidiam illam Ortenavicæ Præfecturæ per centum annos a decessoribus possessam, A. 1504. amisit. Tum temporis enim bello, ob Georgii Divitis, Bavariae Ducis, successionem exorto, Maximilianus I. Imperator Philippum Electorem cum filio Ruperto, Georgii Divitis genero, foci succcessionem pertinaciter affectante, proseripsit. Proseriptionis occasione Palatina pars Præfecturæ Ortenavicæ, Palatinis bello erepta, ad Austrios transiit; qui bello finito eam sibi retinuerunt.

Neque vero dimidiam Præfecturæ Ortenavicæ partem Maximilianus Palatinis abstulisse contentus erat; abstulit eis quoque Præfecturam decem Civitatum Alsatiae omnem, quæ Haguenensis vocatur.

### §. XIII.

Trithemii  
testi-  
monium.

TRITHEMIUS Abbas inquit: (y) „Maximilianus Argentinensium auxilio Regni terras & oppida impignerata „Palatinatui sine sanguinis effusione invasit & obtinuit, Ge- „ roldseck

(y) Chron. Hirfang, ad A. 1504. pag. 606.

„ roldseck Castellum & Comitatum Offenburg, Ortenberg, Gen-  
 „ genbach & quidquid in circuitu juris fuerat Palatini. „

Parum itaque accurate urbis Cellensis Notitia apud LUNIGIUM (z) ait, Præfecturam & urbes Imperiales Ortenaviæ pignoris nexu tum fuisse solutas.

Ipse Maximilianus I. hoc anno Ortenaviam intravit & re-  
 tenta sibi parte dimidia, quæ nuper Palatina fuerat, alteram di-  
 midiam Præfecturæ illius, ab Imperio oppigneratæ, partem Al-  
 berto, Argentoratensium Episcopo, confirmavit. (a)

#### §. XIV.

Neque tamen dimidia Ortenaviæ pars, Palatinis erepta, <sup>Eadem</sup> <sup>Fürsten-</sup>  
 ad Imperium rediit. Cæsar indecorum arbitratus, familiæ eam <sup>berg, col-</sup>  
 suæ annectere; Wolfgango, Fürstenbergio Comiti, Aulæ suæ Ma- <sup>lata.</sup>  
 refschallo, & Alsatiæ Provincialis tum Præfecturæ possessori, eam  
 tradidit; ob officia, quæ ei præstiterat Comes, & ob viginti qua-  
 tuor millium florenorum summam, quam stipendii nomine, & ex

Tom. III.

Xx

(z) *Reichs-Archiv* Tom. XIV. pag. 711.

(a) Literæ d. 19. Aug. datæ in Tabulario Badensi servantur.

mutuo Comiti debuerat Cæsar; jus retractus tamen & regalia nonnulla, speciatim jus metallifodinarum, sibi & Imperio reservans. Novæ hujus oppignerationis Instrumentum Offenburgi conditum die 7. Aug. A. 1504. (b)

## §. X V.

Trans-  
actio  
cum Pa-  
lat.

**M**ortuo Electore Philippo, A. 1508. filius ejus Ludovicus Pacificus, de damnis, Domui suæ illatis, speciatim de ereptis Ortenaviæ & Alsatæ Præfecturis apud Imperatorem conquestus est, quod utraque pignoratitio jure ad Palatinos pervenerit. Inter Maximilianum & Ludovicum his denique conditionibus transactum, ut omnia sua in utramque Præfecturam jura in Austriacam Domum Palatinus transferret, atque ab ea centum florenorum millia in compensationem acciperet. Consensit Fridericus, Ludovici Pacifici, inter hæc mortui, frater, idemque in Electoratu successor.

---

(b) Extat in Tabulario Badenſi.



## §. XVI.

**C**arolus V. Imp. Maximiliani successor, condiciones implevit, atque pecuniam, Palatinis promissam, iussit exsolvi. (c) <sup>A Carolo V. per-</sup> Instrumentum cessionis A. 1521 Wormatiæ confectum, festo Corporis Christi. Fürstenbergii Comites tamen & Episcopi Argentinenſes Præfecturæ Ortenaviensis possessionem constanter retinuerunt. Homines Præfecturæ subjecti A. 1523. Regimento Imperii contra Abbatem Gengenbacensem, de jure manus mortuæ, obtulerunt libellum, in quo de Episcopo Argentoratensi & Comitibus Fürstenbergiis, tanquam Præfecturæ Ortenaviensis hypothecariis, loquuntur. (d) Paulo post (1521.) Carolus V. fratri

Tom. III.

XX 2

- (c) CHIFFLETIUS in *Asiatia vindicata* Cap. 9. pag. 55. ait: „ Carolus V. Imp. „ Advocatium Alfatiz fiduciæ Palatinorum pridem creditam una cum „ Advocatia de Ortenau postea redemit pro summa 80. millium florenorum German. in Capitali & 20. millium in expensis, illasque ut „ Luxemburgi Dux, suis heredibus iterum asseruit. „

Chiffletiana hæc veritati repugnant.

Carolus V. enim non ut Luxemburgi, sed ut Austriæ Dux, hæc Præfecturas suæ genti vindicavit.

- (d) *Wir Unterthanen der Pfandschaft Ortenburg in der Mortenau gelegen, brin-*

suo Ferdinando Austriacas ditiones omnes, in Germania sitas, ut  
& illas, quas pignoris jure tenuit, sponte concessit.

## §. XVII

Ferdi-  
nandos I.  
pignoris  
dominus.

Imperium eidem Ferdinando, Regi Romanorum, A. 1542.  
auxilia contra Turcas decrevit. Auxiliorum hiberna 197480.  
floreus constiterunt Ferdinando, quos suo aere perfolvit. Caro-  
lus V. ei atque heredibus Svevicam, Alsaticam & Ortenaviensem,  
adeoque tres Praefecturas Imperii A. 1548. novo pignoris nexu  
obligavit. (e) Idem Imp. Guilielmo, Argentoratensium Episco-  
po, ante XXVII. annos facultatem reluendi dimidiam Praefectu-  
rae Ortenavienensis partem, a Fürstenbergiis possessam, concessit-  
rat; retractus & aperturae Juribus Austriacae Domui servatis. Di-  
ploma Wormatiae datum die 24. Maji A. 1521. At Guilielmus ab

---

*gen für: Daß ein Abbt zu Gengenbach in des Reichs Land Mortenau, so  
dem Hochwürdigem Fürsten, unserm gnädigen Herrn von Straßburg Etc.  
und den Wohlgebohrnen Herren Wilhelm und Friedrichen Gebrüdern,  
Sohnen Graff Wolffgangs, Grafen zu Fürstenberg, durch Weyland Römi-  
sche Kayser und das Heylige Reich in Pfandschaft zugesellet worden. Etc.*

(e) Diploma Caroli V. extat in Corp. Dipl. Tom. IV. P. I. pag. 439.

Honstein Episcopus dimidiam illam Præfecturæ partem, a Guilielmo a Dieft alienatam, reluendi occasionem neglexit, quanvis per totos viginti annos post concessionem hanc Argenteratensi Ecclesiæ præfuerit; turbis, ob religionis dissidia, obortis, sine dubio impeditus.

## §. XVIII.

Erasmus successor tam parum de reluitione sollicitus fuit, <sup>Præfecturam omnem redimit.</sup> ut etiam Argentinensis suæ Ecclesiæ portionem Ferdinando, cui frater reluendi facultatem A. 1550. novis literis dederat, concefferit, atque adeo Præfecturæ hujus homines a jurejurando sibi præstato liberaverit. Instrumentum hac super re die 2. Oct. A. 1556. confectum Udenhemii, in Palatio Episcopali Spirensi. Rudolphus enim Spirensis Episcopus conciliator negotii fuit. Idem Ferdinandus jam ante sexennium Fürstenbergiorum partem, reddita Friderico Fürstenbergio Comiti, pro qua oppignerata primum fuit, pecunia, liberaverat nexu. Eodem ergo A. 1550. quo Fürstenbergius oppignerationis pretium, Ferdinandus Rex Romanorum persolvit, ipsam quoque Episcopatus Argentinensis partem

redimendi jus pro se & heredibus masculis a Carolo V. fratre accepit. Sic tota Ortenaviensis Præfectura, ut pignus Imperii, ad Austrios tandem solos pervenit; qui ab hoc tempore eam vel ipsi tenuerunt, vel aliis concesserunt in feudum.

Idem Ferdinandus A. 1558. Othoni Henrico, Electori Palatino, quinquaginta solvit florenorum millia, ut Alsaticam Præfecturam, quam Ludovicus Pacificus Elector A. 1530. receperat, ad suam quoque Domum transferret. (f)

### §. X I X.

Pace  
West-  
phal. Au-  
striacis  
confir-  
matur.

Illustres ergo duo ad Rhenum Præfecturæ Cæsareæ, quæ tredecim Civitates Imperii, & ultra octoginta Imperii vicus tum fuerant complexæ, intra octennium in Austriacam ditionem pervenerunt.

Bello tricennali Gallicæ copię Ortenaviam occupabant, cujus Præfectura pacis Monasteriensis decreto (g) ad Ferdinan-

(f) ALSATIA ILLUSTR. Tom. II. pag. 576.

(g) ART. XII. §. 85.

dum pervenit. „ Totam Ortenavian, verba sunt Formulæ Pa-  
 „ cis, cum Civitatibus Imperialibus Offenburg, Gengenbach &  
 „ Cella am Hamnerspach, quatenus scilicet Præfecturæ Orte-  
 „ navienfi obnoxia sunt, adeo ut nullus omnino Rex Franciæ  
 „ quicquam juris aut potestatis, in his præmemoratis parti-  
 „ bus, cis & ultra Rhenum sitis, ullo unquam tempore præ-  
 „ tendere aut usurpare possit aut debeat, *ita tamen ut Austria-*  
 „ *cis Principibus, prædicta restitutione, nihil novi juris acqui-*  
 „ *ratur.* „

Præfectura hæc ditionibus Austriacis, anteriores quas vo-  
 cant, contermina, Enlishemiano Regimini olim eadem ratione,  
 qua Alfatiça, fuit obnoxia, indeque ad Oenipontanum Archidu-  
 cis Regimen provocatio fuit.

## §. XX.

Leopoldus Imperator Ludovici Marchionis Badensis in <sup>Badensi-</sup>  
 Austræ Domum merita remuneraturus, ei atque descendentibus <sup>bus datur</sup>  
 masculis Præfecturam Ortenaviæ, ut feudum, a Domo Austriaca <sup>in feu-</sup>  
 pendens, A. 1701. concessit. (h) Cæsarea hac donatione Baden-

---

(h) Vide supra pag. 236.

ses Praefecturam, quam pignoris jure A. 1334. jam ab Imperio tenuerant, atque A. 1351. amiserant; in quam A. 1453. jus reluendae partis dimidiaë denuo acquisierant, post tria cum dimidio secula titulo feudali ad suam Domum reducerunt.



## CAPUT II.

## §. I.



Ortenavica, quam descripsimus, Præfectura, quam <sup>Præ-  
fecturæ in-  
doles.</sup> etiam Advocatiam appellant, non super Ortenaviam omnem, sed, uti jam dictum, super tres Civitates ejus Imperiales & super plurimos ejus vicos sese extendit. Ortenberg Castrum, (i) rupi impositum, erat sedes Præfecti; cujus Præfecturæ Offenbourgum, Gengenbaccum, Zella ad Hammersbachium, oppida Imperii, hodieque subsunt. Vici, Vilerii, Viculi & Valles (k) eidem Advocatiæ subordinati in IV. Judicia dividuntur, quæ dicuntur Provincialia, (*Landgerichte*) dicuntur etiam *Hauptgerichte* in relatione ad minora judicia, quæ *Astergerichte* appellant.

## §. II.

## I. JUDICIUM ORTENBERGENSE ET LEFFERSBERGENSE.

Indi-  
cibus  
quatuor.

Hoc in duas Jurisdictiones Inferiores (*Staab*) subdividitur; nempe ZELL & GOLTSCHUEER.

Tom. III.

Y y

(i) *Das Schloß und Haus* plerumque der *Stein* Ortenberg.(k) *Dörfer, Weiler, Zinckhen und Thäler.*

## Ad ZELLEENSEM pertinent:

Rambfchweyer,  
Wejerbach,  
Zell,  
Riedling,  
Albersbach citerior & ulterior,  
Fessenbach (Forder und Hinter)

## Ad GOLTSCHUEURENSEM referuntur:

Ritterspurg,  
Goltzscheuer,  
Marlen,  
Mühlen.

II. JUDICIUM ACHERENSE vicis sequentibus  
constat:

Nieder Acheren,  
Gambshurst,  
Fauttenbach,  
Oehnsbach,  
Ober Achern.

## III. JUDICIUM APPENWIRENSE; habet vicos:

Appenweyer,  
Uhrloffen,



Nufsbach,  
 Zufenhoffen,  
 Bottenard ex parte,  
 Hertzthal,  
 Meifenbühel.

IV: JUDICIUM GRUSENHEIMENSE continet:

Grusenheim,  
 Weyher,  
 Waltersweyer,  
 Bühel,  
 Bohlsbach,  
 Ebersweyr,  
 Ramsweyr ex parte,  
 Windschleg.

Præter hæc quatuor Judicia majora, duo sunt quoque minora *Ottersviranum* & *Zunsviranum*. Illud vicos Otterswir & Lauffen cum villis quibusdam comprehendit.

§. III.

Majorum Judiciorum Præfides <sup>(1)</sup> Præfectus Ortenaviæ <sup>Eorum formula.</sup> constituit. A Judiciis ad Castrum Ortenberg, ubi sedet Præfe-

Tom. III.

Yy 2

(1) Germanis *Fogt*.

ctus; a Praefecto ad Regimen Tabernenſe Alſaticum provocatio fiebat; eo tempore, quo Advocatia Ortenaviae Epifcopo Argentinenſi fuit oppignerata. Seculo hoc ad Bada-Badenſe Regimen, quod Raſtadii eſt, provocatur. Ex quo Caſtrum Ortenbergæ deſtructum, cauſæ criminales pro diverſitate loci & delicti in his quatuor Judiciis promiſcue tractantur. (m)

## §. I V.

Praefecti  
potestas.

Praefectus Ortenavicus olim, Decapolitani Alſatici inſtar a Praefectorialibus Urbibus juſjurandum fidei accepit; illisque reciproco jurejurando libertates eorum atque privilegia ſe deſenſurum promiſit. Praefectus ſolemni Statuum Provincialium Conventui praefidet. Ipſe Scultetum Imperii (n) in ſingulis Civitatibus ex Duodecimviris conſtituit, atque Monasterii Imperialis Gengenbacenſis Advocatus perpetuus eſt. Gaudet per omnem Praefecturam regalibus juribus, quæ ante opplgnationem Imperatori & Imperio competeabant; (o) Jure conductus; ſequelæ; ſteuræ, precariæ, tributorum, foreſtæ & fiſci. Exercet merum & mixtum imperium.

(m) Judicium Criminale cum habendum eſt, VII Judices ex ruſticis ad illud eliguntur, quibus proceſſus Criminalis a Regimine Advocati inſtructus & ſententia ibi lata prælegitur, Judices acquieſcunt.

(n) *Reichs-Schultzeis.*

(o) *Als Pfandherr; unde Praefectura die Pfandschafft Ortkan.*

## §. V.

Ortenaviæ Præfecturæ dignitas ante oppignerationem <sup>Præfeti antiqui.</sup> ambulatoria cum fuisset, Cæsares nonnisi ex illustribus Germaniæ gentibus elegerunt Præfectos. In Monumentis occurrunt:

1260. Hermannus a Geroldseck. (*p*)

1292. Comes a Catzenelenbogen. (*q*)

1297. Hermannus a Geroldseck. (*r*)

1299. Otto de Ochsenstein, Ottonis filius. (*s*)

1326. Rudolphus Marchio Badensis Senior.

## §. VI.

Appendicis loco observamus, in Achera inferiore, Præ-Turennii <sup>memoria.</sup> fecturæ Ortenaviæ vico, (*t*) magni Turennii viscera servari. Turennius Brandenburgicum Electorem, Fridericum Wilhelmum, & Bournonvillium, Cæsarei exercitus Ducem, prælio ad Turringhemium, quod Imperialis olim Civitas superioris Alfatæ, leuca distans Colmaria, die 5. Jan. A. 1675. ex Alfatensis hibernis expellens, belli theatrum in Ortenaviam transtulit; ponte super Rhenum Altenhemii, tribus supra Argentoratam leucis, constru-

Yy 3

(*p*) KORNIGSHOVEN pag. 352.

(*q*) *Annales Colmar*, pag. 26.

(*r*) KORNIGSHOVEN pag. 120.

(*s*) Idem pag. 121.

(*t*) *Nider Acheren*.

cto. Bournonvillius, revocatus a Cæsare, qui Montecuculio bellum contra Gallos gerendum commisit, Turennius ad Willstadium metatus est castra; Montecuculio ad Schutteræ Monasterium, dein ad Offenburgum sua castra figente. Junius & pars maxima Quintilis sine proelio transacti. Montecuculius denique pedem fixit ad Buhlam; bihorio a Badâ. Turennius transtulit sua castra ad Acheram vicum, qui inferior dicitur.

### §. VII.

Sasbaci  
occifus.

Sasbacum Argentinenfis Episcopi in Ortenaviae vicus est, Oberkirchensi Præfecturæ adscriptus, inter præstantiores censendus, a Rheno tribus horis, a promontanis Nigræ Silvæ mille passibus remotus; quem rivus cognominis perluit. Omnis illa regio frugibus, vitibus, pratis & hortis abundat. In tractu hoc proelium inire decreverat Turennius. Cæsareanus exercitus Gallicusque in campis molliter editis confederunt. Medium inter eos fuerat Sasbacum. Galli ad austrum, ubi campus sepulcreti; (u) Cæsareani ad boream, ubi campus *Hochfeld* & Trinitatis est faenum. Duos inter exercitus nonnisi dimidiæ fuit leucae intervalum. Galli a parte sua construxerant aggerem. Locus nunc vitibus confitus, hodieque incolis *Vallum* (x) vocatur. Turennius, hostium situm propius explorans, in Sasbacensis sepulcreti vicinia

(u) *Das Gottesackerfeld.*

(x) *Das Schanzlein.*

prope arborem castra Caesareanorum omni ex parte examinavit sollicitè; eos aggressurus postridie. At speculatorem & ipsi Caesareani speculati, ferrèa glande, ex tormento bellico emissâ, equo insidentem, percusserunt; ignari quis esset.

## §. VIII.

Fatalis hic Turenno dies est vigesimus septimus Julii styli <sup>Viscera Acherae</sup> novi A. 1675. (y) Transportatus in Acherae inferioris vicum, se-  
condita. mileuca qui distat Sasbaco. Viscera non Parochiali Acheranae, sed veteri Capellae D. Nicolai, in extremitate Burgi sitae, illata, ad Evangelii cornu altaris recondita sunt. Corpus in Galliam delatum, in San Dionysiano prope Lutetiam Fano, ubi reges sepeliuntur, sepultum. Hanc de magno Galliae heroe ejusque extremis notitiam Diatribae adjeci, quod nec Sasbaci, nec Acherae posita sunt Turenno monumenta, quae rei tam memorabilis memoriam propagarent ad posteros.

(y) Descriptionem ac delineationem rei hujus exhibet *Diarium Europaeum* Parte XXXII. pag. 528. RAMSAY *Hist. du Vicomte de Turenne* Tom. I. pag. 580. Vide supra pag. 168.

FINIS TOMI TERTII.

101145941



NUMISMATA  
BADENSIA  
BERNHARDINAE  
LINEAE.



*J. M. W. C. sculp. Argent.*







TABI

B BERNHARDVS.



TAB II

IOHANNES  
ELECTOR TREVIRENSIS



2000

2

2

2000

2000

2000

2000

2000

2000

2000

2000

2000

2000

2000

2000

2000

2000

2000

2000

2000

2000

2000

2000

2000

2000

2000

2000

2000

2000

2000

2000


2000

1875-1876

1875-1876

1875-1876

CHRISTOPHORVS.



TAB IV.

IACOBVS.  
ELECTOR TREVIRENSIS.



BERNHARDVS ET ERNESTVS  
FRATRES.



PHILIPPVS.



THE UNIVERSITY OF CHICAGO

THE UNIVERSITY OF CHICAGO  
LIBRARY  
1100 EAST 58TH STREET  
CHICAGO, ILL. 60637

THE UNIVERSITY OF CHICAGO

LIBRARY

1100 EAST 58TH STREET

CHICAGO, ILL. 60637

THE UNIVERSITY OF CHICAGO

LIBRARY

1100 EAST 58TH STREET

CHICAGO, ILL. 60637





TABV.

BEATRIX.  
CHRISTOPHORI FILIA.



CAECILIA.




TABVI

EDVARDVS  
FORTVNATVS.

I



II



THE UNIVERSITY OF CHICAGO LIBRARY





TABVII


WILHELMVS.



WILHELMVS.



MARIA.  
WILHELMI FILIA.











TABIX


LVDOVICVS  
WILHELMVS



TAB. X

LVDOVICVS  
WILHELMVS.







•




VIII



IX



LVDOVICVS  
GEORGIVS.



MARIA IOSEPHA  
LVDOV. GEORG. CONIVX.













